

MÕTÕN KALIMUR EO MOKTA

KAB

KALIMUR EKĀL

JEJE KO RE KWOJARJAR.

BUK KO ILO KALIMUR EO MOKTA; ETAIR IM ORAN JAPTER KO.

Alen.		Karu.	Japter ko.
3	Jenesis	Jen	50
54	Exodus	Ex	40
98	Livitikōs	Liv	27
130	Bwinbwin	Bwin	36
173	Duteronomi	Dut	34
210	Joshua	Josh	24
235	Dri Ekajet Ro.	Ekaj	21
260	Rut	Rut	4
264	I. Samuel	I. Sam	31
297	II. Samuel	II. Sam	24
325	I Kiñ Ro	I. Kiñ	22
357	II. Kiñ Ro	II. Kiñ	25
388	I. Kronikel	I. Kron	29
417	II. Kronikel	II. Kron	36
453	Ezra	Ezra	10
463	Nihimaia	Nih	13
478	Ester	Est	10
486	Job	Job	42
517	Sam Ko	Sam	150
593	Jabōn Kennan Ko	Ken	31
619	Ekklesiastis	Ekk	12
627	Al eo an Solomon	Al	8
632	Aiseia	Ais	66

JENESIS

AK

JINOIN

1 Ilo jinoin ²Anij e ar ³kōmōnmōn lōñ im lōl. 2 Im lōl ⁴ejelok wāen, im ejelok kobōn, im e marok ion mejen lometo, im Jitōb òn Anij ej beroane mejen dren ko. 3 Im Anij e ar ba, ⁵En maram: im e maram. 4 Im Anij e ar lo maram bwe emōn: im Anij e ar ⁶kijbil maram jen marok. 5 Im ⁷Anij e ar likit etan maram Ran, im E ar likit etan marok Boñ. Im e kar jota im e kar jiboñ, ran eo mokta.

6 Im Anij e ar ba, En juōn ⁸mejatoto iolapen dren, bwe en kijbil dren ko jen dren ko. 7 Im Anij e ar kōmōn mejatoto, im E ar kijbil ⁹dren ko iomin mejatoto jen dren ko rej ber ion mejatoto: im ej einwōt. 8 Im Anij e ar likit etan mejatoto Lōñ. Im e kar jota im e kar jiboñ, ran eo ken ka ruo.

9 Im Anij e ar ba, ¹⁰Dren ko iomin lōñ ren koba ilo juōn jikin, im ¹¹en walok ene emōrā: im ej einwōt. 10 Im Anij e ar likit etan ene emōrā Lōl; im ¹²ijo dren ko rej koba, Ej likit etan Lometo: im Anij e ar lo bwe emōn. 11 Im Anij e ar ba, Ene en kadrek ¹³ujoi, im mār rej jebar ineir, im wijki ko rej jebar leir kaju wāweir, ine ko iloir, ion lōl: im ej einwōt. 12 Im ene e ar kadrek ujoij, im mār rej jebar ineir kaju wāweir, im wijki rej jebar leir, ine ko iloir, kaju wāweir: im Anij e ar lo bwe emōn. 13 Im e kar jota im e kar jiboñ, ran eo ken ka jilu.

14 Im Anij e ar ba, En or maram ko i ¹⁴mejatoto in lōñ, bwe ren kijbil ran jen boñ; im ren ber kin ¹⁵kakōle ko, im kin añōneañ im rōk ko, im kin

ran ko, im yiō ko: 15 im ren ber kin maram ko i mejatoto in lōñ bwe ren letok maram ion lōl: im ej einwōt. 16 Im Anij e ar kōmōnmōn maram ko ruo relap; ¹maram eo elap bwe en iroi in ran, im maram eo eriklok bwe en iroi in boñ: im Ej kōmōn ²iju ko bareinwōt. 17 Im Anij e ar likit ir i mejatoto in lōn, bwe ren letok maram ion lōl, 18 im bwe ren iroi in ran, im iroi in boñ, im bwe ren kijbil maram jen marok: im Anij e ar lo bwe emōn. 19 Im e kar jota im e kar jiboñ, ran eo ken kemn.

20 Im Anij e ar ba, En lōñ an dren ko kemour men in mour ko, im bao ko ren kākī ion lōl, ilo mejen mejatoto in lōñ. 21 Im Anij e ar kōmōnmōn ³men in mour ko relap i lojit, im men ko otemjej rej mour im makōtkit, men ko dren ko rej kemour im elōñ, kaju wāweir, im bao otemjej kaju wāweir: im Anij e ar lo bwe emōn. 22 Im Anij e ar kejeramōn ir, im ba, Komin timon, im orlok, im kobrōk dren ko i lojit, im bao ko ren orlok ion lōl. 23 Im e kar jota im e kar jiboñ, ran eo ken ka lailim.

24 Im Anij e ar ba, ⁴Lōl en kemour men in mour kaju wāweir, kiru ko rawie, im men ko rej tōbōlbōl, im kiru in ene kaju wāweir: im ej einwōt. 25 Im Anij e ar kōmōnmōn ⁵kiru in ene kaju wāweir, im kiru ko rawie kaju wāweir, im men otemjej rej tōbōlbōl ion lōl kaju wāweir: im Anij e ar lo bwe emōn. 26 Im Anij e ar ba, Jen kōmōnmōn armij ⁶ilo wāwer im einwōt Kij: im ren ⁷iroij ion ilk in lojit, im ion bao in mejatoto, im

¹ Jon. 1. 1. 2. ² Jerb. 17. 24. ³ Ais. 48. 5. ⁴ Jer. 4. 23. ⁵ 2 Kor. 4. 6. ⁶ Ais. 45. 7. ⁷ Sam 74. 16. ⁸ Ais. 40. 22. ⁹ Job 38. 8-11. ¹⁰ Sam 104. 6-9; 2 Pit. 3. 5. ¹¹ Sam 24. 1. 2. ¹² Sam 33. 7. ¹³ Sam 104. 14. ¹⁴ Sam 19. 1. ¹⁵ Sam 104. 19.

¹ Sam 136. 8. 9. ² Sam 8. 3. ³ Sam 104. 25-28. ⁴ Jap. 2. 19. ⁵ Jer. 27. 5. ⁶ Jap. 6. 1; 9. 6. ⁷ Sam 8. 6-8.

ion kiru kōn, im ion aolepen lōl, im ion men in tōbōlbōl otemjej rej tōbōlbōl ion lōl. 27 Im Anij e ar kōmōnmōn armij ¹ilo wāwen wōt E. ilo wāwen Anij e ar kōmōnmōn e; ²man in kōra E ar kōmōnmōn ir. 28 Im Anij e ar kejerammōn ir: im Anij e ar ba nōn ir, ³Komin timon im orlok, im kobrōk lōl, im kajur jen e; im komin iroi ion iik in lojit, im ion bao in mejatoto, im ion men otemjej rej mour im makōtkit ion lōl. 29 Im Anij e ar ba, Lo, I ar liwoj nōn kom ⁴mār otemjej rej jebar ine, ion mejen aolepen lōl, im wijki otemjej, leen wijki iloan im ej jebar ine; e naj kijimi: 30 im nōn kiru otemjej ilōl, im nōn bao otemjej in mejatoto, im nōn men otemjej rej tōbōlbōl ion lōl, im eor air mour, I ar lelok mār otemjej e māroro, kijeir; im ej einwōt. 31 Im Anij e ar lo men otemjej E ar kōmōnmōni, im lo, re ⁵kanuij emōn. Im e kar jota im e kar jibōn, ran eo ken ka jiljino.

2 Ein drein ar kamwijlok lōn ko im lōl, im aolepeir otemjej. 2 Im ilo ⁶ran eo ken ka jiljilimjuōn Anij e ar kamwijlok An jerbal eo E ar kōmōne; im E ar ⁷kakije ilo ran eo ken ka jiljilimjuōn, jen jerbal ko An otemjej E ar kōmōne. 3 Im Anij e ar kowāppen ran eo ken ka jiljilimjuōn, im kokwojarjar e; bwe ilo ran eo E kar kakije jen jerbal ko An otemjej, ko Anij e ar jerbal im kōmōnmōni.

4 Men kein ebeben in lōn ko im lōl ke ar kōmōnmōn ir, ilo ran eo ke Jeova Anij e ar kōmōn lōl im lōn. 5 Im jul otemjej in ene re jañin ber ilo brij, im mār otemjej in ene re jañin edrek; bwe Jeova Anij e jañin ⁸kowut ion lōl: im ejelok armij bwe en kalibwin ene; 6 a juōn tap e ar wōnliñlok jen lōl, im kamorur mejen aolepen ene. 7 Im Jeova Anij e ar ⁹kōmōn im nawāwen armij jen bōñōl-nōl in ene; im E ar ukwi ilo bodin menono in mour; im armij eo ¹⁰ej mour. 8 Im Jeova Anij e ar kali-

bwin juōn jikin kallip i rear, i Iden; im ijo E ar likit armij eo E ar kōmōne. 9 Im Jeova Anij ej ar kadrek jen ene wijki otemjej re wōleo nōn mej, im remōn nōn mōña; im ¹wijki in mour iolapen jikin kallip eo, im wijki in jela emōn im nana. 10 Im juōn river ej drioi jen Iden bwe en kaimlolo jikin kallip eo; im jen ijo ej jibil im emen unin. 11 Im etan eo mokta Paishon: eñin eo ej kabol enen Havila, ijo eor gold; 12 im gold in eneo emōn: ijo eor bedelium im dreka beril. 13 Im etan river eo ken ka ruo Gaihon: eñin eo ej kabol aolepen enen Kush. 14 Im etan river eo ken ka jilu Hidekel: eñin eo ej ilok nōn rear in Assiria. Im river eo ken kemen Upretis. 15 Im Jeova Anij e ar bōk armij eo im likit e ilo jikin kallip in Iden, bwe en jerbal e im kejbārok e. 16 Im Jeova Anij e ar jiroñ armij eo, im ba, Jen wijki otemjej i jikin kallip eo kwo maroñ mōña wōt: 17 a kin wijki in jela emōn im nana, kwon jab mōña jen e: bwe ilo ran eo kwoj mōña jen e, ²kwo naj mij otem mij.

18 Im Jeova Anij e ar ba, E jab emōn bwe armij eo en mōke ian; ³I naj kōmōn rajitan. 19 Im Jeova Anij e ar nawāwen jen brij in ene, kiru otemjej in ene, im bao otemjej in mejatoto; im E ar āñintok ir nōn leo bwe En jela āt ōt eo e naj likit etair: im āt eo jabrewōt leo e ar naetan men in mour otemjej, eñeo etan. 20 Im leo e ar naetan kiru ko rawie otemjej, im bao in mejatoto, im kiru awia otemjej; a kin Adam ejelok rajitan. 21 Im Jeova Anij e ar kōmōn bwe kiki mitoñ en buñ ion leo, im e ar kiki; im E ar bōk juōn dri jen katin, im binej ijo kin kōniek: 22 im dri eo Jeova Anij e ar bōk jen leo, E ar kōmōnmōn kōra jen e, im āñintok e nōn iben leo. 23 Im leo e ar ba, ⁴E in kiō drin driō, im kōniekin kōniekiō: naj likit etan Kora, bwe ar bōk e jen Eman. 24 ⁵Kin men in leo e naj likit jemen im jinen,

¹ 1 Kor. 11. 7. ² Mat. 19. 4. ³ Jap. 9. 1. 7. ⁴ Sam 104. 14. ⁵ Sam 104. 24. ⁶ Ex. 20. 8-11. ⁷ Hib. 4. 4. ⁸ Jer. 10. 12, 13. ⁹ Jap. 3. 19. ¹⁰ 1 Kor. 15. 46.

¹ Rev. 22. 2, 14. ² Jem. 1. 15. ³ 1 Kor. 11. 9. ⁴ Eph 5. 28, 29. ⁵ Mat. 19. 5; 1 Kor. 6. 16; Eph. 5. 31.

im edrep na iben lio belen : im irro naj juōn wōt kōniek. 25 Im irro otemjej kelwan, leo kab lio belen, im re jab jok.

3 Kiō ¹serpent e ar jela mon elap jen aolepen kiru awia, ko Jeova Anij e ar kōmōnmōni. Im ej ba ñōn kōra eo, Emol ke Anij e ar ba, Komin jab mōña jen wijki otemjej ilo jikin kallip eo? 2 Im lio e ar ba ñōn serpent eo, ²Kim maroñ in mōña jen leen wijki ko ilo jikin kallip eo: 3 a jen leen wijki eo iolapen jikin kallip eo, Anij e ar ba, Komin jab mōña im jab uñire, bwe kom naj mij. 4 ³Im serpent eo e ar ba ñōn lio, Kom jamin mij otem mij: 5 a Anij E jela, bwe ilo ran eo komij mōña jen e, inem mejemiro re naj bellok, im kom naj einwōt anij rōn kin ami jela emōn im nana. 6 ⁴Im ke lio e ar lo bwe emōn leen wijki eo ñōn mōña, im wōleo ñōn mejen, im juōn wijki emon bwe en kameletlet, e ar bōk jen leen, im mōña; im e ar bareinwōt lelok ñōn leo belen iben, im e ar mōña. 7 Im e bellok mejeriro, im rar jela bwe re kelwan: im rar wiwā bwilik in wijki fig im kōmōn air kōl. 8 Im rar roñ ainiken Jeova Anij etetal ilo jikin kallip eo ke e ar aimerlok: im ⁵leo kab lio belen rar tilekek jen iman mejen Jeova Anij i bwiljin wijki ko ilo jikin kallip eo.

9 Im Jeova Anij e ar kir leo, im ba ñōn e, Ewi kwe? 10 Im e ar ba, I ar roñ ainikiōm ilo jikin kallip eo: im I ar mijōk, bwe ña I kelwan; inem I ar tilekek. 11 Im e ar ba, Wōn e ar ba ñōn yuk bwe kwo kelwan? Kwar mōña ke jen wijki eo I ar jiroñ yuk bwe kwon jab mōña jen e? 12 ⁶Im leo e ar ba, Kōra eo Kwar letok bwe en ber iba, e ar letok ñōn iō jen wijki eo, im I ar mōña. 13 Im Jeova Anij e ar ba ñōn lio, Ta eo kwar kōmōne? Im lio e ar ba, ⁷Serpent eo e ar mone iō, im I ar mōña. 14 Im Jeova Anij e ar ba ñōn serpent eo, Kin am kōmōn men in, kwo lia jen aolepen kiru awie otemjej, im jen

kiru otemjej awia; kwo naj worrōlok kin lojiōm, im kwo naj mōña brij ilo ran otemjej in am mour: 15 im I naj likit kijirāt ikōtam im kōra eo, im ikōtan ineōm im inen: e naj kokkure bōrōm, a kwo naj kokkure jimwin neen. 16 Im E ar ba ñōn lio, I naj kanuij korlok am iñtan im am etta; ¹kwo naj keutak nejōm kin iñtan, im ankil am e naj an leo beleōm, im e naj iroiñ iom. 17 Im E ar ba ñōn Adam, Kin am eoroñ ainiken lio beleōm, im mōña jen wijki eo I ar jiroñ yuk, im ba, Kwon jab mōña jen e: ²e lia ene kin kwe; kwo naj mōña jen e ³kin buromōj ran ko otemjej in am mour: 18 e naj kadrek kālīklik ko im mār kuj ñōn yuk, im kwo naj mōña mār in ene; 19 kin menokaru in mejōm kwo naj mōña ekōn, ñōn ien eo ⁴kwoj jeblak ñōn brij; bwe ar bōk yuk ⁵jen e: bwe brij kwe, im ñōn brij kwo naj jeblak. 20 Im leo e ar likit etan lio belen Iv; bwe jinen ro otemjej rej mour. 21 Im Jeova Anij e ar kōmōn ñōn Adam im lio belen ballir kilin kiru, im kanuknuk ir.

22 Im Jeova Anij e ar ba, Lo, ar-mij eo ej einwōt juōn Iar, kin an jela emōn im nana; im kiō, ñe ab kōtellok pein, im bareinwōt bōk jen wijki in mour, im mōña, im mour in drio:—23 kin men in Jeova Anij e ar jilkinlok e jen jikin kallip in Iden, bwe en kallip eneo ar bōk e jen e. 24 Eindrein E ar kadrioijlok leo; im E ar likit i rear in jikin kallip in Iden, Kerub ko, im jāji urur, eo ej ukukot ijo ko otemjej, bwe en bare ial an wijki in mour.

4 Im leo e ar jela Iv lio belen; im ⁴e ar etta, im keutak Kein, im ba, I ar bōk leo jen Jeova. 2 Im e ar bar keutak Ebel, jātin. Im Ebel dri lale sip, a Kein dri kallip. 3 Im ber inem, Kein e ar bōktok men in jurtak ñōn Jeova, jen leen ene. 4 Im bareinwōt ⁶Ebel e ar bōktok jen ko mokta im jen ko re mātōk, jen bwijin kiru ko an. Im Jeova e ar mōnōnō kake Ebel im jurtak eo an:

¹ Rev. 12. 9. ² Jap. 2. 16. 17. ³ Jon. 8. 44. ⁴ Jem. 1. 14. 15: 1 Jon. 2. 16. ⁵ Rev. 6. 15-17. ⁶ Ken. 23. 13. ⁷ 2 Kor. 11. 3.

¹ 1 Tim. 2. 15. ² Rom. 8. 20-22. ³ Job 14. 1. ⁴ Ek. 12. 7. ⁵ Jap. 3. 7. ⁶ Hib. 11. 4.

5 a kin ¹Kein, im jurtak eo an, E ar jab buñburuen. Im Kein e ar kanuij illu, im e bwilök mejen. 6 Im Jeova e ar bar ññn Kein, Etke kwoj illu? im etke e bwilök mejöm? 7 Elañe kwoj kōmōn emōn, e jamin alikar ke? im elañe kwo jab kōmōn emōn, jerawiwi ej kebao iturin kejem; im ankil an e naj ber ibōm; a kwon iroiñ ion. 8 Im Kein e ar konono iben Ebel, jätin. Inem, ke rejro ber ilujen ene, Kein e ar jutök mae Ebel, jätin, im mōn e.

9 Im Jeova e ar ba ññn Kein, Ewi Ebel jätöm? Im e ar ba, I jaje: ña dri lala jätio ke? 10 Im E ar ba, Ta eo kwar kōmōne? ²ainiken bōtōktōkin jätöm ej lamij ññn Iō jen brii. 11 Im kiō kwo kajjō jen ene, eo e ar waloñi loñin bwe en bōk bōtōktōkin jätöm jen peōm; 12 ³ñe kwoj kallip ene, jen kiō e jamin lewoj an kajur; kwo naj dru ko im drua maijet i löl. 13 Im Kein e ar ba ññn Jeova, Am kajeik iō elap jen aō maroñwe. 14 Lo, Kwar ⁴kadrioiñlok iō jen mejen löl iomin ranin; im I naj joko jen mejöm; im I naj dru ko im drua maijet i löl: inem jabrewōt eo ej lo iō e naj mōn iō. 15 Im Jeova e ar ba ññn e, Kin men in, eo ej mōn Kein, irenwōne e naj orlok alen jiljilimjuōn ññn e. Im Jeova e ar likit kakōle ion Kein bwe eo ej loe en jab mōn e.

16 Im Kein e ar drioiñ jen iman mejen Jeova, im ej jokwe i enen Nod, i rear in Iden. 17 Im Kein e ar jela lio belen; im e ar etta, im ej keutak Inok: im ej kalek jikin kwelok, im likit etan Inok, einwōt etan nejin. 18 Im e ar lotak Airad ññn Inok: im Airad e ar keutak Mihujael: im Mihujael e ar keutak Mitushael: im Mitushael e ar keutak Lemek. 19 Im Lemek e ar bōk ruo belen: etan lio juōn Eda, im etan eo juōn Zilla. 20 Im Eda e ar keutak Jebal: e kar jemen ro rej jokwe ilo imōn kabere, im eor air kiru awie. 21 Im etan jätin, Jubal: eo e kar jemen ro otemjei re jela kilen arp im paip. 22 Im

Zilla e ar bareinwōt keutak Tubalkein, e in dri kabel kin ken jerbal ko jinibōrōrō im māl: im etan lio jätin Tubalkein, Neama. 23 Im Lemek e ar ba ññn limaro belen, Eda im Zilla, Komin rōnjake ainikiō; limarā belen Lemek, komin eoroñ aō konono: bwe I ar mōn juōn armij kin an kakinijnij iō, im juōn likao kin an dreñōt iō: 24 elañe naj irenwōne kin Kein jiljilimjuōn alen, emol naj irenwōne kin Lemek jiljilimjuōnñoul im jiljilimjuōn alen.

25 Im ¹Adam e ar bar jela lio belen, im e ar keutak nejin eman, im naetan Seth: Bwe, ej ba, Anij e ar likit bar juōn ineō bwe en binej jenkwōn Ebel, ²eo Kein e ar mōne. 26 Im ññn Seth, juōn nejin eman e ar bareinwōt lotak ññn e; im e ar likit etan Inosh. Inem armij rar jino air ³kir etan Jeova.

5 Eñin ebeben ko an Adam. Ilo ran eo ke Anij e ar kōmōn leo, e ar kōmōne ⁴ilo wāwen Anij; 2 ⁵E ar kōmōnmōn ir man im kōra, ⁶im kejerammōn ir, im likit etair Adam, ilo ran eo ke E ar kōmōnmōn ir. 3 Im Adam e ar mour jibuki jilñoul yiō: im e ar keutak nejin ilo wāwen, im bōrañe; im ej likit etan Seth; 4 im ran ko an Adam elikin an keutak Seth, dualitōk buki yiō: im e ar keutak ro nejin man im kōra. 5 Im aolepen ran ko Adam e ar mour, druatimjuōn buki jilñoul yiō: im e mij.

6 Im Seth e ar mour jibuki lailim yiō, im ej keutak Inosh: 7 im Seth e ar mour elikin an keutak Inosh, dualitōk buki jiljilimjuōn yiō, im keutak ro nejin man im kōra: 8 im aolepen ran ko an Seth, druatimjuōn buki jilñoul ruo yiō: im e mij.

9 Im Inosh e ar mour druatimjuōnñoul yiō, im ej keutak Kenan: 10 im Inosh e ar mour elikin an keutak Kenan, dualitōk buki joñoul lailim yiō, im keutak ro nejin man im kōra: 11 im aolepen ran ko an Inosh, druatimjuōn buki lailim yiō: im e mij.

12 Im Kenan e ar mour jiljilimju-

¹ 1 Sam. 15. 22.

² Bwin. 35. 33.

³ Dut 28. 15-24.

⁴ Jap. 3. 24.

¹ Jap. 5. 3.

² Jap. 4. 8.

³ Jap. 12. 8; 26. 15.

⁴ Jap.

1. 27.

⁵ Mik. 10. 6.

⁶ Jap. 1. 28.

ōñfoul yiō, im ej keutak Mehalelel: 13 im Kenan e ar mour elikin an keutak Mehalelel, drualitōk buki eñfoul yiō, im keutak ro nejin man im kōra: 14 im aolepen ran ko an Kenan, druatimjuōn buki joñfoul yiō: im e mij.

15 Im Mehalelel e ar mour jiljinoñfoul lailim yiō, im ej keutak Jered: 16 im Mehalelel e ar mour elikin an keutak Jered, drualitōk buki jilñfoul yiō, im keutak ro nejin man im kōra: 17 im aolepen ran ko an Mehalelel, drualitōk buki druatimjuōnñfoul lailim yiō: im e mij.

18 Im Jered e ar mour jibuki jiljinoñfoul ruo yiō, im ej keutak Inok: 19 im Jered e ar mour elikin an keutak Inok, drualitōk buki yiō, im keutak ro nejin man im kōra: 20 im aolepen ran ko an Jered, druatimjuōn buki jiljinoñfoul ruo yiō: im e mij.

21 Im Inok e ar mour jiljinoñfoul lailim yiō, im ej keutak Mitusela: 22 im Inok ej ¹etetal iben Anij eilkin an keutak Mitusela, jilubuki yiō, im keutak ro nejin man im kōra: 23 im aolepen ran ko an Inok, jilu buki jiljinoñfoul lailim yiō: 24 im Inok e ar etetal iben Anij; im e joko: bwe Anij ²e ar bōk e.

25 Im Mitusela e ar mour jibuki drualitōkñfoul jiljilimjuōn yiō, im ej keutak Lemek: 26 im Mitusela e ar mour elikin an keutak Lemek, jiljilimjuōn buki drualitōkñfoul ruo yiō, im keutak ro nejin man im kōra: 27 im aolepen ran ko an Mitusela, druatimjuōn buki jiljinoñfoul druatimjuōn yiō: im e mij.

28 Im Lemek e ar mour jibuki drualitōkñfoul ruo yiō, im ej keutak nejin eman: 29 im ej naetan Noa, im ba, E in e naj kainemōn kij kin ar jerbai im kin iñtan ko an peer, eo ej itok kin ke Jeova e ar kole eneo. 30 Im Lemek e ar mour elikin an keutak Noa, limabuki druatimjuōnñfoul lailim yiō, im keutak ro nejin man im kōra: 31 im aolepen ran ko an Lemek, jiljilimjuōn buki jiljilimjuōnñfoul jiljilimjuōn yiō: im e mij.

32 Im ridtōn Noa limabuki yiō: im Noa ej keutak Shem, Ham, im Jepet.

6 Im ilo ran ko, ke armij rar jino orlok ion mejen lōl, im rar keutak nejir kōra, 2 inem lōmaro nejin Anij rar lo kōra ro nejin armij bwe re dreo; im rar bōk limaro beleir einwōt air mijkaiye. 3 Im Jeova e ar ba, Aō Jitōb e jamin kowe armij in drio, bwe ej kōniek wōt: a ran ko an re naj jibuki roñfoul yiō. 4 E kar or ro re inea i lōl ilo ran ko; im bar einwōt tokelik, ke man ro nejin Anij rar dreloñ ñōn iben kōra ro nejin armij, im rar keutak ñōn ir: armij rein re kajur, ro re kin buñbūñ.

5 Im Jeova e ar lo bwe elap nana ko an armij ion lōl, im bwe ¹lemnok otemjej i buruen renana wōt aolepen ien. 6 Im Jeova e ar ²ukwelok iben kin An kar kōmōnmōn armij ion lōl, im e buromōj buruen. 7 Im Jeova e ar ba, I naj jeorlok armij ro I ar kōmōnmōn, jen mejen lōl; armij, im kiru, im men in tōbōlbōl, kab bao in mejatoto; bwe Ij ukwelok iba kin Aō kar kōmōnmōn ir. 8 A Noa e ar ³lo joij iman mejen Jeova.

9 Rein ebeben ko an Noa. Noa e dru wānik im e jime ilo ebeben eo an: im Noa ej ⁴etetal iben Anij. 10 Im Noa e ar keutak jilu nejin eman, Shem, Ham, im Jepet. 11 Im lōl etton iman mejen Amij, im lōl e obrōk kin koarōn. 12 Im Anij ej reilok ion lōl, im lo, etton; bwe ¹kōniek otemjej rar katton ial eo air ion lōl.

13 Im Anij e ar ba ñōn Noa, Jemlokōn kōniek otemjej ej itok imaō; bwe lōl e obrōk kin koarōñ kin ir; im lo, I naj kokkure ir iben lōl. 14 Kwon kōmōnmōn juōn wa ñōn yuk jen wijki goper; kwon kōmōn rōñel ko iloan wa eo, im unoik loan im elikin kin bwil. 15 Im men in joñōk eo kwo naj kōmōne: aitokōn wa eo jilu buki kubit, drilpen limñfoul kubit, im utiejen jilñfoul kubit. 16 Kwon kōmōn windo ilo wa eo, im jen ion

kwon kōmōnmōn ilo joñōn juōn kubit; im kwon kōmōne kejem iturin wa eo; im kwo naj kōmōne alen juōn, im ken ka ruo, im ken ka jilu. 17 Im Ŋa, aet Ŋa, Ij bōktok ibij liplip ion lōl, bwe en kokkure kōniek otemjej iomin lōñ, ro eor menono im mour ilo air; men otemjej ion lōl re naj mij. 18 A I naj kabin ¹Aō nan in kalimur ñōn yuk; im kwo naj dreloñ iloaan wa eo, kwe, im lōmaro nejōm, im lio beleōm, im limaro belen ro nejōm, na ibōm. 19 Im jen men in mour otemjej ian kōniek otemjej, kwon āfinwoj ruo ian wāwen otemjej, wa iloaan wa eo, bwe kwon kejbārok ir na ibōm; ren koman im kokōra. 20 Ian bao etemjej, im ian kiru ko rawie otemjej, im ian men ko rej tōbōlbōl otemjej ion lōl, ka ruo re naj iwiñ ñōn ibōm, bwe ren mour. 21 Im kwon aini jen ekōn ko otemjej rej mōña, im kwon ektōki ibōm; im e naj kijōm, im kijeir. 22 Ein drein Noa e ar kōmōn; einwōt men otemjej Anij ej jiroñ e, ein drein e ar kōmōne.

7 Im Jeova e ar ba ñōn Noa, Kwe im nukōm otemjej komin itok ñōn loan wa eo: bwe I ar lo am wānik iman meja ilo ebeben in. 2 Ian kiru otemjej rereo kwon bokwōj ka jiljilimjuōn, koman im kokōra eo an; im ian kiru ko re jab erreo ka ruo, koman im kokōra eo an: 3 bareinwōt jen bao in mejatoto ka jiljilimjuōn, koman im kokōra, bwe ine en mour ion mejen aolepen lōl. 4 Bwe matōn jiljilimjuōn ran, im I naj kowut ion lōl iomin eñoul ran im eñoul boñ; im men in mour otemjej I ar kōmōnmōni, I naj kokkure jen ion mejen lōl. 5 Im Noa e ar kōmōn einwōt men otemjej Jeova e ar jiroñ e.

6 Im ridtōn Noa jiljino buki yiō ke ibij liplip ej ber ion lōl. 7 Im Noa e ar dreloñ, im lōmaro nejn, im lio belen, im limaro belen ro nejn na iben, jen dren ko. 8 Ian kiru ko rereo, im ian kiru ko re jab erreo, im ian bao ko, im ian men otemjej rej

tōbōlbōl ion lōl, 9 rar dreloñ ruo im ruo iben Noa iloaan wa eo, koman im kokōra, einwōt Anij e ar jiroñ Noa. 10 Inem, elikin jiljilimjuōn ran, dren ko in ibij liplip eo rej ber ion lōl. 11 Ilo yiō eo ken ka jiljino buki an Noa mour, ilo aliñ eo ken ka ruo, im ran eo ken ka joñoul jiljilimjuōn ilo aliñ eo, ilo ran eo wōt un ko unin ikjit rar rup, im windo ko in lōñ re bello. 12 Im wut eo e ar ber ion lōl iomin eñoul ran im eñoul boñ.

13 Im ilo ran eo wōt, Noa, im Shem, im Ham, im Jepet, lōmaro nejn Noa, im lio belen Noa, im limarojil belen ro nejn ibeir, rar dreloñ ilo wa eo; 14 ir, im kiru otemjej kaju wāwen, im kiru awie otemjej kaju wāwen, im men in tōbōlbōl otemjej rej tōbōlbōl ion lōl kaju wāwen, im bao otemjej kaju wāwen, bao otemjej ilo wāwen otemjej. 15 Im rar dreloñ iben Noa iloaan wa eo, ruo im ruo ian kōniek otemjej, menono in mour ilo air. 16 Im ko rar dreloñ iloaan, rar dreloñ koman im kokōra ian kōniek otemjej, einwōt Anij e ar jiroñ e: im Jeova e ar kil e na iloaan. 17 Im ej ibij liplip ion lōl iomin eñoul ran; im dren ko rej laplok, im rej bōk wa eo, im kabeliñlok e jen ene. 18 Im dren ko re anjo, im elap air orlok ion lōl; im wa eo ej ebebe ion mejen dren ko. 19 Im dren ko rar kanuij kajur ion lōl; im tol ko otemjej re utiej iomin aolepen lōñ rar likjōp. 20 Ilo joñoul lailim kubit, dren ko rar kajurliñlok; im tol ko rar likjōp. 21 Im kōniek otemjej rar makōtkit ion lōl re mij, ian bao, kiru awie, kab kiru awia, kab men in tōbōlbōl otemjej rej tōbōlbōl ion ene, im armij otemjej: 22 aolepeir menono in jitōb òn mour ej ber i bodir, ian men otemjej rej ber ion ene, rar mij. 23 Im e joko men in mour otemjej ion mejen ene, armij, kiru awie, men ko rej tōbōlbōl, kab bao in lōñ; im re joko jen lōl; im ¹Noa wōt ej ber, im ro iben iloaan wa eo. 24 Im dren ko re kajur ion lōl iomin jibuki limñoul ran.

8 Im Anij e ar kememej Noa, im men in mour ko otemjej, im kiru awie otemjej ko rar ber iben iloan wa eo: im Anij e ar kōmōn bwe juōn kōto en itok ion lōl, im dren ko rej bātlok; **2** im bareinwōt un ko unin ikjit, im windo ko ilōñ re kilik, im ar bōpraek wut jen lōñ; **3** im dren ko rar jeblak wōt jen ion ene: im ke e jemlok jibuki limñoul ran, dren ko rar driklok. **4** Im wa eo, ilo aliñ eo ken ka jiljilimjuōn, im ran eo ken ka joñoul jiljilimjuōn in aliñ eo, e ar bāte ion tol ko in Ararat. **5** Im dren ko rar driklok wōt, ñōn aliñ eo ken ka joñoul: jabōn tol ko rar walok ilo ran eo mokta in aliñ eo ken ka joñoul.

6 Inem ke e jemlok eñoul ran, Noa ej kablok windo in wa eo e ar kōmōne: **7** im e ar kōkelok juōn reven, eo ej kātōkātōk ñōn ien eo dren ko re joko jen mejen lōl. **8** Im e ar kōkelok juōn mule jen e, bwe en jela elañe dren ko re joko jen mejen ene; **9** a mule eo e ar jab lo jikin lobireneen, im e ar jeblaktok ñōn e iloan wa eo; bwe dren ko rar ber ion mejen aolepen lōl: inem e ar kōtellok pein im kapjere im kadrelōñtok e iben ñōn iloan wa eo. **10** Im e ar ber jiljilimjuōn ran; im ej bar kōkelok mule eo jen wa eo; **11** im mule eo e ar itok ñōn iben ke ejota; im lo, juōn bwilik in oliv i loñin: ein drein Noa e ar jela bwe dren ko re joko jen ion lōl. **12** Im e ar bar ber jiljilimjuōn ran, im ej bar kōkelok mule eo; im e jab bar jeblaktok ñōn e in drio.

13 Inem, ilo yiō eo ken ka jiljino buki juōn, ilo aliñ eo mokta, im ran eo mokta in aliñ eo, dren ko re joko jen ion lōl: im Noa e ar kablok jen binjen wa eo, im ej reilok, im lo, mejen ene e mōrā. **14** Im ilo aliñ eo ken ka ruo, im ran eo ken ka roñoul jiljilimjuōn in aliñ eo, e mōrā lōl. **15** Im Anij e ar konono ñōn Noa, im ba, **16** Kwon drioijlok jen wa eo, kwe, im lio beleōm, im lōmarojil nejōm, im limarojil beleir na ibōm. **17** Kwon āñinwoj na ibōm

men in mour otemjej, ian kōniek otemjej, bao, im kiru awie, im men in tōbōlbōl otemjej rej tōbōlbōl ion ene; bwe ren timon ion lōl, im kemour, im orlok ion lōl. **18** Im Noa e ar drioijlok, im lōmaro nejin, im lio belen, im limaro belen ro nejin na iben: **19** kiru otemjej, im men in tōbōlbōl otemjej, im bao otemjej, im jabrewōt men eo ej tōbōlbōl ion ene, kaju wāweir, rar drioijlok jen wa eo.

20 Im Noa e ar kalek juōn lokatok ñōn Jeova, im e ar bōk jen kiru otemjej rereo, im jen bao otemjej rereo, im e ar katok kijeek kake ion lokatok eo. **21** Im Jeova e ar ¹āt bwin enno; im Jeova e ar ba ilo buruen, I jamin bar ²kole lōl kin armij; bwe e nana lemnok in buruen armij jen an inono; ³im I jamin bar mōn men in mour ko otemjej in drio, einwōt I ar kōmōne. **22** Ke lōl ej ber, ien jeor im ien marmir, im bio im mǎnǎn, im ⁴añōneañ im rōk, im ran im boñ, re jamin jemlok.

9 Im Anij e ar kejerammōn Noa im lōmarojil nejin, im ba ñōn ir, ⁵Komin keutak, im orlok, im bar ko-brōk lōl. **2** Im mijōk kom im lelñōñ kin kom e naj ber ion kiru otemjej awia, im ion bao otemjej in mejato; im men otemjej rej makōtkit ion lōl, im iik otemjej i lojit, liwoji na ilo peōmi. **3** Men otemjej rej makōtkit im mour re naj kijōmi; ⁶einwōt mǎr e mǎro, I ar liwoj men ko otemjej. **4** A kōniek ilo mour eo an, ⁷bōtōktōkin, komin jab mōña. **5** Im emol I naj kajitōkin ir kin ⁸bōtōktōkin ami mour; jen pein kiru otemjej I naj kajitōkin e: im jen pein armij, aet jen pein jein im jātīn armij otemjej I naj kajitōkin mour an armij. **6** ⁹Jabrewōt eo ej katorlok bōtōktōkin armij, armij e naj katorlok bōtōktōkin: bwe ilo wāwen Anij, E ar kōmōn armij. **7** Im kom, komin keutak im orlok; komin timon na i lōl, im orlok ie.

8 Im Anij e ar konono ñōn Noa, im ñōn lōmaro nejin iben, im ba, **9** Im

¹ Ex. 29. 18. ² Jap. 6. 7. 13. ³ Jap. 9. 11. ⁴ Sam 74. 17. ⁵ Jap. 1. 28. ⁶ Jap. 1. 29. ⁷ Liv. 17. 10-16. ⁸ Ex. 20. 13. ⁹ Bwin. 35. 33.

Na, lo, Ij kabin Aō nan in kalimur ibemi, im iben ro ineōmi elikemi; 10 im iben men in mour otemjej rej ber ibemi, bao ko, kiru ko rawie, im kiru otemjej rawia ibemi; ian men otemjej rej drioijlok jen wa eo, aet kiru otemjej in lōl. 11 Im I naj kabin Aō nan in kalimur ibemi; im kōniek otemjej e¹ jamin bar joko kin dren ko ilo ibij liplip; im e jamin bar ibij liplip in drio bwe en kokkure lōl. 12 Im Anij e ar ba, Eñin kakōlen Aō nan in kalimur, eo Ij kōmōn ikōtaō im kom, im men in mour otemjej ibemi ñōn ebeben ko in drio: 13 Ij likit Aō iia ilo kōro eo, im e naj kakōlen nan in kalimur ikōtaō im lōl. 14 Im ñe Ij kōtak kōro ion lōl, iia eo e naj walok ilo kōro, 15 im I naj kememej Aō nan in kalimur, eo ikōtaō im kom, im men in mour otemjej ian kōniek otemjej; im dren ko re jamin bar ibij liplip in drio bwe ren kokkure kōniek otemjej. 16 Im iia eo e naj ber ilo kōro; im I naj reilok ñōn e, bwe In kememej kalimur eo in drio ikōtaō im men in mour otemjej ian kōniek otemjej ion lōl. 17 Im Anij e ar ba ñōn Noa, Eñin kakōlen kalimur eo I ar kōmōne ikōtaō im kōniek otemjej ion lōl.

18 Im lōmaro nejin Noa, ro rar drioijlok jen wa eo, Shem, im Ham, im Jepet: im Ham jemen Kenean. 19 Lōmarein jilu nijin Noa: im aolepen lōl² emarmij kin ir.

20 Im Noa e ar jino an kallip, im ej kalibwin bwil in grep: 21 im e ar irak jen wain eo, im e karek; im ej kelwan iloan imōn kabere eo an. 22 Im Ham, jemen Kenean, e ar lo an jemen kelwan, im ej kennanek ro jein im jatin inabij. 23 Im Shem im Jepet rej bōk juōn nuknuk im likit e na i aerairo, im rejro jentulokair im rej kalibubu an jemeir kelwan; im mejeir rar reilok jen e, im rar jab lo an jemeir kelwan. 24 Im Noa e ar ruj jen wain eo an, im e jela men eo nejin erik e ar kōmōn ñōn e. 25 Im e ar ba, E jerata Kenean; e naj dri kamakoko wōt ñōn ro jein im jatin.

26 Im e ar ba, E mōnōnō Jeova Anij an Shem, im Kenean e naj an dri kamakoko. 27 Anij e naj kalōñlok Jepet, im e naj jokwe ilo imōn kabere ko an Shem, im Kenean e naj an dri kamakoko.

28 Im Noa e ar mour elikin ibij liplip eo, jilu buki limñoul yiō. 29 Im aolepen ran ko an Noa, druatim-juōn buki limñoul yiō: im e mij.

10 Im rein ebeben ko an lōmaro nejin Noa, Shem, Ham, im Jepet: im elikin ibij liplip eo lōmaro nejir rar lotak ñōn ir.

2 Lōmaro nejin Jepet: Gomer, im Megog, im Medai, im Jevan, im Tubal, im Mishek, im Tiras. 3 Im lōmaro nejin Gomer: Ashkinaz, im Ripat, im Togarma. 4 Im lōmaro nejin Jevan: Ilaisha, im Tarshish, im Kittim, im Dodanim. 5 Rein rar ajej ailin an dri pegan ñōn ir ilo ene ko eneir, ir otemjej ekar ñōn air konono, im ekar ñōn nukir, ilo ailin ko air.

6 Im lōmaro nejin Ham: Kush, im Mizraim, im Put, im Kenean. 7 Im ro nejin Kush: Siba, im Havila, im Sabta, im Reama, im Sabtika; im lōmaro nejin Reama: Shiba, im Didan. 8 Im Kush e ar keutak Nimrod: e jino juōn dri kajur ion lōl. 9 E juōn dri kakiruru e kajur iman mejen Jeova: kin men in rej ba, Einwōt Nimrod dri kakiruru e kajur iman mejen Jeova. 10 Im jinoin ailin eo an, Belbel, im Irek, im Akkad, im Kalne, ilo enen Shainar. 11 Im Assur e ar ilok jen eneo, im ej kalek Nineve, im jikin kwelok Reobot, im Kela, 12 im Risen, ikōtan Nineve im Kela, (e in jikin kwelok elap.) 13 Im Mizraim e ar keutak Ludim, im Anamim, im Liabim, im Naptuhim, 14 im Patrusim, im Kasluim, (jen ijo e ar drioijlok dri Pilistia), im Kaptorim.

15 Im Kenean e ar keutak Saidon manjien, im Het, 16 im dri Jibus, im dri Amor, im dri Girgas, 17 im dri Hiv, im dri Arek, im dri Sin, 18 im dri Arvad, im dri Zemar, im dri Hemat; im tokelik ro bwijin dri Kenean rar jibliklok. 19 Im tōreren

enen dri Kenean, jen Saidon, ijo kwoj itok ñõn Girar, ñõn Geza; ijo kwoj ilok ñõn Sodom, im Gomorra, im Adma, im Ziboim, im ñõn Lesh. 20 Lõmarein nejin Ham, ekar ñõn nukir, ekar ñõn air konono, ilo ene ko air, im ilo ailiñ ko air.

21 Im bareinwõt ñõn Shem, jemen aolepen ro nejin Iber, im jein Jepet, e lotak ro nejin ñõn e. 22 Ro nejin Shem: Ilam, im Assur, im Arpaksad, im Lõd, im Eram. 23 Im ronejin Eram: Uz, im Hul, im Giter, im Mash. 24 Im Arpaksad e ar keutak Shila; im Shila ej keutak Iber. 25 Im ñõn Iber e lotak ruo nejin eman: etan juõn Pileg, bwe ilo ran ko an rar ajej lõl; im etan jätin Joktan. 26 Im Joktan e ar keutak Almodad, im Shilep, im Hezarmevet, im Jira, 27 im Hadoram, im Uzal, im Dikla, 28 im Obal, im Abimael, im Shiba, 29 im Opir, im Havila, im Jobab: rein otemjej ro nejin Joktan. 30 Im jikir jen Misha, ijo kwoj ilok ñõn Sipar, juõn tol i rear. 31 Rein ronejin Shem, ekar ñõn ro nukir, im ekar ñõn air konono ilo ene ko eneir, ekar ñõn ailiñ ko air.

32 Rein nukin ro nejin Noa, kin air ebeben, ilo ailiñ ko air: im rein rar ajej ailiñ ko i lõl elikin ibij liplip eo.

11 Im aolepen lõl konono wõt juõn, im juõn wõt ainikeir. 2 Im ber inem, ke rar italok, rar lo jimõtõn ene biken wõt juõn, ilo enen Shainar; im rar jokwe ijo. 3 Im rar ba ñõn dron, Itok, jen kõmõnmõn brik, im kanuij kõmāti. Im rar kajerbal brik einwõt dreka; im bitumen rar kajerbale einwõt iawewe. 4 Im rar ba, Itok, jen kalek ar jikin kwelok, im juõn imõn bar e utiej ñõn lõn, im jen kabuñbuñ etar; bwe jen jab jibliklik ion mejen aolepen lõl. 5 Im Jeova e ar wõnlõltok im lale jikin kwelok eo im imõn bar eo ro nejin armij rar kalek e. 6 Im Jeova e ar ba, Lo, armij rein burueir wõt juõn, im ir otemjej juõn wõt air konono; im men in jinoin air kõmõn: im kiõ ejelok men in bõprae ir jen

men otemjej rej bebe in kõmõn. 7 Itok, Jen wõnlõllok, im ¹ukõt air konono, bwe ren jab melele kake nan ko an dron. 8 Ein drein Jeova e ar ²kijibliklik ir jen ijo ion aolepen mejen lõl: im e joko air kalek jikin kwelok eo. 9 Kin men in rar likit etan Bebel; bwe ijo Jeova e ar kaju air konono i aolepen lõl: im jen ijo Jeova e ar kijibliklik ir ion aolepen mejen lõl.

10 Rein ebeben ko an Shem. Ridtõn Shem jibuki yiõ, im e ar keutak Arpaksad ruo yiõ elikin ibij liplip eo. 11 Im Shem e ar mour elikin an keutak Arpaksad, limabuki yiõ, im keutak ro nejin man im kõra.

12 Im Arpaksad e ar mour jilñoul lailim yiõ, im ej keutak Shila: 13 im Arpaksad e ar mour elikin an keutak Shila, åbuki jilu yiõ, im keutak ro nejin man im kõra.

14 Im Shila e ar mour jilñoul yiõ, im ej keutak Iber: 15 im Shila e ar mour elikin an keutak Iber, åbuki jilu yiõ, im keutak ro nejin man im kõra.

16 Im Iber e ar mour jilñoul emen yiõ, im ej keutak Pileg: 17 im Iber e ar mour elikin an keutak Pileg, åbuki jilñoul yiõ, im keutak ro nejin man im kõra.

18 Im Pileg e ar mour jilñoul yiõ, im ej keutak Ru: 19 im Pileg e ar mour elikin an keutak Ru, rubuki druatimjuõn yiõ, im keutak ro nejin man im kõra.

20 Im Ru e ar mour jilñoul ruo yiõ, im ej keutak Sirõg: 21 im Ru e ar mour elikin an keutak Sirõg, rubuki jiljilimjuõn yiõ, im keutak ro nejin man im kõra.

22 Im Sirõg e ar mour jilñoul yiõ, im ej keutak Nehor: 23 im Sirõg e ar mour elikin an keutak Nehor, rubuki yiõ, im keutak ro nejin man im kõra.

24 Im Nehor e ar mour roñoul druatimjuõn yiõ, im ej keutak Tira: 25 im Nehor e ar mour elikin an keutak Tira, jibuki joñoul druatimjuõn yiõ, im keutak ro nejin man im kõra.

26 Im Tira e ar mour jiljilimjuōñ-
ñoul yiō, im ej keutak Ebram, im
Nehor, im Heran.

27 Kiō rein ebeben ko an Tira.
Tira e ar keutak Ebram, Nehor, im
Heran; im Heran e ar keutak Lot.
28 Im Heran e ar mij mokta jen Ti-
ra, jemen, ilo eneo e ar lotak ie, i Ōr
an dri Kaldia. 29 Im Ebram im Ne-
hor rar bōk beleirro: etan belen
Ebram, Serai; im etan belen Nehor,
Milka, nejin Heran, eo jemen Milka
im Iska. 30 A Serai ewar; ejelok
nejin. 31 Im Tira e ar ānin Ebram
nejin, im Lot jibwin, nejin Heran, im
Serai nejin kōra, belen Ebram nejin;
im rar ilok ibeir jen Ōr an dri Kaldia,
bwe ren ilok ññ enen Kenean; im
rar itok ññ Heran, im jokwe ijo.
32 Im ran ko an Tira, rubuki lailim
yiō; im Tira e mij i Heran.

12 Kiō ¹Jeova e kar ba ññ Eb-
ram, Kwon ilok jen eneōm, im
jen am jowi, im jen imōn jemōm, ññ
juōn ene I naj bakajen ññ yuk: 2 im
I naj kōmōn bwijōm bwe en lap; im
I naj ²kejerammōn yuk im kōmōn
etōm bwe en lap, im kwo naj men in
kejerammōn; 3 im I naj kejerammōn
ro rej kejerammōn yuk, im I naj kole
eo ej kole yuk: im ³kin kwe nukin
otemjej i lōl re naj jerammōn. 4 Im
Ebram e ar ilok, einwōt Jeova e ar
konono ññ e; im Lot ej ilok iben
lok: im ridtōn Ebram jiljilimjuōññoul
lailim yiō ke ej ilok jen Heran. 5
Im Ebram e ar ānin Serai lio belen,
im Lot nejin leo jātin, im men ko
otemjej rar aini, im ro otemjej rar
jibarek ir i Heran; im rar drioijslok
bwe ren ilok ññ enen Kenean; im
ññ enen Kenean rar itok. 6 Im
Ebram e ar ilok ilujen eneo ññ enen
Shikem, ññ wijki ok eo an More. A
kiō dri Kenean rar jokwe i eneo. 7
Im Jeova e ar weaktok ññ Ebram,
im ba, I naj lelok enin ññ ineōm;
im ijo ej kalek juōn lokatok ññ Je-
ova, Eo e ar walok ññ e. 8 Im ej
emōkit jen ijo ññ juōn tol i rear in
Betel, im ej kajur an imōn kabere,

Betel i kabilūn im Eai i rear: im ijo
ej kalek juōn lokatok ññ Jeova, im
ej kir etan Jeova. 9 Im Ebram e ar
etetal im wāruñalok wōt.

10 Im e ar ñita eneo: im Ebram e
ar wōnlōltok ññ Ijpt bwe en ber
ijo; bwe ñita e kanuij lap i eneo. 11
Inem, ke e ar kebak bwe en dreloñ
ilo Ijpt, e ar ba ññ Serai, lio belen,
Lo, kiō I jela bwe kwe juōn kōra
¹edreo: 12 im men e naj walok, ñe
dri Ijpt rej lo yuk, re naj ba, E in
lio belen: im re naj mōn iō, a re naj
kejbārok yuk bwe kwon mour. 13
Ij akwelap ññ yuk bwe kwon ba,
kwe jātīō, inem I naj ainemōn kin
kwe; im aō e naj mour kin kwe. 14
Inem, ke Ebram e ar itok ññ Ijpt,
dri Ijpt rar lo lio bwe e kanuij dreo.
15 Im bareinwōt iroijs irik ro an Pero
rar loe, im rar nebar e ññ Pero: im
rar ²ānin lio ññ imōn Pero. 16 Im e
joijs ññ Ebram kin lio: im eor an
sip, im kau, im ass koman, im dri ko-
rijeran man, im dri korijeran kōra,
im ass kokōra, im kamel. 17 Im Je-
ova e ar kaiñtan Pero im dri mweo
imōn kin men in kaiñtan ko relap,
kin Serai, lio belen Ebram. 18 Im
Pero e ar kirtok Ebram, im ba, Ta
men in kwar kōmōn ññ iō? etke
kwar jab kennanek iō bwe lio ej be-
leōm? 19 etke kwar ba, Jātīō, ein
drein I ar bōk lio bwe en beliō? kiō
kin men in, kwon lale lio beleōm, im
ānin e, im ilok ilo ial eo am. 20
Im Pero e ar jiroñ ro dron kin e: im
rar karwōnlok e, im lio belen, im
men ko an otemjej.

13 Im Ebram e ar wōnliflok jen
Ijpt, e, im lio belen, im men
ko an otemjej, im Lot iben, ññ Rōk.
2 Im Ebram e ar kanuij mweie kin
kiru ko rawie, im kin silver, im kin
gold. 3 Im e ar ilok ilo an etetal
jen Rōk ññ Betel, ññ ijo imōn ka-
ber eo an e kar ber ie mokta, ikōtan
Betel im Eai, 4 ññ ijo lokatok eo e
kar kōmōne mokta: im ijo Ebram e
ar kir etan Jeova. 5 Im bareinwōt
Lot, eo e ar ilok iben Ebram, eor an
kiru ko redrik, im ko relap, im imōn

¹ Jerb. 7. 3; Hib. 11. 8. ² Jap. 22. 17. ³ Jerb. 3. 26;
Gal. 3. 8.

¹ Jap. 26. 7. ² Jap. 20. 2.

kaber ko. 6 Im eneo e jab¹ maroñwe irro, bwe ren jokwe iben dron: kin ke men ko air relōñ, einwōt bwe re ban jokwe iben dron. 7 Im e kar² juōn akwail ikōtan ro dri lale kiru an Ebram im ro dri lale kiru an Lot: im kiō dri Kenean im dri Periz rar jokwe i eneo. 8³ Im Ebram e ar ba ñōn Lot, Ij ba ñōn yuk, en ejelok akwail iba im ibōm, im iben ro aō dri lale kiru im ro am dri lale kiru; bwe kijro jimjān jimjātin. 9 Ao-lepen eneo e jab ber iman mejōm ke? ij akwelap ñōn yuk, kwon mōke lok iam jen iō: elañe kwe ñōn anmiñ inem I naj ilok ñōn anbijmaroñ; ak elañe kwe ñōn anbijmaroñ, inem I naj ilok ñōn anmiñ. 10 Inem Lot e ar bōk mejen, im ej lo ao-lepen ene biken wōt juōn iturin Jordan, bwe eor dren in kamorur ijo ko otemjej, mokta jen an Jeova kokkure Sodom im Gomorra, einwōt jikin kallip an Jeova, einwōt enen Ijpt, ijo kwoj itok ñōn Zoar. 11 Inem Lot e ar kålet ao-lepen ijo biken wōt juōn iturin Jordan; im Lot e ar itelok: im rar jibil jen dron. 12 Im Ebram e ar jokwe i enen Kenean, im Lot e ar jokwe ilo jikin kwelok ko ijo biken wōt juōn, im e ar kamōkit imōn kaber eo an tokrōn wōt Sodom. 13 A dri Sodom rar nana, im dri jerawiwi elap iman mejen Jeova.

14 Im Jeova e ar ba ñōn Ebram, elikin an Lot jibil jen e, ⁴Kwon bōk mejōm kiō im reilok jen ijo kwoj ber ie, ñōn eañ, im rōk, im rear, im kabiliñ: 15 bwe ao-lepen eneo kwoj loe, I naj lewoj ñōn yuk, im ñōn ineōm in drio. 16 Im I naj kōmōn ineōm einwōt ⁵bok in lōl: im elañe armij e maroñ in bwine bōñōñlōl in lōl, inem re naj bareinwōt maroñ in bwine ro ineōm. 17 Kwon jutōk, im etetal ilujen eneo ilo aitokōn im ilo drilpen; bwe I naj lewoj ñōn yuk. 18 Inem Ebram e ar kamōkit an imōn kaber im item jokwe iturin wijki ok ko an Mamre, ko rej ber i Hibron, im ijo e ar kalek juōn lokatok ñōn Jeova.

14 Inem ilo ran ko an Amrapel kiñ in Shainar, Eriok kiñ in Elassar, Kedorleomer kiñ in Ilam, im Taidal kiñ in ailiñ ko, 2 rein rar tōrinaek Bira kiñ in Sodom, im Birsha kiñ in Gomorra, Shainab kiñ in Adma, im Shimeber kiñ in Ziboim, im kiñ in Bila, (eñin Zoar). 3 Rein otemjej rar koba ilo komlōl in Sidim, (eñin¹ Lōmalo in Salt). 4 Rar jerbal ñōn Kedorleomer iomin joñoul ruo yiō, im ilo yiō eo ken ka joñoul jilu rar kabata. 5 Im ilo yiō eo ken ka joñoul emen, Kedorleomer e ar itok, im kiñ ro rej ber iben, im rar mōn ro re inea i Ashterot-karneim, im dri Zuzim i Ham, im dri Imim ilo ene biken wōt juōn an Kiriатеim, 6 im dri Hor ilo air tol Sier, ñōn El-peran eo iturin ene jemaren. 7 Im rar jeblak, im itok ñōn En-mishpat, (eñin Kedes), im rar kokkure ene ko otemjej an dri Amalek, im bareinwōt ko an dri Amor ro rar jokwe i Hazezon-temar. 8 Im kiñ in Sodom e ar drioielok, kab kiñ in Gomorra, im kiñ in Adma, im kiñ in Ziboim, im kiñ in Bila, (eñin Zoar); im rar kalejar ilo komlōl in Sidim; 9 im jumae Kedorleomer kiñ in Ilam, im Taidal kiñ in ailiñ ko, im Amrapel kiñ in Shainar, im Eriok kiñ in Elassar; emen kiñ rar jumae lailim. 10 Im komlōl in Sidim e obrōk bin roñ in bitumen; im kiñ in Sodom im Gomorra rejro ko, im buñ ijo, im ro jet rar ko ñōn tol eo. 11 Im rar bōk ao-lepen mweien Sodom im Gomorra, im ekōn otemjej, im ilok. 12 Im rar añin Lot nejin leo jātin Ebram, bwe e ²ar jokwe i Sodom, im bōk mweien, im ilok.

13 Im juōn e kar ko, e ar itok im kennanek Ebram dri Hibru: bwe e ar jokwe iturin wijki ok ko an Mamre dri Amor, jein im jātin Eshkol, im jein im jātin Ener; im rein rar rajitak Ebram. 14 Im ke Ebram e ar roñ bwe rar kajebokweik leo jātin, e ar tel ro dron ro re jela toñ tōrinae im rar lotak i mweo imōn, jilu buki joñoul dualitōk armij, im e

¹ Jap. 36. 7. ² Jap. 20. 26. ³ Ken. 15. 18; 20. 3. ⁴ Dut 34. 1-4. ⁵ Jap. 28. 12.

¹ Dut 3. 17. ² Jap. 13. 12.

ar lukworkwore ir n̄on Dan. 15 Im e ar kijbil ro dron im iaboñwe ir, im m̄on ir, im lukworkwor ir n̄on Hoba, eo i anmiñin Damaskōs. 16 Im e ar bar bōktok men ko otemjej, im bar-einwōt ej āñintok Lot ¹jātin, im mweiuk ko mweien, im bareinwōt kōra ro, im armij ro.

17 Im kiñ in Sodom e ar drioiuj mae, elikin an jeblaktok jen an m̄on Kedorleomer, kab kiñ ro rajitan, ilo komlōl in Shave, (eo Komlōl an Kiñ). 18 Im ²Melkizedek, kiñ in Selem, e ar bōktok bred im wain: im ej pris an Anij Eutiejtata. 19 Im e ar jare, im ba, Emōnōnō Ebram, kin Anij Eutiejtata, Eo an lōñ im lōl: 20 im emōnōnō Anij Eutiejtata, Eo e ar lewoj am dri kijirāt ilo peōm. ³Im e ar lelok n̄on e juōn mōtōn joñoul ian men ko otemjej. 21 Im kiñ in Sodom e ar ba n̄on Ebram, Kwon letok armij ro n̄on iō, im bōki mweiuk kōni n̄on yuk. 22 Im Ebram e ar ba n̄on kiñ in Sodom, I ar kwotōke peiō n̄on Jeova, Anij Eutiejtata, Eo an lōñ im lōl, 23 bwe I jamin bōk juōn mōtōn tred ak juōn kworōn juj, im bwe I jamin bōk men eo jabrewōt am, ñe kwo ab ba, I ar namweien Ebram: 24 a men ko wōt likao ro rar kōñi, im mōtōn kwonan armij ro rar etal iba, Ener, Eshkol, im Mam-re; ren bōk kij eo air.

15 Elikin men kein, nan an Jeova e ar itok n̄on Ebram ilo juōn visōn, im ba, Ebram, ⁴kwon jab mijōk: Ña am likipijñōk, im e naj ⁵kanuij iap wōnam. 2 Im Ebram e ar ba, O Iroi Jeova, ta men eo Kwo naj letok n̄on iō, bwe ejelok nejiō, im armij eo e naj an mweo imō, Iliezar, dri Damaskōs? 3 Im Ebram e ar ba, Lo, Kwar jab letok n̄on iō iniō: im lo, juōn e lotak i mweo imō e naj aō dri jolit. 4 Im lo, nan an Jeova e ar itok n̄on e, im ba, Lein e jamin am dri jolit; a ⁶eo e naj itok jen kabinjiōm, e naj am dri jolit. 5 Im E ar āñin e inabij, im ba, Kwon ejer n̄on lōñ, im lale iju kōn, elañe

kwo maroñ in bwini: im E ar ba n̄on e, E naj ein drein ineōm. 6 Im e ar tōmak Jeova; im Ej watōk men in n̄on e einwōt wānik. 7 Im E ar ba n̄on e, Ña Jeova eo E ar āñintok yuk jen Ōr an dri Kaldia, bwe ¹In lewoj enin am jolit. 8 Im e ba, Jeova Anij, ²kin ta I naj jela bwe en aō jolit? 9 Im E ar ba n̄on e, Kwon bōk juōn kau kokōra, ridtōn jilu yiō, im juōn got kokōra, ridtōn jilu yiō, im juōn sip koman ridtōn jilu yiō, im juōn mule, im juōn mule erik. 10 Im e ar bōk men kein otemjej, im ³nate lukwir, im likit mōtōn ko ikijen dron: a bao ko e ar jab nate. 11 Im ke bao kōn rar jok ion ubeir, Ebram e ar ubaki.

12 Im ke e nañin tulok al, juōn ki-ki elap e ar buñ ion Ebram; im lo, mijōk jen marok jiliñliñ e ar buñ ion. 13 Im E ar ba n̄on Ebram, Kwon kanuij jela bwe ⁴ro ineōm re naj drua maijet ilo juōn ene e jab eneir, im re naj ⁵kamakokoik ir, im re naj kaiñtan ir iom̄in ābuki yiō; 14 im bareinwōt I naj ekajete dri ailiñ eo rej jerbal n̄on ir: im tokelik re naj drioijtok im ⁶elōñ mweiuk ibeir. 15 Im ⁷kwo naj ilok n̄on iben ro jimam ilo ainemōn; im naj kalibwin yuk ilo am kanuij bwijwōlā. 16 A ilo ebeben ken kermen re naj jeblaktok; bwe ⁸an dri Amor jerawiwi e jañin obrōk. 17 Inem, ke e ar tulok al, im e marok, lo, juōn ubaj e batat im juōn lamp e urur, rar ilok ikōtan mōtōn ko. 18 Im ilo ran eo Jeova e ar kōmōn juōn bujen iben Ebram, im ba, I ar lewoj enin n̄on ineōm, jen river in Ijpt n̄on river elap, river Upretis: 19 im dri Ken, im dri Keniz, im dri Kadmon, 20 im dri Het, im dri Periz, im dri Ripaim, 21 im dri Amor, im dri Kenean, im dri Girgas, im dri Jibus.

16 Im Serai, lio belen Ebram, e ar jab keutak nejin n̄on e: im e kar juōn korijeran kōra, ⁹dri Ijpt, etan Hegar. 2 Im Serai e ar ba n̄on Ebram, lo, kiō, Anij e ar drebij iō jen aō neje; ij akwelap n̄on yuk,

¹ eon 12. ² Hib. 7. 1. ³ Hib. 7. 4. ⁴ jap. 26. 24. ⁵ Bwin. 18. 20. ⁶ Gal. 4. 28.

¹ jap. 13. 15. ² Luk. 1. 18. ³ eon 17. ⁴ Jerb. 7. 6. 17. ⁵ Duf. 5. 15. ⁶ Ex. 12. 32-38. ⁷ jap. 25. 8. ⁸ Liv. 13. 24-28. ⁹ jap. 12. 10.

kwon dreloñ ñõn iben lio korijera ; bwelen in bõk nejiõ kin e. Im Ebram ej eorõñ ainiken Serai. 3 Im Serai, lio belen Ebram, e ar ãñin Hegar korijeran, dri Ijpt, elikin an Ebram jokwe i enen Kenean iomin joñoul yiõ, im e ar lelok e ñõn Ebram leo belen, bwe en belen. 4 Im e ar dreloñ ñõn iben Hegar, im e ar etta: im ke lio e ar lo bwe e bõroro, ej kejekron liroi j eo an. 5 Im Serai e ar ba ñõn Ebram, Aõ nana en ber iom: I ar lewoj lio korijera na i ubõm; im ke ej lo bwe e bõroro, ej kejekron iõ: Jeova en ekajet ikõtaõ im kwe. 6 A Ebram e ar ba ñõn Serai, Lo, lio korijerõm ej ber ilo peõm; kwon kõmõn men eo emõn iman mejõm. Im Serai e ar kaiñtan e, im e ar ko jen iman mejen.

7 Im ¹enjel õn Jeova e ar loe iturin juõn unin dren i ene jemaren, iturin un eo ilo ial ñõn Shur. 8 Im e ar ba, Hegar, korijeran Serai, ²kwoj itok jen ia? im kwoj woj jikõt? Im e ar ba, Ij ko jen iman liroi j eo aõ, Serai. 9 Im enjel õn Jeova e ar ba ñõn e, Kwon bar jeblak ñõn liroi j eo am, im kõtaik yuk iomin pein. 10 Im enjel õn Jeova e ar ba ñõn e, ³I naj kanuij korlok ineõm, bwe ren jab maroñ bwine ir kin air lõñ. 11 Im enjel õn Jeova e ar ba ñõn e, Lo, kwo bõroro, im kwo naj keutak nejõm eman, im kwo naj likit etan Ishmeel, bwe Jeova e ar roñ am iñtan. 12 Im e naj einwõt juõn ass e awia iolapen armij; pein e naj jumae armij otemjej, im pein armij otemjej re naj jumae e; im e naj jokwe ⁴ikijen ro jein im jãtin. 13 Im e ar likit etan Jeova, Eo e ar konono ñõn e, Kwe juõn Anij Kwoj lo: bwe ej ba, I ar reilok ilokõn Eo e ar lo iõ ke? 14 Kin men in, etan aibij eo, Bier-lehai-roai; lo, ej ber ikõtã Kedesh im Bired.

15 Im Hegar e ar keutak nejin man ñõn Ebram: im Ebram e ar likit etan nejin, eo Hegar e ar keutak e, Ishmeel. 16 Im ridtõn Ebram drualitõkñoul jiljino yiõ, ke Hegar e ar keutak Ishmeel ñõn Ebram.

17 Im ke ridtõn Ebram druatim-juõnñoul druatimjuõn yiõ, Jeova e ar weaktok ñõn Ebram, im ba ñõn e, Ña Anij Laplap; kwon itoitõk iman meja, im kwon ¹wãppen. 2 Im I naj kõmõn Aõ bujen ikõtaõ im kwe, im I naj ²kanuij korlok yuk. 3 Im Ebram e ar buñbero: im Anij e ar konono ñõn e, im ba, 4 Kin Ña, lo, Aõ bujen ej ber ibõm, im kwo naj ³jemen elõñ bwij. 5 Im re jamin bar likit etõm Ebram, a etõm e naj Ebream; bwe I ar kõmõn yuk ⁴jemen elõñ bwij. 6 Im I naj kõmõn bwe kwon kanuij timon, im I naj kõmõn bwe en or bwijõm, im ⁵kiñ ro re naj walok jen kwe. 7 Im I naj kabin Aõ bujen ikõtaõ im kwe, im ro ineõm elikõm, ilo ebeben ko air, kin bujen in drio, bwe in Anij ñõn yuk, im ñõn ⁶ineõm elikõm. 8 Im I naj lewoj ñõn yuk, im ñõn ro ineõm elikõm, eneo ijo kwoj drua maijet ie, aolepen enen Kenean, bwe en air jolit in drio: im I naj air Anij.

9 Im Anij e ar ba ñõn Ebream, Inem kwon kejbãrok bujen eo Aõ, kwe, im ro ineõm elikõm ilo ebeben ko air. 10 ⁷Eñin bujen eo Aõ, eo kom naj kejbãrok, iba im ibõm, im iben ro ineõm elikõm: ren mõiit ladrik otemjej ibemi. 11 Im ⁸kom naj mõiiti kilin mami; im e naj kakõlen bujen eo ikõtã. 12 Im eo iami ej ridtõn drualitõk ran en mijmij, ladrik ro otemjej ilo ebeben ko ami, eo ej lotak iloan im, eo emwij wiaik e kin mõnni ian ro drua, im e jab ineõm. 13 Eo ej lotak iloan mweo imõm, eo emwij wiaik e kin mõnni eo am, ren mijmij wõt: im Aõ bujen e naj ber ilo kõniekõmi kin bujen in drio. 14 Im ladrik otemjej e jab mijmij, eo e jab mijmij kilin man, e in re naj bukwelok jen armij ro mõtõn; e ar kokkure bujen eo Aõ.

15 Im Anij e ar ba ñõn Ebream, Kin Serai lio beleõm, kwon jab bar likit etan Serai, a etan Sera. 16 Im I naj kejerammõn e, im I naj bareinwõt lewoj ⁹nejõm man kin e: aet, I

¹ Jap. 21. 17. ² Jap. 3. 9. ³ Jap. 17. 20. ⁴ Jap. 25. 18.

¹ Dut 18. 13. ² Jap. 13. 16; 15. 5. ³ Jap. 35. 11. ⁴ Rom 4. 17. ⁵ Gen 16. ⁶ Gal. 3. 16. ⁷ Jon 7. 22. ⁸ Ex. 12. 48. ⁹ Jap. 18. 10.

naj kejerammōn e, im e naj jinen elōñ bwij; im kiñ ro an armij re naj walok jen e. 17 Im Ebream e ar buñbero im etōñ, im ba ilo buruen, E naj or nejin eo ridtōn jibuki yiō ke? im Sera, eo ridtōn druatimjuōññoul yiō, e naj keutak ke? 18 Im Ebream e ar ba ñōn Anij, O I kōnan bwe Ishmeel en mour iman mejōm! 19 Im Anij e ar ba, Emol Sera, lio beleōm, e naj keutak nejin man ñōn kwe, im kwo naj likit etan Aisak: im ¹I naj likit Aō bujen iben, bwe en bujen in drio, kab iben ro inen elikin. 20 Im kin Ishmeel, I ar roñjake yuk: lo, I ar kejerammōn e, im I naj katimon e, im kanuij korlok e; ²e naj keutak joñoul ruo iroi, im I naj kōmōn bwe en juōn bwij elap. 21 A I naj kabin Aō bujen ñōn ³Aisak, eo Sera e naj keutak ñōn yuk ilo ien in ilo yiō eo ej itok.

22 Im emwij An konono iben, im Anij e ar wōñliñlok jen Ebream. 23 Im Ebream e ar bōk Ishmeel nejin, im ro otemjej rar lotak iloan mweo imōn, im ro otemjej e ar wiaik ir kin mōnni eo an, man otemjej ian ro nukin Ebream, im e ar mijit kilin mair ilo ran eo wōt, einwōt Anij e ar ba ñōn e. 24 Im ridtōn Ebream druatimjuōññoul druatimjuōn yiō, ke ⁴ar mijmij e ilo kilin man. 25 Im joñoul jilu yiō ridtōn Ishmeel, nejin, ke ar mijmij e ilo kilin man. 26 Ilo ran eo wōt rar mijmij Ebream, kab Ishmeel nejin. 27 Im man otemjej i mweo imōn, ro rar lotak i mweo imōn, im ro ar wiaik ir kin mōnni jen dua majet, rar mijmij na iben.

18 Im Jeova e ar weaktok ñōn e iturin wijki ok ko an Mamre, ke e ar jijōt ilo kejem in imōn kabere eo ke e dret; 2 im e ar bōk mejen im reilok, im lo, jilu ⁵armij rar jutōk ikijen: im ke ej lo ir, e ar etōr mae ir jen kejem in imōn kabere eo, im e ar mōke barikrik ñōn lōl, 3 im ba, Aō iroi, elañe ij lo joij iman mejōm kiō, ij akwelap ñōn Yuk, bwe Kwon jab ilok jen korijerōm: 4 ren bōktok ji-

rik dren, im ¹Komin kwol neōmi, im Komin kakiye iomin wijki in; 5 im ²I naj bōktok jirik bred, im Komin kakajur buruōmi; im tokelik Kom naj etal: bwe kin men in Kom ar itok ñōn iba korijerōmi. Im Rar ba, Kwon kōmōn einwōt am ba. 6 Im Ebream e ar jarōplok ñōn loan imōn kabere iben Sera, im ba, Kwon kōmōnlok jilu joñōn flauō, im iōki, im kōmāti. 7 Im Ebream e ar etōr ñōn bwijin, im bōktok juōn kon in kau e biruru im emōn, im e ar lelok ñōn dri korijer eo; im ej mōkōj in kokopije. 8 Im e ar bōk bōtter, im milk, im kon eo e ar kapoje, im ej likiti iman mejeir; im ej jutōk iturir iomin wijki eo, im Rar mōña.

9 Im Rar ba ñōn e, Ewi Sera lio beleōm? Im ej ba, Lo, iloan imōn kabere eo. 10 Im E ar ba, Emol I naj jeblaktok ñōn ibōm, ñe e jejiti ien; im lo, Sera, lio beleōm, e naj neje man. Im Sera e ar roñ ilo kejem in imōn kabere eo, ilikin. 11 Kiō Ebream im Sera re ridto, im elōñ airro yiō; im e joko iben Sera mōntin kōra. 12 Im Sera e ar etōñ ilo buruen, im ba, Ke ij ridto I naj mōñōnō ke, im ³aō iroi bareinwōt e ridto? 13 Im Jeova e ar ba ñōn Ebream, Etke Sera ej etōñ, im ba, Emol ke I naj neje, im ña I ridto? 14 ⁴Eor ke men eo Jeova e jab maroñwe? Ilo ien eo I ar ba, I naj jeblaktok ñōn ibōm, ñe e jejiti ien, im Sera e naj neje man. 15 Inem Sera e ar karmijete, im ba, I ar jab etōñ; bwe ej mijōk. Im E ar ba, Jab; a kwar etōñ.

16 Im ⁵lōmaro rar jutōk jen ijo, im jujellok ñōn Sodom: im Ebream e ar ilok ibeirlok bwe en karwōn ir ilo ial. 17 Im Jeova e ar ba, In noj jen Ebream men eo Ij kōmōne ke; 18 bwe emol bwijin Ebream e naj lap im kajur, im bwij ko otemjej i lōl re naj jerammōn kin e? 19 Bwe I jela e, bwe e naj kowe ro nejin im ro nukin elikin, bwe ren kajbārok ial an Jeova, im kōmōn wānik im eka-

¹ Jap. 26. 2-5. ² Jap. 25. 16. ³ Jap. 18. 10, 14. ⁴ Rom 4. 11. ⁵ Jap. 32. 24; Josh. 6. 13.

¹ Jap. 19. 2. ² Eka. 6. 18. ³ 1 Pit. 3. 6. ⁴ Jer. 32. 17 eon 2.

jet; bwe Jeova en bōktok ion Ebre-am men eo E ar ba kin e. 20 Im Jeova e ar ba, ¹Bwe ainiken Sodom im Gomorra elap, im bwe jerawiwi eo air e kanuij lap; 21 kiō Ij wōnlōl-lok bwe In lo elañe ein air kōmōn-mōn wōt ainiken, eo ej itok nōn iba; a elañe jab, I naj jela.

22 Im lōmaro rar oktōk jen ijo, im kaioklok Sodom: a Ebre-am ej jutōk wōt iman mejen Jeova. 23 Im Ebre-am e ar kebak E im ba, ²Kwo naj kokkure dru wānik iben dri jerawiwi ke? 24 Bwelen limñoul dru wānik iloan jikin kwelok en: Kwo naj kokkure, im jab likit ir kin limñoul ro rej ber iloan ke? 25 En etolok jen Kwe bwe Kwon kōmōn ein drein, im mōn ro dru wānik iben ro dri jerawiwi, im bwe ³dru wānik ren einwōt dri jerawiwi; en etolok jen Kwe: Eo ej Iroi in ekajet nōn aolepen lōl E jamin kōmōn wānik ke? 26 Im Jeova e ar ba, Elañe Ij lo limñoul dru wānik i Sodom, iloan jikin kwelok eo, inem I naj tiriamokake aolepen jikin kwelok eo kin ir. 27 Inem Ebre-am e ar uak, im ba, Lo, kiō I ar mōke kajelolū bwe in konono nōn Jeova, ña ⁴ein bōñōlñōl im bri in ubaj; 28 bwelen e naj joko lailim jen limñoul dru wānik: Kwo naj kokkure aolepen jikin kwelok eo kin an joko lailim ke? Im E ar ba, Elañe Ij lo eñoul lailim ijo, I jamin kokkure. 29 Im e ar bar konono nōn E, im ba, Bwelen naj lo eñoul ijo, Im Ej ba, I jamin kōmōne kin eñoul. 30 Im e ar ba, O Jeova en jab illu, im I naj konono: bwelen naj lo jilñoul ijo. Im Ej ba, I jamin kōmōne elañe Ij lo jilñoul ijo. 31 Im e ar ba, Lo I ar mōke kajelolū bwe in konono nōn Jeova: bwelen naj lo roñoul ijo. Im Ej ba, I jamin kokkure kin roñoul. 32 Im e ar ba, O Jeova en jab illu, im I naj konono bar alen wōt juōn: bwelen naj lo joñoul ijo. Im Ej ba, I jamin kokkure kin joñoul. 33 Im Jeova e ar ilok ilo ial eo An, ke emwij An konono iben Ebre-am: im Ebre-am e ar jeblak nōn jikin.

19 Im ¹enjel ro ruo rar itok nōn Sodom ke e jota; im Lot ej jijōt ilo kejem in Sodom: im ke ²Lot e ar lo ir ej jutōk bwe en wōnmae ir; im ej mōke barikrik mejen nōn lōl; 2 im e ar ba, Lo, kiō, aō iroi, ij akwelap nōn komro, komin itok nōn mweo imō, korijerami, im ber boñin in, im kwol neōmi, im kom naj jerkak ñe ejiboñ wōt im etal ilo ial eo amiro. Im rar ba, Jab; a kimro naj ber ilo ial boñ eyu. 3 Im elap an akwelap nōn irro; im rar jeōrtok nōn iben, im dreloñ iloan mweo imōn; im e ar kōmōn kwojkwoj nōn ir, im umum bred e jab uwe, im rar mōña. 4 A mokta jen airro babu, man ro ilo jikin kwelok eo, aet, man in Sodom, rar kabol mweo, ridto im ladi, armij otemjej jen ijo ko otemjej; 5 im rar kir Lot, im ba nōn e, ³Ewi armij ro rar itok nōn ibōm boñin in? kwon āñintok ir nōn kim, bwe kimin jela ir. 6 Im Lot e ar drioi-jlok ilo kejem nōn ir im kil aor eo elikin. 7 Im e ar ba, Ij akwelap nōn kom, jeļō im jātīō, komin jab kōmōn nana einwōt in. 8 Lo kiō, ruo nejiō kōra re jañin jela eman; ij akwelap nōn kom, in āñintok irro nōn kom, im komin kōmōn nōn irro einwōt emōn ilo mejemi: a jab kōmōn jabrewōt nōn lōmarein; bwe rar dreloñ iomin kejenwan mweo imō. 9 Im rar ba, Kwon ruakwoj. Im rar bar ba, Kijōk in e ar iten ber, im ej mōke kairoi e ilo ekajet: kiō elaplok am naj kokkure yuk jen irro. Im rar kanuij jelokwe armij eo, aet Lot, im kebak bwe ren rupe aor eo. 10 A armij ro rar kōtellok peir im keketok Lot nōn ibeir iloan mweo, im kil aor eo. 11 Im ⁴rar mōn jar eo iturin kejem in mweo kin bilo, ro redrik im ro re ridto, einwōt bwe re mōk in bukot aor eo.

12 Im armij ro rar ba nōn Lot, E bar or ke nukōm i enin? nejōm eman, im lōmaro nejōm im limaro nejōm, im jabrewōt men ko am i jikin kwelok in, kwon āñinlok ir jen jikin kwelok

¹ Jap. 19. 13. ² Ex. 23. 7. ³ Dut 1. 16, 17. ⁴ Jap. 3. 19.

¹ Jap. 18. 22. ² Jap. 18. 2-5. ³ Ekaj. 19. 22; Liv. 18. 22. ⁴ Dut 23. 28; Jerb. 13. 11.

in: 13 bwe kim naj kokkure jikin kwelok in, bwe ¹air lamije kanuij lap iman mejen Jeova; im ²Jeova e ar jilkintok kimro bwe kimin kokkure. 14 Im Lot e ar drioijslok im konono iben ro nejin eman, ro re naj kar belek limaro nejin, im ba, Komin jutök, im ilok jen ijin; bwe Jeova e naj kokkure jikin kwelok in. ³A ej einwöt juön dri kajirere ñön ro nejin eman. 15 Im ke ej rantak, inem enjel ro rar bikbikri Lot, im ba, Kwon jutök, im ãñin lio beleöm, im limaro nejöm, rej ber ijin; bwe kom jab joko ilo nana an jikin kwelok in. 16 A e rumij; im lõmaro rar kapjere pein, im pein lio belen, im pein limaro ruo nejin, kin ke Jeova ej tiriamokake e: im rar ãñinlok e im likit e ilikin jikin kwelok eo. 17 Inem, ke rar ber ilikin, E ar ba, Kwon ko bwe kwon mour; ⁴jab reilik, im jabber i aolepen ene biken wöt juön; kwon ko ñön tol en, bwe kwon jab joko. 18 Im Lot e ar ba ñön ir, O, en jab einwöt, aõ Iroi: 19 lo, kio, korijeröm e ar lo joi jiman mejöm, im Kwar kalaplok Am tiriamokake, eo Kwar kwalok ñön iõ kin Am kejbärok aõ mour; im I ban ko ñön tol en, ñe ab nana en walok ñön iõ, im I mij: 20 lo, kiõ, jikin kwelok en ebak bwe in ko ñön e, im erik. O, in ko ñön ijo, (e jab erik ke?) im aõ e naj mour. 21 Im E ar ba ñön e, Lo, I ar bareinwöt eorön yuk kin men in, bwe In jab kokkure jikin kwelok en kwar konono kake. 22 Kwon kaiur yuk, im koonlok; bwe I ban kõmõn jabrewöt ñön ien eo kwoj tõbar ijo. Kin men in rar likit etan jikin kwelok eo, Zoar.

23 Al e ar tak ion lõl ke Lot ej dreloñ ilo Zoar. 24 Inem Jeova ⁵e ar kowutlok jen lõñ ion Sodom im Gomorra, brimston im kijeek jen Jeova; 25 im ⁶E ar kokkure jikin kwelok ko, im aolepen eneo biken wöt juön, im ro otemjej rej jokwe ilo jikin kwelok ko, im men ko otemjej rej edrek jen ene. 26 A lio belen ⁷e ar reiliklok jen

elikin leo, im ej erom jurön salt. 27 Im Ebream e ar wõnliñlok ke ej rantak ñön ijo e ar jutök iman mejen Jeova: 28 im e ar jujellok ñön Sodom im Gomorra, im ñön aolepen eneo biken wöt juön, im lo, ¹at in eneo e ar wõnliñlok einwöt bat in ubaj.

29 Inem, ke Anij e ar kokkure jikin kwelok ko ijo biken wöt juön, Anij e arkememej Ebream, im ²E ar jilkinlok Lot jen iolapen men in kokkure, ke E ar kokkure jikin kwelok ko ijo Lot e kar jokwe.

30 Im Lot e ar wõnliñlok jen Zoar, im jokwe ilo tol eo, im limaro nejin iben; bwe e mijök in jokwe i Zoar: im e ar jokwe ilo juön roñ, e im limaro nejin. 31 Im lio manjien e ar ba ñön lio erik, Eridto jemer, im ejelok bar juön eman ion lõl bwe en dreloñtok ñön iber, einwöt mõnit in aolepen lõl: 32 itok, jen kairak jemer kin wain, im jen babu iben, bwe jen kejbärok inen jemer. 33 Im rar kairak jemeir kin wain boñin eo: im lio manjien e ar dreloñ im babu iben jemen; im leo e jaje kin an babu im kin an jerkak. 34 Inem, ilju, lio manjien ej ba ñön lio erik, Lo, I ar babu boñine iben jema: jen bar kairak e kin wain boñin in; im kwon dreloñ im babu iben, im jen kejbärok inen jemeirro. 35 Im rar kairak jemeir kin wain boñien eo bareinwöt: im lio erik e ar jutök im babu iben; im leo e jaje kin an babu im kin an jerkak. 36 Ein drein aolepen limaro nejin Lot rar bõroro kin jemeirro. 37 Im lio manjien e ar keutak nejin eman, im naetan Moab: e in jemen dri Moab ñön ranin. 38 Im lio erik e ar bareinwöt keutak nejin eman, im naetan Benammai: e in jemen ro nejin Ammon ñön ranin.

20 Im Ebream e ar wäruñalok jen ijo, im e ar jokwe ikõtan Kedesh im Shur; im ej jokwe i Girar. 2 Im Ebream e ar ba kin Sera lio belen, E jätio: im Abimelek, kiñ in Girar, e ar jiliklok, im bõk Sera. 3 ³A Anij e ar itok ñön Abimelek ilo tõnak ke e boñ, im ba ñön e, Lo, kwe

¹ Jap. 18. 20. ² Liv. 26. 30-33. ³ Jer. 43. 1. 2. ⁴ eon 26. ⁵ Luk 17. 29; Jud 7. ⁶ 2 Pit. 2. 6. ⁷ eon 17; Luk 17. 32.

¹ Rev. 9. 2. ² 2 Pit. 2. 7. ³ Jap. 12. 17.

armij e mij, kin kōra eo kwar bōke; bwe e belen juōn eman. 4 A Abimelek e jañin kebake lio: im e ar ba, Jeova, kwo naj bareinwōtmōn bwijin dru wānik ke? 5 Leo e ar jab ba ñōn iō ke, E jātiō? im lio, aet, e ar mōke ba, Jeiō leo: ilo an wānik buruō im peiō erreō I ar kōmōn men in. 6 Im Anij e ar ba ñōn e ilo tōnak, Aet, I jela bwe kwar kōmōn men in ilo an wānik buruōm, im Ña, I ar drebij yuk jen am jerawiwi nae Iō: kir. men in I ar jab likit bwe kwon uñir lio. 7 Inem kiō kwon bar kajebalak lio belen leo: bwe leo dri kanan, im e naj jar kin yuk, im kwo naj mour: im elañe kwo jab bar kajebalak e, kwon jela bwe kwo naj mij, kwe im ro drom otemjej.

8 Im Abimelek e ar jerkak ke e jiboñ wōt, im e ar kirtok dri korijeran otemjej, im e ar kennanek men kein otemjej i lojiliñir: im elap an armij ro mijōk. 9 ¹Inem Abimelek e ar kirtok Ebream, im ba ñōn e, Ta eo kwar kōmōn ñōn kim? im ta eo I ar kamatōrtōr yuk kake, bwe kwar bōtok iōō im ion ailiñ eo aō juōn jerawiwi elap? kwar kōmōn ñōn iō men ko re jakkar. 10 Im Abimelek e ar ba ñōn Ebream, Ta eo kwar loe bwe kwon kab kōmōn men in? 11 Im Ebream e ar ba, I ar lemnok, Emol mijōk Anij e jab ber i enin; im re naj mōn iō kin lio beliō. 12 Im e bareinwōt mol bwe e jātiō, bwe nejin jema, a e jab nejin jinō; im I kar belek e: 13 inem, ke Anij e ar kejebwābweik iō jen imōn jema, I ar ba ñōn liō, Men in men in joi j kwo naj kwalok ñōn iō: ijo ko otemjej je naj ilok ñōn e, kwon ba kin iō, Jeiō leo. 14 Im Abimelek e ar bōk sip im kiru ko rawie, im dri korijeran man, im dri korijeran kōra, im lilok ñōn Ebream, im ej bar kajebalakok Sera lio belen. 15 Im Abimelek e ar ba, Lo, eneo eniō ej ber imam: kwon jokwe ijo kwoj kōnan. 16 Im e ar ba ñōn Sera, Lo, I ar lelok ñōn jeōm juōn tausan mōtōn silver: e naj men in binej mej ko, ñōn ro otemjej ibōm;

im iman mejen armij otemjej emwij kowānik yuk. 17 Inem ¹Ebream e ar jar ñōn Anij: im Anij e ar kemour Abimelek, im lio belen, im limaro korijeran; im rar neje. 18 Bwe Jeova e ar kil loje ko otemjej ilo imōn Abimelek, kin Sera, lio belen Ebream.

21 Im Jeova ²e ar lotok Sera einwōt e kar ba, im Jeova e ar kōmōn ñōn Sera einwōt An kar konono. 2 Im Sera ³e ar etta, im keutak ñōn Ebream nejin eman ke e ridto, ilo ⁴ien eo Anij e ar konono kake ñōn e. 3 Im Ebream e ar natan nejin eo e lotak ñōn e, eo Sera e ar keutak ñōn e, ⁵Aisak. 4 Im Ebream e ar mijmij Aisak nejin, ilo ran eo ⁶ken ka dualitōk, einwōt Anij e ar jiroñ e. 5 Im ridtōn Ebream jibuki yiō ke e lotak Aisak nejin, ñōn e. 6 Im Sera e ar ba, Anij e ar katōñ iō; ro etemjej rej roñ re naj etōñ iba. 7 Im e ar ba, Wōn e naj kar ba ñōn Ebream bwe Sera e naj kaninnin niñniñ? bwe I ar keutak nejin eman ñōn e ke e ridto.

8 Im ajiri eo e ar edrek im rar kalikitit e: im Ebream e ar kōmōn juōn kwojkwoj elap ilo ran eo rar kalikitit Aisak. 9 Im Sera e ar lo ladrik eo nejin Hegar kōra in Ijpt, eo e kar keutak ñōn Ebream, ej kajirere. 10 Kin men in e ar ba ñōn Ebream, ⁷Kwōn jolok liin dri kamakoko, im nejin: bwe nejin lio dri kamakoko e jamin bōk an jolit iben ladrik eo nejiō, aet, iben Aisak. 11 Im ⁸men in e erro iman mejen Ebream, kin ladrik eo nejin. 12 Im Anij e ar ba ñōn Ebream, En jab erro iman mejōm, kin ladrik eo, im kin lio am dri kamakoko; ilo men otemjej Sera e ar ba ñōn yuk, kwon eoroñ ainiken; bwe naj likit ro ineōm ilo ⁹Aisak. 13 Im bareinwōt kin ladrik eo ¹⁰nejin lio dri kamakoko, I naj kōmōn bwijin elap, kin ke ineōm. 14 Im Ebream e ar jerkak ke e jiboñ wōt, im bōk bred, im juōn botto in dren, im lelok ñōn Hegar, likiti na i aeran, im nejin, im

e ar jilkinloke: im e ar ilok, in jeb-wābwe ilo ene jemaren in Bier-shiba. 15 Im ebar dren ilo botto eo, im e ar jolok ajiri eo iomin juōn mār. 16 Im e ar ilok, im jijōt ikijen, etolok, einwōt joñōn libon: bwe e ar ba, In jab lo an ajiri eo mij. Im e ar jijōt ijo, im kwotōke ainiken im jōñ. 17 Im Anij e ar roñ ainiken ladrik eo, im enjel ōn Anij e ar kir nōn Hegar jen lōñ, im ba nōn e, Kwo baj it, Hegar? kwon jab mijōk; bwe Anij e ar roñ ainiken ladrik eo ijo ej ber ie. 18 Kwon jutōk, im bōk ladrik eo im kwotōk e na ilo peōm; bwe naj kōmōne juōn bwij elap. 19 Im Anij e ar kabbellok mejen lio, im ej lo juōn aibij in dren; im e ar ilok, im eteñ botto eo kin dren, im kairak ladrik eo. 20 Im Anij e ar ber iben ladrik eo; im e ar ridtolok, im jokwe i ene jemaren, im ej juōn dri libon. 21 Im e ar jokwe i ene jemaren in Peran: im jinen e ar bōk juōn belen leo nejin jen enen Ijipt.

22 Inem, ilo ien eo, Abimelek, im Paikol iroi in jar in tōrinae eo an, rar konono nōn Ebream, im ba, Anij ej ber ibōm ilo men ko otemjej kwoj kōmōni: 23 kin men in kiō kwon kanōjni nōn iō kin Anij, bwe kwon jab mone iō, ak leo nejiō, ak leo nejin nejiō: a einwōt mol eo I ar kōmōn nōn yuk, kwon kōmōn bareinwōt nōn iō, im nōn eneo ijo kwar itoitōk. 24 Im Ebream e ar ba, I naj kanōjni. 25 Im Ebream e ar kowe Abimelek kin aibij eo, eo ro dri korijeran Abimelek rar koarofwe. 26 Im Abimelek e ar ba, I jaje wōn eo e ar kōmōn men in: im kwar jab kennanek iō, im ij kab roñ wōt ranin. 27 Im Ebream e ar bōk sip im kau, im lilok nōn Abimelek; im irro rar kalimur nōn dron. 28 Im Ebream e ar likit jiljilimjuōn lam kokōra im kejenolok ir. 29 Im Abimelek e ar ba nōn Ebream, En ta lam kokōra kein jiljilimjuōn im kwar kejenoloki? 30 Im e ar ba, Lam kokōra kein jiljilimjuōn, kwo naj bōki jen peiō, bwe ren men in kennan kin iō, bwe I ar kōbij

aibij in. 31 Kin men in e ar likit etan ijo Bier-shiba; bwe ijo irro otemjej rar kanōjni. 32 Ein drein rar kalimur i Bier-shiba: inem Abimelek e ar jutōk, kab Paikol iroi in jar in tōrinae eo an, im rar jeblak nōn enen dri Pilistia. 33 Im Ebream e ar kalibwin juōn wijki tamarisk i Bier-shiba, im ijo e ar kir etan Jeova, Anij In Drio. 34 Im Ebream e ar itoitōk i enen ro dri Pilistia iomin elōn ran.

22 Inem, elikin men kein, ¹Anij e ar melejoñ Ebream, im ba nōn e, Ebream; im e ar ba, Lo, ña e. 2 Im E ar ba, Kiō kwon bōk ²ladrik eo nejōm, eo ej mōke wōt nejōm, Aisak, eo kwoj yokwe, im ilok nōn ene Morraia; im ijo kwon katok kin e ilo katok kijeek ion juōn ian tol ko I naj bakajen nōn yuk. 3 Im Ebream e ar jerkak ke e jiboñ wōt, im kapoj an ass, im āñin ruo ian likao ro dron na iben, im Aisak nejin; im e ar belaj kane in katok kijeek, im jutōk, im ilok nōn ijo Anij e ar jiroñ e. 4 Inem Ilo ran eo ken ka jilu, Ebream e ar bōk mejen, im lo jikin eo, etolok. 5 Im Ebream e ar ba nōn likao ro dron, Kominro ber ijin iben ass eo: im kimro ladrik eo naj ilok nōn ijeuo im kabuñ, im bar itok nōn ibemi. 6 Im Ebream e ar bōk kane in katok kijeek, im likit e ion Aisak nejin; im e ar bōk kijeek eo ilo pein, kab juōn bōkbōk; im rejro jimor etal. 7 Im Aisak e ar konono nōn Ebream jemen, im ba, Jema: im e ar ba, Ña e, nejiō. Im e ar ba, Lo, kijeek ne im kane kā, a ewi lam eo nōn katok kijeek? 8 Im Ebream e ar ba, Nejiō, Anij e naj kapoj An lam nōn katok kijeek: ein drein airro jimor etal.

9 Im rar itok nōn ijo Anij e ar jiron e kake; im Ebream e ar kalek juōn lokatok ijo, im ekar kane ko; im liabe Aisak nejin, im likit e ion lokatok eo na ion kane ko. 10 Im Ebream e ar kōtellok pein im kapjere bōkbōk eo bwe en mōn ladrik eo nejin. 11 Im enjel ōn Jeova e ar kir nōn e jen lōñ, im ba, Ebream, Ebream: im e ar ba, Ña e. 12 Im

E ar ba, Kwon jab likit peōm ion la-
drik eo, im jab kōmōn jabrewōt nōn
e: bwe kiō I jela bwe kwoj mijōk
Anij, bwe kwar jab drebij¹ nejōm jen
Iō, eo ej mōke wōt nejōm. 13 Im
Ebreame e ar reilok, im lo, elikin,
juōn sip koman e lorōk ilo mār kin
drun ko an: im Ebreame e ar ilok im
bōk sip eo, im katok kake, katok ki-
jeek, binej jenkwōn nejn. 14 Im
Ebreame e ar likit etan ijo Jeova-
jaire: ein air ba drein nōn ranin, ²Ilo
tol an Jeova e naj walok. 15 Im
enjel ōn Jeova e ar kir nōn Ebreame
jen lōñ alen ken ka ruo, 16 im ba, ³I
ar kanōjnij kin Iō mōke, Jeova ej ba,
bwe kin am kōmōn men in im jab
drebij nejōm, eo ej mōke wōt nejōm,
17 ilo jerammōn I naj kejerammōn
yuk, im ilo orlok I naj korlok ineōm
einwōt iju ko ilōñ, im einwōt bok i
barijit; im ineōm e naj bōk kejem an
ro rej kijirāte; 18 im ilo ineōm dri
ailiñ otemjej i lōl re naj jerammōn;
bwe kwar bokake ainikiō. 19 Ein
drein Ebreame e ar jeblak nōn iben li-
kao ro dron, im rar jutōk im jimor
ilok nōn Bier-shiba; im Ebreame e ar
jokwe i Bier-shiba.

20 Inem, elikin men kein, rar ken-
nanek Ebreame im ba, Lo, Milka e ar
bareinwōt keutak nejn nōn Nehor
leo jātōm: 21 Ōz manjen, im Bōz
jātin, im Kemuel eo jemen Eram, 22
im Kised, im Hezo, im Pildash, im
Jidlap, im Betuel. 23 Im Betuel e
ar keutak ⁴Rebeka: rein drualitōk
Milka e ar keutak nōn Nehor, leo jā-
tin Ebreame. 24 Im lio konkubain eo
an, etan Ruma, e ar bareinwōt keu-
tak Tiba im Geham, im Tehash, im
Meaka.

23 Im ridtōn Sera jibuki roñoul
jiljilimjuōn yiō: yiō kein yiō
ko an Sera mour. 2 Im Sera e ar
mij i Kiriāt-arba, (e in Hibron), i
enen Kenean: im Ebreame e ar iten
jōñōt Sera, im liājlol kin e. 3 Im
Ebreame e ar jutōk jen iman eo an dri
mij, im konono nōn lōmaro nejn
Het, im ba, 4 Ōa ⁵drua maijet im dri

itoitōk ibemi: komin letok aō brij im
wuliej ibemi, bwe in kalibwin eo aō
dri mij jen iman meja. 5 Im lōmaro
nejn Het rar uak Ebreame, im ba nōn
e, 6 Aō iroi, kwon roñjake kim; kwe
juōn iroi jen Anij ibem: kwon kali-
bwin am dri mij ilo lūp eo emōntata
ian lūp ko am: ejelok juōn iam e naj
drebij an lūp jen yuk, bwe kwon jab
kalibwin eo am dri mij. 7 Im Ebre-
ame e ar jutōk, im barikrik nōn armij
in eneo, nōn ro nejn Het. 8 Im e ar
konono ibeir, im ba, Elañe ami bebe
bwe in kalibwin eo aō dri mij jen
iman meja, komin roñjake iō, im ak-
welap kin iō nōn ¹Ipron nejn Zohar,
9 bwe en letok nōn iō roñ eo an Mak-
pila, eo ej ber iben, i jabōn bukwōn
eo an; kin mōnni oran wōt wōnan, e
naj letok nōn iō bwe en aō wuliej
ibemi. 10 Im Ipron ej jijōt iben ro
nejn Het: im Ipron dri Het e ar uak
Ebreame, ilo bwiljin ro nejn Het, aet
ro otemjej ²rej dreloñ ilo kejem in ji-
kin kwelok eo an, im ba, 11 Jab, aō
iroi, kwon eoroñ iō: ij lewoj bukwōn
eo, im roñ eo ej ber ie, ij lewoj nōn
yuk: iman mejen lōmaro nejn armij
ro droō, ij lewoj: kwon kalibwin eo
am dri mij. 12 Im Ebreame e ar ba-
rikrik iman mejen armij in eneo.
13 Im e ar konono nōn Ipron ilo
bwiljin armij in eneo, im ba, A elañe
kwoj letok, ij akwelap nōn yuk,
kwon eoroñ iō: I naj lewoj mōnni
wōnan bukwōn eo; kwon bōk jen iō,
im I naj kalibwin eo aō dri mij ie.
14 Im Ipron e ar uak Ebreame, im ba
nōn e, 15 Aō iroi, kwon eoroñ iō:
wōnan bukwōn eo ābuki shekel in sil-
ver; a ta men eo iba im ibōm? inem
kwon kalibwin eo am dri mij. 16
Im Ebreame e ar eoroñ Ipron; im
Ebreame e ar joñwe nōn Ipron silver
eo e ar ba ilo bwiljin ro nejn Het,
ābuki shekel in silver, emōn iben dru-
wia.

17 Ein drein bukwōn an Ipron eo i
Makpila, eo iturin Mamre, bukwōn
eo, im roñ eo ej ber ie, im wijki
otemjej ie, ko rej ber i tōreran, ar
kabine 18 nōn Ebreame bwe en an,

¹ eon 2. 16. ² eon 8. ³ Hib. 6. 13, 14. ⁴ jap. 24. 15.
⁵ Lāv. 35. 23; Hib. 11. 9, 13.

¹ jap. 25. 9. ² Ruth 4. 1, 11.

iman mejen ro nejin Het, imair otemjej rej dreloñ ilo kejem in jikin kwelok eo an. 19 Im tokelik Ebre-am e ar kalibwin Sera lio belen ilo roñ eo ilo bukwōn Makpila iturin Mamre, (e in Hibron), ilo enen Kenean. 20 Im bukwōn eo, im roñ eo ie, ro nejin Het, rar kabine ñōn Ebream bwe en an wuliej.

24 Im Ebream e lōlap im bwij-wōlā: im Jeova ¹e ar kejerammōn Ebream ilo men ko otemjej. 2 Im Ebream e ar ba ñōn leo korijeran, eo e utiej ilo mweo imōn, eo iroi in men ko an, Ij akwelap ñōn yuk, ²kwon likit peōm iomin unjen neiō: 3 im I naj kōmōn bwe kwon kanōjni kin Jeova, Anij in lōñ, im Anij in lōl, bwe kwon jab bukot juōn belen leo nejiō ian ³limaro nejin dri Kenean, ro ij jokwe ibeir: 4 kwon ilok ñōn ⁴eneo eniō, im ñōn bwij eo aō, im bukot juōn belen nejiō Aisak. 5 Im leo korijeran e ar ba ñōn e, Bwelen lio e jamin kōnan lor iō ñōn enin; emōn ke in bar āñinlok leo nejōm ñōn eneo kwar itok jen e? 6 Im Ebream e ar ba ñōn e, Lale kwar āñinlok leo nejiō ñōn bar ijo. 7 Jeova Anij in lōñ, Eo e ar bōk iō jen imōn jema, im jen enen jowi eo aō, im Eo e ar kono-no ñōn iō, im Eo e ar kanōjni ñōn iō im ba, I naj lewoj enin ñōn ineōm, e naj jilkinlok An enjel imam im kwo naj bukot belen leo nejiō jen ijo. 8 Im elañe lio e jab kōnan lor yuk, inem ejelok ruōm kin am kanōjni ñōn iō; a men in wōt, kwon jab bar āñinlok leo nejiō ñōn ijo. 9 Im leo korijeran e ar likit pein iomin unjen neen Ebream, karo eo an, im kanōjni ñōn e kin men eo.

10 Im leo korijeran e ar bōk joñoul kamel ian kamel ko an karo eo an, im ilok; bwe aolepen mweien karo eo an rej ber ilo pein; im e ar jutōk im ilok ñōn Mesopotemia, ñōn jikin kwelok an Nehor. 11 Im e ar kabukwelōlō kamel ko ilikin jikin kwelok eo iturin juōn aibij, ilo ien ke e jota, aet ilo ien an kōra ro drioi j bwe ren itōk. 12 Im e ar ba, O Je-

ova, Anij an karo eo aō, Ebream, ij akwelap ñōn Yuk bwe Kwon kejerammōn iō ranin, im kwalok joi ñōn Ebream aō karo. 13 Lo, ij jutōk iturin unin dren eo; im limaro nejin armij ro in jikin kwelok eo rej drioi jtok in itōk: 14 im en walok men in, bwe jiroñ eo I naj ba ñōn e, Ij akwelap ñōn yuk, kwon drorlōl am ken itōk bwe in irak; im e naj ba, Kwon irak, im bareinwōt I naj kairak kamel ko am; eñin en lio Kwar kălet ñōn korijerōm Aisak; im kin men in I naj jela bwe Kwar kwalok joi ñōn aō karo. 15 Inem, ke e jañin kar mwij an konono, lo, Rebeka ej drioi jtok, eo e ar lotak ñōn Betuel nejin Milka, lio belen Nehor, jătin Ebream, im juōn ken itōk i aeran. 16 Im jiroñ eo e kanuij dreo, e virjin, im ejelok man e ar jela e: im e ar wōnlōllok ñōn aibij en im teñ ken itōk eo an, im bar wōnlăntok. 17 Im dri kori jer eo ej tōr mae, im ba, Ij akwelap ñōn yuk, in irak jirik dren jen am ken itōk. 18 Im e ar ba, Kwon irak, aō iroi j: im ej kaiur e im drorlōl an ken itōk na i lobiren pein, im kairak e. 19 Im ke emwij an kairak e, e ar ba, I naj bareinwōt itōk ñōn kamel ko am, ñōn ien eo re măt. 20 Im e ar kaiur e, im lutōk an ken itōk na ilo jăbi eo, im bar etōr ñōn aibij eo bwe en itōk, im ej itōk ñōn aolepen kamel ko an. 21 Im leo e ar kalimjek e wōt, im ej kejeklokjen, bwe en jela Anij e ar kejerammōn an itok ke jab ke. 22 Inem, ke emwij an kamel ko irak, leo e ar bōk juōn lukō gold, kiōk jibilkwōn shekel, im ruo lukō ñōn kōbkōb in pein lio, kiōk joñoul shekel in gold, 23 im e ar ba, Nejin wōn kwe? ij akwelap ñōn yuk, bwe kwon kennanek iō. Eor ke jikin ilo imōn jemōm bwe kimin kiki ie? 24 Im e ar ba ñōn e, Ŋa nejin Betuel, leo nejin Milka, eo e ar keutak ñōn Nehor. 25 Im e ar bareinwōt ba ñōne, Eor ujoij im ekōn ibem, im eor jikin. 26 Im leo e ar barikrik im kabuñ ñōn Jeova. 27 Im e ar ba, E monmon Jeova, Anij an aō karo Ebream, Eo

¹ eon 35. ² jap. 47. 29. ³ jap. 26. 34, 35. ⁴ Hib. 11. 15.

e ar jab likit aō karo bwe en jerata, ilo An joij im mol : kin nā, Jeova e ar tel iō ilo ial nōn imōn ro jein im jātīn aō karo.

28 Im jiroñ eo e ar etōr im kennanek ro ilo imōn jinen ekar nōn nan kein. 29 Im juōn eman, jein Rebeka, etan Leban: im Leban ej etōrlōk nōn iben leo iturin aibij eo. 30 Inem, ke e ar lo luko eo, im luko ko na i pein lio jātīn, im ke e ar roñ nan ko an Rebeka jātīn, im ba, Ein drein an leo ba nōn iō; e ar itok nōn iben leo; im lo, e ar jutōk iben kamel ko iturin aibij eo. 31 Im e ar ba, ¹Kwon dreloñtok, kwe mōnōnō an Jeova; etke kwoj jutōk inabij? I ar kapoj mween, im jikin kamel ko. 32 Im leo e ar dreloñ iloan mweo: im ej jelate men ko mweien kamel ko an leo, im lelok ujoij im ekōn kijēn kamel ko an, im dren bwe en katutūneen, kab neen lōmaro rej ber iben. 33 Im rar likit kijēn iman mejen leo bwe en mōña: a ej ba, I jamin mōña nōn ien eo ij kwalok unin aō itok. Im ej ba, Kwalok mōk. 34 Im e ar ba, Na korijeran Ebream. 35 Im Jeova e ar kanuij kejerammōn karo eo aō; im elap: im E ar lelok nōn e bwijīn kiru, im bwijīn sip, im silver, im gold, im dri korijeran man, im dri korijeran kōra, im kamel ko, im ass ko. 36 Im ²Sera, lio belēn karo eo aō, e ar keutak nejin eman nōn aō karo ke e lilap: im nōn leo, ³e ar lelok men ko otemjej an. 37 Im karo eo aō e ar ba in kanōjnij, im ba, Kwon jab bukot belēn leo nejiō ian limaro nejin dri Kenean, ro ij jokwe i eneo eneir. 38 A kwon ilok nōn imōn jema, im nōn bwij eo aō, im bukot belēn leo nejiō. 39 Im I ar ba nōn karo eo aō, Bwelen kōra eo e jamin lor iō. 40 Im e ar ba nōn iō, Jeova, Eo ij etal iman mejen, E naj jilkinlok An enjel ibōmlōk, im kejerammōn ial eo am; im kwo naj bukot juōn belēn leo nejiō ian bwij eo aō, im ian imōn jema: 41 inem e naj ejelok ruōm kin kanōjnij in nōn iō ñe kwoj tōbar bwij eo aō: im elañe

re jab lewoj juōn, inem e naj ejelok ruōm kin kanōjnij in nōn iō. 42 Im I ar itok ranin nōn aibij eo, im ba, O Jeova, Anij an aō karo Ebream, elañe kiō Kwoj kejerammōn ial eo ij etal ie: 43 lo, ij jutōk iturin unin dren eo; im en walok men in, ñe jiroñ eo ej drioišten itōk, im ij ba nōn e, Letok, ij akwelap nōn yuk, jirik dren jen am ken itōk bwe in irak; 44 im e naj ba nōn iō, kwon irak, im I naj bareinwōt itōk limen kamel ko am; eñin en kōra eo Jeova e ar kålet nōn leo nejin karo eo aō. 45 Im ke e jañin mwij aō konono ilo buruō, lo, Rebeka e ar drioihtok im an ken itōk na i aeran; im ej wōnlōllok nōn aibij eo, im itōk: im I ar ba nōn lio, Ij akwelap nōn yuk, in irak. 46 Im e ar kaiur e im dror an ken itōk jen aeran, im ba, Irak mōk, im I naj bareinwōt kairak kamel ko am; inen I ar irak, im bareinwōt e ar kairak kamel ko. 47 Im I ar kajitōk iben, im ba, Nejin wōn kwe? Im ej ba, Nejin Betuel, leo nejin Nehor, eo Milka e ar keutak nōn e; im I ar likit luko eo inkōn na iturin mejen, im luko kōn na i pein. 48 Im I ar barikrik im kabuñ nōn Jeova, im kamolol Jeova Anij an Ebream karo eo aō, Eo e ar tel iō ilo ial e jime, bwe in bukot lio nejin jein im jātīn karo eo aō nōn leo nejin. 49 Im kiō elañe kom naj kōmōn joij im mol nōn aō karo, komin kennanek iō: im elañe jab, kennanek iō; bwe in jeorlok nōn anbijmaroñ ak nōn anmiñ.

50 Inem Leban im Betuel rar uak im ba, Men in ej waloktok jen Jeova: kim ban konono nōn yuk nana ak emōn. 51 Lo, Rebeka ej iman mejōm, kwon āñin e im etal, bwe en belēn leo nejin karo eo am, einwōt Jeova e ar ba. 52 Inem, ke leo korijeran Ebream ej roñ air in nan, ej barikrik nōn lōl im kabuñ nōn Jeova. 53 Im dri korijer eo e ar kwalok inkōn silver, im inkōn gold, im nuknuk, im lilok nōn Rebeka: bareinwōt ej lelok nōn leo jein im nōn jinen men ko re aurōk. 54 Im rar mōña

im irak, leo im lõmaro iben, im ber boñ eyu; im rar jerkak ke ejiboñ, im ej ba, Komin jilkinlok iõ ñõn karo eo aõ. 55 Im leo jein kab jinen rar ba, Jiroñ eo en ber ibem jet ran, en jab eiet jen joñoul; tokelik e naj ilok. 56 Im e ar ba ñõn ir, Komin jab kworumij iõ, bwe Jeova e ar kejerammõn ial eo aõ; komin jilkinlok iõ bwe in ilok ñõn iben karo eo aõ. 57 Im rar ba, Kim naj kir jiroñ eo im kajitõk iben. 58 Im rar kirtok Rebeka, im ba ñõn e, Kwo kõnan ilok iben lein ke? Im ej ba, I naj ilok. 59 Im rar jilkinlok Rebeka jätir, im lio e ar kakajiririk e, im leo korijeran Ebream, im lõmaro dron. 60 Im rar kamõnõnõik Rebeka, im ba, Kwe jätim kwon jinen tausan rõn in ñoul tausan rõn, im ¹ro ineõm ren bõk kejem ko an ro rej kijiräte ir.

61 Im Rebeka e ar jutõk, im limaro dron, im rej uwe ion kamel ko im lor leo: im dri korijer eo ej añin Rebeka, im etal ilo ial eo an. 62 Im Aisak e ar itok jen ial in Bier-lehai-roai; bwe ej jokwe i eneo i Rõk. 63 Im Aisak e ar drioijslok bwe ²en kalomõnlokjen ilo jikin kallip ke e jota: im ej bõk mejen im reilok, im lo, kamel ko rej itok. 64 Im Rebeka e ar bõk mejen, im ke ej lo Aisak ej to jen kamel eo. 65 Im e ar ba ñõn dri korijer eo, Leõt en ej etetal ilo jikin kallip im wõnmae kij? Im dri korijer eo e ar ba, Karo eo aõ en: inem lio ej bõk veil eo an im kalibubu e. 66 Im dri korijer eo e ar kennanek Aisak men otemjej e ar kõmõne. 67 Im Aisak e ar añintok lio ñõn loan imõn kabere an Sera, jinen, im ej bõk Rebeka, im ej belen; im leo ej yokwe e: im Aisak e lul ke e ar jõñõt jinen.

25 Im Ebream e ar bõk bar juõn belen, im etan lio, Kitura. 2 Im e ar keutak ñõn e, Zimran, im Jokshan, im Midan, im Midian, im Ishbak, im Shua. 3 Im Jokshan e ar keutak Shiba, im Didan. Im Lõmaro nejin Didan: Ashurim, im Litusim, im Liõmim. 4 Im lõmaro nejin

Midian: Ipa, im Iper, im Henok, im Abaida, im Eldea. Rein otemjej ro nejin Kitura. 5 Im Ebream ¹e ar lelok aolepen men ko otemjej an ñõn Aisak. 6 A Ebream e ar namweien lõmaro nejin konkubain ro an, im jilkinlok ir jen iben Aisak nejin, ke e ja mour, italok ñõn ene i rear. 7 Im ran kein ran ko in yiõ ko in mour an Ebream, jibuki jiljilimjuõnñoul lailim yiõ. 8 Inem Ebream ej weaklok an, im e mij ilo an lõlap emõn, ²armij e ridto im lõñ an yiõ, im koba iben ro mõtõn. 9 Im lõmaro, Aisak im Ishmeel, ro nejin, rar kalibwin e ilo roñ Makpila, i bukwõn in Ipron nejin Zohar dri Het, eo iman Mamre; 10 bukwõn eo Ebream e ar wia-ik jen ro nejin Het: ijo ar kalibwin Ebream, im Sera lio belen. 11 Im ber inem, elikin an Ebream mij, Anij e ar kejerammõn Aisak nejin; im Aisak e ar jokwe iturin Bier-lehai-roai.

12 Kiõ rein ebeben ko an Ishmeel, nejin Ebream, eo Hegar korijeran Sera, kõra in Ijpt, e ar keutak ñõn Ebream: 13 im át kein etan lõmaro nejin Ishmeel, kin etair ekar ñõn ebeben ko air: leo manjien Ishmeel, Nibaiot; im Kidar, im Adbeel, im Mibsam, 14 im Mishma, im Duma, im Massa, 15 Hedad, im Tima, Jitur, Nepish, im Kidema: 16 lõmarein ro nejin Ishmeel, im át kein etair, ekar ñõn jikin kwelok ko air, im ekar ñõn mo ko imweir; joñoul ruo iroijs ekar ñõn bwijir. 17 Im yiõ kein yiõ ko an Ishmeel mour: jibuki jilñoul jiljilimjuõn yiõ: im e ar weaklok an im mij, im koba iben ro mõtõn. 18 Im rar jokwe jen Havila ñõn Shur, eo iman Ijpt, ñe kwoj ilok ñõn Assiria: im ³e ar jokwe iman mejen ro jein im jätin otemjej.

19 Im rein ebeben ko an Aisak, nejin Ebream: Ebream e ar keutak Aisak: 20 im ridtõn Aisak eñoul yiõ ke ej bõk Rebeka belen, lio nejin Betuel dri Siria dri Pedan-eram, jätin Leban dri Siria. 21 Im Aisak e ar akwelap ñõn Jeova kin lio belen,

bwe ewar: im ¹Jeova e ar eoroñe, im Rebeka lio belen, e ar etta. 22 Im niñniñ ro rar oktak iben dron ilujen: im e ar ba, Elañe einwõt, etke men in ñõn iõ? Im ej ilen kajitõk iben Jeova. 23 Im Jeova e ar ba ñõn e, Ruo bwij ilujõm, im ruo wāwen armij re naj jibil jen mōjñõl ko am: im juõn bwij e naj kajur jen bwij eo juõn; im eo elip e naj jerbal ñõn eo erik. 24 Im ke ran ko an re jejit bwe en keutak, lo, bo ro ilujen. 25 Im eo mokta ej walok e kilmir, im enbwiniñ einwõt nuknuk kol; im rej naetan Iso. 26 Tokelik jätin ej walok, im pein ej jibwe jimwin neen Iso; im rej naetan Jakob: im ridtõn Aisak jiljinoñoul yiõ ke lio e ar keutak ir.

27 Im ladrik ro rar edrek: im Iso e jela kakiruru, armij in lujen ene; a Jakob armij e jime im ej jokwe ilo imõn kabere ko. 28 Im Aisak ej yokwe Iso bwe e ar mōña an itokin kiru rawia: a Rebeka ej yokwe Jakob. 29 Im Jakob e ar kōmāt mōña ilo dren: im Iso ej itok jen ene, im e kijelok: 30 im Iso e ar ba ñõn Jakob, Kwon najirik iõ, ij akwelap ñõn yuk, kin kijõm ne e kilmir; bwe I kijelok: kin men in rej likit etan Idom. 31 Im Jakob e ar ba, Kwon wiakaki ñõn iõ am ²manje mokta. 32 Im Iso e ar ba, Lo, I nañin joko wõt jirik: im ekijkan an manje eo kakajur iõ? 33 Im Jakob e ar ba, Kwon kanõj-nij ñõn iõ mokta; im e ar kanõjnij ñõn e: im ³ej wiakake manje eo ñõn Jakob. 34 Inem Jakob e ar lelok ñõn Iso bred im lentil kōmāt ilo dren; im ej mōña im irak, im jutõk im ilok ilo ial eo an: ein drein Iso e ar kejekron manje eo.

26 Im e kar bar juõn ñita i eneo, jen ñita eo mokta ilo ran ko an Ebream. Im Aisak e ar ilok ñõn iben Abimelek iroiñ an dri Pilistia, i Girar. 2 Im Jeova e ar weaktok ñõn e, im ba, Kwon jab wõnlõllok ñõn Ijip; kwon jokwe ilo eneo I naj bakajen ñõn yuk. 3 Kwon itoitõk i enin, im I naj ber ibõm, im naj keje-

rammõn yuk: bwe I naj lewoj ene kein otemjej ñõn yuk, im ñõn ineõm, im I naj kamol kanõjnij eo I ar kanõjnij kake ñõn Ebream, jemõm; 4 im ¹I naj korlok ineõm einwõt iju ko ilõñ, im I naj lelok ñõn ineõm ene kein otemjej: im ilo ²ineõm dri ailifi otemjej i lõl re naj jerammõn: 5 bwe Ebream e ar bokake ainikiõ, im kejbārok Aõ kalimur, im nan in kaiñi ko Aõ, im kien ko Aõ, im Aõ nan in kowe. 6 Im Aisak ej jokwe i Girar: 7 im man ro ijo rar kajitõk kin lio belen; im ej ba, ³Jātiõ lio: bwe ej mijõk in ba, Beliõ lio; ej lemnok, ñe man ro in ijin re ab mōn iõ kin Rebeka; bwe e dreo ilo lale. 8 Inem, ke eto an ber ijo, Abimelek, iroiñ an dri Pilistia, ej reilok ilo juõn windo, im lo, Aisak ej kōnaniken iben Rebeka, lio belen. 9 Im Abimelek e ar kirtok Aisak im ba, Lo, emol beleõm lio: im ekijkan am kar ba, Jātiõ lio? Im Aisak ej ba ñõn e, Bwe I ar ba, Ñe rab mōn iõ kin e. 10 Im Abimelek e ar ba, Ta in kwar kōmõn ñõn kim? elañe juõn ian armij rōn e nañin kar babu iben lio beleõm, inem kwo naj kar naruem. 11 Im Abimelek e ar jiroñ ro dron otemjej, im ba, Eo ej kokkure armij in ak lio belen, en mij otem mij.

12 Inem Aisak ej jeor ilo eneo, im bōk ilo yiõ eo wõt, jibuki kin juõn alen: im Jeova e ar kejerammõn e. 13 Im leo ej laplok an maroñ, ñõn ien eo e kanuij maroñ: 14 im ⁴eor an bwijin kiru ko relap im kiru ko redrik, im elõñ dri korijeran: im dri Pilistia rej junmar e. 15 Bwe ⁵aibij ko otemjej dri korijeran jemen rar kōbiji, ilo ran ko an Ebream, jemen, dri Pilistia rar jieñi, im kobrōki kin brij. 16 Im Abimelek e ar ba ñõn Aisak, Kwon ilok jen ibem; bwe kwo kanuij kajur jen kim. 17 Im Aisak ej jeblak jen ijo, im ej kajur an imõn kabere ilo komlõl in Girar, im jokwe ijo.

18 Im Aisak e ar bar kōbij aibij ko, ko rar kōbiji ilo ran ko an Ebream.

¹ 1 Sam. 1. 17. ² Dut. 21. 16, 17. ³ Eib. 12. 16.

¹ Jap. 15. 5. ² Gal. 3. 8. ³ Jap. 12. 13. ⁴ Jap. 24. 35. ⁵ Jap. 21. 25.

am, jemen; bwe dri Pilistia rar jieñi elikin an Ebream mij: im ej likit etair einwõt ät ko jemen e ar likiti. 19 Im ro dri korijeran Aisak rar kōbij ilo komlöl eo, im rej lo juön unin dren emour. 20 Im ro dri lale kiru i Girar rar akwail iben ro dri lale kiru an Aisak, im ba, Kar am dren in: im rej likit etan aibij eo Isek; bwe rar akwail iben dren. 21 Im rar kōbij bar juön aibij, im rej bar akwail kake; im ej likit etan Sitna. 22 Im ej mōkit jen ijo, im kōbij bar juön aibij; im rar jab akwail kake: im ej likit etan Rihobot; im ej ba, Bwe kiō Jeova e ar kamlap kij, im je naj orlok i enin.

23 Im e ar wōnliñok jen ijo ñon Bier-shiba. 24 Im Jeova e ar weaktok ñon e boñen eo, im ba, Ña Anij an Ebream, jemōm; kwon jab mijōk, bwe Ij ber ibōm, im I naj kejerammōn yuk, im korlok ineōm kin Ebream korijera. 25 Im e ar kalek juön lokatok ijo, im kir etan Jeova, im e ar kajur an imōn kabere ijo: im ijo ro dri korijeran Aisak rar kōbij juön aibij.

26 Inem Abimelek e ar ilok ñon iben jen Girar, kab Ahuzat juön jeran, im Paikol iroi in jar in törinae eo an. 27 Im Aisak e ar ba ñon ir, Etke komij itok ñon iba, ke komij kijiräte iō, im kom ar jilkinlok iō jen ibemi? 28 Im rej ba, Emol kim ar lo bwe Jeova ej ber ibōm: im kim ar ba, En juön kanōjniy ikōtar, aet ikōtam im kwe; im kimin kōmōn juön kalimur ibōm, 29 bwe kwon jab kōkkure kim, einwõt kim ar jab uñir yuk, im einwõt ejelok men kim ar kōmōn ñon yuk, a emōn wõt, im kim ar jilkinlok yuk ilo ainemōn: kiō kwe dri jerammōn jen Jeova. 30 Im e ar kōmōn kwojkwoj ñon ir, im rar mōña im irak. 31 Im rar jerkak ke ejiboñ im ¹kanōjniy ñon dren: im Aisak ej jilkinlok ir, im rar jeb-lak jen iben ilo ainemōn. 32 Inem, ilo ran eo wõt, ro dri korijeran Aisak rar itok im kennanek e kin aibij eo re kar kōbiye, im ba ñon e, Kim ar lo

dren. 33 Im ej likit etan Shiba: kin men in, etan jikin kwelok eo Bier-shiba ñon ranin.

34 Im ke ridtōn Iso eñoul yiō e ar belek Judit nejn Bieri dri Het, im Bashimat nejn Ilon dri Het: 35 im irro rej men in kaburomōj Aisak im Rebeka.

27 Inem, ke Aisak e bwijwōlā, im etap mejen, bwe e jab lolokjen, ej kir Iso manjen, im ba ñon e, Nejiō: im ej ba ñon e, Ña e. 2 Im ej ba, Lo, kiō I lōlap, I jab jela ran eo I naj mij. 3 Im kiō ij akwelap ñon yuk, kwon bōk am ken iri, am nien mōri im am libon, im ilok ñon lojen ene im bukottok ñon iō itokin kiru rawia; 4 im kōmāt kijiō enno, einwõt ij ijol, im bōktok ñon iō bwe in mōña; bwe aō en jare yuk mokta jen aō mij.

5 Im Rebeka e ar roñ ke Aisak ej konono ñon Iso nejn. Im Iso e ar ilok ñon ene bwe en bukot itokin kiru rawia, im bōktok. 6 Im Rebeka e ar konono ñon Jakob nejn, im ba, Lo, I ar roñ an jemōm konono ñon Iso jeōm, im ba, 7 Bōktok ñon iō itokin kiru ko rawia, im kōmāt kijiō enno, bwe in mōña, im jare yuk iman mejen Jeova mokta jen aō mij. 8 Im kiō, nejiō, ²kwon bokake ainikiō, einwõt men eo ij jiroñ yuk. 9 Kwon ilok kiō ñon bwijin kiru eo, im bōktok ruo kon in got remōn; im I naj kōmāti kijan jemōm enno, einwõt ej ijol: 10 im kwo naj bōklok ñon jemōm, bwe en mōña, im bwe en kejerammōn yuk mokta jen an mij. 11 Im Jakob ej ba ñon Rebeka jinen, Lo, Iso, jeiō, e ³armij e kolole, a ña armij e matōltil: 12 bwe len ⁴jema e naj tolōm iō, im I naj einwõt dri jela mon ñon e; im I naj bōk jerata iō, im jab jerammōn. 13 Im jinen e ar ba ñon e, Am jerata en ber iō, nejiō; kwon bokake wõt ainikiō, im ilen bōktok. 14 Im e ar ilok, im bōki, im bōkitok ñon iben jinen: im jinen e ar kōmāt kōn enno, einwõt jemen ej ijole. 15 Im Rebeka e ar bōk nukruk e aurōk ian

¹ jap. 21. 31.² jap. 25. 28. ³ eon 13. ⁴ jap. 25. 25 ⁵ eon 21. 22.

nuknuk an manjien Iso, ko rej ber iben iloan im, im ej naballin Jakob nejin eo erik; 16 im ej likit kilin kon in got na ion pein, im ion kenwan ijo e matōltil: 17 im ej lelok ekōn enno im bred, ko e ar kapoji, i pein Jakob nejin.

18 Im e ar itok nōn iben jemen, im ba, Jema: im ej ba, Ōa e; wōn kwe nejiō? 19 Im Jakob e ar ba nōn jemen, Ōa Iso manjiōm; I ar kōmōn einwōt kwar jiroñ iō: ij akwelap nōn yuk, kwon jerkak, jijōt im mōña kwona itokin kiru rawia, bwe ¹am en kejerammōn iō. 20 Im Aisak e ar ba nōn nejin, Nejiō, ekijkan, bwe kwoj mōkōj in loe? Im ej ba, Bwe Jeova am Anij e ar bōktok nōn iō. 21 Im Aisak e ar ba nōn Jakob, Kwon ruaktok, ij akwelap nōn yuk, bwe in tolum yuk, nejiō, elañe emol bwe kwe nejiō Iso, ak jab. 22 Im Jakob e ar ruaklok im kebake Aisak, jemen; im ej tolum e, im ba, Aini-kiōm ainiken Jakob, a peōm pein Iso. 23 Im e jab kile, bwe pein e kolole, einwōt pein Iso, jein: inem e ar jare. 24 Im e ar ba, Kwoj mol ke bwe kwe nejiō Iso? Im e ar ba, Ōa e. 25 Im e ar ba, Kwon kadruaktok e, im I naj mōña itokin kiru rawia kwonan nejiō, bwe aō en kejerammōn yuk. Im e ar kadruaktok e, im ej mōña: im ej bōktok wain nōn e, im ej irak. 26 Im Aisak, jemen, e ar ba nōn e, Kwon ruaktok kiō im mejenmaik iō, nejiō. 27 Im e ar ruaklok, im mejenmaik e: im e ar atbwīn nuknuk ko an, im jare, im ba, Lo, bwīn nejiō einwōt bwīn juōn ene Jeova e ar kejerammōn e: 28 ein drein Anij en lewoj nōn yuk molawi in lōñ, im mātōk in lōl, im obrōk kin korn im wain: 29 armij roñ ren jermal nōn yuk, im dri ailiñ kōn ren barikrik jen yuk: kwon iroiñ ion ro jeōm im jātōm, im lōmaro nejin jinōm ren barikrik jen yuk: ²en jerata ro otemjej rej kole yuk, im en jerammōn ro otemjej rej kejerammōn yuk.

30 Inem, ke Aisak ej kab kamwij-

lok an jare Jakob, im ke Jakob ej kab drioiñlok jen iman mejen Aisak, jemen, Iso jein ej itok jen ke e ar kakiruru. 31 Im bareinwōt e ar kōmāt kōn enno, im ej bōktok nōn jemen, im ba nōn jemen, Jema en jerkak, im mōña itokin kiru rawia kwonan nejiōm, bwe am en jare iō. 32 Im Aisak, jemen, e ar ba nōn e, Wōn kwe? Im e ar ba, Ōa nejiōm, Iso, manjiōm. 33 Im Aisak e kanuij lap an wuririr, im ba, Inem wōn eo e ar kabukot itokin kiru rawia, im bōktok nōn iō, im I ar mōña jen otemjej mokta jen am itok, im I ar jare? aet, im e naj jerammōn. 34 Im ke Iso e ar roñ nan ko an jemen, ¹e ar jōñ kin ainiken elap im kanuij buromōj, im e ar ba nōn jemen, Kwon jare iō, aet, bareinwōt Ōa, O jema. 35 Im e ar ba, Jātōm e ar itok ilo mon, im e ar bōk am jerammōn. 36 Im e ar ba, E jab jime air naetan Jakob ke? bwe e ar nibij jen iō alen kein ruo: e ar bōk manje eo; im lo, kiō ej bōk aō jerammōn. Im ej ba, Kwar jab kejbārok juōn jerammōn nōn iō ke? 37 Im Aisak e ar uak im ba nōn Iso, Lo, I ar kōmōne am iroiñ, im ro jein im jātīn otemjej I ar lelok bwe ren dri korijeran; im I ar najirik e kin korn im wain: im ta eo in kōmōn kiō nōn yuk, nejiō? 38 Im Iso e ar ba nōn jemen, Ta, e kar juōn wōt jerammōn ibōm ke? kwon jare iō, aet, bareinwōt Ōa, O jema. Im Iso e ar kou-tiej ainiken, im jōñ. 39 Im Aisak, jemen, e ar uak im ²ba nōn e, Lo, jikōm e naj jen mātōk in lōl, im jen molawi in lōñ jen iom; 40 im kin am jāji kwo naj mour, im ³kwo naj jermal nōn leo jātōm; a ñe kwoj mejōl, kwo naj ruje an ine jen kenwam.

41 Im Iso e ar kijirāte Jakob, kin jerammōn eo jemen e ar jare kake; im Iso e ar ba ilo buruen, Ran ko ran in jōñōt jema rebak, inem I naj mōn Jakob, jatiō. 42 Im rar kwalok nōn Rebeka nan kein an Iso, manjien; im e ar jiliklok im kirtok Jakob, nejin eo erik, im ba nōn e, Lo,

jeōm, Iso, kin kwe, ej kainemōn bu-
ruen, im lemnok in mōn yuk. 43
Inem, kin men in, nejiō, kwon bo-
kake ainikiō; im jutōk im ko nōn
iben Leban, jeiō, nōn Heran; 44 im
kwon ber iben ¹iomīn jet ran, nōn ien
eo ej oktōk illu an leo jeōm; 45 nōn
ien illu an jeōm ej rol jen ibōm, im
ej meloklok men in kwar kōmōn nōn
e: inem I naj jilikwoj, im bukottok
yuk jen ijo: im etke kominro otemjej
joko jen iō ilo juōn wōt ran?

46 Im Rebeka e ar ba nōn Aisak,
I mōk in mour kin ²limaro nejin Het:
elañe Jakob ej bōk belen ian limaro
nejin Het, einwōt nejin dri enin, ewi

28 tokjen aō mour nōn iō? 1 Im
Aisak e ar kir Jakob, im ke-
jerammōn e, im kalimur nōn e, im ba
nōn e, ³Kwon jab bōk beleōm ian li-
maro nejin dri Kenean. 2 Kwon ju-
tōk, ilok nōn Pedan-eram, nōn imōn
Betuel, jemen jinōm; im bōk juōn
beleōm ijo ian limaro nejin Leban,
jein jinōm. 3 Im Anij Laplap en
kejerammōn yuk, im katimon yuk,
im korlok yuk, bwe en lōñ ro bwi-
jōm; 4 im En lewoj nōn yuk jeram-
mōn an Ebream, nōn kwe, im nōn ro
ineōm ibōm; bwe en am jolit eneo
kwoj drua maijet ie, eo Anij e ar le-
lok nōn Ebream. 5 Im Aisak e ar
jilkinlok Jakob: im e ar ilok nōn Pe-
dan-eram, nōn iben Leban, nejin Be-
tuel, dri Siria, jein Rebeka, jinen Je-
kob im Iso.

6 Im Iso e ar lo bwe Aisak e ar
kejerammōn Jakob, im jilkinlok e
nōn Pedan-eram, bwe en bōk belen
ie; im bwe, ke ej kejerammōn e ej
kalimur nōn e, im ba, Kwon jab bōk
beleōm ian limaro nejin dri Kenean;
7 im bwe Jakob e ar bokake jemen
im jinen, im e motlok nōn Pedan-
eram: 8 im Iso e ar lo bwe limaro
nejin dri Kenean re jab kabuñburuen
jemen, Aisak; 9 inem Iso ej ilok nōn
iben Ishmeel, im e ar kobaik Meha-
lat nejin Ishmeel, nejin Ebream, lio
jātin Nibaiot, iben limaro belen bwe
en belen.

10 Im Jakob e ar drioijslok jen

Bier-shiba, im kaioklok Heran. 11
Im e ar itok nōn juōn jikin, im e ar
jiboñōn ijo, bwe e tulok al; im e ar
bōk juōn ian dreka ko ijo, im bitōk e,
im ej babuijo bwe en kiki. 12 Inem ej
etōnak, im lo juōn ken uwe ej jutōk
ion lōl, im jabōn tuliñ ej tōbar lōñ; im
lo, enjel ro an Anij rej wōnliñlok im
wōnlōltok ion. 13 Im lo, Jeova e ar
jutōk ion, im ba, Ña Jeova, Anij an
Ebream, jimam, im Anij an Aisak:
eneo ijo kwoj babu ie, I naj lewoj
¹nōn yuk im nōn ineōm; 14 im ro
ineōm re naj einwōt ²bok in lōl, im
kwo naj orlok nōn kabilūn, im nōn
rear, im nōn eañ, im nōn rōk: im kin
kwe, im kin ineōm, nukin otemjej i
lōl re naj jerammōn. 15 Im lo, Ij
ber ibōm, im I naj wōnake yuk ijo ko
otemjej kwoj ilok ielok, im I naj ³bar
āñintok yuk nōn enin; bwe I jamin
illok jen yuk, nōn ien emwij Aō kō-
mōn men otemjej I ar konono nōn
yuk kake. 16 Im Jakob e ar ruj jen
an kiki, im e ar ba, ⁴Emol Jeova ej
ber ijin; im I ar jaje. 17 Im e ar
mijōk, im ba, E nañin aiet ijin! ijin
imōn Anij wōt, im ijin kejem in lōñ.

18 Im Jakob e ar jerkak ke e jiboñ
wōt, im ej bōk dreka eo e ar bitōke,
im ej kajur e, im lutōk oil na ion.
19 Im e ar naetan ijo, Betel: a etan
jikin kwelok eo mokta, Lōz. 20 Im
Jakob e ar kalimur, im ba, Elañe Anij
e naj ber iba, im wonake iō ilo ial eo
ij ilok ielok, im letok kijiō im balliō,
21 bwe in bar itok nōn imōn jema ilo
ainemōn; inem Jeova e naj aō Anij,
22 inem dreka in, eo I ar kajure, e
naj imōn Anij: im jen men etemjej
Kwoj letok nōn iō, ⁵emol I naj lewoj
juōn mōtōn joñoul.

29 Inem Jakob e ar etetal, im ej
itok nōn enen ro nejin rear. 2
Im e ar reilok im lo juōn aibij i eneo,
im lo, jilu bwijin sip rar babu iturin;
bwe rej kairak sip ko jen aibij eo:
im juōn dreka elap ej ber ion mejen
aibij eo. 3 Im rej āñintok bwij ko
otemjej nōn ijo: inem rej kadrebillok
dreka eo jen mejen aibij eo, im kai-

¹ jap. 31. 41. ² jap. 26. 34, 35. ³ jap. 24. 3, 4.

¹ jap. 13. 15. ² jap. 13. 16. ³ jap. 48. 21. ⁴ Sam 139.
7-12. ⁵ Dut 14. 22.

rak sip ko, im bar kajeblok dreka eo ññ jikin na ion mejen aibij eo. 4 Im Jakob e ar ba ññ ir, Jeiō im jātiō, komij itok jen ia? Im rej ba, Kim dri Heran. 5 Im e ar ba ññ ir, Komij jela kajen Leban, nejin Nehor ke? Im rej ba, Kim jela. 6 Im e ar ba ññ ir, Emōn ke an ber? Im rej ba, Emōn: im lo, Rejel, nejin, ej itok iben sip ko. 7 Im e ar ba, Lo, ej raelip kiō, im e jañin ien kokweloklok bwij ko: komin kairak sip ko im ilen najirik ir. 8 Im rej ba, Kim bane, ññ ien eo emwij kokweloklok bwij ko otemjej, im rej kadrebilok dreka eo jen mejen aibij eo; inem kimij kairak sip ko. 9 Im ke e ar konono wōt ibeir, Rejel e ar itok im sip an jemen iben; bwe ej lali. 10 Inem, ke Jakob e ar lo Rejel nejin Leban, jein jinen, im sip ko an Leban, jein jinen, Jakob ej kebak im kadrebilok dreka eo jen mejen aibij eo, im ej kairak bwijin sip an Leban, jein jinen. 11 Im Jakob e ar mejenmaik Rejel, im ej kwotōke ainiken im jōñ. 12 Im Jakob e ar kennanek Rejel bwe ej mōñren jemen, im bwe e nejin Rebeka; im lio e ar etōrlōk im kennanek jemen.

13 Inem, ke Leban ej roñ bwebwenato kin Jakob, nejin lio jātin, ej tōrlen wōnmae, im ej atbokwoj e, im mejenmaik e, im āñintok e ññ mweo imōn. Im ej kennanek Leban men kein otemjej. 14 Im Leban e ar ba ññ e, Emol kwe driō im kōniekiō. Im ej jokwe iben iomin juōn aliñ. 15 Im Leban e ar ba ññ Jakob, Bwe kwe jātiō, emōn ke am jermal ññ iō im jab kōllā? kwon ba ññ iō, e naj ta 'wōnam? 16 Im ruo jiroñ nejin Leban: etan lio e ridto, Lia, im etan lio erik, Rejel. 17 Lia e joij mejen; a Rejel e dreo im mejwarik. 18 Im Jakob ej yokwe Rejel; im ba, I naj jermal ññ yuk jiljilimjuōn yiō kin Rejel, nejōm eo erik. 19 Im Leban e ar ba, Emōn bwe in lewoj e jen ñe ij lelck e ññ bar juōn armij: kwon oer iba. 20 Im Jakob e ar jermal jiljilimjuōn yiō kin Rejel; im rej

einwōt eiet ran ññ e, kin an kanuij yokwe e.

21 Im Jakob e ar ba ññ Leban, Kwon letok beliō, bwe e jijit ran ko aō, bwe in dreloñ ññ iben. 22 Im Leban e ar kokweloktok armij otemjej ijo, im kōmōn kwojkwōj. 23 Inem, ke ejota, ej bōk Lia, nejin, im āñintok e ññ iben; im ej dreloñ ññ iben. 24 Im Leban e ar lelōk Zilpa, korijeran kōra ññ Lia, nejin bwe en korijeran. 25 Im, ke ejibōñ, lo, e Lia: im e ar ba ññ Leban, Ta in kwar kōmōn ññ iō? I ar jab jermal ññ yuk kin Rejel ke? inem etke kwar mone iō? 26 Im Leban e ar ba, E jab ein drein mōntin eneem, bwe kimin lelōk lio erik mokta jen lio e ridto. 27 Kwon kamwijlok wik an liin, im kim naj bar lewoj e ñe kwoj bar jermal ññ iō iomin jiljilimjuōn yiō. 28 Im Jakob e ar kōmōn ein drein, im kamwijlok wik eo an lio: inem e ar bar lelōk Rejel nejin, bwe en belen. 29 Im Leban e ar lelōk Bila, korijeran kōra, ññ Rejel, nejin, bwe en korijeran. 30 Im e ar bareinwōt dreloñ ññ iben Rejel, im ej yokwe Rejel elap jen Lia, im e ar bar jermal jiljilimjuōn yiō.

31 Im ke Jeova e ar lo bwe rej drike Lia, Ej kablok lojen: a Rejel ewar. 32 Im Lia e ar etta, im keutak nejin eman; im naetan Ruben: bwe ej ba, Kin ke Jeova e ar lo aō iñtan, inem kiō leo beliō e naj yokwe iō. 33 Inem e ar bar etta, im keutak nejin eman; im e ar ba, Kin ke Jeova e ar roñ kin air drike iō, Ej bareinwōt letok nejiō in: im e ar naetan Simeon. 34 Im e ar bar etta, im keutak nejin eman; im e ar ba, Kiō ien in leo beliō e naj edrep ññ iō, bwe I ar keutak ññ e jilu nejin eman: inem rar naetan Lival. 35 Im e ar bar etta, im keutak nejin eman; im e ar ba, Kiō I naj wijtak Jeova: kin men in e ar naetan Juda; im emwij an neje.

30 Im ke Rejel e ar lo bwe e jab keutak nejin ññ Jakob, Rejel e ar junmare lio jein; im e ar ba ññ

Jekob, ¹Kwon letok nejiō ak I naj mij. 2 Inem e illu Jekob nōn Rejel: im e ar ba, Ŋa ilo jikin Anij ke, Eo e ar drebij yuk jen inen lojiōm? 3 Im lio e ar ba, Lo, lio korijera, Bila, kwon dreloñ nōn iben, im en keutak nōn iō, bwe en bareinwōt or nejiō kin e. 4 Im e ar lelok Bila, korijeran nōn e bwe en belen: im Jekob e ar dreloñ nōn iben. 5 Im Bila e ar etta, im keutak nejin eman nōn Jekob. 6 Im Rejel e ar ba, Anij e ar ekajet kin iō, im E ar bareinwōt roñjake ainikiō, im E ar letok nejiō man nōn iō: kin men in, e ar naetan Dan. 7 Im Bila, korijeran Rejel, e ar bar etta im keutak nōn Jekob nejin eman ken ka ruo. 8 Im Rejel e ar ba, Kin oktak ko relap I ar oktak iben lio jeiō, im I ar kajur: im e ar naetan Naptalai.

9 Im ke Lia e ar lo bwe emwij an neje, e ar bōk Zilpa, korijeran, im lelok nōn Jekob bwe en belen. 10 Im Zilpa, korijeran Lia, e ar keutak nejin eman nōn Jekob. 11 Im Lia e ar ba, Jerammōn! im e ar naetan Gad. 12 Im Zilpa, korijeran Lia, e ar keutak nejin eman ken ka ruo nōn Jekob. 13 Im Lia e ar ba, Ŋa I mōnōnō! bwe kōra rōn rē naj ba I jerammōn: im e ar naetan Asher.

14 Im Ruben e ar ilok ilo ran ko ran in marmir wit, im e ar lo jet mandrek ilo jikin kallip, im e ar bōktok nōn jinen, Lia. Inem Rejel e ar ba nōn Lia, Ij akwelap nōn yuk, kwon letok jet ian mandrek ko an leo nejōm. 15 Im e ar ba nōn e, Erik men in ke bwe kwar bōk leo beliō jen iō? im kwoj kōnan bar bōk mandrek ko an nejiō ke? Im Rejel e ar ba, Inem e naj babu ibōm boñin in kin mandrek ko an nejōm. 16 Im Jekob e ar itok jen jikin kallip ke ejota, im Lia e ar drioiylok im wōnmae, im ba, Kwon dreloñtok nōn iba; bwe emol I ar wiaik yuk kin mandrek ko an nejiō. Im e ar babu iben boñin eo. 17 Im Anij e ar eoroñ Lia, im e ar etta, im keutak nejin eman ken ka lailim nōn Jekob.

18 Im Lia e ar ba, Anij e ar nawō-naō, bwe I ar lelok lio korijera nōn leo beliō: im e ar naetan Issakar. 19 Im Lia e ar bar etta, im keutak nejin eman ken ka jiljino nōn Jekob. 20 Im Lia e ar ba, Anij e ar nawō-naō kin jolit emōn; kiō leo beliō e naj jokwe iba, bwe I ar keutak nōn e jiljino nejin eman: im e ar naetan Zebulun. 21 Im tokelik e ar keutak juōn nejin kōra, im e ar naetan Daina. 22 Im Anije ar kememej Rejel, im ¹Anij e ar eoroñ e, im kabellek lojen. 23 Im e ar etta, im keutak nejin eman: im ba, Anij e ar bōklok aō jok: 24 im e ar naetan Josep, im ba, Jeova en kobaik bar juōn nejiō man nōn iō.

25 Inem, ke emwij an Rejel keutak Josep, Jekob e ar ba nōn Leban, Kwon jilkinlok iō, bwe in ilok nōn jikiō, im nōn eniō. 26 Letok limaro beliō im ro nejiō, ro I ar jerbāl nōn yuk kin ir, im kōtlok iō: bwe kwo jela jerbāl eo I ar jerbāl nōn yuk. 27 Im Leban e ar ba nōn e, Ij akwelap nōn yuk, elañe I ar lo joij iman mejōm, kwon berwōt: bwe I ar lo im jela bwe ²Jeova e ar kejerammōn iō kin kwe. 28 Im e ar ba, Kwon kwalok nōn iō wōnam, im I naj lewoj. 29 A e ar ba nōn e, Kwo jela ekijkan I ar jerbāl nōn yuk, im ie ein an kiru ko am ber iba. 30 Bwe kar eiet ibōm mokta jen aō itok, im kiō rej orlok im relōñ; im Jeova e ar kejerammōn yuk, ijo ko otemjej ij ilok ilok: im kiō nāt eo I naj bareinwōt kapojōk nōn nuku? 31 Im e ar ba, Ta eo in lewoj? Im Jekob e ar ba, Kwo jamin letok jabrewōt: elañe kwo naj kōmōn men in nōn iō, I naj bareinwōt najirik im lali kiru ko am. 32 I naj etetal ilo bwiljin kiru kōn otemjej am iomin ranin, im kejenolok iair ko otemjej re tiltil, im re luoe, im ko otemjej re kilmej ian sip ko, im ko re luoe im tiltil ian got ko, im ko einwōt re naj wōnaō. 33 Ein drein aō e naj uak kin iō ilo ien ej itok, ñe kwo naj itok kin wōnaō iman mejōm; jabrewōt ian got

¹ Sam 1. 5, 6.¹ Sam 1. 19, 20. ² Jap. 39. 5.

ko re jab tiltil im luoe, ak kilmej ian sip ko, e naj einwöt men in kwot iba. 34 Im Leban e ar ba, Lo, I kōnan bwe en einwöt nan in am. 35 Im e ar kejenolok iomin ran eo, got koman eor eoteir im re luoe, im kōkōra re tiltil im re luoe, im ko otemjej eor mōtōn mouj ibeir, im ko otemjej re kilmej ian sip ko, im lilok na ilo pein lōmaro nejin; 36 im e ar likit jilu ran ikōtairro Jakob: im Jakob e ar najirik bwij ko jet an Leban.

37 Im Jakob e ar bōk ājib ko jen wijki popiar im wijki hezel, im wijki jesnōt; im e ar ākili bwe ren bwāwūt; im e ar kōmōn bwe mouj en walok ilo ājib ko. 38 Im e ar likit ājib ko e ar ākili iman mejen bwij ko an iturin jikin irak ko, ijo bwij ko rej iten irak; im rar kaine ke rej iten irak. 39 Im bwij ko rar kaine iman ājib ko, im rar kemour ko eor eoteir im re tiltil im re luoe. 40 Im Jakob e ar kijbil kon ko, im kajujel- lok mejen bwij ko eor eoteir, im ko otemjej re kilmej, ilo bwij ko an Leban: im e ar kejenolok iair bwij ko an, im e ar jab likiti iben kiru ko an Leban. 41 Inem, ke kiru ko re kajur rej kaine, Jakob e ar likit ājib ko iman mejen kiru ko ilo jikin irak ko, bwe ren kaine iturin ājib ko; 42 elak kiru ko re mōjino e ar jab likiti: ein drein ko re mōjino an Leban, im ko re kajur an Jakob. 43 Im leo e kanuij laplok an maroñ, im elōñ an kiru, im ro dri korijeran kōra, im ro dri korijeran man, im kamel ko, im ass ko.

31 Im e ar roñ nan ko an lōmaro nejin Leban, im rar ba, Jakob e ar bōk men ko otemjej kar an jemer; im ian men ko otemjej kar an jemer e ar jibarek mweiuk kein. 2 Im Jakob e ar lale mejen Leban, im lo, e jab einwöt mokta ñōn e. 3 Inem Jeova e ar ba ñōn Jakob, Kwon jeblak ñōn eneo an ro jimam, im ñōn bwij eo am; im ¹I naj ber ibōm. 4 Im Jakob e ar jiliklok im bukottok Rejel im Lia ñōn melaj eo, ñōn bwij

eo an, 5 im ba ñōn ir, Ij lo mejen jememiro, bwe e jab einwöt mokta ñōn iō; a ¹Anij an jema e ar ber iba. 6 Im komro jela bwe kin aō maroñ otemjej I ar jerbal ñōn jememi. 7 Im jememi ²e ar mone iō im e ar ³ukot wōnaō joñoul alen; a ⁴Anij e ar jab kōtlok bwe en kokkure iō. 8 Elañe e ar ba ein drein, Ko re tiltil re naj wōnam; inem kiru otemjej rej kemour ko re tiltil: im elañe e ar ba ein drein, Ko eor eoteir re naj wōnam; inem kiru otemjej rej kemour ko eor eoteir. 9 Ein drein Anij e ar bōk jen kiru ko an jememi, im letok ñōn iō. 10 Inem, ilo ien ke kiru ko rej kaine, I ar bōk meja im lo ilo tōnak, im lo, kiru koman ko rej uwe ion kiru kōn, eor eoteir, im re tiltil, im re luoe. 11 Imenjel ōn Anij e ar konono ñōn iō ilo tōnak, im ba, Jakob: im I ar ba, Ña e. 12 Im E ar ba, Kwon bōk mejōm im lo: kiru koman ko rej uwe ion kiru kōn, eor eoteir, im re tiltil, im re luoe; bwe I ar lo men ko otemjej Leban ej kōmōnmōn ñōn yuk. 13 Ña Anij in Betel, ijo ⁵kwar kabit dreka eo, im ijo kwar kalimur ñōn Iō: kiō kwon jutōk, etal jen enin, im jeblak ñōn eneo kwar lotak ie. 14 Im Rejel im Lia rejro uak, im ba ñōn e, Eor ke mōtōn ak jolit ñōn kimro ilo imōn jemem? 15 E jab likit kim einwöt ro drua maijet ke? bwe ⁶e ar wiakake kimro, im e ar bareinwöt jeroane wōnamiro. 16 Bwe mweiuk ko otemjej Anij e ar bōki jen jemem, mweiuk kein amro, im an ro nejemro: inem kiō, jabrewöt men eo Anij e ar ba ñōn yuk, kwon kōmōne.

17 Inem Jakob e ar jutōk, im e ar likit ladrik ro nejin im limaro belen ion kamel ko. 18 Im e ar āñinlok kiru ko an otemjej, kab mweiuk ko mweien otemjej e ar jibareki, kiru ko in an jibarek, ko e ar jibareki i Pedan-eram, bwe ⁷en ilok ñōn iben Aisak, jemen, ilo enen Kenean. 19 Im Leban e motlok bwe en mijbar sip ko an: im Rejel e ar kwoti ⁸ekjōp

¹ ap. 28. 15.¹ eon 29. 42. ² ap. 29. 25.³ eon 41.⁴ eon 28.⁵ ap. 28. 18. ⁶ ap. 29. 20, 27.⁷ ap. 35. 27-29.⁸ eon 30, 34.

ko an jemen. 20 Im Jakob e ar noj an ko jen Leban dri Siria, ke e ar jab kennanek e kin an ko. 21 Ein drein e ar ko, im men ko otemjej an iben; im e ar jutök im elā jen River eo, im kaioklok tol Giliad.

22 Im rar kennanek Leban ilo ran eo ken ka jilu bwe e ar ko Jakob. 23 Inem e ar āñin ro jein im jätin rej ber iben, im lukworkwor e iomin jiljilimjuōn ran: im rar tōbar e ilo tol Giliad. 24 Im Anij e ar itok ñōn Leban dri Siria ilo tōnak ke eboñ, im ba ñōn e, Lale kwar konono ñōn Jakob emōn ak e nana. 25 Inem Leban e ar tōbar Jakob. Kiō Jakob e ar kajur an imōn kabere ilo tol eo: im Leban im ro jein im jätin rar kajur air imōn kabere ilo tol Giliad. 26 Im Leban e ar ba ñōn Jakob, Ta eo kwar kōmōne, bwe kwar noj am etal jen iō, im āñinlok limaro nejiō einwōt dri jebokwe mātōn iri? 27 Etke kwar ko ilo etino, im noj am etal jen iō, im jab kennanek iō, bwe in kar jilkinlok yuk kin lōñlñ, im kin al, im kin tabret, im kin arp; 28 im kwar jab likit bwe ¹in mejenmaik lōmaro nejiō im limaro nejiō? e bwir am kar kōmōa ein drein. 29 Eor kajur ilo peiō bwe in kar kokkure kom: a Anij eo an jememi E ar konono ñōn iō boñ, im ba, Lale kwar konono ñōn Jakob emōn ak nana. 30 Im kiō elañe emōn am ilok, kin ke e kanuij lap am oñkake imōn jemōm, etke kwar kwote ²anij ko aō? 31 Im Jakob e ar uak, im ba ñōn Leban, Kin ke I ar mijök: bwe I ar ba, Bwelen kwo naj kar bök limaro nejōm jen iō kin kajur. 32 ³Jabrewōt eo kwoj lo anij ko am iben, en jab mour: iman mejen ro jeer im jäter kwon bukot men eo am iba im bök e ñōn yuk. Bwe Jakob e ar jab jela kin an Rejel kwoti.

33 Im Leban e ar dreloñ ilo imōn kabere eo an Jakob, im ilo imōn kabere eo an Lia, im iloan imōn kabere ko an limaro ruo korijerair; im e jab loi. Im e ar driojlok jen imōn kabere eo an Lia, im ej dreloñ iloan imōn

kabere eo an Rejel. 34 Kiō Rejel e ar bök ekjöp ko im likiti iben mweien kamel ko, im ej jijöt ioir. Im Leban e ar tolōmi ilo aolepen imōn kabere eo, a e ar jab loi. 35 Im lio e ar ba ñōn jemen, En jab illu aō iroi, bwe I ban jutök iman mejōm; bwe mōntin kōra iba. Im e ar kabukot, im jab lo ekjöp ko.

36 Im Jakob e ar illu, im e ar enoik Leban: im Jakob e ar uak, im ba ñōn Leban, Ta aō nana? ta aō jera-wiwi, bwe elap am lukworkwor iō? 37 Ke kwar tolōmi ilo aolepen men ko mweiō, ta eo kwar lo ian men ko mweiōm otemjej? Likiti ijin iman mejen ro jeiō im jätio, im iman mejen ro jeōm im jätōm, bwe ren eka-jet ikōtarro. 38 Iomin yiō kein roñoul I ar ber ibōm; jip ko im goat ko am rar jab jibuñ bōroro, im I ar jab mōña koman in bwij ko am. 39 Ko kiru ko re lej rar kekeli I ar jab bōkiwoj; I ar nawōnair; jen peiō kwar kajitök kake elañe kwot ilo ran ak kwot ilo boñ. 40 Ein drein aō ber; ilo ran I ar joko kin dret, im ilo boñ kin bio; im aō kiki e joko jen meja. 41 Ein drein aō ber iloan mweo imōm iomin yiō kein roñoul; I ar jerbal ñōn yuk ¹joñoul emen yiō kin limaro ruo nejōm, im jiljino yiō kin kiru ko am: im kwar ²ukot wōnaō joñoul alen. 42 Elañe Anij an jema, Anij an Ebrean, im Mijök an Aisak, E ar jab ber iba, emol kwo naj kar jilkinlok iō kiō im ejelok iba. Anij e ar lo aō iñtan, im jerbal an peiō, im ³kowe yuk boñ.

43 Im Leban e ar uak, im ba ñōn Jakob, Limaro rein, nejiō, im ajiri rein, nejiō, im kiru kein, ⁴kiru ko aō im men otemjej kwoj loi, aō: im ta eo I maroñ kōmōn ranin ñōn limarein nejiō, im ñōn ajiri ro nejir, im rar keutak ir? 44 Inem kiō kwon itok, jen kōmōn juōn kalimur in ainemōn, ña im kwe; im en men in kennan ikōtarro. 45 Im Jakob e ar bök ⁵juōn ejman im kajure. 46 Im Jakob e ar ba ñōn ro jein im jätin,

Komin aintok dreka ko; im rar bōk-tok dreka ko, im ejak juōn ebe: im rar mōña iturin ebe eo. 47 Im Leban e ar naetan Jegar-seha-duta: a Jakob e ar naetan Galied. 48 Im Leban e ar ba, Ebe in men in kennan ikōtarro ranin. Kin men in rar naetan Galied: 49 im Mizpa, bwe e ar ba, Jeova en ekil ikōtarro, ñe jej jibil jen dron. 50 Elañe kwo naj kaiñtan limaro nejō, ak elañe kwo naj bōk bar beleōm na iben limaro nejō, ejelok armij iberro; lo, Anij, e dri kennan ikōtarro. 51 Im Leban e ar ba ñōn Jakob, Lo ebe in, im lale jur in, eo I ar ejake ikōtarro. 52 Ebe in ken kennan, im jur in ken kennan, bwe in jab kijon ebe in ñōn yuk, im bwe kwon jab kijon ebe in im jur in ñōn iō, kin nana. 53 Anij an Ebream, im Anij an Nehor, Anij an jemeir, En ekajet ikōtarro. A Jakob e ar kanōjni kin Mijōk an jemen, Aisak. 54 Im Jakob e ar katok ion tol eo, im e ar jiroñ ro jein im jātin bwe ren mōña bred: im rar mōña bred, in ber boñin eo ion tol eo. 55 Im ke e jiboñ wōt Leban e ar jerkak, im mejenmaik lōmaro nejn, im limaro nejn, im jare ir: im Leban e ar jeblak im bar ilok ñōn jikin.

32 Im Jakob e ar etal ilo an ial, im enjel ro an Anij rar wōnmae e. 2 Im ke Jakob e ar lo ir, e ar ba, Eñin jar e bata an Anij; im ej naetan ijo Mehaneim.

3 Im Jakob e ar jilkinlok dri jilik iman, ñōn ¹ Iso jein, ñōn enen Sier, ene Idom. 4 Im e ar jiroñ ir, im ba, Ein drein komin ba ñōn aō iroj Iso: Korijerōm Jakob e ar ba ein drein, I ar itoitōk iben Leban im ber ijo ñōn kiō: 5 im eor kau iba, kab ass, im bwij ko, im korijera man, im korijera kōra: im ij jilikwoj im kennanek aō iroj, bwe in lo joij iman mejōm. 6 Im ro dri jilik rar jeblaktok ñōn iben Jakob, im ba, Kim ar ilok ñōn iben Iso, jeōm, im bareinwōt ej iten wōnmae yuk, im ābuki armij iben. 7 Inem Jakob e ar ² kanuij mijōk, im lelñōñ: im e ar

kijbil ro dron im bwij ko an, im kiru ko, im kamel ko, ilo ruo jar; 8 im e ar ba, Elañe Iso ej itok ñōn juōn jar, im mōn ir, inem jar eo juōn e naj jor. 9 Im Jakob e ar ba, O Anij an jema Ebream, im Anij an jema Aisak, Jeova, kweo kwar ba ñōn iō, ¹ Kwon jeblak ñōn eneōm, im ñōn am jowi, im I naj kōmōn emōn ñōn yuk: 10 ña I betkake men eo eriktata ian joij ko otemjej im mol otemjej Kwar kwalok ñōn iō korijerōm; bwe kin jokwōñaō I ar elā jen Jordan in; im kiō ruo aō jar. 11 Kwon lomoren iō, ij akwelap ñōn Yuk, jen pein jeiō, jen pein Iso: bwe I mijōk e, ñe ab iten mōn iō, im jineir kab ro nejir. 12 Im Kwar ba, Emol I naj kōmōn emōn ñōn yuk, im kōmōn ro ineōm einwōt bok i lojit, eo re ban bwini kin an lōñ.

13 Im e ar jiboñōn ijo, im e ar bōk jen men ko rej ber iben, men in lelok ñōn Iso, jein: 14 rubuki goat kokōra im roñoul goat koman, rubuki jip kokōra im roñoul jip koman, 15 jilñoul kamel kōrai im kon ko nejir, eñoul kau im joñoul kau koman, roñoul ass kokōra im joñoul kon ko nejir. 16 Im e ar lilok na ilo pein ro dri korijeran, bwij otemjej mōkilok iair, im ba ñōn ro dri korijeran, Komin elā imaō, im nakōtan bwij ko. 17 Im e ar jiroñ leo iman, im ba, Ñe Iso, jeiō ej wōnmae yuk, im ej kajitōk ibōm, im ba, Dron wōn kwe? im kwoj woj jikōt? im an wōn men kein imam? 18 inem kwon ba, An korijerōm Jakob; men in lelok ñōn aō iroj Iso: im lo, ej ber ilikim. 19 Im e ar bareinwōt jiroñ eo ken ka ruo, im eo ken ka jilu, im ro otemjej rej lorlok bwij ko, im ba, Ein drein komin konono ñōn Iso ñe komij lo e; 20 im komin ba, Bareinwōt, lo, korijerōm, Jakob, ej ilikim. Bwe e ar lemnok, I naj mirik e kin men in lelok eo ej ilok imaō, im tokelik I naj lo mejen; bwelen e naj ainemōn iba. 21 Ein drein men in lelok eo ej elā iman: im ej jiboñōn iben jar eo.

¹ Jap. 27. 41. ² eon 11.¹ Jap. 31. 13.

22 Im e ar jerkak ilo boñin eo, im bōk limaro ruo belen, im limaro ruo korijeran, im lōmaro joñoul juōn nejin, im elā jen kabātīt in Jab-bok. 23 Im e ar āñinlok ir im kōlāik ir jen wea eo, inem ej kōlāik men ko mweien. 24 Im Jakob e ar mōke ber; im juōn armij e ar oktak iben ñōn joranlok. 25 Im ke E ar lo bwe E jab anjo jen e, E ar uñir murin, im eir drin murin Jakob, ke Ej oktak iben. 26 Im E ar ba, Kwon kōtlok Iō, bwe e rantak. Im e ar ba, I jamin kōtlok Yuk, elañe Kwo jab jare iō. 27 Im E ar ba ñōn e, Etōm? Im e ar ba, Jakob. 28 Im E ar ba, ¹Re jamin bar āñiñin yuk Jakob, a Israel: bwe kwar likarek iben Anij im iben armij, im kwo anjo. 29 Im Jakob e ar kajitōk, ²Ij akwelap ñōn Yuk, Kwon kwalok etōm. Im E ar ba, Etke kwoj kajitōk eta? Im E ar jare e ijo. 30 Im Jakob e ar naetan ijo Penaiel: bwe, ej ba, ³I ar lo Anij, kimro jelmæ dron, im ij mour wōt. 31 Im ke Jakob e ar elā jen Penaiel, al ej tak ion, im e ar ajkupkup kin murin. 32 Kin men in ro nejin Israel re jab mōña iki eo i murin, ñōn ranin: kin ke E ar uñir murin Jakob na ilo iki eo.

33 Im Jakob e ar bōk mejen, im reilok, im lo, ⁴Iso ej itok, im ābuki armij iben. Im e ar aje ajiri ro ñōn Lia, im ñōn Rejel, im ñōn limaro ruo dri korijer. 2 Im e ar likit limaro dri korijer kab ro nejir iman, im Lia kab ro nejin elikir, im Rejel kab Josep eliktata. 3 Im e ar etal imair, im barikrik ñōn lōl jiljilimjuōn alen, mae ien eo ebake jein. 4 Im Iso e ar tōr mæ, im atbokwoj e, im jiburlep e, im mejenmaik e: im rejro jōñ. 5 Im e ar bōk mejen, im lo limaro, im ajiri ro, im ba, Wōn rein ibōm? Im e ar ba, Ajiri ro Anij e ar joij im litok nejiō, korijerōm. 6 Inem limaro dri korijer rar druaktok, irro kab ro nejir, im rar mōke barikrik. 7 Im Lia e ar bareinwōt druaktok iben ro

nejin, im rar mōke barikrik: im toke-lik Josep im Rejel rar druaktok, im rar mōke barikrik. 8 Im e ar ba, En ta ¹aolepen bwij eo I ar ion e? Im e ar ba, Bwe in lo joij iman mejen aō iroi. 9 Im Iso e ar ba, I bwe kake ko iba, jātiō; kwon bōk wōt ko am ñōn yuk. 10 Im Jakob e ar ba, Jab, ij akwelap ñōn yuk, elañe I ar lo joij iman mejōm kiō, inem kwon bōk aō men in lewoj jen peiō; bwe kiō I ar lo mejōm einwōt in kar lo mejen Anij, im kwoj mōnōñō kake iō. 11 Ij akwelap ñōn yuk, kwon bōk aō jerrammōn eo ij lewoj ñōn yuk; bwe Anij e ar joij ñōn iō, im I bwe kin ko jet. Im e ar akwelap ñōn e, im e ar bōke. 12 Im e ar ba, Jenro ilok, im jen etal, im I naj etal imam. 13 A e ar ba ñōn e, Aō iroi e jela bwe ajiri rōn re mōjino, im bwe bwij ko im kiru ko re kōrai rej ber iba; im elañe armij rej kamōkōj ir jen air maroñ iomin juōn ran, bwij otemjej re naj mij. 14 Aō iroi, ij akwelap ñōn yuk, en elā imaō: im I naj rumijwoj, einwōt an kiru ko rej etal imaō maroñ, im ekar ñōn ajiri rōn maroñ kake, ñōn ien eo ij iwiw ñōn aō iroi ñōn Sier. 15 Im Iso e ar ba, Kiō in likit na ibōm jet ian armij rōn droō. Im e ar ba, En ta? In lo joij iman mejen aō iroi. 16 Ein drein Iso e ar jeblak ran eo ilo ial eo an ñōn Sier. 17 Im Jakob e ar etal ñōn Sōkkot, im ijo e ar kalek imōn, im kōmōn imōn kab ñōn kiru ko an: kin men in rej naetan Sōkkot.

18 Im Jakob e ar itok ilo ainemōn ñōn jikin kwelok in Shikem, eo ilo enen Kenean, ke e ar itok jen Pedan-eram; im e ar kajur an imōn kab iman jikin kwelok eo. 19 Im e ar wiaik wāto eo ijo e ar kōmōn an imōn kab, jen pein ro nejin Hemor, jemen Shikem, kin jibuki mōtōn mōnni. 20 Im e ar kōmōn juōn loka-tok ijo, im ej naetan El-Elohe-Israel. **34** Im ²Daina nejin Lia, eo e ar keutak ñōn Jakob, e ar ilen lo jiroñ in eneo. 2 Im Shikem, nejin Hemor dri Hiv, iroi in eneo, e ar loe;

¹ Jap. 35. 10. ² Eka. 13. 17. 18. ³ Ex. 33. 20. ⁴ Jap. 32. 6.

¹ Jap. 32. 14-16. ² Jap. 30. 21.

im e ar bōk e im babu iben im kananaik e. 3 Im buruen ej edrep na iben Daina nejn Jakob, im e ar yokwe jiroñ eo, im e ar konono joiñ ñōn jiroñ eo. 4 Im Shikem e ar konono ñōn Hemor, jemen, im ba, Kwon bōk jiroñ in beliō. 5 Kiō Jakob e ar roñ bwe e ar kananaik Daina nejn; im lōmaro nejn rar ber iben kiru ko an ilo melaj eo: im Jakob e ar kejeklokjen mae ien rej itok. 6 Im Hemor jemen Shikem e ar drioijlok ñōn iben Jakob bwe en bebe iben. 7 Im lōmaro nejn Jakob rar itok jen melaj eo ke rar roñjake: im lōmaro rar buromōj, im re kanuij illu, bwe e ar kōmōn ¹bwebwe ilo Israel, ke e ar babu iben lio nejn Jakob; men eo e jakkar kōmōne. 8 Im Hemor e ar bebe ibeir, im ba, Buruen Shikem nejio e kanuij yokwe lio nejemi: ij akwelap ñōn kom, komin letok lio bwe en belen. 9 Im kōmōn belele ibem, litok limaro nejemi ñōn kim, im bōk limaro nejem ñōn kom. 10 Im kom naj jokwe ibem: im eneo e naj iman mejemi; komin jokwe im wia bōjik ie, im jibarek jikemi ie. 11 Im Shikem e ar ba ñōn jemen lio, im ñōn lōmaro jein lio, In lo joiñ iman mejemi, im men eo komij ba ñōn iō I naj lewoj. 12 Komin kajitōk iba kitri kin lio im men in lewoj jabrewōt air lap, im I naj lewoj einwōt kom naj ba ñōn iō: a letok ñōn iō jiroñ eo bwe en beliō. 13 In lōmaro nejn Jakob rar uak Shikem im Hemor jemen ilo mon, im konono, kin ke e ar kananaik Daina jātir, 14 im rar ba ñōn ir, Kim ban kōmōn men in, im lelok lio jātīm ñōn ²juōn e jab mijmij; bwe e naj men in kajok kim. 15 A elañe einwōt in kim naj eoroñ komro: ñe kom naj einwōt kim, bwe man ro otemjej ibemi ren mijmij; 16 inem kim naj lewoj limaro nejim ñōn kom, im bōk limaro nejemi ñōn kim, im kim naj jokwe ibemi, im je naj juōn wōt bwij. 17 A elañe kom jab eoroñ kim, im jab mijmij; inem kim naj bōk lio nejim, i.a kim najetal. 18 Im nan ko air rar kabuñburuen

Hemor im Shikem leo nejn. 19 Im likao eo e ar jab rumij in kōmōn men in, bwe e ar yokwe lio nejn Jakob: im e ñiājo jen ro nukin jemen otemjej. 20 Im Hemor im Shikem nejn, rar itok ñōn kejem in jikin kwelok eo air, im rar bebe iben armij ro in jikin kwelok eo, im ba, 21 Lōmarā rej ainemōn iber; inem ren jokwe i enin im wia bōjik ie; bwe, lo, ebwe enin ñōn ir; jen bōk limaro nejir bwe ren beler, im jen lelok limaro nejir ñōn ir. 22 A kin men in wōt, armij ro re naj eoroñ kij, bwe ren jokwe iber, bwe jen juōn wōt bwij, ñe man ro otemjej iber rej mijmij, einwōt air mijmij. 23 Bwijin kiru ko air, im men ko mweieir, im kiru ko otemjej ibeir, re jamin aruij ke? a men in wōt, jen eoroñ ir im re naj jokwe iber. 24 Im ro otemjej rar drioijlok jen kejem in jikin kwelok eo, rar eoroñ Hemor, kab Shikem nejn; im man ro otemjej rar mijmij, ir otemjej rar drioijlok jen kejem in jikin kwelok eo an. 25 Inem, ilo ran eo ken ka jilu, ke rej metōk, ruo ian lōmaro nejn Jakob, ¹Simeon im Livai, lōmaro jein Daina, rar jimor bōk air jāji, im itok ñōn jikin kwelok eo ilo beran, im mōn man ro otemjej. 26 Im rar mōn Hemor, im Shikem nejn, kin jāji, im rar bōk Daina jen imōn Shikem, im drioijlok. 27 Im lōmaro nejn Jakob rar itok ion miji-jak ro, im rar rakimi jikin kwelok eo air; kin ke rar kananaik lio jātir. 28 Rar bōk jip ko air, im kau ko air, im ass ko air, im men ko ilo jikin kwelok kab men ko ilo jikin kallij; 29 im mweiuuk ko mweieir otemjej, im ajiri ro nejir otemjej, im limaro beleir, rar bōk ir dri jebokwe, im rar kakkure men ko otemjej iloan mo ko. 30 Im Jakob e ar ba ñōn Simeon im Livai, Kom ar kaburomōj iō bwe in kanuij nana iben armij in enin, iber dri Kenean im dri Periz: im ña, eiet, re naj kalejar nae iō, im mōn iō; im I naj joko, kab ro nuku. 31 Im rar ba, En kar kōmōn ñōn lio jātem einwōt ñōn kōra ekijoñ ke?

35 Im Anij e ar ba ñōn Jakob, Kwon jutōk, wōnliñlok ñōn Betel, im jokwe ijo: im kwon kōmōn ijo juōn lokatok ñōn Anij eo e ar walok ñōn yuk ke kwar ko jen iman mejen Iso jeōm. **2** Inem Jakob e ar ba ñōn ro nukin, im ñōn ro otemjej rar ber iben, Komin jolok ¹anij ko drua rej ber ibemi, im komin ²karreoik kom im nuknuk ko ami: **3** im jen jutōk, im wōnliñlok ñōn Betel; im ijo I naj kōmōnmōn juōn lokatok ñōn Anij, Eo e ar uak iō ilo ran eo I ar iñtan, im Eo e ³ar ber iba ilo ial eo I ar ilok ielok. **4** Im rar lelok ñōn Jakob anij ro drua otemjej rar ber ilo peir, im inokair, ko i lojiliñir; im Jakob e ar noj ir iomin wijki ok eo iturin Shikem. **5** Im rar etal: im ⁴leliñōñ jen Anije ar ber ion jikin kwelok ko iturir, im rar jab lukworkwor ro nejin Jakob. **6** Ein drein Jakob e ar itok ñōn Lōz, eo ilo enen Kenean, (e in Betel), e kab armij otemjej iben. **7** Im e ar kalek juōn lokatok ijo, im e ar naetan ijo El-betel; kin ke ijo Anij e kar walok ñōn e, ke e ar ko jen iman mejen jein. **8** A ⁵Debora, lio e ar kaninnin Rebeka, e ar mij, im rar kalibwin e i Betel iomin juōn wijki ok: im rar likit etan ijo Allon-bakut.

9 Im Anij e ar bar weaktok ñōn Jakob, ke e ar itok jen Pedan-eram; im E ar kejerammōn e. **10** Im Anij e ar ba ñōn e, Etōm Jakob: re jamin bar āñiñin yuk Jakob, a Israel e naj etōm: im E ar naetan Israel. **11** Im Anij e ar ba ñōn e, Ña Anij Laplap: kwon timon im orlok; dri ailiñ im bwijin dri ailiñ re naj jen ibōm, im kiñ ro re naj waloktok jen murōm; **12** im ⁶eneo I ar lelok ñōn Ebream im Aisak, I naj lewoj ñōn yuk, im ñōn ro ineōm elikōm I naj lewoj eneo. **13** Im Anij e ar wōnliñlok jen e, ilo jikin eo ijo E ar konono iben. **14** Im Jakob e ar kajur juōn jur ijo E ar konono iben, jur dreka: im e ar lutōk juōn katok irak na ion, im e ar lutōk oil na ion. **15** Im Jakob e

ar naetan ijo Anij e ar konono iben, Betel.

16 Im rar etal jen Betel; im etolok jirik ñōn Eprat: im Rejel e mejōljōllok, im elap an iñtan. **17** Inem, ke elap an iñtan, lio ej keite, e ar ba ñōn e, Kwon jab mijōk bwe juōn in ¹bar nejōm man. **18** Inem, ke e ar weaklok an, (bwe e mij), e ar naetan Benoni: a jemen e ar naetan Benjamin. **19** Im ²Rejel e mij, im rar kalibwin e ilo ial ñōn Eprat, (eñin Betleem). **20** Im Jakob e ar kajur juōn dreka ion lūpōn: eñeo jurōn lūpōn Rejel ñōn ranin. **21** Im Israel e ar etal, im e ar erlokwe an imōn kabermwijn an elā jen imōn ebar Ider. **22** Inem, ke Israel e ar jokwe i eneo, Ruben e ar ilok im babu iben Bila lio konkubain an jemen: im Israel e ar roñjake.

Kiō lōmaro nejin Israel joñoul ruo: **23** lōmaro nejin Lia: Ruben, manjien Jakob, im Simeon, im Livai, im Juda, im Issakar, im Zebulun; **24** lōmaro nejin Rejel: Josep, im Benjamin: **25** im lōmaro nejin Bila, liokorijeran Rejel: Dan, im Naptalai; **26** im lōmaro nejin Zilpa, liokorijeran Lia: Gad, im Asher: lōmarein ro nejin Jakob, ro rar lotak ñōn e i Pedan-eram. **27** Im Jakob e ar itok ñōn iben Aisak jemen, ñōn Mamre, ñōn jikin kwelok Arba, (eñin Hiberon), ijo Ebream im Aisak rar itoitōk ie.

28 Im ran ko an Aisak jibuki drualitōkñoul yiō. **29** Im Aisak e ar weaklok an, im e mij, im ³koba iben ro dron, e ⁴bwijwōlā im elōñ an ran: im Iso im Jakob, lōmaro nejin, rar kalibwin e.

36 Rein eeben ko an Iso (eñin Idom). **2** Iso e ar bōk ⁵limaro belen jen ro nejin dri Kenean: Eda nejin Ilon dri Het, im Oholibama nejin Ena, lio nejin Zibeon dri Hiv, **3** im Basimat nejin Ishmeel, jein im jātin Nibaiot. **4** Im Eda e ar keutak ñōn Iso Elipaz; im Basimat e ar keutak Reuel; **5** im Oholibama e ar keu-

¹ jap. 31. 19. 30. ² Ex. 19. 10. 14. ³ jap. 28. 15. ⁴ Ex. 15. 16; Dut. 2. 25. ⁵ jap. 24. 59. ⁶ jap. 13. 15; 28. 8; 28. 13.

¹ jap. 30. 24. ² jap. 48. 7. ³ jap. 25. 8. ⁴ jap. 15. 15. ⁵ jap. 26. 34; 28. 9.

tak Jiōsh, im Jelam, im Kora: lōmarein nejin Iso, ro rar lotak nōn e ilo enen Kenean. 6 Im Iso e ar bōk limaro belen, im lōmaro nejin, im limaro nejin, im armij otemjej in mwēo imōn, im bwij ko an, im kiru ko an otemjej, im mweiuk ko mwei-ien, ko e ar jibareki ilo enen Kenean; im e ar ilok nōn juōn ene etolok jen Jakob jātin. 7 ¹Kin ke elōn mwei-eir jen air maroñ in jokwe iben dron; im ene in air itoitōk e bane ir kin bwij-jin kiru ko air. 8 Ein drein Iso e ar jokwe ilo tol Sier: Iso ej Idom.

9 Im rein ebeben ko an Iso, jemen dri Idom, ilo tol Sier: 10 āt kein etan lōmaro nejin Iso; Elipaz nejin Eda belen Iso, Reuel nejin Basimat belen Iso. 11 Im lōmaro nejin Elipaz, Timan, Omar, Zipo, im Getam, im Kinaz. 12 Im Timna lio konkubain an Elipaz, nejin Iso; im e ar keutak nōn Elipaz, Amelek: lōmarein nejin Eda, lio belen Iso. 13 Im lōmarein nejin Reuel: Nehat, im Zira, Shamma, im Miza: lōmarein nejin Basimat, lio belen Iso. 14 Im lōmaro nejin Oholibama, nejin Ena, lio nejin Zibeon, belen Iso: im e ar keutak nōn Iso, Jiōsh, im Jelam, im Kora.

15 Rein iroi ro in ro nejin Iso: lōmaro nejin Elipaz manjien Iso: iroi Timan, iroi Omar, iroi Zipo, iroi Kinaz, 16 iroi Kora, iroi Getam, iroi Amelek: rein iroi ro nejin Elipaz ilo enen Idom; lōmarein nejin Eda. 17 Im lōmarein nejin Reuel, nejin Iso: iroi Nehat, iroi Zira, iroi Shamma, iroi Miza: rein iroi ro nejin Reuel ilo enen Idom; lōmarein nejin Basimat, lio belen Iso. 18 Im lōmarein nejin Oholibama, lio belen Iso: iroi Jiōsh, iroi Jelam, iroi Kora: rein iroi ro nejin Oholibama nejin Ena, lio belen Iso. 19 Lōmarein nejin Iso, im rein iroi ro nejin: eñin Idom.

20 Lōmarein nejin Sier dri Hor, dru waineneo: Lotan, im Shobal, im Zibeon, im Ena, 21 im Daishon, im Izer, im Daishan: rein iroi ro an dri Hor, ro nejin Sier ilo enen Idom. 22

Im ro nejin Lotan: Horai, im Himan; im lio jein im jātin Lotan, Timna. 23 Im rein nejin Shobal: Alvan, im Manehat, im Ibal, Shipo im Onam. 24 Im rein ro nejin Zibeon: Eia, im Ena; eñin Ena eo e ar lo un ko unin dren ebwil ilo ene jemaren, ke e ar lali ass ko an Zibeon jemen. 25 Im rein ro nejin Ena: Daishon im Oholibama lio nejin Ena. 26 Im rein ro nejin Daishon: Hemdan, im Eshban, im Itran, im Kiran. 27 Rein ro nejin Izer: Bilhan, im Zeavan, im Ekan. 28 Ro nejin Daishan rein: Ōz, im Eran. 29 Rein iroi ro nejin dri Hor: iroi Lotan, iroi Shobal, iroi Zibeon, iroi Ena, 30 iroi Daishon, iroi Izer, iroi Daishan: rein iroi ro nejin Hor, ekar nōn iroi ro air ilo enen Sier.

31 Im rein kiñ ro rar iroi ilo enen Idom, mokta jen an juōn kiñ iroi ion dri Israel. 32 Im Bila nejin Bior e ar iroi in Idom; im etan jikin kwelok eo an Dinhaba. 33 Im Bila e mij, im Jobab nejin Zira dri Bozra e ar iroi im binej jenkwōn. 34 Im Jobab e mij, im Husham jen enen Temanai e ar iroi im binej jenkwōn. 35 Im Husham e mij, im Hedad nejin Bidad, eo e ar mōn Midian ilo enen Moab, e ar iroi im binej jenkwōn: im etan jikin kwelok eo an Evit. 36 Im Hedad e mij, im Samla dri Masreka e ar iroi im binej jenkwōn. 37 Im Samla e mij, im Shaul dri Rihobot iturin River eo e ar iroi im binej jenkwōn. 38 Im Shaul e mij, im Beal-henan nejin Akbor, e ar iroi im binej jenkwōn. 39 Im Beal-henan nejin Akbor e mij, im Hedar e ar iroi im binej jenkwōn: im etan jikin kwelok eo an Pau; im etan lio belen Mihetabel nejin Metred, lio nejin Mizehab.

40 Im āt kein etan iroi ro nejin Iso, ekar nōn nukir, nōn jikir, kin etair: iroi Timna, iroi Alva, iroi Jitet, 41 iroi Oholibama, iroi Ila, iroi Painon, 42 iroi Kinaz, iroi Timan, iroi Mibzar, 43 iroi Magdiel, iroi Airam: rein iroi ro nejin Idom, ekar nōn jikin air jokwe ilo eneo air. Eñin Iso, jemen dri Idom.

37 Im Jakob e ar jokwe i eneo ijo jemen e ar drua majet, ilo enen Kenean. **2** Rein ebeben ko an Jakob. Josep ke ridtōn joñoul jiljilimjuōn yiō, e ar najirik bwijin kiru iben lōmaro jein: im ladrik eo e ar ber iben lōmaro nejin Bila, im iben lōmaro nejin Zilpa, limaro belen jemen: im Josep e ar batok ñōn jemeir air buñbuñ e nana. **3** Kiō Israel e ar yokwe Josep elap jen ro nejin otemjej, bwe e nejin ke e lōlap: im e ar kōmōn juōn an nuknuk e kārere nememen. **4** Im ke lōmaro jein rar lo bwe jemeir ej yokwe e elap jen ro jein im jātin otemjej, rar kijirāt e, im ban konono ainemōn ñōn e.

5 Im Josep e ar etōnak, juōn tōnak, im ej kennanek lōmaro jein: im elaplok air kijirāt e. **6** Im e ar ba ñōn ir, Komin roñjake, ij akwelap ñōn kom, tōnak in I ar etōnake: **7** bwe, lo, jar ber im kworōk tir ilo jikin kallip, im lo, tir eo aō ej mōke jerkak, im ej jutōk jime: im lo, tir ko ami rar kabol e, im rej ¹ barikrik jen tir eo aō. **8** Im lōmaro jein rar ba ñōn e, Emol kwo naj iroi iom ke? ak emol e naj am bebe kim ke? im elaplok wōt air kijirāte kin tōnak ko an im nan ko an. **9** Im e ar etōnak bar juōn tōnak, im ej kennanek lōmaro jein im ba, Lo, I ar etōnak bar juōn tōnak; im lo, al im aliñ im joñoul juōn iju rar barikrik jen iō. **10** Im e ar bwebwenato ñōn jemen im lōmaro jein; im jemen e ar kowe, im ba ñōn e, Ie ein tōnak in kwar etōnake? Emol ña im jinōm im lōmaro jeōm im jātōm kim naj iten barikrik ñōn lōl jen yuk ke? **11** Im ²lōmaro jein rar junmare; a jemen ej kememej nan eo.

12 Im lōmaro jein rar ilen najirik bwijin kiru ko an jemeir i Shikem. **13** Im Israel e ar ba ñōn Josep, Lōmaro jeōm re jab najirik bwijin kiru ko i Shikem ke? itok, im I naj jilkinlok yuk ñōn ibeir. Im e ar ba ñōn e, Ña e. **14** Im e ar ba ñōn e, Kwon ilen lale elañe emōn an lōmaro jeōm ber, im elañe emōn an bwijin kiru ko

ber; im bar bōktok nan ñōn iō. Ein drein e ar jilkinlok e jen komlōl in Hibron, im e ar itok ñōn Shikem. **15** Im juōn eman e ar lo e, im lo, e ar etetal i melaj ko, im leo e ar kajitōk iben im ba, Ta eo kwoj kabukot? **16** Im e ar ba, Ij bukot lōmaro jeiō: kwon kennanek iō, ij akwelap ñōn yuk, ijo rej najirik kiru ko air. **17** Im leo e ar ba, Re motlok jen ijin; bwe I ar roñ air ba, Jen ilok ñōn Dotan. Im Josep e ar ilok ilokairlok im lo ir i Dotan.

18 Im ke rar lo e etolok, aet, mokta jen an kebak ir, rar bebe kake bwe ren mōn e. **19** Im rej ba ñōn dron, Lo, dri tōnak en ej itok. **20** Inem itok kiō, im jen mōn e, im jolok e ilo juōn roñ, im je naj ba, Juōn kiru elej e ar kōñe: im jen lo tokjen tōnak ko an. **21** Im ¹Ruben e ar roñjake, im e kōnan lomoren e jen peir; im e ar ba, Jen jab mōn e. **22** Im Ruben e ar ba ñōn ir, Jab katorlok bōtōktōk, a jolok e na ilo roñ in, eo ilo ene jemaren, im jab likit pā na ion: bwe en lomoren e jen peir, im bar āñinlok e ñōn jemen. **23** Inem, ke Josep e mottok ñōn iben lōmaro jein, rar wutik kobe eo an jen Josep, kobe eo an e kārere nememen im ej kōnōke; **24** im rar bōk e im jolok e na ilo juōn roñ: im ejelok kobōn roñ eo, ejelok dren ie.

25 Im rar jijōt bwe ren mōña bred: im rej bōk mejeir im reilok, im lo, jar an dri Ishmeel, rej itok jen Giliad, kab kamel ko air rej bōk tolōj, im ijur, im mōr, rej aljeklok ñōn Ijpt. **26** Im Juda e ar ba ñōn lōmaro jein im jātin, Eorke ar jeram mōn ñe jej mōn leo jāter ²im noj bōtōktōkin. **27** Itok, ³jen wiakake ñōn dri Ishmeel, im jen jab likit peer na ion; bwe e jāter, kōnieker. Im ro jein im jātin rej eoroñ e. **28** Inem dri Midian, dru wia, rej iten kijon ijo; im rar tōbe im kwotōke Josep jen loan roñ eo, im wiakake Josep ñōn dri Ishmeel kin roñoul mōtōn silver. Im rar ⁴āñinlok Josep ñōn Ijpt.

29 Im Ruben e ar jeblak ñōn roñ

¹ jap. 42. 6, 9; 43. 26; 44. 14. ² Jerb. 7. 9.

¹ jap. 42. 22. ² eon 20. ³ jap. 42. 21. ⁴ jap. 39. 1.

eo; im lo, e joko Josep jen roñ eo; im e ar ¹kekel nuknuk ko an. 30 Im ej jeblak ññn iben ro jätin, im ba, E joko ajiri eo; im ña, I naj ilok ññn ia? 31 Im rar bök ²kobe eo an Josep, im mñn juñn kon in goat, im katutu kobe eo ilo bötöktökin; 32 im rar jilkinlok kobe eo e kārere neme-men, im rar böktoke e ññn iben jemeir, im ba, Men in kim ar loe: kwon kakilin e, kobe an neñm ke, jab ke. 33 Im ej kile, im ba, Kobe eo an nejiō; juñn ³kiru elej e ar kōñe; emol emwij kekele Josep. 34 Im Jakob e ar kekel nuknuk ko an, im ej kōñök nuknuk ekilep iren, im e ar jōñōt nejin iomin elōñ ran. 35 Im lōmaro nejin otemjej, kab limaro nejin otemjej, rar jutök bwe ren kainemñn e; a ej abwin ainemñn; im ej ba, Bwe I naj wñnlōl ññn Hedis ññn iben nejiō im jōñ. Im jemen e ar jōñōt e. 36 Im dri Midian rar wiakake e i Ijpt, ññn Potipar, juñn dri kabwjrök an Pero im kapen jaran ebar.

38 Inem, ilo ien eo, Juda e ar wñnlōllok jen iben ro jein im jätin, im ej jeōr im dreloñ ññn iben juñn dri Adōlam, etan leo Haira. 2 Im Juda e ar lo ijo juñn kōra nejin juñn dri Kenean, etan Shua; im ej bök lio im dreloñ ññn iben. 3 Im e ar etta im keutak nejin eman; im ej naetan Er. 4 Im e ar bar etta, im keutak nejin eman; im ej naetan Onan. 5 Im e ar bar etta, im keutak nejin eman; im ej naetan Shila: im e ar ber i Kizib, ke e ar keutak e. 6 Im Juda e ar bök juñn belen ññn Er, manjien, etan lio Tamar. 7 Im Er, manjien Juda, e nana iman mejen Jeova; im Jeova e ar mñn e. 8 Im Juda e ar ba ññn Onan, Kwon dreloñ ññn iben lio belen jeōm, im belek e, im en or inen leo jeōm. 9 Im Onan e jela bwe ine eo e jamin inen; im, ke e ar dreloñ ññn iben lio belen jein, ej lutök e ion brij, bwe en jab kaine ññn jein. 10 Im men in e ar kōmñn ej kaillu Jeova: im E ar bar-einwöt mñn e. 11 Inem Juda e ar ba ññn Tamar nejin kōra, Kwon ber im

ejelok beleōm iloan imñn jemōm, ññn ien Shila nejiō ej ridto; bwe ej ba, Ñe ab mij einwöt lōmaro jein. Im Tamar e ar ilem jokwe iloan imñn jemen.

12 Inem, tokelik lio nejin Shua, belen Juda, e mij; im emwij an Juda jōñōt e, im e ar wñnlōllok ññn iben dri mijbar jip ro an ññn Timnat, e kab leo jeran, Haira dri Adōlam. 13 Im rar kennanek Tamar im ba, Lo, jemōm e ar wñnlōllok ññn Timnat, in mijbar jip ko an. 14 Im lio e ar wutik an nuknuk in jōñōt leo belen, im e ar kalibubu e kin veil eo an, im mōke liboror, im e ar jijōt ijo e alikar iturin ial ññn Timnat; bwe e ar lo bwe e ridto Shila, im re jañin lelok e bwe en lio belen. 15 Im ke Juda e ar lo e, e ar lemnok e juñn kōra ekijoñ; bwe e ar kalibubu mejen. 16 Im e ar jeōr ññn iben iturin ial, im ba, Itok, ij akwelap ññn yuk, in dreloñ ññn ibōm; bwe e jaje bwe lio nejin kōra; im lio e ar ba, Ta eo kwo naj letok ññn iō, bwe kwon dreloñ ññn iba? 17 Im leo e ar ba, I naj jilkinwoj juñn kon in goat. Im lio e ar ba, Kwo naj letok juñn ken kamole ke, mae ien kwoj jilkintok e? 18 Im leo e ar ba, Ken kamol ōt in lewoj? I a lio e ar ba, Am ken sil, im am kamolmōl im jokwōnam eo ilo peōm. Im e ar lilok ññn e, im dreloñ ññn iben, im a ar etta kin e. 19 Im lio e ar jutök im ilok, im ej likit veil eo an jen iben, im bar kōñök an nuknuk in jōñōt belen. 20 Im Juda e ar jilkinlok kon in goat ilo pein jeran, dri Adōlam, bwe en bök ken kamol jen pein kōra eo: a e jab lo lio. 21 Inem e ar kajitök iben lōmaro in ijo, im ba, Ewi kōra ekijoñ eo e ar jijōt iturin ial in Inaim? Im rej ba, E ar ejelok kōra ekijoñ ijin. 22 Im e ar jeblak ññn iben Juda, im ba, I jab maroñ in lo e; im bareinwöt lōmaro in ijo rar ba, Ejelok kōra ekijoñ ijin. 23 Im Juda e ar ba, En mōke bök e, ñe je ab jok kake: lo, I ar jilkinlok kon in, im kwar jab lo lio.

24 Inem, e nañin jilu aliñ toke'ik, rar kennanek Juda im ba, Tamar, ne-

jōm kōra e ar kajeoñwe kōra ro re ki-
joñ; im bareinwōt e bōroro kin lūñ.
Im Juda e ar ba, Āñintok e, im ren
tile. 25 Im ke emwij āñintok e, e
ar jiliklok ññ jemen, im ba, Kin leo
an men kein eor nejō; im e ar ba,
Kwon kakilini, ij akwelap ññ yuk,
an wōñ men kein, ken sil in, im ka-
mōlmōl in, kab jokwōn. 26 Im Juda
e ar kamoli im ba, Lio e wānik jen
ña, bwe I ar jab lelok e ññ Shila
nejō. Im e jab bar jela lio tokelik.
27 Im ber inem, ilo ien ke e ar me-
jōljōllok, lo, bo ro i lujen. 28 Inem,
ke e ar iñtan, juōn ej kwalok pein:
im lio dri keite ar kapjere im kwor
pein kin tred e kilmir, im ba, Eñin e
ar walok mokta. 29 Inem, ke e ar
nukij pein, lo, jein e ar lotak: im lio
e ar ba, Ekijkan am kar lotak? Kin
men in rar naetan Periz. 30 Im toke-
lik, jātīn e ar walok, eo tred e kilmir
e ar ber i pein; im rar naetan Zira.

39 Im rar āñinlōllok Josep ññ
Ijpt; im Potipar, dri kabwij-
rōk an Pero, kapen in jaran ebar, e
dri Ijpt, e ar wiaik Josep jen pein ro
dri Ishmeel, ro rar āñinlōltok e ññ
ijo. 2 Im ¹Jeova e ar ber iben Jo-
sep, im e armij e jerammōn; im e
ar ber iloan imōn dri Ijpt, karo eo an.
3 Im karo eo an e ar lo bwe Jeova ej
ber iben, im bwe Jeova e ar ²kejer-
ammōn ilo pein men otemjej e ar
kōmōni. 4 Im Josep e ar lo joiy iman
mejen, im e ar jerbal ññ e; im e ar
likit e dri lale mweo imōn, im aolepen
men ko an e ar likit ilo pein. 5 Inem,
jen ien eo e ar likit e dri lale mweo
imōn, im ion men ko otemjej an, Jeova
e ar ³kejerammōn imōn dri Ijpt
eo kin Josep; im jerammōn an Jeova
e ar ber ion aolepen men ko an, i
mweo im ilo jikin kallip. 6 Im e ar
likit wōt men otemjej ilo pein Josep;
im e jaje jabrewōt men ko an, a kijan
wōt me ej mōña. Im Josep e wulio
im e mejwarik.

7 Inem, elikin men kein, lio belen
karo eo an e ar kalimjeke Josep, im
ba, Kwon babu iba. 8 A ⁴e abwin,

im ba ññ lio belen karo eo an, Lo, aō
karo e jaje kake men ko iba iloan
mwin, im e ar litok men otemjej an
ilo peiō: 9 e ¹jab utiej jen iō iloan
mwin; im e ar jab drebij jabrewōt
jen iō, a kwe wot, bwe kwe belen:
inem ekijkan aō maroñ kōmōn nana
in elap, im jerawiwi ññ Anij? 10
Inem, ke e ar konono ññ Josep ran
otemjej, e jab bokake lio bwe en babu
iben, ak ber iben. 11 Inem, ilo ien
kein, e ar dreloñ ññ loan mweo bwe
en kōmōn jerbal ko an; im ejelok
ian armij in mweo iloan. 12 Im lio
e ar jibwe nuknuk eo an, im ba, Kwon
babu iba; im e ar jolok nuknuk eo an
na ilo pein, im ko, im drioiylok. 13 Im
ber inem, ke lio ej lo bwe e ar jolok
nuknuk eo an na ilo pein, im e mot-
lok, 14 e ar kir man ro in mweo
imōn, im konono ññ ir, im ba, Lo, e
ar āñintok juōn dri Hibru ññ iber,
bwe en kajirere kake kij: e ar dreloñ
ññ iba bwe en babu iba, im I ar la-
mij kin ainikiō elap: 15 inem, ke e ar
roñ bwe ij koutiej ainikiō im lamij, e
ar jolok nuknuk eo an na ituriō, im
ko, im drioiylok. 16 Im e ar kejbā-
rok nuknuk eo an na iben, ññ ien eo
ej itok karo eo an leo. 17 Im lio e ar
konono ññ e einwōt nan kein, im ba,
Korijer eo, dri Hibru, me kwar āñin-
tok e ññ iber, e ar dreloñtok ññ iba
bwe en kajirere kake iō: 18 inem, ke
I ar koutiej ainikiō im lamij, e ar jo-
lok nuknuk eo an na iba im ko nabij-
lok.

19 Inem, ke an karo ej roñ nan ko
an lio belen, im e ar konono ññ e, im
ba, Ein drien leo korijerōm e ar kō-
mōn ññ iō; e bwil an illu. 20 Im
karo eo an Josep e ar bōk e, im
²likit e na iloan prisōn eo, ijo rej
liabe ro dri prisōn an kiñ eo: im e ar
ber ijo iloan prisōn. 21 A ³Jeova e
ar ber iben Josep, im tiriamo kake,
im lelok joiy ññ e iman mejen dri
lale prisōn eo. 22 Im dri lale prisōn
e ar lelok ilo pein Josep, dri prisōn
otemjej ro rar ber iloan prisōn; im
jabrewōt men eo rar kōmōnmōn ijo,
e eo e ar kōmōne. 23 Dri lale prisōn

¹ eon 3, 21, 22. ² Sam 1. 3. ³ Jap. 30. 27. ⁴ Ken. 6.
22, 24.

¹ Jap. 41. 40. ² Sam 105. 17, 18. ³ eon 2; Jerb. 7. 9.

¹e jab lala jabrewōt men eo iomin pein; bwe Jeova e ar ber iben, im men eo e ar kōmōne Jeova ej kejeram-mōne.

40 Inem, eliken men kein, ²dri ititōk nōn kiñ eo elap in Ijpt, im dri kōmāt, rar nana iben iroi j eo air, kiñ in Ijpt. **2** Im Pero e ar illu nōn lōmaro ruo korijeran, nōn eo e utiej ian dri ititōk, im nōn eo e utiej ian dri kōmāt. **3** Im e ar likit bwe ren bar ir iloan imōn ³kapen jaran ebar, iloan prisōn, ijo rar liabe Josep. **4** Im kapen jaran ebar e ar jiroñ Josep kin ir: im e ar jerbal nōn ir: im rar ber iomin jet ien iloan prisōn. **5** Im ro ar etōnak juōn tōnak, kaju air tōnak ilo juōn wōt boñ, kaju nōn irro einwōt melelen air etōnak, dri ititōk im dri kōmāt nōn kiñ in Ijpt, ro emwij liabe ir iloan prisōn. **6** Im Josep e ar dreloñtok nōn ibeir ke ejiboñ, im kalimjek ir, im lo, re buromōj. **7** Im e ar kajitōk iben ro dri korijeran Pero, ro rar ber iben iloan imōn iroi j eo an, im ba, Etke komro mejen buromōj ranin? **8** Im ro ba nōn e, Kimro ar etōnak juon tōnak, im ejelok en e maroñ kemeleleiki. Im Josep e ar ba nōn ir, ⁴Melele ko re jab ber iben Anij ke? komin kwalok mōk nōn iō, ij akwelap nōn kom.

9 Im iroi j in dri ititōk e ar kwalok tōnak eo an nōn Josep, im ba nōn e, Ilo aō etōnak, lo, juōn kejinela p iman meja; **10** im ilo kejinela p eo juōn ra: im einwōt e ub, im e walok nar; im ururen rej jebar grep ko re kālō: **11** im kōp eo an Pero e ar ber ilo peiō; im I ar bōk grep ko im uñtake na ilo kōp eo an Pero, im ij likit kōp eo ilo pein Pero. **12** Im Josep e ar ba nōn e, Eñin melelen: jilu ra, rej jilu ran; **13** mātōn jilu ran, im Pero e naj koutiej bōrōm, im bar likit yuk ilo jerbal eo am: im kwo naj lelok kōp eo an Pero na ilo pein, einwōt kar mokta ke kwo kin ititōk nōn e. **14** A kwon kememej iō, ñe kwo jerammōn, im kwalok joij nōn iō, ij akwelap nōn

yuk, im kennanek Pero kin iō, im āñinlok iō jen mwin: **15** bwe emol rar ¹kwote iō jen enen dri Hibru: im ijin bareinwōt ejelok men eo I ar kōmōn bwe ren likit iō iloan prisōn.

16 Ke leo, iroi j in dri kōmāt e ar lo bwe emōn melelen, e ar ba nōn Josep, Bareinwōt ña I ar etōnak, im lo, jilu iepen bred e mouj rej ber ion bōra: **17** im ilo iep eo ilōñ, elōñ wāwen kōnmāt kijan Pero; im bao ko rar kōñi jen iep eo ion bōra. **18** Im Josep e ar uak im ba, Eñin melelen: jilu iep, rej jilu ran; **19** mātōn jilu ran, im Pero e naj koutiej bōrōm jen iom, im e naj totoik yuk ilo juōn wijki; im bao ko re naj kōñ kōnie-kōm. **20** Im ber inem, ilo ran eo ken ka jilu, ran in kemen an Pero lotak, e ar kōmōn kwojwoj nōn ro korijeran otemjej: im e ar koutiej bōrōn iroi j in dri ititōk im iroi j in dri kōmāt iben ro korijeran. **21** Im e ar bar likit iroi j in dri ititōk bwe en bar ititōk nōn e; im e ar ²lelok kōp eo ilo pein Pero: **22** a e ar ³totoik iroi j in dri kōmāt: einwōt Josep e ar kemeleleik nōn irro. **23** Ijoke iroi j in dri ititōk e ar jab kememej Josep, a e ar meloklok e.

41 Inem, elikin ruo yiō reyu, Pero e ar etōnak: im lo, e ar jutōk iturin river eo. **2** Im lo, jiljilimjuōn kau re molul, im re mātōk, rej ato jen river eo; im rar mōña ilo juōn jikin ujoij. **3** Im lo, bar jiljilimjuōn kau rar atotok elikir jen river eo, re kajōjō, im re bōj, im jutōk iben kau ko jet iturin river eo. **4** Im kau ko re kajōjō im re bōj rar kōñi kau ko jiljilimjuōn ko re molul im mātōk. Inem Pero e ar ruj. **5** Im e ar kiki im etōnak alen eo ken ka ruo: im lo, jiljilimjuōn urur in korn rej edrek ilo juōn kām, re ibep im re kāmōn. **6** Im lo, jiljilimjuōn urur re jiburikrik im raimerlok kin kōto jen rear, rej edrek elikir. **7** Im urur ko re jiburikrik rar kōñi urur ko jiljilimjuōn re ibep im kāmōn. Im Pero e ar ruj, im lo, tōnak men eo. **8** Inem, ke ejiboñ, e lok-jenan; im e ar jiliklok im āñintok

³ eon 3. 8. ² eon 11, 13. ³ jap. 39. 1, 20. ⁴ jap. 41 16; Dan. 2. 27.

¹ jap. 37. 20-28. ² eon 13. ³ eon 19.

¹dri jeje otemjej in Ijpt, im dri kanbil ie: im Pero e ar kennanek ir tōnak ko an; a ²ejelok en e ar maroñ in kemeleleiki nōn Pero.

9 Inem iroi j in dri ititōk e ar konono nōn Pero, im ba, ³Ranin ij keme-mej bwir ko aō: 10 Pero e kar illu iben ro dri korijeran, im e ar likit iō ilo prisōn, iloan imōn kapen jaran ebar, ña kab iroi j in dri kōmāt: 11 im kimro ar etōnak juōn tōnak ilo juōn boñ, ña im e; kim ar etōnak kaju ñōn kimro einwōt melemen amro etōnak. 12 Im juōn likao ijo ibem, dri Hibru, korijeran kapen jaran ebar; im kim ar kennanek e, im e ar kemeleleik tōnak ko amro nōn kim; kaju ñōn kimro einwōt am etōnak e ar kemeleleiki. 13 Inem, ⁴einwōt e ar kemeleleik fr̃ kimro, e kar ein drein; e ar kejeblak ò nōn jerbal eo aō, im e ar totoik e.

14 Inem Pero e ar jiliklok im āñintok Josep, im rar ⁵mōkōj im āñintok e jen prisōn eo: im e ar eāl e, im kōnōk bar jet nuknuk, im dreloñtok ñōn iben Pero. 15 Im Pero e ar ba ñōn Josep, I ar etōnak juōn tōnak, im ejelok en e maroñ in kemeleleik e: im I ar roñ air ba kin kwe, bwe elañe kwoj roñ juōn tōnak, kwoj maroñ in kemeleleik e. 16 Im Josep e ar uak Pero, im ba, ⁶E jab ilo ña: ⁷Anij e naj lewoj ñōn Pero juōn nan emōn. 17 Im Pero e ar ba ñōn Josep, Ilo aō etōnak, lo, I ar jutōk iturin river eo: 18 im lo, jiljilimjuōn kau rej ato jen river eo, re mātōk im re molul; im rar mōña ilo juōn jikin uoi j: 19 im lo, bar jiljilimjuōn kau rej ato elikir, re nana im re kanuij kajōjō, im re bōj, I jañin kar lo ko ein air nana wōt i aolepen enen Ijpt: 20 im kau ko re bōj im re kajōjō rar kōñ kau ko jiljilimjuōn re mātōk: 21 im ke rar kōñi im mat, je jab maroñ in jela bwe rar kōñi; a rar kajōjō wōt im einwōt kar mokta. Inem I ar ruj. 22 Im I ar lo ilo aō tōnak, im lo, jiljilimjuōn urur rej edrek ilo juōn kān, re ibep im re kāmōn: 23 im lo, jil-

jilimjuōn urur, re mōrar, re jiburikrik, im raimerlok kin kōto jen rear, rar edrek elikir: 24 im urur ko re jiburikrik rar kōñi urur ko re kāmōn: im I ar kwalok men in ñōn ro dri kanbil; a ejelok e maroñ in kemeleleik iō.

25 Im Josep e ar ba ñōn Pero, Tōnak eo an Pero juōn wōt: Anij e ar kwalok ñōn Pero men eo E nañin kōmōne. 26 Kau ko jiljilimjuōn remōne, jiljilimjuōn yiō; im urur ko jiljilimjuōn remoñ, jiljilimjuōn yiō: tōnak eo juōn wōt. 27 Im kau ko jiljilimjuōn re bōj, im kajōjō, me rar ato elikir, jiljilimjuōn yiō, im bar einwōt urur ko jiljilimjuōn re jiburikrik im aimerlok kin kōto jen rear; re naj ¹jiljilimjuōn yiō in ñita. 28 Eñeo I ar ba ñōn Pero: men eo Anij e nañin kōmōne Ej kwalok ñōn Pero. 29 Lo, ej itok ²jiljilimjuōn yiō ñe e naj kanuij lōñ ekōn ilo aolepen enen Ijpt: 30 im e naj walok elikir ³jiljilimjuōn yiō in ñita; im re naj meloklok ke e ar enimōn Ijpt; im ñita e naj kokkure eneo; 31 im re jamin lo tokjen an kar lōñ mōña ilo eneo, kin ñita eo e naj lorlok; bwe e naj kanuij lap. 32 Im unin an walok tōnak in ñōn Pero alen ruo, kin ke Anij e ar kabin men in, im e naj mōkōj an Anij kamole. 33 Inem, kiō, Pero en kālet juōn eman e jela lokjen im e meletlet, im en likit e ion enen Ijpt. 34 Pero en kōmōn men in, im en likit dri lale ilo ene, im en bōk juōn mōtōn lailim ilo enen Ijpt iomin yiō ko jiljilimjuōn, im elōñ mōña ie. 35 Im ren aini ekōn ko otemjej in yiō ko remōn rej itok, im ren kobaik wit iomin pein Pero ñōn kōn moren ilo jikin kwelok ko, im ren kejbāroki. 36 Im ekōn eo e naj kabinoka ñōn eneo mae yiō ko jiljilimjuōn in ñita, im re naj walok i ene Ijpt, bwe en jab joko eneo kin ñita.

37 Im emōn men eo iman mejen Pero im iman mejen ro dron otemjej. 38 Im Pero e ar ba ñōn ro dron, Je maroñ ke lo einwōt lein, juōn eman

¹Ex. 7. 11. 22. ²Dan. 2. 27. 4. 7. ³Jap. 40. 23. ⁴Jap. 40. 21, 22. ⁵Dan. 2. 25. ⁶Jerb. 3. 12. ⁷eon 25, 28, 32.

¹2 Kif 8. 1. ²eon 47. ³eon 54, 56; Jap. 47. 13.

im Jitōb ōn Anij iben? 39 Im Pero e ar ba ñōn Josep, Ke Anij e ar kwalok aolepen men in ñōn yuk, ejelok en e jelalokjen im meletlet einwōt kwe: 40 ¹kwo naj ber ion mweo imō, im einwōt am in nan, naj eka-jeti ro droō: ilo tron wōt I naj utiej jen kwe. 41 Im Pero e ar ba ñōn Josep, Lo, I ar kairoi j yuk ²ion aolepen enen Ijipt. 42 Im Pero e ar ³bōk luko jen pein, im likit e na ion pein Josep, im e ar naballin kin nuk-nuk linen e airik iren, im e ar ⁴likit marmar gold na i kenwan; 43 im e ar ba en uwe ilo jariot eo ken ka ruo iben; im rar lamij iman, Barikrik: im e ar kairoi j e ion aolepen enen Ijipt. 44 Im Pero e ar ba ñōn Josep, Ña Pero, im elañe jab kin kwe, ejelok armijen kwotōke pein ak neen ilo aolepen Ijipt. 45 Im Pero e ar naetan Josep Zaphenat-penia; im e ar lelok ñōn e Asinat, lio nejin Potipira, pris in On, bwe en belen. Im Josep e ar ilok ilujen aolepen enen Ijipt.

46 Im ridtōn Josep jilñoul yiō ke e ar jutōk iman mejen Pero. Im Josep e ar drioi jlok jen iman mejen Pero, im e ar ilok ilujen aolepen enen Ijipt. 47 Im ilo yiō ko jiljilimjuōn im elōñ mōña ie, lōl e ar jebar ine im ākur. 48 Im e ar aini aolepen ekōn in yiō ko jiljilimjuōn, eo ilo aolepen enen Ijipt, im e ar kabinok ekōn ilo jikin kwelok ko: ekōn ilo jikin kallip iturin jabrewōt jikin kwelok, e ar aintok illoan. 49 Im Josep e ar ain korn einwōt bok in barijīt, e kanui j lōñ, ñōn ien eo ej jolok an bwini; bwe ejelok joñōn. 50 Im e ar lotak ñōn Josep ruo nejin eman, mokta jen an itok yiō ko in ñita, ro Asinat, lio nejin Potipira, pris in On, e ar keutak ñōn e. 51 Im Josep e ar naetan eo manjien Menassa: Bwe, e ba, Anij e ar kōmōn bwe in meloklok aolepen jerbal ko aō im aolepen ro nukin jema. 52 Im e ar naetan eo ken ka ruo Ipreim: Bwe Anij e ar katimon iō ilo eneo I kar iñtan ie. 53 Im yiō ko jiljilimjuōn, im elōñ mōña

ie, ko ilo enen Ijipt, re jemlok. 54 Im yiō ko jiljilimjuōn in ñita, re jino itok, einwōt ke Josep e ar ba: im ñita e ar ber ilo ene ko otemjej; a ilo aolepen enen Ijipt e kar or bred. 55 Im ke e mat ekōn ilo aolepen enen Ijipt, armij rōn rar uñare Pero kin bred: im Pero e ar ba ñōn dri Ijipt otemjej, Komin ilok ñōn iben Josep; men eo ej ba ñōn kom, komin kōmōne. 56 Im ñita e ar ber ion aolepen lōl: im Josep e ar kabellek imōn ekōn ko otemjej im wiakake ñōn dri Ijipt; im elaplok ñita i enen Ijipt. 57 Im dri ailiñ kōn otemjej rar itok ñōn Ijipt, ñōn iben Josep bwe ren wia, kin an lap ñita i ene ko otemjej.

42 Kiō Jakob ej lo bwe eor korn i Ijipt, im Jakob e ar ba ñōn lōmaro nejin, Etke komij rei bōjik ñōn dron? 2 Im e ar ba, Lo, I ar roñ bwe eor korn i Ijipt: komin wōnlōllok ñōn ijo, im wiaik ñōn kij jen ijo: bwe jen mour, im jab mij. 3 Im lōmaro joñoul jein Josep rar wōnlōllok bwe ren wiaik korn i Ijipt. 4 A Benjamin, jātin Josep, Jakob e ar jab jilkinlok iben ro jein; bwe e ar ba, Ñe ab or jorran ej buñōt e. 5 Im lōmaro nejin Israel rar iten wiaik iben ro rar itok: bwe e ¹iñta ilo enen Kenean. 6 Im ²Josep e ar iroi j ion eneo; im eo ej wiakake ñōn dri eneo. Im lōmaro jein Josep rar itok, im ³mōke barikrik ñōn lōl iman mejen. 7 Im Josep e ar lo ro jein, im kile ir, a e ar kejakilkil e ñōn ir, im ej ⁴kono-nan ko re erro ñōn ir, im e ar ba ñōn ir, Komij itok jen ia? Im rar ba, Jen enen Kenean bwe kimin wiaik ekōn. 8 Im Josep e ar kile ro jein, a ⁵re jab kile e. 9 Im Josep e ar ⁶kememej tōnak ko e ar etōnak kin ir, im e ar ba ñōn ir, Kom dri wate; komij iten aluij an enin kelwan. 10 Im rar ba ñōn e, Jab, ⁷aā iroi j, a ro dri korijerōm rar iten wiaik ekōn. 11 Kim otemjej nejin juōn eman; kim dri mol, ro dri korijerōm re jab dri wate. 12 Im e ar ba ñōn

¹ Jerb. 7. 10. ² Jap. 42. 6. ³ Est. 3. 10. ⁴ Dan. 5. 7.

¹ Jerb. 7. 11. ² Jap. 41. 41. ³ Jap. 37. 8-10; 41. 42. ⁴ eon 30. ⁵ Jap. 37. 2; 41. 46. ⁶ Jap. 37. 6-9. ⁷ Jap. 37. 8.

ir, Jab, a komij iten aluij an enin kelwan. 13 Im rar ba, Ro dri kori-
jerōm, joñoul ruo jimjān jimjātin, ne-
jin juōn eman i enen Kenean; im lo,
eo eriktata ej ber ranin iben jemen,
im juōn e joko. 14 Im Josep e ar
ba ñōn ir, Eñin men eo I ar konono
ñōn kom, im ba, Kom dri wate: 15
ilo men in naj melejoñ kom: kin an
Pero mour, kom jamin ilok jen ijin,
elañe leo jātimi e jab itok ñōn ijin.
16 Jilkinlok juōn iami, im en añintok
ladrik eo jātimi, im re naj bar kom
iloan prisōn, bwe ren melejoñ nan ko
ami, ñe eor mol ibemi: ak elañe jab,
kin mour an Pero, emol kom dri
wate. 17 Im e ar likit ir otemjej
iloan prisōn iomin jilu ran.

18 Im Josep e ar ba ñōn ir ilo ran
eo ken ka jilu, Komin kōmōn men in
im mour; bwe I mijōk Anij: 19 elañe
kom dri mol, ren liabe juōn ian jeimi
im jātimi iloan mweo komij dri pri-
sōn ie; a komin ilok, bōklok korn kin
ñita in mo ko imwemi: 20 im komin
añintok ladrik eo jātimi ñōn iba; ein
drein e naj mol nan ko ami, im kom
jamin mij. Im rar kōmōn einwōt.
21 Im rar ba ñōn dron, Emol eor
ruer kin jāter, ke jar lo an buromōj
buruen, ke e ar akwelap ñōn kij, im
jar abwin roñjake; inem jorran in ej
itok ior. 22 Im Ruben e ar uak ir,
im ba, 1I ar jab konono ñōn kom ke,
im ba, Komin jab jerawiwi nae ajiri
eo; im kom ar abwin roñ? inem, lo,
bareinwōt kajitōkin kij kin bōtōktō-
kin. 23 Im re jaje bwe Josep e jela
air in nan; bwe juōn dri ukot nan
ikōtair. 24 Im e ar oktōklik jen
ibeir, im jōñ, im e ar bar itok ñōn
ibeir im bebe ibeir, im e ar bōk Si-
meon jen ibeir, im liabe iman mejeir.
25 Im 2Josep e ar jiroñ bwe ren
kōne bāg ko air kin korn, im bwe ren
likit mōnni ko air, kajulok ilo bāg an
armij otemjej, im bwe ren lelok air
jotal: ein drein air kōmōn ñōn ir.

26 Im rar ektōk korn ion ass ko
air, im jeblak jen ijo. 27 Im ke juōn
iair e ar jelate bāg eo an ilo imōn
drua majet bwe en najirik ass eo

an, ej lo an mōnni; im lo, e ar ber
ilo mejen bāg eo an. 28 Im e ar ba
ñōn ro jein im jātin, Rar bar litok aō
mōnni; im lo, ej ber ilo bāg eo ao: im
re lokjenair, im rej wuririr im lale
dron im ba, 1Ta in Anij e ar kōmōn
ñōn kij? 29 Im rar itok ñōn it .n
Jekob, jemeir, ñōn enen Kenean, im
kennanek e kin men otemjej rar wa-
lok ñōn ir, im ba, 30 Leo, iroi in eneo,
e ar konono nan ko re erro ñōn kim,
im likit kim dri wate eneo. 31 Im
kim ar ba ñōn e, 2Kim dri mol, kim
jab dri wate: 32 kim joñoul ruo jim-
jān jimjātin ro nejin jemem; juōn
e joko, im eo eriktata ej ber ranin
iben leo jemen i enen Kenean. 33
Im leo, iroi in ailiñ eo, e ar ba ñōn
kim, Kin men in I naj jela bwe kom
dri mol: komin likit juōn ian jeimi
im jātimi iba, im bōk ekōn ñōn ro
nukumi re ñita, im komin ilok; 34
im añintok ladrik eo jātimi ñōn iba:
inem I naj jela bwe kom jab dri wate,
a bwe kom dri mol: ein drein I naj
lewoj jeimi im jātimi, im kom naj wia
i enin.

35 Im ber inem, ke rar lutōk bāg
ko air, lo, 3an armij otemjej limlim
in mōnni, rej jimor ber ilo bāg ko
air: im ke ir kab jemeir rej lo limlim
in mōnni ko, re mijōk. 36 Im Jekob,
jemeir, e ar ba ñōn ir, Kom ar ka-
liājlol iō: Josep e joko, im Simeon e
joko, im kom kōnan bōklok Benja-
min: men kein otemjej rej jumae iō.
37 Im Ruben e ar konono ñōn jemen,
im ba, Kwon mōn ladrik ro ruo nejiō,
elañe I jab bar añintok e ñōn kwe:
letok e ilo peiō, im I naj bar añintok
e ñōn kwe. 38 Im e ar ba, Nejiō e
jamin wōnlōllok ibemi; bwe jein e
mij, im ej mōke ian: elañe eor jorran
ej buñōt e ilo ial eo komij ilok ielok,
inem kom naj 4bōklok bōra e uōn ilo
buromōj ñōn Hedis.

43 Im elap ñita eo ilo eneo. 2
Inem, ke emwij air mōña korn
eo rar bōktok jen Ijīpt, leo jemeir e
ar ba ñōn ir, Komin bar ilok im wiaik
jirik kijer. 3 Im Juda e ar konono
ñōn e im ba, Leo e ar kanuij kanōjni

nōn kim, im ba, Kom jamin lo meja, elañe jātīmi e jab ber ibemi. 4 Elañe kwoj jilkinlok ladrik eo jātīm ibemlok, kim naj wōnlōllok im wiaik kijōm: 5 a elañe kwo jab jilkinlok e, kim jamin wōnlōllok: bwe leo e ar ba nōn kim, Kom jamin lo meja, elañe jātīmi e jab ber ibemi. 6 Inem Israel e ar ba, Etke ein ami kōmōn nana nōn iō, im kennanek leo bwe e bar or jātīmi? 7 Im rar ba, Leo e ar kanuij kajitōk karkarim, im kin jowī eo am, im ba, ¹Ej mour ke jememi? eor ke bar jātīmi? im kim ar kennanek e einwōt nan kein: kimin kar maroñ in jela bwe e naj ba, Komin āñinlōltok jātīmi ke? 8 Im Juda e ar ba nōn Israel, jemen, Kwon jilkinlok ladrik eo iba, im kim naj jutōk im ilok ²bwe jen mour, im jab mij, kim, im kwe, kab ro nuker. 9 I naj kejbārok e; ³jen peiō kwo naj kajitōkin e: elañe I jab bar āñintok e nōn yuk, im likit e iman mejōm, e naj or ruō in drīo: 10 bwe elañe kim ar jab rumij, emol kim naj kar jeblaktok alen ruo mae ien in. 11 Im jemeir, Israel, e ar ba nōn ir, Elañe emōn ein drein kiō, komin kōmōn men in; bōk leen emōntata in enin ilo jābi ko ami, im bōklōllok jet men in lelok nōn leo, jirik ijur, im jirik hōnni, men ko re nōj, im mōrr, kwōli ko, im amond ko; 12 im bōk kiōk ruo mōnni ilo peimi; im mōnni eo kom ar bar bōktok ilo mejen bāg ko ami bar bōkilok ilo peimi; ñe kab bwir men eo: 13 āñin jātīmi bareinwōt, im jutōk, bar ilok nōn iben leo: 14 im Anij laplap en lewoj joij iman mejen leo bwe en bar jilkinlok leo jeimi im jātīmi, kab Benjamin. Im elañe ij liājlol, ij liājlol. 15 Im lōmaro rar bōk men in lelok eo, im rar bōk kiōk ruo mōnni ilo peir, im Benjamin; im jutōk, im wōnlōllok nōn Ijīpt, im jutōk iman mejen Josep.

16 Im ke Josep e ar lo Benjamin ibeir, e ar ba nōn dri lale mweo imōn, Kwon āñinlok armij rein nōn mweo imō, im mōni kiru, im kapojōk; bwe armij rein re naj mōña iba ñe e raelip.

17 Im leo e ar kōmōn einwōt Josep e ar ba; im leo e ar āñinlok armij ro nōn loan imōn Josep. 18 Im lōmaro rar mijōk, kin ke rar āñinlok ir nōn imōn Josep; im rar ba, Kin ke mōnni eo e ar ilok ilo bāg ko ar ien eo mokta, rej kadreloñtok kij; bwe en bukot ruer, im buñ ior im bōk kij dri kama-koko, im ass ko ar. 19 Im rar kebaktok dri lale imōn Josep, im rar konono iben iturin kejem im mweo, 20 im ba, O aō iroi, emol kim ar wōnlōltok bwe kimin wia ekōn ien eo mokta: 21 inem, ke kim ar itok nōn imōn druā maijet, kim ar jelate bāg ko am, im lo, ¹mōnni ko an armij otemjej rej jimor ber ilo mejen bāg ko air, am mōnni e ja ridtōn wōt: im kim ar ²bar bōkitok ilo peim. 22 Im kim ar bar bōklōltok mōnni ilo peim bwe kimin wiaik ekōn: kim ban ba wōn eo e ar likit am mōnni ilo bāg ko am. 23 Im e ar ba, Ainemōn ibemi, komin jab mijōk: Anij eo ami, im Anij an jememi e ar lewoj mweie-mi ilo bāg ko ami: ami mōnni e ar ber iba. Im e ar ³āñintok Simeon nōn ibeir. 24 Im leo e ar āñinlok armij ro nōn loan imōn Josep, im e ar ⁴lelok dren nōn ir, im rar kwole neir; im e ar lelok kijen ass ko air. 25 Im rar kapojōk air men in lelok mae an Josep itok ñe e raelip: bwe rar roñi bwe re naj mōña bred ijo.

26 Im ke Josep e ar itok nōn mweo imōn, rar bōktok nōn e men in lelok eo e ar ber ilo peir, nōn loan im, im rar ⁵barikrik jen e nōn lōl. 27 Im e ar kajitōk ibeir kin air ber, im ba, Emōn ke an jememi mour, lōlap eo kom ar konono kake? Ej mour wōt ke? 28 Im rar uak, Korijerōm, jemem, e ejmour; im ej mour wōt. Im rar jirlok bōrair, im aber. 29 Im e ar bōk mejen, im lo jātīn, Benjamin, nejin jinen, im ba, E in ⁶jātīmi ke, im kom ar konono kake nōn iō? Im e ar ba, Anij en joij nōn yuk, nejiō. 30 Im Josep e ar kaiur e; bwe bu-ruen ememlok kin jātīn: im e ar bukot ijo en jōñ; im e ar dreloñ ilo

¹ jap. 42. 13. ² jap. 42. 2. ³ jap. 42. 37.

¹ jap. 42. 35. ² eon 12. 15. ³ jap. 42. 24. ⁴ jap. 78. 4
⁵ jap. 37. 7. ⁶ jap. 42. 13.

rum eo an, im jōñ ijo. 31 Im e ar kwole mejen, im drioiytok, im e ar ¹kōkabwirbwir e im ba, Kōmōn tok mōña. 32 Im rar kōmōn mōña ñōn e mōke ian, im ñōn ir mōke iair, im ñōn dri Ijipt ro rej mōña iben, mōke iair: bwe dri Ijipt re jab mōña bred iben dri Hibru; bwe men eo e ²nana iben dri Ijipt. 33 Im rar jijōt iman mejen, ³leo manji einwōt an manje, im leo erik einwōt an drik: im lōmaro rar bwiłōñ iben dron. 34 Im e ar bōk kij ko im jilkinlok ñōn ir jen iman mejen: a ⁴kij eo an Benjamin lailim alen juōn ian kij ko air. Im rar irak im mōnōñō iben.

44 Im e ar jiroñ dri lale mweo imōn, im ba, Kwon kōni bāg ko an lōmaro kin ekōn bōkōn wōt air maroñ, im likit mōnni an lōmaro kajulok ilo bāg ko air. 2 Im kwon likit kōp eo aō, kōp silver eo, ilo mejen bāg eo an leo eriktata, kab wōnan korn eo an. Im e ar kōmōn einwōt nan eo Josep e ar jiroñ e. 3 Im ke ej kab maram in jiboñ, rar jilkinlok lōmaro, ir im ass ko air. 4 Im ke rar drioiyllok jen jikin kwelok eo, im re jañin kanuij etolok, Josep e ar ba ñōn dri lale mweo imōn, Kwon jutōk, lorlok lōmaro; in ñe kwoj tōbar ir, kwon ba ñōn ir, Etke kom ar nawōnan emōn kin nana? 5 Men in e jab eo aō karo ej irak ie ke, im kin e bareinwōt ej drikanij ke? kom ar kōmōr. nana ilo ami kōmōn einwōt. 6 Im e ar tōbar ir, im e ar konono ñōn ir nan ko einwōt. 7 Im rar ba ñōn e, Etke aō iroi j ej ba nan kein? en etolok jen ro korijerōm bwe ren kōmōn einwōt in. 8 Lo, mōnni eo, me kim ar loe i mejen bāg ko am, kim ar bar bōkitok ñōn yuk jen enen Kenean: inem e naj kijkan am kwot silver ak gold jen imōn am karo? 9 Iben ⁵jabrewōt ian ro dri korijerōm ej walok, en mij, im bareinwōt kim naj dri kamakoko ñōn aō iroi j. 10 Im leo e ar ba, Kiō en einwōt ami in nan: eo ej walok iben e naj korijera; im e naj ejelok ruōmi. 11 Inem rar mō-

kōj im ākto bāg ko air otemjej ñōn lōl, im rar jimor jelate bāg ko air. 12 Im e ar kabuk, im jino iben eo manji, im jemlok iben eo eriktata: im kōp eo e ar walok ilo bāg eo an Benjamin. 13 Inem rar kekel nuknuk ko air, im lōmaro otemjej rar ektōk ion ass ko air, im jeblak ñōn jikin kwelok eo.

14 Im Juda im ro jein im jātin rar itok ñōn imōn Josep; bwe ej berwōt ijo: im rar buñ iman mejen ion lōl. 15 Im Josep e ar ba ñōn ir, Ta men in kom ar kōmōn? kom jaje ke bwe juōn einwōt ña, emol e maroñ drikanij? 16 Im Juda e ar ba, Ta eo kim naj ba ñōn aō iroi j? ta eo kim naj konono kake? ak ekijkan kim naj kowānik kim? Anij e ar lo nana an ro korijerōm: lo, kim korijeran aō iroi j, kim, kab eo kōp eo ej walok iben. 17 Im e ar ba, Ēn jab iba bwe in kōmōn ein drein: leo e walok kōp eo i pein, en korijera; im kin kom, komin wōnliñlok ilo ainemōn ñōn iben jememi.

18 Inem Juda e ar kebak e, im ba, O aō iroi j, ij akwelap ñōn yuk, korijerōm en konono juōn nan i lojiliñin aō iroi j, im illu an aō iroi j en jab bwił nae korijerōm: bwe kwe ¹einwōt Pero. 19 Aō iroi j e ar ²kajitōk iben, ro korijeran, im ba, Eor ke jememi, ak eor ke jātimi? 20 Im kim ar ba ñōn aō iroi j, Eor jemem e bwi jwōlā, im juōn ladrik nejin ke e lōlap, juōn ajiri; im jein e mij, im e mōke wōt nejin jinen; im jemen ej yokwe e. 21 Im kwar ba ñōn ro korijerōm, Komin āñinlōltok e ibemi bwe in loe kin meja. 22 Im kim ar ba ñōn aō iroi j, Ladrik eo e ban likit jemen: bwe elañe e naj ilok jen jemen, jemen e naj mij. 23 Im kwar ba ñōn ro korijerōm, ³Elañe leo jātimi e jab wōn-lōltok ibemi, kom jamin bar lo meja. 24 Inem, ke kim ar wōnliñlok ñōn iben korijerōm, jema, kim ar kennanek e nan ko an aō iroi j. 25 Im jemem e ar ba, Komin bar ilok, im wiaik jirik kijer. 26 Im kim ar ba, Kim ban wōnlōllok: elañe jātini ej ber

¹ jap. 45. 1. ² jap. 46. 34. ³ jap. 42. 7. ⁴ jap. 35. 24.
⁵ jap. 31. 32.

¹ jap. 41. 40-44. ² jap. 43. 7. ³ jap. 43. 3.

ibem, inem kim naj wōnlōllok; bwe kim jamin lo mejen leo, elañe jātīm e jab ber ibem. 27 Im korijerōm, jema, e ar ba ñōn kim, Komij jela bwe lio beliō e ar keutak ruo nejiō: 28 im juōn e ar drioijlok jen iba, im ¹ij ba, Emol emwij kekel e; im I ar jab bar lo e tokelik: 29 im elañe komij bar āñinlok ajiri in jen iba, im jorran ej buñōt e, kom naj ²bōklōk bōra e uōn ilo buromōj ñōn Hedis. 30 Im kiō ñe ij ilok ñōn iben korijerōm, jema, im ladrik eo e jab ber ibem; ke an mour e lukjōk iben mour an ladrik eo; 31 e naj walok, ñe ej lo bwe ladrik eo e jab ber ibem, e naj mij: im ro korijerōm re naj bōklōllok bōran korijerōm, jemem, e uōn ilo buromōj ñōn Hedis. 32 Bwe korijerōm e ar ³dri kejbarok ladrik e ñōn jema, im ba, Elañe I jab āñintok e ñōn yuk, inem e naj or ruō iben jema in drio. 33 Inem kiō, ij akwelap ñōn yuk, korijerōm en ber im binej jenkwōn ladrik e, dri kamakoko ñōn aō iroi: im ladrik ne en wōnlōllok iben ro jein. 34 Bwe ekijkan aō maroñ wōnlōllok ñōn iben jema, elañe ladrik eo e jab ber iba? ñe I ab lo nana eo ej walok ñōn jema.

45 Inem Josep e ar ban kōkabwirbwir e iman mejen rootemjej rar jutōk iben; im e ar lamij, Komin kadrioijlok armij otemjej jen iba. Inem ejelok armij e ar jutōk iben ⁴ke Josep e ar mōke kwalok e ñōn ro jein im jātīn. 2 Im e ar koutiej ainiken im jōñ: im dri Ijpt, kab ro nukin Pero rar roñjake. 3 Im Josep e ar ba ñōn ro jein im jātīn, Ña Josep; jema ej mour wōt ke? Im ro jein im jātīn re ban uak e; bwe ⁵rar kūmlōk kin e. 4 Im Josep e ar ba ñōn ro jein im jātīn, Komin druaktok ñōn iō, ij akwelap ñōn kom: im rar druaklok. Im e ar ba, Ña Josep, jātīmī, me kom ar wiakake ñōn Ijpt. 5 Inem kiō komin jab buromōj, im jab eāliklik, kin ami kar wiakake iō ñōn ijin: bwe ⁶Anij e ar jilkintok iō imami bwe in kejbarok mour. 6 Bwe

yiō kein ruo e ar ñita enin: im mā-tōn lailim yiō, im ilo ir e naj ejelok jeor ak marmir. 7 Im Anij e ar jilkintok iō imami bwe in kajbarok ineōmī i lōl, im bwe in lomoremī kin lomor elap. 8 Inem kiō e jab komeo kom ar jilkintok iō, a Anij: im E ar likit iō jemen Pero, im iroi in aolepen mweo imōn, kab iroi ion aolepen enen Ijpt. 9 Komin kaiur kom, im wōnlōllok ñōn iben jema, im ba ñōn e, Ein drein Josep, nejōm, e ar ba, Anij e ar kairoi iō ion aolepen Ijpt: kwon wōnlōltok ñōn iba, im jab rumij, 10 im kwo naj jokwe i ene Goshen, im kwo naj ber ebak ñōn iō, kwe, im ro nejōm, im ro nejin nejōm, im kiru ko am, im bwij ko am, im men ko am otemjej: 11 im ijo I naj ¹najirik yuk, bwe mātōn bar lailim yiō in ñita; ñe ab kwe, im ro nukōm, im men ko am otemjej jeramel. 12 Im lo, mejemi rej lo, kab mejen jātīō Benjamin, bwe loñiō e ej konono ñōn kom. 13 Im kom naj kennanek jema kin aolepen aibujuij eo aō i Ijpt, im kin men otemjej kom ar loi: im kom naj kaiur kom, im ²āñinlōltok jema ñōn ijin. 14 Im e ar buñ ion kenwan Benjamin, im jōñ; im Benjamin e ar jōñ ion kenwan. 15 Bareinwōt e ar mejenmaik ro jein otemjej, im ej jōñ ioir: im tokelik ro jein im jātīn rar konono iben.

16 Im rar roñ an men in buñbuñ ilo imōn Pero, im ba, Ro jein im jātīn Josep rar itok: im e buñburuen Pero, kab ro dron. 17 Im Pero e ar ba ñōn Josep, Kwon ba ñōn ro jeōm im jātōm, Komin kōmōn men in: komin ektōk ion kiru ko ami, im etal, ilok ñōn enen Kenean; 18 im āñin jememi, im ro nukumi, im itok ñōn iba: im I naj lewoj ñōn kom men ko remōn in enen Ijpt, im kom naj mōña mātōk in enin. 19 Kiō emwij jiroñ yuk, komin kōmōn men in: bōkwoj ³wāgōn ko jen enen Ijpt ñōn ro nejimi redrik, im limaro belemi; im āñintok jememi, im itok. 20 Bareinwōt jab lemnok kin men ko mweiemī; bwe men ko remōn i aolepen enen Ijpt, ami.

¹ jap. 37. 31-35. ² jap. 43. 28. ³ jap. 43. 9. ⁴ Jerb. 7. 13. ⁵ jap. 37. 20-23. ⁶ jap. 50. 20.

¹ jap. 47. 12. ² Jerb. 7. 14. ³ jap. 46. 5.

21 Im ro nejin Israel rar kōmōn ein drein: im Josep e ar lelok wāgōn ko nōn ir, einwōt nan in jiroñ an Pero, im e ar na air jotal. 22 Im e ar lelok nōn ir elōñ nuknuk, a nōn Benjamin jilu buki mōtōn silver, im lailim leken nuknuk. 23 Im nōn jemen e ar jilkinlok ein drein: joñoul ass rej ektōk men ko remōn in enen Ijpt, im joñoul ass kokōra rar ektōk korn, im bred, im ekōn an jemen jotaltok. 24 Ein drein e ar jilkinlok ro jein im jātin, im rej jeb-lak; im e ar ba nōn ir, Lale kom ar akwail ilo ial. 25 Im rar wōnliñlok jen Ijpt, im itok nōn enen Kenean, nōn iben Jakob jemeir. 26 Im rar kennanek e, im ba, Josep ej mour wōt, im ej iroiñ ion aolepen enen Ijpt. Im buruen e lokjenan, bwe e 1jab tōmak ir. 27 Im rar kennanek e nan ko otemjej an Josep, im e ar konono nōn ir kake: im ke ej lo 2wāgōn ko Josep e ar jilkinitok bwe ren bōklok e, jitōb an Jakob jemeir e ar bar ieñaktok: 28 im Israel e ar ba, Emwij; Josep, nejiō, ej mour wōt: I naj ilem lo e mokta jen aō mij.

46 Im Israel e ar jino an ilok, kab men ko otemjej an, im e ar itok nōn Bier-shiba, im katok nōn Anij an Aisak jemen. 2 Im Anij e ar konono nōn Israel ilo mōrenlok ilo boñ, im ba, Jakob, Jakob. Im e ar ba, Na e. 3 Im E ar ba, Na Anij, Anij an jemōm: kwon jab mijōk in wōnlōllok nōn Ijpt, bwe I naj kōmōn bwe en lap bwijōm na ijo: 4 I naj karwōnlok yuk nōn Ijpt; im barein-wōt emol I naj bar āñintok yuk: im Josep e naj likit pein ion mejōm. 5 Im Jakob e ar jutōk jen Bier-shiba: im lōmaro nejin Israel rar ektōk Jakob, jemeir, im ro nejir, im limaro beleir, ilo wāgōn ko Pero e ar jilkinitok bwe ren ektōklok e. 6 Im rar bōk kiru ko air, im mweieir, ko rar jibarek i enen Kenean, im rar itok nōn enen Ijpt, Jakob, kab ro inen otemjej iben: 7 lōmaro nejin, kab lōmaro nejin ro nejir iben, limaro ne-

jin, im limaro nejin ro nejin, im ro inen otemjej e ar āñintok ir iben tok nōn Ijpt.

8 Im rein etan ro nejin Israel, ro rar itok nōn Ijpt, Jakob im lōmaro nejin: Ruben, manjen Jakob. 9 Im lōmaro nejin Ruben: Henok, im Pal-lu, im Hezron, im Karmai. 10 Im lōmaro nejin Simeon: Jemuel, im Jemin, im Ohad, im Jekin, im Zohar, im Shaul eo nejin juōn kōra in Kenean. 11 Im lōmaro nejin Livai: Gershon, Kohat, im Mirerai. 12 Im lōmaro nejin Juda: Er, im Onan, im Shila, im Periz, im Zira; a Er im Onan rar mij ilo enen Kenean. Im lōmaro nejin Periz, Hezron im Hemul. 13 Im lōmaro nejin Issakar: Tola, im Puva, im Iob, im Shimron. 14 Im lōmaro nejin Zebulun: Sired, im Ilon, im Jaleel. 15 Lōmarein ro nejin Lia, ro e ar keutak nōn Jakob i Pedan-eram, kab lio nejin, Daina: ir otemjej lōmaro im limaro nejin, jil-ñoul jilu armij. 16 Im lōmaro nejin Gad: Zipion, im Haggai, Shunai, im Ezbon, Irai, im Arodai, im Arilai. 17 Im lōmaro nejin Asher: Imna, im Ishva, im Ishvai, im Biraia, im Sera lio jātir; im lōmaro nejin Biraia: Hiber, im Malkiel. 18 Im lōmarein nejin Zilpa, lio Leban e ar lelok nōn lio nejin, im e ar keutak rein nōn Jakob, aet joñoul jiljino armij. 19 Im lōmaro nejin Rejel lio belen Jakob: Josep im Benjamin. 20 Im e lotak nōn Josep i enen Ijpt, Menassa im Ipream, ro Asinat, lio nejin Potipira pris in On, e ar keutak nōn e. 21 Im lōmaro nejin Benjamin: Bila, im Biker, im Ashbel, Gira, im Neaman, Ihai, im Rosh, Mōppim, im Hōppim, im Ard. 22 Lōmarein nejin Rejel, ro rar lotak nōn Jakob: ir otemjej joñoul emen armij. 23 Im lōmaro nejin Dan: Hushim. 24 Im lōmaro nejin Naphtalai: Jazeel, im Gunai, im Jizer, im Shillem. 25 Lōmarein ro nejin Bila, lio Leban e ar lelok nōn Rejel nejin, im e ar keutak rein nōn Jakob: ir otemjej jiljilim-juōn armij. 26 Armij otemjej ro rar itok iben Jakob tok nōn Ijpt, ro

rar itok jen murin, im jab bwini limaro, belen lōmaro nejin Jakob, armij otemjej jiljinoñoul jiljino armij; 27¹ im lōmaro nejin Josep, re lotak ñōn ei enen Ijpt, ruo armij: armij² otemjej in nukin Jakob, ro rar itok ñōn Ijpt, jiljilimjuōñoul.

28 Im e ar jilkinlok Juda iman mejen ñōn iben Josep, bwe en jineit ñōn² Goshen; im rej itok ñōn enen Goshen. 29 Im Josep e ar kapojōk jariot eo an, im ej wōñliñlok bwe en wōñmae Israel, jemen, ñōn Goshen; im ej mōke kwalok e ñōn e, im buñ ion kenwan, im eto an jōñ ion kenwan. 30 Im Israel e ar ba ñōn Josep, In mij kiō, mwijin aō lo mejōm, bwe kwoj mour wōt. 31 Im Josep e ar ba ñōn ro jein im jātīn, im ñōn ro nukin jemen, I naj wōñliñlok im kwalok ñōn Pero, im ba ñōn e, Ro jeiō im jātīō, im ro nukin jema, ro rar ber i enen Kenean, re mottok ñōn iba; 32 im lōmaro, sheperd, bwe air jerbal najirik kiru; im rar āñintok bwijin kiru im bwijin jip ko air, im men ko air otemjej. 33 Im en ber, ñe Pero e naj āñiñin kom, im e naj ba, Ta ami jerbal? 34 Komin ba, Jerbal an ro korijerōm, lale kiru, jen am inono ñōn kiō, kim, im kab ro jimam: bwe komin jokwe i enen Goshen; bwe sheperd otemjej rej nana iben dri Ijpt.

47 Inem Josep e ar item kennanek Pero, im ba, Jema im ro jeiō im jātīō, im bwijin kiru ko, im bwijin jip ko air, im men otemjej air, rar itok jen enen Kenean; im lo, rej ber i enen Goshen. 2 Im e ar bōk jet ian lōmaro jein im jātīn, lai-lim armij, im ej kwalok ir ñōn Pero. 3 Im Pero e ar ba ñōn lōmaro jein im jātīn, Ta ami jerbal? Im rej ba ñōn Pero, Ro korijerōm, sheperd, kim, im kab ro jimam. 4 Im rar ba ñōn Pero, Kimij iten ber i enin; bwe ejelok jikin ujoij ñōn bwijin kiru ko am iben ro korijerōm; bwe elap ñita i enen Kenean: inem kiō, kim akwelap ñōn yuk, ro korijerōm ren jokwe i enen Goshen. 5 Im Pe-

ro e ar jiroñ Josep, im ba, Jemōm im ro jeōm im jātōm rar itok ñōn ibōm: 6 ene Ijpt ej ber iman mejōm: kwon kaimweim jemōm im ro jeōm im jātōm ilo ene emōntata: ren jokwe i enen Goshen, im elañe kwojela jet iair re niknik, inem kwon likit ir iroiñ ion kiru ko aō. 7 Im Josep e ar kadreloñtok Jakob jemen, im likit e iman mejen Pero: im Jakob e ar jare Pero. 8 Inem Pero e ar ba ñōn Jakob, Ietoñ am mour? 9 Im Jakob ej ba ñōn Pero, Ran ko in yiō in aō itoitōk, jibuki jilñoul yiō: reiet im re nana ran ko in yiō in aō mour, im¹ re jañin tōbar ran in yiō an ro jema mour, ilo ran ko in air itoitōk. 10 Im Jakob e ar jare Pero im drioiñlok jen iman mejen Pero. 11 Im Josep e ar najikin jemen im ro jein im jātīn, im ej kaimweim ir i enen Ijpt, ilo ene emōntata, i ene Ramisis, einwōt ke Pero e ar jiroñ e. 12 Im Josep e ar² najirik jemen, im ro jein im jātīn, im aolepen ro nukin jemen kin bred, ekar ñōn oran ro nukir.

13 Im ejelok bred i aolepen eneo; bwe ñita e kanuij lap, inem enen Ijpt, kab enen Kenean re joko kin ñita eo. 14 Im Josep e ar aini mōñni otemjej rej lo i enen Ijpt, im enen Kenean, kin korn eo rar wiaik e: im Josep e ar bōktok mōñni eo ñōn loan imōn Pero. 15 Im ke e mat mōñni i enen Ijpt, kab i enen Kenean, dri Ijpt otemjej rar itok ñōn iben Josep, im ba, Kwon letok bred ñōn kim: bwe etke kimin mij iman mejōm? bwe e mat mōñni. 16 Im Josep e ar ba, Komin letok kiru ko ami; im I naj lewoj kin ami kiru, elañe e mat mōñni. 17 Im rej āñintok kiru ko air ñōn Josep; im Josep e ar lelok bred ñōn ir wōnan ors ko, im bwijin jip, im kau ko, im ass ko: im ej najirik ir bred iomin yiō eo, wōnan aolepen kiru ko air. 18 Im ke e jemlok yiō eo, rej itok ñōn iben yiō eo ken ka ruo, im ba ñōn e, Kim jamin noje jen aō iroiñ, ekijkan an mat mōñni ko am; kiru ko am rej bareinwōt ber

¹ Ex. 1. 5; Jerb. 7. 14. ² Jap. 45. 10.

¹ Jap. 25. 7; 35. 28. ² Jap. 45. 11.

iben aō iroi; ejelok en ej ber iman mejen aō iroi, a enbwinem wōt, kab ene ko eneem: 19 etke kimin mij iman mejōm, kim im kab eneem? kwon wiaik kim im kab eneem kin bred, im kim kab eneem naj kori- jeran Pero: im letok ine, bwe kimin mour im jab mij, bwe ene en jab jebeplok.

20 Ein drein Josep e ar wiaik aole- pen enen Ijpt nōn Pero; bwe dri Ijpt otemjej rar wiakake imweir, bwe ñita eo e kajur jen ir: ein drein eneo ej enen Pero. 21 Im kin armij ro, e ar kokweloklok ir ñōn jikin kwelok ko jen tōreran jabōn Ijpt ñōn tōreran jabeo juōn. 22 Enen pris wōt e ar jab wiaik e: bwe eor mōtōn an pris jen iben Pero, im rej mōña mōtōn eo Pero e ar lelok ñōn ir; kin men in rar jab wiakake ene ko eneir. 23 Inem Josep e ar ba ñōn armij ro, Lo, I ar wiaik kom ranin, im eneemi, ñōn Pero; lo, ami ine, im kom naj jeor eneo. 24 Im e naj ber, ilo ien marmir, kom naj le- lok ¹ juōn mōtōn lailim ñōn Pero, im emen mōtōn re naj kwonami, ñōn ine in jikin kallip, im ñōn kijimi, im ki- jen ro nukumi, im ñōn kijen ro neji- mi. 25 Im rar ba, Kwar lomoren kim jen mij: kimin lo joi; ilo mejen aō iroi, im kim naj korijeran Pero. 26 Im Josep e ar kōmōn kien ion enen Ijpt ñōn ranin, bwe juōn mō- tōn lailim e naj an Pero; e jab ion enen pris ro wōt, ke rar jab an Pero. 27 Im Israel e ar jokwe i enen Ijpt, ilo ene Goshen, im eor jikir ijo, im rar edrek, im e ² kanuij lap air orlok. 28 Im Jakob e ar mour i enen Ijpt jilñoul jiljilimjuōn yiō: ein drein ran ko in yiō an Jakob mour, jibuki eñoul jiljilimjuōn yiō. 29 Im ebaktok ien an Israel mij: im e ar kirtok Josep, nejn, im ba ñōn e, Elañe kiō I ar lo joi; iman mejōm, ij akwelap ñōn yuk, ³ kwon likit peōm ion unjen neiō, im kōmōn joi; im mol ñōn iō: ij akwelap ñōn yuk, kwon jab kalibwin iō i Ijpt; 30 a ñe ij kiki iben ro jema, kwo naj bōklok iō jen

Ijpt, im kalibwin iō ilo ¹ wuliej eo air. Im e ar ba, I naj kōmōn einwōt kwar ba. 31 Im e ar ba, Kwon ka- nōjni; ñōn iō. Im ej kanōjni; ñōn e. Im Israel e ar mōke barikrik ion lo- loñōn aowej eo.

48 Inem, elikin men kein, juōn e ar ba ñōn Josep, Lo, jemōm e nañinmij: im e ar añinlok ibenlok lōmaro ruo nejn, ² Menassa im Ipreim. 2 Im juōn e ar kennanek Jakob, im ba, Lo, nejōm, Josep, ej itok ñōn ibōm: im Israel e ar kate, im jijōt ion aowej eo. 3 Im Jakob e ar ba ñōn Josep, Anij laplap e ar walok ñōn iō i Lōz, i enen Kenean, im keje- rammōn iō, ⁴ im E ar ba ñōn iō, Lo, I naj katimon yuk, im korlok yuk, im I naj kōmōn bwe en bata armij ro bwijōm, im I naj lewoj enin ñōn ro ineōm elikōm, bwe en air jolit in drio. 5 Im kiō, ladrik ro ruo nejōm, ro rar lotak ñōn yuk i enen Ijpt, mokta jen aō itok ñōn ibōm i Ijpt, Ipreim im Menassa, irro nejio; einwōt Ruben im Simeon, ro naj nejio. 6 Im ro nejōm, ro kwoj keutak elikir, re naj nejōm; re naj naetair kin etan ro jeir ilo air jolit. 7 Im kin ña, ke I ar itok jen Pedan, Rejel e ar mij ituriō ilo enen Kenean ilo ial, ke mātōn wōt jirik in itok ñōn Iprat: im I ar kalibwin e ijo, ilo ial in Iprat, (e in Betleem).

8 Im Israel e ar lo ladrik ro nejn Josep, im ba, Wōn rein? 9 Im Josep ej ba ñōn jemen, Rein nejio, ro Anij e ar letok ñōn iō i enin. Im ej ba, Ij akwelap ñōn yuk bwe kwon añintok ir ñōn iō, im I naj kejerammōn ir. 10 Kiō mejen Israel re aoram kin an bwijwōlā, inem e ban lo. Im ej añintok ir ñōn iturin, im ej mejen- maik ir, im jiburlep ir. 11 Im Israel e ar ba ñōn Josep, I ar jab lemnok in lo mejōm: im lo, Anij e ar kwalok ñōn iō ro ineōm bareinwōt. 12 Im Josep e ar añinlok ir jen ikōtan neen; im e ar mōke barikrik mejen ñōn lōl. 13 Im Josep ej kapjere irro otemjej, Ipreim ilo anbijmaroñōn ñōn anmiñin Israel, in Menassa ilo anmiñin ñōn

ambijmaroñōn Israel, im ej tel ir ñōn turin. 14 Im Israel e ar kōtellok ambijmaroñōn, im likit pein ion bōran Ipream, eo erik, im anmiñin ion bōran Menassa, e melele an kajime pein; bwe Menassa e manji. 15 Im e ar jare Josep, im ba, Anij, eo ro jema im Aisak rar etetal iman mejen, Anij eo e ar najirik iō ien otemjej in aō mour ñōn ranin, 16 enjel eo e ar lomoren iō jen nana otemjej, En kejerammōn ladrik rā; im ren naetair kin eta, im kin etan ro jema, Ebream im Aisak; im ren edrek im bata iolapen lōl. 17 Im ke Josep ej lo bwe jemen ej likit ambijmaroñōn ion bōran Ipream, e nirburuen: im ej kwotōke pein jemen bwe en kamōkit e jen bōran Ipream ñōn bōran Menassa. 18 Im Josep e ar ba ñōn jemen, En jab ein drein, jema; bwe eñin manji; kwon likit ambijmaroñōm ion bōran. 19 Im jemen e ar abwin, im ba, I jela, nejiō, I jela kake; bareinwōt e naj juōn bwij, im bareinwōt e naj lap: a emol jātin e naj lap jen e, im ro inen re naj dri elōñ ailīñ. 20 Im e ar jare ir ilo ran eo, im ba, Kin kwe dri Israel re naj kejerammōn, im ba, Anijen kōmōn yuk einlokwōt Ipream, im einlokwōt Menassa: im ej likit Ipream mokta jen Menassa. 21 Im Israel e ar ba ñōn Josep, Lo, I mij: a Anij e naj ber ibemi, im ¹ bar āñinlok kom ñōn ene an ro jimami. 22 Bareinwōt I ar lewoj ñōn yuk juōn mōtōn e orlok jen an ro jeōm im jātōm, eo I ar bōk jen pein dri Amor kin aō jāji im kim aō libon.

49 Im Jakob e ar āñiñin lōmaro nejin, im ba, Komin jimor kweelok bwe in kennanek kom men eo e naj buñōt kom ilo ran ko tokelik.

2 Komin jimor kweloktok, im roñ, kom nejin Jakob; im eoroñ Israel jememi.

3 Ruben, kwe manjiō, aō kajur, im jinoin aō maroñ; im emōn in aō wuj, im emōn in aō kajur.

4 Kwoj uwe einwōt dren e bululul, kwojaminutiej; ² bwe kwar wōnliñlok ñōn aowej eo an jemōm, inem kwar

kananaik e: e ar wōnliñlok ñōn aō jikin babu.

5 ¹ Simeon im Livai ro jimjān jimjātin; men in kaiñtan, air jāji.

6 O aō, kwon jab dreloñ ilo air bebetino; aō wuj, kwon jab koba iben air kwelok; bwe ilo air illu rar mōn juōn eman, im ilo air bōt rar jeke neen kau koman.

7 En jerata air illu, bwe e ar lap; im air kwi, bwe e ar lej: I naj kijbil ir ilo Jakob, im kijibliklok ir ilo Israel.

8 Juda, kwe eo ro jeōm im jātōm re naj nebar e; peōm e naj ber ion kenwan ro rej kijirat yuk; ro ² nejin jemōm re naj barikrik iman jemōm.

9 Juda, ej kon in laion; kwar wōnliñlok jen men in rakim, nejiō: ej barikrik, ej kebao einwōt laion, im einwōt laion e ridto: wōn e naj biuktōk e?

10 Septer e jamin ilok jen Juda, ak jokwōnōn iroi j jen ikōtan neen, ñōn ien Shailo ej itok; im armij rōn re naj bokake.

11 Ej lukwoj an ass iben juōn vain, im an kon in ass iben vain emōn; e ar ³ katutu nuknuk ko an ilo wain, im ballin ilo bōtōktōkin grep:

12 E naj bōrōrō mejen kin wain, im e mouj ñiin kin milk.

13 Zebulun e naj jokwe iturin lojit; im e naj or an eja, jikin wa ko: im tōreren e naj ebake Saidon.

14 Issakar ej ass e kajur, ej kumwil ikōtan ruo worwor in jip:

15 Im e ar lo kaki je emōn, im eneo, bwe emōn biktokin; im ej dror aieran ñōn inene, im ej korijeran owōj.

16 Dan e naj ekajet ro dron einwōt juōn ian bwijin Israel.

17 Dan e naj serpent ilo ial, im adder ilo ial, eo ej kij jimwin neen ors ko, bwe eo ej uwe en buñliklok.

18 I ar kōtar am lomor, O Jeova.

19 Gad, juōn jar e naj kobaj e; a e naj kajur tokelik.

20 Jen Asher, kijen e naj mātōk, im e naj kwalok kijen iroi j.

21 Naptalai juōn haind e mejōl: ej lelok nan ko remōn.

22 Josep, juōn ra e kouwa, aet juōn ra e kouwa iturin aibij; im ran rej edrek ion worwor.

23 Dri libon rar kanuij kaburo-mōj e, im libon nōn e, im kijirāt e.

24 A liboneo an e ar ber ilo kajur, im pein ilo jurōn pein, ar kakajur ir kin pein Anij an Jakob, E kajur: (im jen ijo sheperd eo, ¹ejman in Israel).

25 Aet, jen Anij an jemen, Eo e naj jibōñ yuk, im jen Eo Laplap eo e naj kejerammōn yuk, kin jerammōn ko in ninnin ko im loje.

26 Jerammōn ko an jemōm re kajur jen jerammōn ko an ro jimaō, nōn tōreran etoloktata in tol ko rej ber in drio: ir re naj ber ion bōran Josep, im ion moñen eo e ar jibil jen ro jein im jātin.

27 Benjamin e naj lej einwōt wulp: ilo jiboñ e naj kokkuremen in rakim, im ñe ejota e naj ajej men in rakimi.

28 Rein joñoul ruo bwijin Israel: im eñin an jemeir konono nōn ir, im kejerammōn ir; ir otemjej ekar nōn air jerammōn e ar kejerammōn ir kake. 29 Im e ar jiroñ ir, im ba nōn ir, I naj koba iben ro mōta; komin kalibwin iō iben ro jema, ilo roñ eo ilo bukwōn eo e kar an Ipron dri Het, 30 ilo roñ eo ilo jikin kallip Makpila, eo iman Mamre, ilo enen Kenean, eo Ebrean e ar wiaik iben bukwōn eo, jen Ipron dri Het, bwe en an wuliej. 31 Ijo rar kalibwin ²Ebrean, im ³Sera lio belen; ijo rar kalibwin ⁴Aisak, im Rebeka lio belen; im ijo I ar kalibwin Lia. 32 E ar wiaik bukwōn eo, im roñ eo ie, jen ro nejin Het. 33 Im ke Jakob ej kamwijlok an kalimur nōn lōmaro nejin, e nukij neen ion aowej eo, im weaklok an, im ar kobaik e iben ro mōtōn.

50 Im Josep e ar buñ ion mejen jemen, im jōñ ion, im mejen-maik e. 2 Im Josep e ar jiroñ dru uno ro korijeran bwe ren kōmōn-mōne jemen: im dru uno ro rar kōkō-mōnmōn Israel. 3 Im rar kajemlok eñoul ran kin e; bwe ein drein rar kajejit ran ko an ro rej kōkōmōnmōn

ir. Im dri Ijpt rar jōñōt e jiljilim-juōn ran.

4 Im ke ran in jōñōt e re jemlok, Josep e ar konono nōn ro nukin Pero, im ba, Elañe kiō ij lo joij iman jememi, ij akwelap nōn kom, komin konono i lojiliñin Pero, im ba, 5 ¹Jema e ar kōmōn bwe in kanōjni, im ba, Lo, I mij: ilo lūp eo I ar kōbij lūpō ilo enen Kenean, ijo kwon kalibwin iō. Inem kiō in wōnliñlok, ij akwelap nōn yuk, im kalibwin Jema, im I naj bar itok. 6 Im Pero e ar ba, Kwon wōnliñlok im kalibwin jemōm einwōt e ar ba bwe kwon kanōjni. 7 Im Josep e ar wōnliñlok bwe en kalibwin jemen; im rej ilok ibenlok ro otemjej korijeran Pero, ridto ro in mweo imōn, im aolepen ridto ro in enen Ijpt, 8 im aolepen ro nukin Josep, im lōmaro jein im jātin, im ro nukin jemen: a ro nejir, im bwijin kiru ko air, im jip ko air, rar likiti i enen Goshen. 9 Im bareinwōt jariot ko kab ors ko rar ilok iben lok: im e jarlipju. 10 Im rar itok nōn jikin dreñdreñ wit an Etad, eo iturin Jordan; im ijo rar liājlol kin limō elap: im e ar liājlol kin jemen iomin jiljilimjuōn ran. 11 Im ke ro rej jokwe i eneo, dri Kenean, rar lo air liājlol ilo jikin dreñdreñ wit an Etad, rar ba, E in liājlol elap an dri Ijpt: kin men in, rar naetan Ebel-mizraim, eo iturin Jordan. 12 Im lōmaro nejin rar kōmōn einwōt e ar jiroñ ir: 13 bwe lōmaro nejin rar bōklok e nōn enen Kenean, im rar kalibwin e ilo roñ in bukwōn Makpila, eo Ebrean e ar wiaik, kab bukwōn eo, bwe en an wuliej, jen Ipron dri Het, iman Mamre. 14 Im Josep e ar jeblak nōn Ijpt, e, im lōmaro jein im jātin, im ro otemjej rar wōnliñlok iben lok bwe en kalibwin jemen, elikin air kalibwin jemen.

15 Im ke ro jein Josep rej lo bwe e mij jemeir, rar ba, Bwelen Josep e naj kijirāte kij, im emol e naj nawōnar kin nana otemjej jar kōmōn nōn e. 16 Im rar jilkinlok juōn eman nōn Josep, im ba, Jemōm e ar jiroñ

¹ Ais. 23. 16. ² Jap. 25. 9. ³ Jap. 23. 19. ⁴ Jap. 35. 29.

¹ Jap. 47. 29-31.

kim mokta jen an mij, im ba, 17 Ein drein komin ba ñōn Josep, Ij akwelap ñōn yuk, bwe kwon jolok kiō nana an ro jeōm, im air jerawiwi, bwe rar kōinōn nana ñōn yuk. Im kiō, kimij akwelap ñōn yuk, kwon jolok nana an ro korijeran Anij an jemōm. Im Josep e ar jōñ ke rar konono ñōn e. 18 Im lōmaro jein rar bareinwōt ilok im buñ iman mejen; im rej ba, Lo, kim ro korijerōm. 19 Im Josep e ar ba ñōn ir, Komin jab mijōk: bwe ña ilo jikin Anij ke? 20 A kin kom, kom ar lem-nok nana nae iō; a Anij e ar bebe bwe en emōn, bwe en walok, einwōt ranin, ñōn kejbārok elōñ armij ilo mour. 21 Inem kiō komin jab mijōk: ¹ I naj na-jirik kom, im ro nejimi. Im ej kaine-mōn ir, im konono ñōn burueir.

¹ Jap. 45. 11.

22 Im Josep e ar jokwe i Ijpt, e, im ro nukin jemen: im Josep e ar mour jibuki joñoul yiō. 23 Im Josep e ar lo ro nejin Ipreim ñōn ebeben eo ken ka jilu: ro nejin Mekir nejin Menassa, bareinwōt rar lotak im likit ir ion neen Josep. 24 Im Josep e ar ba ñōn ro jein im jātin, I mij; im emol Anij e naj itok ñōn kom, im āñinlok kom jen enin, ñōn eneo E ar kanōjniñ ñōn Ebream, ñōn Aisak, im ñōn Jakob. 25 Im Josep e ar bōk an ro nejin Israel kanōjniñ ñōn e, im ba, Emol ¹ Anij e naj itok ñōn kom, im kom naj ² bōklok dri ko driō jen ijin. 26 Ein drein Josep e mij, jibuki joñoul yiō an ridto: im rar kōkōmōnmōn e, im likit e ilo dip-dip i Ijpt.

¹ Hib. 11. 22. ² Ex. 13. 12; Josh. 24. 32.

EXODUS

AK

DRIOLJLOK

1 Im rein etan eman ro nejin Is-
rael, ro rar dreloñtok iloan Ijpt,
(ir otemjej im ro nukir rar itok iben
Jekob): **2** ¹Ruben, Simeon, Livai,
im Juda, **3** Issakar, Zebulun, im Ben-
jamin, **4** Dan im Naptalai, Gad im
Asher. **5** Im ro otemjej rar itok
jen ibin Jekob, jiljilimjuōññoul armij:
im Josep e ar ber ilo Ijpt mokta. **6**
Im e ar ²mij Josep, im ro jein im
jātin otemjej, im aolepen ebeben eo.
7 Im ro nejin Israel re timon, im lōñ-
lok wōt im orlok, im kanuij kajurlok;
im eneo e obrōk kake ir.

8 Im e walok juōn kiñ ekāl ion
Ijpt, eo e ar jab jela Josep. **9** Im e
ar ba ñōn ro dron, Lo, armij ro nejin
Israel, re lōñlok im re kajur jen kij:
10 komin itok, jen kōmōn ñōn ir ilo
meletlet, ñe rab orlok, inem ñe e
walok jabrewōt tōrinae re naj koba
iben ro rej jumae kij, im re naj tōri-
naek kij, im wōnliñlok jen enin. **11**
Kin men in, rar likit ioir dri lale air
jermal, bwe ren kejjoran ir kin inek
ko air. Im rar kalek ñōn Pero ³jikin
kwelok ko jikin mweiuik, Paitom im
Ramisis. **12** A ke rar kalaplok air
kejjoran ir, elaplok wōt air orlok im
lōñlok. Im rar buromōj kake ro ne-
jin Israel. **13** Im ro dri Ijpt rar ⁴ka-
bin air kejjermal ro nejin Israel: **14**
im rar kameo air mour kin jermal
ebin, kin iawewe im brik ko, im kin
jabrewōt wāwen jermal ilo jikin kallip,
aolepen air jermal rar kejjermal ir kake
e kanuij bin.

15 Im kiñ in Ijpt e ar konono iben
ro dri keit, dri Hibru, etan juōn
Shipra, im etan eo juōn Pua: **16** im
e ar ba ñōn ir, Ñe komij keite kōra
ro dri Hibru, im lo ir ion jikin keu-

tak; elañe ladrik, ¹komin mōn e; a
elañe ledrik, en mour wōt. **17** A ro
dri keit ²rar mijōk Anij, im rar jab
kōmōn einwōt kiñ in Ijpt e ar jirōñ
ir, a rar kejbārok ladrik rōn bwe ren
mour. **18** Im kiñ in Ijpt e ar kirtok
ro dri keit, im e ar ba ñōn ir, Etke
kom ar kōmōn men in, im kejbārok
ladrik rōn bwe ren mour? **19** Im ro
dri keit rar uak Pero, Kin ke kōra
rōn dri Hibru re jab einwōt kōra rōn
dri Ijpt; bwe re ejmour im keutak
mokta jen an dri keit ilok ñōn ibeir.
20 Im Anij e ar kejeramōn ro dri
keit: im armij ro rar orlok, im kanuij
kajurlok. **21** Im ber inem, kin an ro
dri keit mijōk Anij, E ar kōmōn ñōn
ir mo ko imweir. **22** Im Pero e ar
jirōñ ro dron otemjej, im ba, Jabre-
wōt ladrik e lotak, kom naj jolok e na
ilo river eo, im jabrewōt ledrik kom
naj kejbārok e bwe en mour.

2 Im juōn eman jen bwijin Livai e
ar ilen bōk juōn kōra nejin Livai
bwe en belen. **2** Im kōra eo e ar etta,
im keutak nejin ladrik: im ke e ar lo
³bwe e wulio, e ar noje iomin jilu
aliñ. **3** Im ke e ban noje wōt, inem
e ar bōk ñōn e juōn iep kōmōn jen
ujoi, im e ar uniok e kin bitumen im
bwil; im e ar kababu niñniñ eo iloan,
im likit e i bwiljin koba ko iturin
river eo. **4** Im ⁴ledrik eo jein e ar
jutōk etolok, bwe e jela ta eo e naj
walok ñōn e. **5** Im lio nejin Pero e
ar wōnlōllok ñōn river eo bwe en
tutu; im jirōñ ro, dri korijeran lio,
rar etetal iturin river eo; im lio e ar
lo dipdip eo i bwiljin koba ko, im e ar
jilkinlok juōn korijeran kōra bwe en
bōktok e. **6** Im e ar kablok e im
lo niñniñ eo: im lo, niñniñ eo e jōñ.
Im e ar tiriamokake, im ba, Eñin

¹ Jen. 46. 8-27. ² Jen. 50. 26. ³ 1 Kiñ 9. 19. ⁴ Jen.
15. 13.

¹ Jerb. 7. 19. ² eon 21. ³ Hib. 11. 23. ⁴ jap. 15. 20.

juõn ian ro nejin dri Hibru. 7 Inem ledrik eo jein e ar ba ñõn lio nejin Pero, In ilen kirtok ñõn kwe juõn dri kaninnin ian kõra ro dri Hibru, bwe en kakajiririk e ñõn kwe ke? 8 Im lio nejin Pero e ar ba ñõn e, Kwon ilok. Inem jiroñ eo e ar ilem kirtok jinen niññiñ eo. 9 Im lio nejin Pero e ar ba ñõn e, Kwon bõklok niññiñ eo im kakajiririk e ñõn ña, im I naj lewoj wõnam. Im kõra eo e ar bõk niññiñ eo, im kakajiririk e. 10 Im ladrik eo e ar riddtolok, inem e ar bõklok e ñõn lio nejin Pero, im ej nejin. Im e ar naetan Moses, im ba, Kin ke I ar bõk e jen dren.

11 Im ilo ran ko ke Moses e ¹ridto, e ar ilok ñõn iben ro jein im jätin, im lale ²inek ko air: im e ar lo juõn dri Ijpt ke ej mõn juõn dri Hibru, juõn ian ro jein im jätin. 12 Im e ar reito reitõk, im ke e ar lo ejelok armij, e ar mõn dri Ijpt eo, im noj e ilo bok. 13 Im ran eo ken ka ruo e ar drioijlok, im lo, ruo eman ian ro dri Hibru rej iri iben dron: im e ar ba ñõn eo e ar kõmõn nana ñõn eo juõn, Etke kwoj mõn eo dri turum? 14 Im e ar ba, Wõn e ar likit yuk iroiij im dri ekajet iom? kwoj lemnok in mõn iõ einwõt kwar mõn dri Ijpt eo ke? Im Moses e mijõk, im e ar ba, Emol, re jela men in. 15 Inem ke Pero e ar roñjake men in, e ar bukot bwe en mõn Moses. A Moses e ar ko jen mejen Pero, im e ar jokwe i enen Midian: im e ar jijõt iturin juõn aibij.

16 Im jiljilimjuõn kõra nejin pris in Midian: im rar iten itõk, im rar kalõñ jãbi ko bwe ren kairak bwijin jip an jemeir. 17 Im sheperd rõn rar iten kokõk ir; a Moses e ar jutõk im jibõñ ir, im kairak bwijin jip ko air. 18 Im ke rar itok ñõn iben ³Reuel, jemeir, e ar ba, Etke kom nañin mõkõjtok ranin? 19 Im rar ba, Juõn dri Ijpt e ar kõtlok kim jen pein sheperd rõn, im bareinwõt e ar itõk im kairak bwijin jip ko. 20 Im e ar ba ñõn limaro nejin, Ej ber ia? etke kom ar likit armij eo? komin

kirtok e bwe en mõña bred. 21 Im Moses e ar jokõne im jokwe iben armij eo: im e ar lelok ñõn e Zippora nejin kõra. 22 Im lio e ar keutak nejin eman, im e ar naetan Gershom; bwe e ar ba, I ar juõn dri itoitõk ilo ene, im drua maijet ie.

23 Im ilokõn elõñ ran kiñ in Ijpt e ar mij: inem ro nejin Israel rar ¹ñirñir kin air dri kamakoko, im rar lamij, im ainikeir e ar wõnliñlok ñõn iben Anij kin air jerbal elap. 24 Im Anij e ar roñjake air eñir, im Anij e ar kememej bujen eo An iben Ebream, iben Aisak, im iben Jakob. 25 Im Anij e ar lo ro nejin Israel: im Anij e ar jela kin ir.

3 Im Moses e ar lale bwijin jip an Jetro, jemen lio, pris in Midian: im tellok bwij eo ñõn ilikin ene jemaren, im e ar itok ñõn tol in Anij, ñõn Horeb. 2 Im enjel õn Jeova e ar weaktok ñõn e ilo urur in kijeek, jen bwiljin juõn wijki etõ: im e ar kalimjek e, im lo, wijki eo e ar urur kin kijeek, im wijki eo e ar jab bwil. 3 Im Moses e ar ba, ²I naj jeõr kiõ, im aluij men in bwilõñ in elap, etke wijki eo e jab bwil. 4 Im ke Jeova e ar lo an jeõr bwe en aluij, Anij e ar kir ñõn e jen bwiljin wijki eo, im E ar ba, Moses, Moses. Im e ar ba, Ña e. 5 Im E ar ba, Kwon jab druaktok: kwon wutik juj ko jen neõm, bwe jikin ne kwoj jutõk ie, briij e kwojarjar. 6 Bareinwõt E ar ba, Ña Anij an jemõm, Anij an Ebream, Anij an Aisak, im Anij an Jakob. Im Moses e ar noj turin mejen; bwe ej lelñõñ in lo Anij. 7 Im Jeova e ar ba, Emol I ar lo iñtan an ro droõ rej ber i Ijpt, im I ar roñjake air lamij kin ro rej kejerbal ir; bwe I jela buromõj ko air; 8 im emwij aõ wõnlõltok bwe In lomor ir jen pein ro dri Ijpt, im bwe In añinlok ir jen eneo ñõn juõn ene emõn im e rãbõkbõk, ñõn juõn ene e bwijliplip kin milk im hõnni; ñõn jikin dri Kenean, im dri Het, im dri Amor, im dri Periz, im dri Hiv, im dri Jibus. 9 Im kiõ, eo, lamij an ro nejin Israel e ar wõn-

liñtok ñōn iba: bareinwōt I ar lo jer-
bal eo ro dri Ijpt rej kebiop ir kake.
10 Inem kwon itok, im I naj jilkin-
lok yuk ñōn iben Pero, bwe kwon
1 añinlok ro droō, ro nejin Israel jen
iloan Ijpt. 11 Im Moses e ar ba ñōn
Anij, 2 Wōn ña, bwe in ilok ñōn iben
Pero, im bwe in añinlok ro nejin Is-
rael jen Ijpt? 12 Im E ar ba, Emcl
3 I naj ber ibōm; im men in e naj ka-
kōle ñōn kwe bwe I ar jilkinlok yuk:
ñe emwij am añintok armij rōn jen
Ijpt, kom naj korijer ñōn Anij ilo
tol in.

13 Im Moses e ar ba ñōn Anij, Lo,
ñe I naj ilok ñōn iben ro nejin Israel,
im naj ba ñōn ir, Anij an ro jimami E
ar jilkinwoj iō ñōn kom; im re naj
ba ñōn iō, At ot etan? ta eo I naj ba
ñōn ir? 14 Im Anij e ar ba ñōn
Moses, ÑA Eo, ÑA E, im E ar ba,
Ein drein am naj ba ñōn ro nejin Is-
rael, ÑA E, Eo e ar jilkinwoj iō
ñōn kom. 15 Im Anije ar bareinwōt
ba ñōn Moses, Ein drein am naj ba
ñōn ro nejin Israel, Jeova, Anij an ro
jimami, Anij an Ebrean, Anij an
Aisak, im Anij an Jakob E ar jilkin-
woj iō ñōn kom: eñin eta ñōn in
drio, im eñin Aō men in kememej
ñōn ebeben otemjej. 16 Kwon ilem
kokweloktok ridto ro an Israel, im
kwon ba ñōn ir, Jeova, Anij an ro ji-
mami, Anij an Ebrean, an Aisak, im
an Jakob, E ar weaktok ñōn iō, im
ba, Emol I ar lowoj kom, im lo men
ko emwij kōmōne ñōn kom i Ijpt: 17
im 4 I ar ba, I naj bōkliñtok kom jen
iñtan in Ijpt, ñōn enen dri Kenean,
im dri Het, im dri Amor, im dri Periz,
im dri Hiv, im dri Jibus, ñōn juōn
ene e bwijliplip kin milk im hōnni.
18 Im 5 re naj eoroñ ainikiōm: im
6 kwo naj ilok, kwe im ridto ro an
Israel ñōn kiñ in Ijpt, im kom naj
ba ñōn e, Jeova, Anij an ro dri Hībru,
E ar wōnmae kim: im kiō, kimij ka-
jitōk ibōm, kwon kōtlok kim bwe
kimin ilok ilo ene jemaren joñon jilu
ran, bwe kimin kabuñ ñōn Jeova am
Anij. 19 Ak I jela bwe kiñ in Ijpt

e 1 jamin kōtlok kom; jab, kin jabre-
wōt pā e kajur. 20 Im I naj kōtellok
peiō, im dreñlokwe Ijpt kin men in
bwilōñ ko Aō otemjej, ko I naj kō-
mōne ilujen: im 2 tokelik e naj kōtlok
kom. 21 Im I naj lelok ñōn armij
rein joij iman mejen ro dri Ijpt: im
e naj walok, bwe, ñe komij ilok, kom
jamin ilok im lemōjor: 22 a jabrewōt
kōra e naj 3 kajitōk iben dri turin,
im iben eo ej ber ilo mweo imōn, inōk
silver, im inōk gold, im nuknuk ko:
im kom naj likiti ion ro nejimi man,
im ion ro nejimi kōra; im kom naj
rakimi ro dri Ijpt.

4 Im Moses e ar uak im ba, A, lo,
re jamin tōmak iō, ak 4 eoroñ
ainikiō: bwe re naj ba, Jeova e ar
jab weaktok ñōn yuk. 2 Im Jeova
e ar ba ñōn e, Ta ne ilo peōm? Im e
ar ba, Juōn alal. 3 Im E ar ba, Kwon
jolok e na ion brij. Im e ar jolok e
ion brij, im e ar 5 erom serpent; im
Moses e ar ko jen e. 4 Im Jeova e
ar ba ñōn Moses, Kwon kōtellok peōm
im jibwe lokōn, (im e ar kōtellok
pein im jibwe, im e ar erom alal ilo
pein); 5 bwe ren tōmak bwe Jeova,
Anij an ro jimair, Anij an Ebrean,
Anij an Aisak, im Anij an Jakob, E
ar weaktok ñōn yuk. 6 Im Jeova e
ar bareinwōt ba ñōn e, Kwon likit
peōm na ilo ubōm. Im e ar likit
pein i ubōn: im ke e ar bōk e, lo, pein
ej einwōt sno kin 6 nañinmij in leper.
7 Im E ar ba, Kwon bar likit peōm
na i ubōm. (Im e ar bar likit pein i
ubōn; im ke e ar bōk e jen ubōn, lo,
e ar 7 erom einwōt kōniek eo juōn).
8 Inem e naj ein drein, elañe re jab
kōnan roñjake yuk ak eoroñ ainiken
kakōle eo mokta, re naj tōmak aini-
ken kakōle eo ilik. 9 Im e naj ein
drein, elañe re jab kōnan tōmak ka-
kōle eo ken ka ruo, im jamin eoroñ
ainikiōm, kwo naj itōk jen river eo im
lutōk e ion brij emōra: inem dren eo
kwoj bōk jen river eo, e naj 8 erom
bōtōktōk ion ene emōra.

10 Im Moses e ar ba ñōn Jeova, O,
Iroi, I jab melak, jab mokta, ak kiō

mwijin Am konono ñōn iō korijerōm; bwe e rumij aō konono, im e rumij loō. 11 Im Jeova e ar ba ñōn e, ¹Wōn E ar kōmōnmōn loñin armij? ak wōn Ej kōmōn armij bwe en ban konono ak roñjamōn ak bilo? E jab Ña, Jeova ke? 12 Inem kiō, kwon ilok, im I naj ilo loñōm, im ²naj kakin yuk ta eo kwo naj ba. 13 Im e ar ba, O, Iroi, ij akwelap, Kwon jilkinlok kin pein eo Kwo naj jilkinlok kake. 14 Im illu an Jeova e ar bwil nae Moses, im E ar ba, Aron, dri Livai e jab jeōm ke? I jela bwe e maroñ in konono emōn. Im bareinwōt, ej iten ³ion yuk: im ñe ej lo yuk, e naj mōnōnō ilo buruen. 15 Im kwo naj konono ñōn e, im likit nan ko i loñin: im I naj ber ilo loñōm im ilo loñin, im I naj kakin komro ta eo kom naj kōmōne. 16 Im e naj am dri konono ñōn armij rōn; im ber inem, e naj ñōn kwe einwōt loñōm, im kwo naj ñōn e einwōt Anij. 17 Im kwo naj bōk ilo peōm jokwōn in, im kin jokwōn eo kwo naj kōmōn kakōle ko.

18 Im Moses e ar ilok im jeblak ñōn iben Jetro, ⁴jemen lio, im e ar ba ñōn e, Kwon kōtlok iō, ij kajitōk ibōm, bwe in jeblak ñōn iben ro jeio im jatiō rej ber i Ijpt, im lo elañe rej mour wōt. Im Jetro e ar ba ñōn e, Kwon ilok ilo ainemōn. 19 Im Jeova e ar ba ñōn Moses i Midian, Kwon ilok im jeblak ñōn Ijpt, bwe re mij armij otemjej rar kōnan bōk am mour. 20 Im Moses e ar bōk lio belen im ro ⁵nejin man, im likit i ion juōn ass, im e ar jeblak ñōn enen Ijpt: im Moses e ar bōk jokwōnōn Anij ilo pein. 21 Im Jeova e ar ba ñōn Moses, Ñe kwoj jeblak ñōn Ijpt, kwon lale men in bwilōñ ko otemjej I ar likit ilo peōm in kōmōni iman Pero: a I naj kabin buruen inem e jamin kōtlok armij rōn. 22 Im kwo naj ba ñōn Pero, Ein drein Jeova ej ba, Israel nejiō man, aet manjiō: 23 im I ar ba ñōn yuk, ⁶Kwon kōtlok nejiō man bwe en korijer ñōn Iō, im kwoj

abwin kōtlok e: lo, I naj ¹mōn nejōm man, manjiōm. 24 Im ilo ial, ilo jikin jibōñōn, Jeova e ar ion e, im bukot bwe En mōn e. 25 Inem Zippora e ar bōk juōn jān, im bukwelok kilin man jen ladrik eo nejin, im jolok e na iturin neen, im e ar ba, Emol kwe leo beliō e bōtōktōk ñōn iō. 26 Ein drein e ar likit e mōke ian. Inem lio e ar ba, Kwe leo beliō e bōtōktōk, kin mijmij eo.

27 Im Jeova e ar ba ñōn Aron, Kwon ilok ñōn ene jemaren im wōnmae Moses. Inem e ar ilok im ion e ilo tol in Anij, im mejenmaik e. 28 Im Moses e ar kennanek Aron nan ko otemjej an Jeova, nan ko E ar jilkinlok e kake, im kakōle otemjej E ar jiroñ e kake. 29 Im Moses im Aron rar ilok im kokweloklok ridto ro otemjej an ro nejin Israel: 30 im Aron e ar kwalok nan otemjej Jeova e ar konono ñōn Moses, im e ar kōmōn kakōle ko iman mejen armij rōn. 31 Im armij rōn ²rar tōmak: im ke rar roñ kin an Jeova lolok ro nejin Israel, im bwe E ar lo air iñtan, inem rar barikrik im kabuñ.

5 Im tokelik Moses im Aron rar itok, im ba ñōn Pero, ²Ein drein Jeova, Anij in Israel, ej ba, Kwon kōtlok ro droō, bwe ren kōmōn juōn kwojkweñ ñōn Iō ilo ene jemaren. 2 Im Pero e ar ba, Wōn Jeova, bwe in eoroñ ainiken im kōtlok dri Israel? I jaje Jeova, im bareinwōt I jamin kōtlok Israel. 3 Im rar ba, ²Anij an ro dri Hibru E ar ion kimro: kwon kōtlok kin, ij akwelap ñōn yuk, bwe kimin etallok joñon jilu ran ñōn ene jemaren, im katok ñōn Jeova, amuij Anij, ñe ab buñ iom kin nañinmij ak jāji. 4 Im kiñ in Ijpt e ar ba ñōn irro, Etke komro, Moses im Aron, komij kōtlok armij rōn jen jerbal ko air? komin ilok ñōn ³jerbal ko ami. 5 Im Pero e ar ba, Lo, armij ro relōñ i enin kiō, im komro kōmōn bwe ren kakije jen jerbal ko air. 6 Im ran eo wōt Pero e ar jiroñ ro iroi in jerbal an armij rōn, im ro dri kabwijrōk, im e ar ba, 7 Komin jab bar le-

¹ Matu 11. 5. ² Matu 10. 19. ³ eon 27. ⁴ jap. 2. 21. ⁵ jap. 13. 3, 4. ⁶ jap. 5. 1.

¹ jap. 12. 29. ² jap. 3. 13. ³ jap. 1. 11.

lok kân emōra fñon armij rōn, ken kōmōnmōn brik ko, einwōt mokta: ren ilok im aini kân fñon ir mōke. 8 Im kwonair oran brik ko rar kōmōn mokta, komin likit fñon ir; komin jab keitlok e, bwe ¹re jowōn; inem rej lamij im ba, Kwon kōtlok kim bwe kimin katok fñon amuij Anij. 9 Ren likit ioir jerbal errolok, bwe ren jerbal kake; im ren jab liki nan ko nan in riōp.

10 Im ro iroijs in jerbal an armij rōn rar drōiojlok, im ro dri kabwijrōk, im rar konono fñon armij rōn, im ba, Ein drein Pero ej ba, I jamin lewoj kân emōra fñon kom. 11 Komin ilok, komin bukot kân emōra ijoko jabrewōt kom maroñ in loe; a re jamin kariklok fñon jirik ami jerbal. 12 Ein drein armij rōn rar jibliklok ilo aolepen enen Ijīpt, bwe ren ae jabuōn kân, bwe en binej jenkwōn kân emōra. 13 Im ro iroijs in jerbal rar bikbikir ir, im ba, Komin kamwijlok jerbal ko ami, men otemjej einwōt ke e kar or kân emōra. 14 Im rar dreñlokwe ro dri jibōñ ir, ian ro nejin Israel, ro iroijs in jerbal an Pero rar likit ioir, im rar kajitōk ibeir, Etke kom ar jab kamwijlok jerbal ko ami inne kab ranin, ilo ami kōmōnmōn brik einwōt ko mokta?

15 Inem ro dri jibōñ ir ian ro nejin Israel rar itok im koo fñon Pero, im ba, Etke kwoj kōmōn einwōt fñon kim dri korijerōm? 16 Rej lelok nñn kim ejelok kân emōra, im re ba fñon kim, Komin kōmōn brik ko: im lo, rej dreñlokwe kim dri korijerōm: a ro drom wōt eor rueir. 17 A ej ba, Kom jowōn, kom jowōn: inem komij ba, Kwon kōtlok kim bwe kimin katok fñon Jeova. 18 Inem komin ilok, im jerbal; bwe re jamin lewoj kân emōra fñon kom, a kom naj letok oran brik ko. 19 Inem ro dri jibōñ ian ro nejin Israel, rar lo bwe e nana air ber, ke emwij an ba fñon ir, Komin jab keitlok oran ami brik ko, ilo rar otemjej. 20 Inem ro dri jibōñ rar ion Moses im Aron, ke rar jutōk ilo ial, ke rar drōiojtok jen

iben Pero: 21 im rar ba fñon irro, Jeova en lale komro im ekajet; bwe komro ar kōmōn bwe kimin meo iben Pero, im iben ro dri korijeran, im likit juōn jāji ilo peir bwe ren mōn kim.

22 Im Moses e ar jeblak fñon iben Jeova, im ba, O Iroijs, etke Kwar kōmōn nana fñon armij rein? etke Kwar jilkintok iō? 23 Bwe jen ien eo I ar ilok fñon iben Pero, bwe in konono ilo etōm, e ar kōmōn nana fñon armij rein; im Kwe, Kwo jāñin kōtlok ir fñon jirik. 1 Im Jeova e ar ba fñon 6 Moses, Kiō kwo naj lo ta eo I naj kōmōn fñon Pero: bwe kin pein e kajur e naj kōtlok ir, im kin pein e kajur e naj kadrioijslok ir jen enin an.

2 Im Anij e ar konono fñon Moses, im E ar ba fñon e, Ña Jeova: 3 Im I ar weaklok fñon Ebream, im fñon Aisak, im fñon Jakob, einwōt Anij e Kajur potata; a kin āt in, Jeova, rar jab jela Ña. 4 Im I ar bareinwōt kabin Aō bujen ibeir, im lelok fñon ir enen Kenean, eneo rar itoitōk ilujen. 5 Im bareinwōt, I ar roñjake fñirñir an ro nejin Israel, ro dri Ijīpt rej drebij ir ilo kamakoko; im I ar kememej bujen eo Aō. 6 Kin men in, kwon ba fñon ro nejin Israel, Ña Jeova, ¹I naj kadrioijslok kom jen iomin inek ko an ro dri Ijīpt, im I naj kōtlok kom jen air kamakokoik kom, im I naj wiaik kom kin peiō erlok, im kin ekajet ko relap: 7 im I naj bōk kom fñon iba, Aō dri ailiñ, im I naj ami Anij; im kom naj jela bwe Ña Jeova amuij Anij, Eo ej kadrioijslok kom jen iomin inek ko an ro dri Ijīpt. 8 Im I naj āñintok kom fñon eneo, I ar kwotōk peiō kake bwe In lelok fñon Ebream, im fñon Aisak, im fñon Jakob; im I naj ²lewoj e fñon kom juōn jolit: Ña Jeova. 9 Im ein drein an Moses konono fñon ro nejin Israel: a rar jab eorōñ Moses kin an iñtan burueir im kin kamakoko e nana.

10 Im Jeova e ar konono fñon Moses, im ba, 11 ³Kwon dreloñlok, im konono fñon Pero kiñ in Ijīpt, bwe en kōtlok ro nejin Israel, bwe ren ilok

jen eneo an. 12 Im Moses e ar konono iman mejen Jeova, im ba, Lo, ro nejin Israel rar jab eoroñ iō; inem ekijkan Pero en eoroñ iō, im tiō re jañin mijmij? 13 Im Jeova e ar konono ññn Moses im Aron, im lelok ññn ir nan in jiroñ ññn ro nejin Israel, im ññn Pero kiñ in Ijpt, bwe en kadrioijslok ro nejin Israel jen enen Ijpt.

14 Im rein jiōb ro an moko imōn ro jimair. Lōmaro nejin Ruben manjen Israel: Henok, im Pallu, Hezron, im Karmai; rein ro bwijin Ruben. 15 Im lōmaro nejin Simeon: Jemuel, im Jemin, im Ohad, im Jekin, im Zohar, im Shaul nejin juōn kōra dri Kenean; rein ro bwijin Simeon. 16 Im rein lōmaro nejin Livai ekar ññn ebeben ko air: Gershon, im Kohat, im Mirerai; im yiō ko an Livai mour jibuki jilñoul jiljilimjuōn yiō. 17 Lōmaro nejin Gershon: Libnai, im Shimeai, ekar ññn ro nukir. 18 Im lōmaro nejin Kohat: Amram, im Izhar, im Hibron, im Uzaiel; im yiō ko an Kohat mour jibuki jilñoul jilu yiō. 19 Im lōmaro nejin Mirerai: Malai im Mushai. Rein bwijin ro dri Livai, ekar ññn ebeben ko air. 20 Im Amram e ar bōk Jokebed lio jātin jemen ññn iben bwe en belen; im e ar keutak ññn e Aron im Moses: im yiō ko an Amram mour jibuki jilñoul jiljilimjuōn yiō. 21 Im lōmaro nejin Izhar: Kora, im Nipeg, im Zikrai. 22 Im lōmaro nejin Uzaiel: Mishael, im Elzepan, im Sitrai. 23 Im Aron e ar bōk ññn e belen Ilisheba, nejin Aminadab, jātin Nashon; im e ar keutak ññn e Nedab im Ebaihu, Iliezar im Itamar. 24 Im lōmaro nejin Kora: Assir, im Elkena, im Abaiesap; rein ro bwijin ro dri Kora. 25 Im Iliezar nejin Aron e ar bōk ññn e juōn ian limaro nejin Putiel, bwe en belen; im e ar keutak ññn e Pinehas. Rein jiōb ro an moko imōn ro jimair, ro dri Livai, ekar ññn ro nukir. 26 Ir rein, Aron im Moses, ro Jeova e ar ba ññn ir, Komin āñinlok ro nejin Israel jen enen Ijpt, ekar ññn jarlipju ko air. 27 Ir rein ro rar konono ññn

Pero kiñ in Ijpt, bwe en kadrioijslok ro nejin Israel jen Ijpt: rein ro Moses im Aron.

28 Im ilo ran eo ke Jeova e ar konono ññn Moses ilo enen Ijpt, 29 Jeova e ar konono ññn Moses, im ba, Ña Jeova: kwon konono ññn Pero kiñ in Ijpt, aolepen nan I naj ba ññn yuk. 30 Im Moses e ar ba, Lo, tiō tien dri jab mijmij, inem ekijkan na 7 Pero naj eoroñ iō? 1 Im Jeova e ar ba ññn Moses, Lo, I ar kōmōn yuk einwōt Anij ññn Pero; im Aron jeōm e naj am dri kanan. 2 Kwo naj konono men otemjej Ij jiroñ yuk kake; im Aron, jeōm, e naj ba ññn Pero bwe en kōtlok ro nejin Israel jen eneo an. 3 Im I naj kabin buruen Pero, im korlok kakōle ko Aō, im men in bwilōñ ko Aō ilo Ijpt. 4 A 2 Pero e jamin eoroñ komro, im I naj likit peiō ion Ijpt, im I naj 3 kadrioijs jarlipju eo Aō, ro droō, ro nejin Israel, jen enen Ijpt kin ekajet ko relap. 5 Im ro dri Ijpt re naj jela bwe Ña Jeova, ñie I naj erlokwe peiō ion Ijpt, im kadrioijslok ro nejin Israel jen ilo bwiljir. 6 Im ein drein an Moses im Aron kōmōn; einwōt Jeova e ar jiroñ ir, ein drein air kōmōne. 7 Im ridtōn Moses 4 drualitōkñoul yiō, im ridtōn Aron drualitōkñoul jilu yiō ke rar konono ññn Pero.

8 Im Jeova e ar konono ññn Moses im ññn Aron, im ba, 9 Ñe Pero ej konono ññn kom, im ba, Komin kwalok juōn men in bwilōñ jen komro; kwo naj ba ññn Aron, Kwon bōk jokwōnōm im jolok e na iman Pero, bwe en erom juōn serpent. 10 Im Moses im Aron rar dreloñlok ññn iben Pero, im ein drein air kōmōn, einwōt Jeova e ar jiroñ ir: im Aron e ar jolōllok jokwōnōn iman Pero, kab iman ro dri korijeran, im e ar erom juōn serpent. 11 Inem Pero e ar kirtok ro dri meletlet, im ro dri marmir: im bar-einwōt, ro dri marmir in Ijpt, 5 ein drein air kōmōn kin air jerbal ko retino. 12 Bwe jabrewōt iair, rar jolōllok jokwōnair, im rar erom ser-

¹ Jap. 4. 21. ² Jap. 3. 19. ³ Jap. 12. 51. ⁴ Dut 24. 7. ⁵ 2 Tim. 3. 8, 9.

pent ko : a jokwōnōn Aron e ar worōnlok jokwōn ko air. 13 Im buruen Pero e binlok, im e ar ¹jab eoroñ ir; einwōt Jeova e ar ba.

14 Im Jeova e ar ba nōn Moses, Buruen Pero ebin, ej abwin kōtlok armij rōn. 15 Kwon ilok nōn iben Pero ñe ejiboñ; lo, ²ej drioiylok nōn dren eo; im kwo naj bōk jokwōn eo e ar erom serpent ilo peōm. 16 Im kwo naj ba nōn e, Jeova, Anij an ro dri Hibru, e ar jilkinwoj iō, im E ba, Kwon kōtlok ro droō, bwe ren korijer nōn Iō ilo ene jemaren: im lo, nōn ien in kwo jañin eoroñ Iō. 17 Ein drein Jeova ej ba, ³Ilo men in kwo naj jela bwe Na Jeova: lo, kin jokwōn eo ilo peiō I naj dreñlokwe dren ko ilo river, im re naj erom bōtōktōk. 18 Im iik ko ilo river, re naj mij, im river eo e naj buol; im ro dri Ijpt re naj drike in irak dren in river eo. 19 Im Jeova e ar ba nōn Moses, kwon ba nōn Aron, Kwon bōk jokwōnōm, im erlokwe peōm ilōñin dren ko in Ijpt, ilōñin river ko air, im ilōñin tor ko air, im ilōñin lwe ko air, im ilōñin aolepen lomalo ko air, bwe ren erom bōtōktōk; im e naj or bōtōktōk ilo aolepen enen Ijpt, ilo jābi alal ko im ilo jābi dreka ko.

20 Im ein drein an Moses im Aron kōmōn, einwōt Jeova e ar jiroñ ir, im e ar kwōtōke jokwōn eo, im dreñlokwe dren ko rar ber ilo river eo, iman mejen Pero, im imam mejen ro korijeran; im ⁴dren ko otemjej ilo river rar erom bōtōktōk. 21 Im iik ko rar ber ilo river eo rar mij; im river eo e buol, im ro dri Ijpt re ban irak dren jen river eo; im bōtōktōk eo e ar ber ilo aolepen Ijpt. 22 Im ⁵ro dri marmir, ein drein air kōmōn kin anijnij ko air: inem buruen Pero e binlok, im e jab eoroñ ir; einwōt Jeova e ar ba. 23 Im Pero e ar oktōk im dreloñ ilōan mweo imōn, im e ar jab kajime buruen kin men in. 24 Im ro dri Ijpt otemjej rar kōbij iturin river eo, bwe ren bukot dren in irak; bwe re ban irak dren jen

river eo. 25 Im e jejit jiljilimjuōn ran, elikin an Jeova dreñlokwe river eo.

8 Im Jeova e ar ba nōn Moses, Kwon ilok nōn iben Pero, im ba nōn e, Ein drein Jeova ej ba, ¹Kwon kōtlok ro droō, bwe ren korijer nōn Iō. 2 Im elañe kwoj abwin kōtlok ir, I naj mōn aolepen eneo am kin frog ko: 3 im river eo e naj keutak elōñ frog, im re naj wōnliñlok im dreloñ ilo mweo imōm, im iloan rum in kiki eo am, im ion aowej eo am, im iloan moko imōn ro dri korijerōm, im ion armij ro drom, im iloan um ko am, im iloan jābi in iōk ko am: 4 im frog ko re naj uweliñlok iom, im ion armij ro drom, im ion ro dri korijerōm otemjej. 5 Im Jeova e ar ba nōn Moses, Kwon ba nōn Aron, Kwon ²kapjere jokwōnōm im erlokwe peōm ilōñin river ko, im ilōñin tor ko, im ilōñin lwe ko, im bōkliñlok frog ko ion enen Ijpt. 6 Im Aron e ar erlokwe pein ilōñin dren ko in Ijpt; im frog ko rar wōnliñtok im kalibubu enen Ijpt. 7 Im ro dri marmir rar kōmōn ein drein kin anijnij ko air, im bōkliñlok frog ko ion enen Ijpt.

8 Inem Pero e ar kirtok Moses im Aron, im ba, Kwon akwelap nōn Jeova bwe En bōklok frog ko, jen ña im jen armij ro droō, inem ³I naj kōtlok armij rōn bwe ren katok nōn Jeova. 9 Im Moses e ar ba nōn Pero, Kwon kwalok nōn iō, ñāt I naj akwelap kin kwe, im kin ro dri korijerōm, im kin armij ro drom, bwe en joko frog ko jen kwe im jen moko imōm, im ren ber ilo river eo wōt? 10 Im e ar ba, Ilju. Im e ar ba, En einwōt am in nan; bwe kwon jela bwe ⁴ejelok einwōt Jeova, amuij Anij. 11 Im frog ko re naj ilok jen kwe, im jen moko imōm, im jen ro dri korijerōm, im jen armij ro drom; im re naj ber ilo river eo wōt. 12 Im Moses im Aron rar drioiylok jen iben Pero: im Moses e ar kir nōn Jeova kin frog ko E kar bōktok ion Pero. 13 Im Jeova e ar kōmōn einwōt nan an Moses; im frog ko rar mij jen iloan

¹ eon 4. ² jap. 2. 5; 8. 20. ³ jap. 10. 2. ⁴ Sam 78. 44.
⁵ eon 11; jap 4. 7.

¹ jap. 4. 23. ² jap. 7. 19. ³ eon 15, 29. ⁴ jap. 9. 14.

moko, jen ilo worwor ko, im jen jikin kallip ko. 14 Im rar ainitok ilo ejoij ko; im e buol eneo. 15 A ke Pero e ar lo bwe eor unin kōtar, e ar kabin buruen, im e ar jab eoroñ irro, einwōt Jeova e ar ba.

16 Im Jeova e ar ba nōn Moses, Kwon ba nōn Aron, Kwon erlokwe jokwōnōm, im dreñlokwe bōñōlñōl in ene, bwe en erom kij ko ilujen aolepen enen Ijpt. 17 Im ein drein e ar kōmōn; im Aron e ar kapjere jokwōnōn im erlokwe pein, im e ar dreñlokwe bōñōlñōl in ene, im eor ¹kij ion armij, im ion kiru ko; aolepen bōñōlñōl in ene e ar erom kij ko ilo aolepen enen Ijpt. 18 Im ro dri marmir rar kōmōn einwōt kin air jerbal ko retino, bwe ren bōktok kij ion armij im ion kiru ko, a ²re bane: im eor kij ion armij im ion kiru ko. 19 Inem ro dri marmir rar ba nōn Pero, ³Eñin ar-rin Anij: im buruen Pero e binlok, im e ar jab eoroñ irro: einwōt Jeova e ar ba.

20 Im Jeova e ar ba nōn Moses, En jiboñ wōt am jerkak, im jutōk iman Pero; lo, ej drioiptok nōn dren eo; im kwon ba nōn e, Ein drein Jeova ej ba, Kwon kōtlok armij ro droō, bwe ren korijer nōn Iō. 21 Ein drein, elañe kwo jab kōtlok armij ro droō, lo, I naj jilkinwoj bwijin loñ iom, im ion ro dri korijerōm, im ion armij ro drom, im ilo moko imōm; im moko imōn ro dri Ijpt re naj obrōk kin bwijin loñ ko, im bareinwōt brij eo rej ber ion. 22 Im ilo ran eo I naj ⁴kejenolok enen Goshen, ijo armij ro droō rej jokwe ie, bwe en ejelok bwijin loñ ie; bwe kwon jela bwe Ña Jeova, ilo aolepen lōl. 23 Im I naj kejenolok armij ro droō jen armij ro drom: bwe ilju e naj walok kakōle in. 24 Im Jeova e ar kōmōn ein drein; im rar itok bwijin loñ ko re nana nōn illoan imōn Pero, im illoan imōn ro dri korijeran: im ilo aolepen Ijpt e ⁵jorran ene kin bwijin loñ ko.

25 Im Pero e ar ⁶kir nōn Moses im nōn Aron, im ba, ⁷Komin ilok, im ka-

tok nōn ami Anij ilo enin. 26 Im Moses e ar ba, E jab melim amuij kōmōn einwōt; bwe kim naj katok kin men in jōjōik an ro dri Ijpt nōn Jeova amuij Anij: lo, kim naj katok kin men in jōjōik an ro dri Ijpt iman mejeir, im re jamin kare kim kin dreka ke? 27 Kim naj ilok ¹joñon jilu ran ilo ene jemaren, im katok nōn Jeova amuij Anij einwōt E naj jiroñ kim. 28 Im Pero e ar ba, ²I naj kōtlok kom, bwe komin katok nōn Jeova ami Anij ilo ene jemaren; a komin jab ilok etolok: komin akwelap kin ña. 29 Im Moses e ar ba, Lo, ij drioiptok jen ibōm, im I naj akwelap nōn Jeova bwe bwijin loñ ko ren ilok jen iben Pero, im jen ro dri korijeran, im jen armij ro dron, ilju: a Pero en jab bar jela mon kin an jab kōtlok armij rōn bwe ren katok nōn Jeova. 30 Im Moses e ar drioiptok jen iben Pero, im akwelap nōn Jeova. 31 Im Jeova e ar kōmōn einwōt nan an Moses; im E ar bōk bwijin loñ jen iben Pero, im jen iben ro dri korijeran, im jen armij ro dron; ejelok juōn ej berwōt. 32 Im Pero e ar kabin buruen ien in bareinwōt, im e ar jab kōtlok armij rōn.

9 Inem Jeova e ar ba nōn Moses, Kwon dreloñlok nōn iben Pero, im kennanek e, Ein drein Jeova, Anij an ro dri Hibru, Ej ba, ³Kwon kōtlok armij ro droō bwe ren korijer nōn Iō. 2 Bwe elañe kwoj abwin kōtlok ir, im kwoj drebij ir wōt, 3 lo, pein Jeova e naj ber ion kiru ko am ilo melaj, im ion ors ko, im ion ass ko, im ion kamel ko, im ion bwijin kau ko, im ion bwijin jip ko: e naj juōn nañinmij e nana etan mōrren. 4 Im Jeova e naj ⁴kejenolok ian kiru ko an ro dri Israel jen kiru ko an dri Ijpt; im e naj ejelok en e mij ian men otemjej an ro nejin Israel. 5 Im Jeova e ar likit juōn ien, im ba, Ilju Jeova e naj kōmōn men in ilo eneōm. 6 Im Jeova e ar kōmōn men eo ke ilju; im kiru ko otemjej in Ijpt rar mij; a ian kiru ko an dri Israel, ejelok juōn e mij. 7 Im Pero e ar

¹ Sam 105. 31. ² eon 7; jap. 9. 11. ³ jap. 7. 5. ⁴ jap. 9. 4, 6, 20. ⁵ Sam 78. 45. ⁶ jap. 8. 8. ⁷ jap. 9. 23.

¹ jap. 3. 18. ² eon 8, 15, 32. ³ jap. 4. 23. ⁴ jap. 8. 28.

jiliklok, im lo, ejelok juōn ian kiru ko an ro dri Israel e ar mij. A buruen Pero e bin wōt, im e ar jab kōtlok armij rōn.

8 Im Jeova e ar ba nōn Moses im Aron, Komin rokliþ nōn kom briþ in ubaj, im Moses en jeorliñlok e iman mejen Pero. 9 Im e naj erom bōñōl-ñōl ilōñin aoepen enen Ijpt, im e naj eoñ wōt ko remūnin ion armij im ion kiru, ilujen aoepen enen Ijpt. 10 Im rar bōk briþ in ubaj, im jutōk iman Pero; im Moses e ar jeorliñlok e; im e ar erom wōt ko remūnin iben armij im iben kiru. 11 Im ro dri marmir re ¹ban jutōk iman Moses kin wōt ko; bwe wōt ko rar ber iben ro dri marmir, im iben aoepen ro dri Ijpt otemjej. 12 Im Jeova e ar kabinlok buruen Pero, im e ar jab eoroñ irro; einwōt Jeova e ar ba nōn Moses.

13 Im Jeova e ar ba nōn Moses, En jiboñ wōt am jerkak, im jutōk iman Pero, im ba nōn e, Ein drein Jeova, Anij an ro dri Hibru Ej ba, ²Kwon kōtlok armij ro droō, bwe ren korijer nōn Iō. 14 Bwe ilo ien in, I naj jilkinwoj men in kaiñtan ko Aō otemjej ion buruōm, im ion ro dri korijerōm, im ion ro drom; bwe kwon jela bwe ejelok juōn einwōt Ña, ilo aoepen lōl. 15 Im kiō I naj kar erlokwe peiō im mōn yuk im ro drom kin nañinmij elap im nana, im kwo naj kar joko jen lōl in; 16 a ³kin men in I ar kejbārok yuk, bwe In kwalok nōn yuk kajur eo Aō, im bwe ren kwalok eta ilujen aoepen lōl. 17 Nōn ien in kwoj mōke koutiej yuk nae armij ro droō, im jab kōnan kōtlok ir ke? 18 Lo, ilju, e nañin ien in, I naj ko-wut dren ebin e kanuij kajōjō, rar jab lo einwōt ilo Ijpt jen ien kaleke nōn ien in. 19 Inem kiō, kwon jilkinlok im kadreloñtok mōkōj, kiru ko am im men otemjej am ilo melaj; bwe jabrewōt armij ak kiru rej ber ilo melaj, im re jab kadreloñtok ir nōn kabijuknir, wut ebin e naj buñōt ir, im re naj mij. 20 Jabrewōt ⁴eo e ar mijōk nan eo an Jeova, ian ro dri

korijeran Pero, e ar kōmōn bwe ro dri korijeran, im kiru ko an, ren ko nōn moko imweir: 21 im eo e ar jab eoroñ nan an Jeova, e ar likit ro dri korijeran im kiru ko an ilo melaj.

22 Im Jeova e ar ba nōn Moses, Kwon erlokwe peōm nōn lōñ, bwe en or wut ebin ilo aoepen enen Ijpt, ion armij, im ion kiru, im ion jabrewōt mār ilo melaj ko, ilo aoepen enen Ijpt. 23 Im Moses e ar erlokwe jokwōnōn nōn lōñ; im Jeova e ar jil-kintok jorur im wut ebin, im kijeek e ar etōr ion ene; im Jeova e ar kowut dren ebin ion enen Ijpt. 24 Ein drein eor wut ebin, im kareik wut ebin kin kijeek, e kanuij kajōjō, e ar jab einwōt ilo aoepen enen Ijpt jen ien eo ar likit e juōn ailiñ. 25 Im wut ebin eo e ar mōn jabrewōt eo e ar ber ilo melaj, armij im kiru; im wut ebin e ar mōn jabrewōt mār i melaj, im ruje jabrewōt wijki ilo melaj. 26 A ilo ¹enen Goshen, ijo ro nejin Israel rar ber ie, ejelok wut ebin.

27 Im Pero e ar jiliklok, im kirtok Moses im Aron, im e ar ba nōn irro, I ar ²jerawiwi ien in: Jeova e wānik, im ña im armij ro droō re nana. 28 Komin akwelap nōn Jeova; bwe e bwe jorur kein relap im wut ebin; inem ³I naj kōtlok komuij, im kom jamin ber ijin nōn jirik. 29 Im Moses e ar ba nōn e, Ñe emwij aō drioiþlok jen jikin kwelok in, I naj erlokwe peiō nōn Jeova; e naj jokwor jorur ko, im e naj ejelok wut ebin: bwe kwon jela bwe lōl in an Jeova. 30 A kin ⁴kwe im ro dri korijerōm, I jela bwe kom jamin mijōk Jeova, Anij Laplap. 31 Im emwij kokkure flax im barli; bwe barli e ar jebar leen, im flax ebul. 32 A ar jab kokkure wit im spelt: bwe rar jañin edrekliñlok. 33 Im Moses e ar drioiþlok jen jikin kwelok eo im jen iben Pero, im erlokwe pein nōn Jeova: inem e jokwor jorur ko im wut ebin, im ar jab lutōklok wut ebin ion ene. 34 Im ke Pero e ar lo bwe e jokwor wut eo im wut ebin im jorur ko, e ar kaplaplok an jerawiwi, im kabin buruen,

¹ jap. 8. 18. ² jap. 4. 23. ³ Rom 9. 17. ⁴ Ken. 13. 13.

¹ jap. 8. 22. ² jap. 10. 16, 17. ³ jap. 8. 25. ⁴ jap. 8. 22

e im ro dri korijeran. 35 Im e binlok buruen Pero, im e ar jab kötlok ro nejin Israel; einwöt Jeova e ar ba kin Moses.

10 Im Jeova e ar ba nōn Moses, Kwon dreloñ nōn iben Pero: bwe I ar kabin buruen, im buruen ro dri korijeran bwe In kwalok kakōle kein Aō ilo bwiljir, 2 im bwe kwon kennan i lojiliñin nejōm man, im leo nejin, men ko I ar jerbali ilo Ijpt, im kakōle ko Aō I ar kōmōne ilo bwiljir; bwe komin jela bwe Ña Jeova. 3 Im Moses im Aron rar dreloñlok nōn iben Pero, im rar ba nōn e, Ein drein Jeova, Anij an ro dri Hibru, Ej ba, letoñ am naj abwin kōtaik yuk imaō? kwon kötlok armij ro droō, bwe ren korijer nōn Iō. 4 Elañe jab, im kwoj abwin kötlok armij ro droō, lo, ilju I naj bōktok lokōs ko ionenin am: 5 im re naj kalibubu mejen lōl, bwe ren ban lo ene: im re naj kōñ matōn ko, ko rej berwöt nōn kom jen wut ebin, im re naj kōñ wijki otemjej rej edrek nōn kom jen melaj: 6 im moko imōm re naj obrōk kake, im moko an ro dri korijerōm otemjej, im moko an aolepen ro dri Ijpt: einwöt ro jemōm ak ro jīmam rar jab lo, jen ien air ber ion lōl nōn ranin. Inem e ar oktōk im drioielok jen iben Pero. 7 Im ro dri korijeran Pero rar ba nōn e, Ie toñ armij in e naj juōn jen nōn kij? kwon kötlok armij ro bwe ren korijer nōn Jeova air Anij: kwo jañin jela bwe e jorran Ijpt ke? 8 Im rar ¹bar āñintok Moses im Aron nōn iben Pero: im e ar ba nōn irro, ²Komin ilok im korijer nōn Jeova ami Anij: a wōn ro re naj ilok? 9 Im Moses e ar ba, ³Kim naj ilok, im re naj ibem ro remōn drer, im ridto ro am; ro nejim man im ro nejim kōra, im ⁴amuij bwijin jip im bwijin kau ko; bwe kimin kōmōn kwojkwoj nōn Jeova. 10 Im e ar ba nōn irro, En ein drein an Jeova ber ibemi, einwöt I naj kötlok kom, im ajiri ro nejimi: komin lale mōk; bwe eor nana imami. 11 En jab ein drein: komin ilok kiō, komeo man rōn, im

korijer nōn Jeova; bwe men in men eo kom kōnan. Im rar ¹ubakelok irro jen iman Pero.

12 Im Jeova e ar ba nōn Moses, Kwon kötellok peōm ion enen Ijpt kin lokōs ko, bwe ren itok ion enen Ijpt, im kōñi mār otemjej in eneo, aet, aolepen men ko wut ebin e ar likite. 13 Im Moses e ar kötellok jokwōnōn ion enen Ijpt, im Jeova e ar bōktok juōn kōto jen rear ion eneo, iomin aolepen ran eo im aolepen boñ; im ke ejiboñ ²kōto jen rear e ar bōktok lokōs ko. 14 Im lokōs ko rar wōnliñlok ion aolepen enen Ijpt, im rar berwöt i aolepen eneo; re kanuij kajōjō; mokta jeni e kar ejelok einwöt, im e jamin or einwöt tokelik. 15 Bwe rar kalibubu mejen aolepen lōl, inem ar kamarok eneo; im rar kōñi mār otemjej in ene, im aolepen leen wijki wut eo ebin e ar likite: im ejelok men eo e māroro e ar berwöt, ejelok wijki ak mār in melaj ilujen aolepen enen Ijpt. 16 Inem Pero e ar ³kaiur e in kirtok Moses im Aron; im e ar ba, ⁴I ar jerawiwi nae Jeova, ami Anij, im nae komro. 17 Inem ij akwelap nōn komro, komin jolok aō bwir ien in wöt, im akwelap nōn Jeova, ami Anij, bwe En bōklok jen ña mij in wöt. 18 Im e ar drioielok jen iben Pero, im e ar akwelap nōn Jeova. 19 Im Jeova e ar ukot juōn kōto e kanuij lap jen kabilōñ, eo e ar kwotōke lokōs ko, im biokilok nōn Lomalo Ekilmir; ejelok juōn lokōs e ar berwōtilo aolepen enen Ijpt. 20 A Jeova e ar kabin buruen Pero, im e ar jab kötlok ro nejin Israel.

21 Im Jeova e ar ba nōn Moses. Kwon kötellok peōm nōn lōñ bwe marok en ber ion enen Ijpt, aet, marok re naj maroñ in iñjake. 22 Im Moses e ar kötellok pein nōn lōñ: im e marok jiliñliñ i aolepen enen Ijpt iomin jilu ran; 23 armij re jab lo dron, ak ejelok e ar jerkak jen jikin iomin jilu ran: a ro nejin Israel otemjej ⁵eor maram ilo moko imweir.

¹ ap. 8. 8. ² jap. 8. 25. ³ jap. 12. 37. 38. ⁴ eon 26.

¹ eon 28. ² Sam 78. 46. ³ jap. 8. 8. ⁴ jap. 9. 27. ⁵ jap. 8. 22.

24 Im Pero e ar ¹kir ñõn Moses, im ba, Komin ilok, komin korijer ñõn Jeova; a bwijin jip im kau ko ami ren berwõt: bareinwõt ajiri ro nejimi ren ilok ibemi lok. 25 Im Moses e ar ba, Kwon bareinwõt letok ilo peim men in katok, im katok kijeek ko, bwe kimin maroñ in katok ñõn Jeova amuij Anij. 26 ²Kiru kau ko am im jip ko am re naj ilok ibem lok; ejelok juõn aki naj likite; bwe jen men kein emõn kimin bõk in korijer kake ñõn Jeova amuij Anij; im kim jaje ta eo kim naj korijer ñõn Jeova kake, mae ien kim naj tõbrõk ijo. 27 A Jeova e ar kabin buruen Pero, im e ar jab kōnan kötlok ir. 28 Im Pero e ar ba ñõn e, ³Kwon ilok jen iba, kwon lale mōk, lale kwar bar lo meja; bwe ilo ran eo ñe kwo naj lo meja, kwo naj mij. 29 Im Moses e ar ba, Emõn am konono; ⁴I jamin bar lo mejõm in drio.

11 Im Jeova e ar ba ñõn Moses, Bar juõn wõt men in kaiñtan I naj bõktok ion Pero im ion aolepen Ijpt; ⁵elikin men eo e naj kötlok kom jen ijin: ñe e naj kötlok kom, emol e naj kanuij iunlok kom. 2 Kwon konono kiõ i lojiliñin armij rōn, im ren ⁶kajitōk, jabrewõt armij jen dri turin, inōk ko silver im inōk ko gold. 3 Im Jeova e ar lelok ñõn armij rōn joiy iman mejen ro dri Itipt. Bareinwõt, leo Moses, e ar kanuij utiej ilo enen Ijpt kab iman ro dri korijer-an Pero, im iman armij ro.

4 Im Moses e ar ba, Ein drein Jeova ej ba, E nañin lukwon boñ I naj drioijlok ilujen Ijpt: 5 im ⁷manji otemjej ilo enen Ijpt re naj mij, jen manjien Pero eo ej jijõt ion tron eo an, ñõn manjien korijer kōra eo ej iturin ken irir eo; im manjien kiru ko otemjej kau im jip. 6 Im e naj ⁸juõn limō elap ilo aolepen enen Ijpt, eo e kar ejelok einwõt, im e jamin bar or einwõt jabrewõt ien. 7 A ⁹nae ro nejnin Israel ejelok kiru rorrer e naj kamōkit loen, jab nae armij ak kiru: bwe kwon jela bwe Jeova ej kejenon-

lok ro dri Ijpt jen dri Israel. 8 Im ¹rein otemjej dri korijerōm re naj wõnlõltok ñõn iba, im barikrik jen ña, im ba, Kwon drioijlok, im armij otemjej rej lor yuk: inem tokelik I naj drioijlok. Im e ar drioijlok jen iben Pero ilo illu ebwil.

9 Im Jeova e ar ba ñõn Moses, Pero e jamin eoroñ yuk; bwe men in bwilõñ ko Aō ren orlok ilo enen Ijpt. 10 Im Moses im Aron rar kōmōn men in bwilõñ kein iman Pero: im Jeova e ar kabin buruen Pero, im e ar jab kötlok ro nejnin Israel jen eneo an.

12 Im Jeova e ar konono ñõn Moses im Aron i enen Ijpt, im ba, 2 ²Aliñ in e naj jinoiñ aliñ ko ñõn kom: e naj aliñ eo mokta ilo yiõ ñõn kom. 3 Kominro konono ñõn aolepen jar an ro dri Israel, im ba, Ilo ran eo ken ka joñoul an aliñ in, re naj bōk, jabrewõt iair, juõn lam, ekar ñõn nukin jimair, juõn lam ñõn juõn nukin: 4 im elañe juõn nukia ej erik jen-juõn lam, inem e im ro dri turin rej ebake mweo imõn, ren bōk juõn ekar ñõn oran armij rōn; ekar ñõn an jabrewõt armij mōña, ein drein komin bwini kin lam eo. 5 Ami lam en ³wāppen, ridtōn juõn yiõ: kom naj bōk e jen jip ko ak goat ko: 6 im kom naj kejbārok e mae ran eo ken ka ⁴joñoul emen ilo aliñ eo; im aolepen jar an ro dri Israel re naj mōn e ñe e jota. 7 Im ⁵ren bōk jen bōtōk-tōkin, im likit e ion jur ko ruo in kejem, im ion alal eo ilõñin kejem, ilo moko ijo re naj kōñe. 8 Im re naj mōña kōniekin ilo ⁶boñin eo, emwij kōmat kin kijeek, ⁷kab bred e jab uwe; e naj ⁸jelen mār emeo. 9 Komin jab mōña ñe ikor, ak kōmat ilo dren, a umne ilo kijeek; komin umlip e. 10 Im komin jab likit jabrewõt mōtōn ñõn rantak; bween ej berwõt ñõn jiboñ komin tile ilo kijeek. 11 Im en ein drein ami mōña: komin kañōrñōr ibimi, juj ko ren ber ion neimi, im jokwōn ilo peimi; im komin kaur kom im mōña: ej kijone

¹ Jap. 8. 8. ² eon 9. ³ eon 11. ⁴ Hib. 11. 27. ⁵ Jap. 12. 31. ⁶ Jap. 3. 22; 12. 35, 36. ⁷ Sam 78. 61. ⁸ Jap. 12. 32. ⁹ Jap. 8. 22.

¹ Jap. 12. 31-33. ² Jap. 13. 4. ³ Liv. 22. 18-20. ⁴ Liv. 23. 5; Bwin. 9. 1-3. ⁵ eon 22. ⁶ Bwin. 9. 12. ⁷ Dut 16. 3. 4. ⁸ Bwin. 9. 11.

an Jeova. 12 Bwe I naj ilok ilujen aolepen Ijpt ilo boñin eo, im I naj mōn manji otemjej ilo enen Ijpt, man in kiru: im nae ¹anij ro otemjej ilo Ijpt I naj kōmōn ekajet ko: Na Jeova. 13 Im bōtōktōk eo e naj juōn kakōle ion moko ijo kom ber ie: im ñe Ij lo bōtōktōk eo I naj kijon kom, im ejelok men in kaiñtan e naj iom bwe en kokkure kom, ñe I naj mōn enen Ijpt. 14 Im ran in e naj ñōn kom men in kememej, im kom naj kejbārok e juōn kwojkwoj ñōn Jeova: iomin ebeben ko ami, komin lale juōn kwojkwoj kin kien ñōn in drio.

15 Iomin ²jiljilimjuōn ran komin mōña bred e jab uwe; ran eo mokta komin jolok leven jen moko imwemi: bwe jabrewōt eo ej mōña bred e uwe, jen ran eo mokta ñōn ran eo ken ka jiljilimjuōn, naj bukwelok armij eo jen Israel. 16 Im ilo ran eo mokta en ibemi juōn kwelok e kwojarjar, im ilo ran eo ken ka jiljilimjuōn juōn kwelok e kwojarjar; ilo ran ko komin jab kōmōn jabrewōt jerbal, a men in wōt, men in mōña ñōn jabrewōt armij, komin jerbale. 17 Im komin kejbārok kwojkwoj in bred e jab uwe; bwe ilo ranin I ar āñintok ami jarlipju jen enen Ijpt: kin men in, komin lale ran in iomin ebeben ko ami kin juōn kien ñōn in drio. 18 Ilo aliñ eo mokta, ilo ran eo ken ka joñoul emen ilo aliñ eo, ñe e jota, kom naj mōña bred e jab uwe, im mae ran eo ken ka roñoul juōn ñe e jota. 19 Iomin jiljilimjuōn ran re naj lo ejelok leven ilo moko imwemi: bwe jabrewōt armij eo mōña men eo e uwe, naj bukwelok armij eo jen jar an ro dri Israel, elañe e drua maijet, ak juōn druwainene. 20 Komin mōña ejelok men eo e uwe: ilo moko imwemi otemjej komin mōña bred e jab uwe.

21 Inem ³Moses e ar kirtok ridto ro otemjej in Israel, im e ar ba ñōn ir, Komin ilok, im bōk ñōn kom lam ko ekar ñōn ro nukumi, im mōn ⁴men in kijone eo. 22 Im komin bōk tir in hissōp, im katutu e ilo bōtōktōk eo ej ber ilo jābi eo, im dreñlokwe alal

eo ilōñ, im jur ko ruo jur in kejem kin bōtōktōk jen jābi eo: im ejelok juōn iami en drioijlok jen kejem in mweo imōn mae jiboñ. 23 Bwe Jeova e naj driblok eneo bwe en mōn ro dri Ijpt; im ñe Ej lo bōtōktōk eo ilo alal eo ilōñ, im ilo jur ko ruo, Jeova e naj kijon kejem eo, im E jamin likit bwe dri kokkure eo en dreloñ ilo moko imwemi bwe en mōn kom. 24 Im komin lale men in kin juōn kien ñōn kwe im ñōn ro nejōm, ⁵ñōn in drio. 25 Im e naj ein drein, ñe komij tōbrōk eneo Jeova e naj lewoj, einwōt E ar kalimur kake, komin lale jerbaliñ. 26 Im e naj ein drein, ñe ro nejimi rej ba ñōn kom, Ta melelen jerbaliñ in ibemi? 27 Kom naj ba, Ej men in katok kijone an Jeova, Eo e ar kijon moko imōn ro nejin Israel ilo Ijpt, ke E ar mōn ro dri Ijpt, im kōtlok moko imwem. Im armij rōn rar barikrik im kabuñ. 28 Im ro nejin Israel rar ilok, im ein drein air kōmōn; einwōt Jeova e ar jiroñ Moses im Aron, ein drein air kōmōne.

29 Im ilukwon boñ eo, Jeova e ar mōn manji otemjej ilo Ijpt, jen manjien Pero e ar jijōt ion tron eo an, ñōn ⁶manjien dri jebokwe e ar ber ilo prisōn; im manje otemjej ⁷manjien kau im jip. 30 Im Pero e ar jerkak ilo boñ eo, e, im ro dri korijeran otemjej, im aolepen ro dri Ijpt; im juōn ⁸limō elap ijo; bwe ejelok juōn im ijo e jab juōn e mij ie. 31 Im e ar ⁹kirtok Moses im Aron ilo boñ, im ba, Komin jerkak, im drioijlok jen iben armij ro droō, kom im ro nejin Israel; im komin ilok, im korijer ñōn Jeova einwōt kom ar ba. 32 Komin bōk ¹⁰bwijin jip im kau ko ami, einwōt kom ar ba, im komin ilok; im jare iō bareinwōt. 33 Im ro dri Ijpt rar kakijorur armij rōn, bwe ren kaiurlok ir jen eneo: bwe rar ba, Kim otemjej dri mij. 34 Im armij ro rar bōk iōk ko air mokta jen an uwe, im jābi in iōk bred ko air re limlim iben nuknuk ko ion aierair. 35 Im ¹¹ro nejin Israel rar kōmōn ekar ñōn nan

¹ Bwin. 33. 4. ² Jap. 23. 15. ³ Hib. 11. 28. ⁴ eon 11.

⁵ Jap. 13. 5, 10. ⁶ Jap. 4. 23. ⁷ Jap. 9. 6. ⁸ Jap. 11. 6. ⁹ Jap. 8. 8. ¹⁰ Jap. 10. 9, 26. ¹¹ Jap. 3. 21.

ko an Moses; im rar uñar iben ro dri Ijpt inök silver, im inök gold, im nuknuk ko: 36 im Jeova e ar lelok joij ñön armij rön iman mejen ro dri Ijpt, bwe rar lelok ñön ir jabrewöt men ko rar kajitök kake. Im rar ¹rakimi ro dri Ijpt.

37 Im ro nejin Israel rar etal jen Ramisis ñön Sökkot, e nañin ²jiljino buki tausand man rön rej etal, bareinwöt ajiri rön. 38 Im elöñ armij böjik rar wönliflok ibeirkok; im bwijin jip im kau ko, aet, e kanuij löñ kiru ko. 39 Im rar umum bred e jab uwe jen iök ko rar böktok ren Ijpt; bwe e jañin uwe, bwe emwij iunlok ir jen Ijpt, im re ban berwöt, im rar jañin kapojök ñön ir jabrewöt kijeir. 40 Im ien an ro nejin Israel kar jokwe ilo Ijpt, ³äbuki jilñoul yiö. 41 Ilo jemlokön äbuki jilñoul yiö, ran eo wöt, jarlipju otemjej an Jeova rar drioijlok jen enen Ijpt. 42 Boñ eo e kanuij buñbuñ ñön Jeova kin an äñintok ir jen enen Ijpt: eñin boñin an Jeova, im emön ro nejin Israel ren kanuij kabuñbuñlok e ilo aolepen ebeben ko air.

43 Im Jeova e ar ba ñön Moses im Aron, Eñin kien men in kijone: ejelok drua maijet e naj möña jen e; 44 a korijeran jabrewöt armij, emwij wiaik e kin mönni, ñe kwar mijmij e, inem e naj möña jen e. 45 Dri itoitök im dri korijer ej jermal kin wönan, e jamin möña jen e. 46 Ilo juön im ren möña; kwo jamin bökkok jen loan mweo jabrewöt mötön köniekin; im komin jab ruje juön drin kiru eo. 47 Aolepen jar an ro dri Israel re naj kejbärok men in. 48 Im ñe juön drua maijet ej itoitök ibemi, im e könan kejbärok men in kijone ñön Jeova, en mijmij man rön otemjej iben, inem en druaktok im kejbärok e; im e naj einwöt juön e kar lotak i eneo: a juön e jab mijmij en jab möña jen e. 49 Juön wöt kien e naj ñön eo druwinene, im ñön drua maijet eo ej itoitök ibemi. 50 Ein drein an ro nejin Israel kömön; einwöt Jeova e ar jiroñ Moses im Aron,

ein drein air kömöne. 51 Im ilo ran eo wöt, Jeova e ar äñintok ro nejin Israel jen enen Ijpt kin jarlipju ko air.

13 Im Jeova e ar konono ñön Moses, im ba, 2 Kwon ¹kokwojarjar ñön Iö manji otemjej, jabrewöt eo ej kabellek loji iben ro nejin Israel, an armij rön im kau ko: rej Aö.

3 Im Moses e ar ba ñön armij ro, Komin kememej ran in, ran eo kom ar drioijtok jen Ijpt, im jen imön kamakoko; bwe kin kajur in pein, Jeova e ar kadrioijtok kom jen eneo: ren möña ejelok bred e uwe. 4 Ranin kom drioijlok ilo aliñ Ebib. 5 Im ñe Jeova ej äñintok kom na iloan eneo an dri Kenean, im dri Het, im dri Amor, im dri Hiv, im dri Jibus, eo E ar kanöjñij ñön ro jimami bwe En lewoj ñön kom, juön ene e bwijliplip kin milk im hönni, komin kejbärok jermal in ilo aliñ in. 6 Iomin jiljilimjuön ran komin möña bred e jab uwe, im ilo ran eo ken ka jiljilimjuön en juön kwojkwoj ñön Jeova. 7 Ren möña bred e jab uwe iomin jiljilimjuön ran; im ren lo ejelok bred e ar uwe ibemi, ilo aolepen eneo ami. 8 Im komin kennanek nejöm man ilo ran eo, im ba, Eñin kin men eo Jeova e ar kömön ñön iö ke I ar drioijtok jen Ijpt. 9 Im e naj juön kaköle ñön yuk ion peöm, im kin juön men in kememej ikötan mejöm, bwe kien Jeova en i löñom: bwe kin pein e kajur Jeova e ar äñintok yuk jen Ijpt. 10 Kin men in, kwon kejbärok kien in ilo ien eo an, jen yiö ñön yiö.

11 Im ñe Jeova ej äñinlok yuk na ilo eneo an dri Kenean, einwöt E ar kanöjñij ñön ro jimam, im Ej lewoj ñön kwe, 12 kwon kejenolok ñön Jeova ir otemjej rej kabellek loji, im jabrewöt e ar lotak mokta jen kiru; man im koman rej an Jeova. 13 ²Jabrewöt ejar lotak mokta jen ass ko, kwon binej jenkwön kin juön lam; ak elañe kwo jab könan binej jenkwön, inem kwon ruje kenwan: im manji otemjej an armij rön ian ro

¹jap. 3. 22. ²jap. 38. 26. ³Jen. 15. 13; Jerb. 7. 6.

¹eon 12, 13, 15; Luk 2. 23. ²jap. 34. 20.

nejōm man, kwon binej jenkwōn. 14 Im ñe nejōm man ej kajitōk ibōm ilo ien ko rej itok, im ba, Ta men in? kwo naj ba ñōn e, Kin pein e kajur, Jeova e ar āñintok kim jen Ijpt jen imōn kamakoko eo: 15 im ke e ar bin an Pero kōtlok kim, Jeova e ar mōn manji otemjej ilo enen Ijpt, manjien armij ro, im manjien kiru ko: kin men in, ij katok ñōn Jeova koman otemjej rej kabellok loji; a manji otemjej ian ro nejiō man, ij nawōnair. 16 Im e naj kin juōn kakōle ion peōm, in kin men ko ikōtan mejōm: bwe kin kajur in pein, Jeova e ar kadriojlok kim jen Ijpt.

17 Im ke Pero e ar kōtlok armij ro, Anij e ar jab tel ir ilo ial iturin ene an ro dri Pilistia, meñe a karu; bwe Anij e ar ba, 1 Ñe rab ukwelok ibeir, ñe rej lo tōrinae, im rej jeblak ñōn Ijpt: 18 a Anij e ar tel armij ro ilo ial e aitok, i ene jemaren iturin Lomalo Ekilmir: im eor 2 ken tōrinae iben ro nejin Israel ke rar wōnlñlok jen enen Ijpt. 19 Im Moses e ar bōk 3 dri ko drin Josep iben: bwe e ar kanuij kanōjniñ ñōn ro nejin Israel, im ba, Emol Anij e naj lowoj kom; im komin bōklok dri ko driō ibemi jen ijin. 20 Im rar etallok jen Sōkkot, im rar kajur im nuknuk ko air i Itam, i tōreren ene jemaren. 21 Im 4 Jeova e ar ilok imairlok ilo ran ilo juōn jurōn kōro, bwe En tellok ir ilo ial, im ilo boñ ilo juōn jurōn kijeek, im kamramlok ir; bwe ren maroñ etal ilo ran, kab ilo boñ: 22 jurōn kōro ilo ran, im jurōn kijeek ilo boñ, rar jab ilok jen iman armij ro.

14 Im Jeova e ar konono ñōn Moses, im ba, 2 Kwon ba ñōn ro nejin Israel, bwe ren jeblak im kajur imōn kabir ko air iman Pi-hairot, ikōtan Migdol im lomalo eo, ikijen Beal-zipon: komin kajur moko imwemi iturin lomalo. 3 Im Pero e naj ba kin ro nejin Israel, Re bojōk i eneo, ene jemaren e ar binej ir. 4 Im I naj kabin buruen Pero, im e naj lukworkwor ir; im I naj bōk ñōn Iō

nebar ion Pero, im ion jar in tōrinae ko an otemjej; im ro dri 1 Ijpt re naj jela bwe Na Jeova. Im ein drein air kōmōn. 5 Im rar kennanek kiñ in Ijpt kin an armij ro ko: inem buruen Pero im buruen ro dri korijeran rej ein juōn ñōn armij ro, im rar ba, Ta men in jar kōmōne, bwe jen kōtlok Israel jen air jerbal ñōn kij? 6 Im e ar kapojōk jariot eo an, im tel armij ro dron iben: 7 im e ar bōk jiljino buki jariot emwij kålet ir, im jariot otemjej an Ijpt, im kapen ro ioir otemjej. 8 Im Jeova e ar kabin buruen Pero kiñ in Ijpt, im e ar lukworkwor ro nejin Israel: bwe ro nejin Israel rar driojlok kin pā e utiej. 9 Im ro dri Ijpt rar lukworkworir, ors otemjej, im jariot otemjej an Pero, im ro dri uwe ion ors, im jar in tōrinae eo an, im e ar tōbar ir ke rar ber iturin lomalo eo, iturin Pi-hairot iman Beal-zipon.

10 Im ke Pero e ar kebaklok ir, ro nejin Israel rar bōk mejeir, im lo, ro dri Ijpt rar lor ir; im rar kanuij lelñōñ: im ro nejin Israel rar kir ñōn Jeova. 11 Im rar ba ñōn Moses, Kin ke ejelok lūp ilo Ijpt, kwar āñintok kim bwe kimin mij ilo ene jemaren ke? etke kwar kōmōn men in ñōn kim, im kadriojlok kim jen Ijpt? 12 Eñin e jab nan eo kim ar konono ñōn kwe ilo Ijpt ke, im ba, Kwon likit kim mōke iam, bwe kimin jerbal ñōn ro dri Ijpt? Bwe emōnlok ibem bwe kimin jerbal ñōn ro dri Ijpt, jen ñe kimij mij ilo ene jemaren. 13 Im Moses e ar ba ñōn armij rōn, Komin jab lelñōñ, komin tōt wōt, im lo 2 lomor an Jeova, eo E naj kōmōn ñōn kom ranin: bwe ro dri Ijpt, kom ar lo ir ranin, kom jamin bar lo ir ñōn in drio. 14 3 Jeova e naj iri ñōn kom, im komeo kom naj ikōñ.

15 Im Jeova e ar ba ñōn Moses, Etke kwoj kir ñōn Iō? kwon ba ñōn ro nejin Israel bwe ren wōnmanlok. 16 Im kweo kwon kwotōke 4 jokwōnōm, im kōtellok peōm ilōñinlomalo eo, im kijbile: im ro nejin Israel re naj ilok ilujen lomalo eo ion ene e mōra.

¹ Jap. 14. 11. ² Josh. 1. 14. ³ Jen. 50. 24, 25; Josh. 24. 32. ⁴ Jap. 14. 19, 24; Sam. 78. 14.

¹ eon 25. ² eon 30. ³ Dut. 1. 39. ⁴ Jap. 4. 17.

17 Im lo, Ña I naj kabin buruen ro dri Ijpt, im re naj ilok ilokairlok: im I naj bōk ñōn Iō nebar ion Pero, im ion aolepen jar in tōrinae eo an, im ion jariot ko an, im ion ro rej uwe ion ors ko iben. 18 Im ro dri Ijpt re naj jela bwe Ña Jeova, ñe emwij Aō bōk nebar ñōn Iō ion Pero, ion jariot ko an, im ion ro rej uwe ion ors ko. 19 Im ¹enjel ōn Anij, eo e ar ilok iman jar an ro dri Israel, ej jeblak im ilok ilokairlok; im jurōn kōro e ar emōkit jen imair im jutōk ilokair: 20 im e ar ilok ikōtan jar in Israel im jar in Ijpt: im ijo kōro im marok, mekarta, e ar romak ilo boñ: im juōn iairro e ar jab kebaklok eo juōn iomin aolepen boñ eo.

21 Im ²Moses e ar kōtellok pein ilōñin lomalo eo; im Jeova e ar kōmōn bwe lomalo en ilok kin juōn kōto jen rear aolepen boñ, im E ar kōmōn lomalo ene e mōra, im e ³jibil dren ko. 22 Im ro nejin Israel rar ilok ilujen lomalo eo ion ene e mōra: im dren ko rar worwore ir, i anbijmaroñir im i anmiñir. 23 Im ro ⁴dri Ijpt rar lukworkwor ir, im ilok ilokair ilujen lomalo eo, ors ko otemjej an Pero, jariot ko an, im ro rej uwe ion ors ko. 24 Im ilo mmij eo ke e jiboñ, Jeova e ar reilok ñōn jar an ro dri Ijpt ilujen jurōn kōro im kijeek eo, im E ar kaleñōñ jar an ro dri Ijpt. 25 Im E ar jolok whil jen jariot ko air, im e nañin bin air kōwōnmanlok ir; ein drein ro dri Ijpt rar ba, Jen ko jen mejen Israel; ⁵bwe Jeova ej iri ñōn ir nae ro dri Ijpt.

26 Im Jeova e ar ba ñōn Moses, Kwon kōtellok peōm ilōñin lomalone, bwe dren ko ren jeblaktok ion dri Ijpt, ion jariot ko air, im ion ro dri uwe ion ors ko air. 27 Im Moses e ar kōtellok pein ilōñin lomalo eo, im lomalo e ar jeblaktok ñōn kajur eo an ke ejiboñ; im ro dri Ijpt rar ko jen e; im Jeova e ar jolōllok ro dri Ijpt na ilujen lomalo eo. 28 Im dren ko rar jeblaktok, im kalibubu jariot ko,

im ro dri uwe ion ors, aet, aolepen jar in tōrinae an Pero, ro rar dreloñlok ilokair iloan lomalo; ejelok juōn iair e ar berwōt. 29 A ro nejin Israel rar etal ion ene e mōra iolapen lojit; im dren ko rar worwore ir, i anbijmaroñir im i anmiñir. 30 Ein drein Jeova e ar lomoren Israel, ilo ran eo, jen pein ro dri Ijpt; im Israel rar lo dri Ijpt re mij i barijit. 31 Im Israel rar lo jeral eo elap Jeova e ar kōmōn ion ro dri Ijpt, im armij ro rar mijōk Jeova: im rar tōmak Jeova im Moses dri korijeran.

15 Ien eo ¹Moses im ro nejin Israel rar al al in ñōn Jeova, rar konono, im ba, I naj al ñōn Jeova, bwe emol e kanuij utiej: ors im dri uwe ion, E ar jolok ir na i lojit.

2 Jeova aō kajur im aō al, im Ej lomor iō: E in aō Anij, im I naj nebar E; Anij an jema, im I naj kou-tiej E.

3 Jeova e dri tōrinae: etan Jeova.

4 E ar jolok jariot ko an Pero im jar in tōrinae eo an na i lojit; im kapen ro an, ro e ar kālet ir, rar maloñ ilo Lomalō Ekilmir.

5 Dren ko re milōl rej kalibubu ir: rar wōnlōllok na iloan dren ko re milōl, einwōt juōn dreka.

6 Anbijmaroñōm, O Jeova, e aibujuij ilo kajur, anbijmaroñōm, O Jeova, ej ruprupe dri kijirāt eo.

7 Im ilo lapen Am utiej, Kwoj ²ukōji ro rej jutōk nae Yuk: Kwoj jilkinlok am illu, ej tili ir einwōt mār e mōra.

8 Im kin menono an bodōm emwij ejak dren ko, ibij ko rar jutōk im ju einwōt juōn worwor; dren ko re milōl rar bin ilujen lomalo eo.

9 Dri kijirāt eo e ar ba, I naj ³lukworkwore, I naj tōbare, I naj ajej men in rakim; aō kōnan e naj māt kin ir; I naj nure jāji eo aō, peiō e naj kokkure ir.

10 Kwar ukwi kin kōto eo Am, lomalo eo e ar kalibubu ir: rar ruñulok einwōt led, ilo dren ko re kajur.

11 Wōn ej einwōt Kwe, O Jeova, ian anij rōn? wōn ej einwōt Kwe, e

¹ jap. 13. 21. 22. ² eon 16. ³ eon 29. ⁴ eon 4. 17. ⁵ eon 18.

¹ Rev. 13. 3. ² jap. 14. 27. ³ jap. 14. 5.

aibujuij ilo kwojarjar, men in lelñon ilo nebar ko, im dri kōmōn men in bwilōñ ko?

12 Kwar kōtellok anbijmaroñōm, im lōl e ar worōñlok ir.

13 Ilo Am joij Kwar tel armij ro Kwar wiaik ir: ilo Am kajur Kwar jineit ñōn ir ial ñōn mweo imōm e kwojarjar.

14 Dri ailiñ ko rar roñjake, rej wuririr: iñtan ko rar jibwe ro dri Pilistia.

15 Ien eo iroijs ro in Idom rar lokjenair; armij ro re kajur i Moab, wuririr ej jibwe ir: aoopen ro dri Keanean rej unlok.

16 ¹Lelñon im aiet re buñ ioir; kin lapen peōm rej ikōñ einwōt juōn dreka; mae ien armij ro drom, rar kijone, O Jeova, mae ien ro emwij Am wiaik ir, rar kijone.

17 Kwo naj kadreloñlok ir, im kat ir ilo tol in Am jolit, jikin eo, O Jeova, Kwar kapojōk bwe Kwon jokwe iloan, jikin kwojarjar eo, O Jeova, pā ko peōm rar kajure.

18 Jeova e naj kiñ ñōn in drio im in drio.

19 Bwe ors ko an Pero rar dreloñlok iben jariat ko an, im iben ro dri uwe ion ors ko an, na iloan lojit, im Jeova e ar kajeblaktok dren in lomalo ioir; a ro nejin Israel rar etal ion ene e mōra ilujen lomalo eo. 20 Im ²Miriam, lio dri kanan, jein Aron, e ar bōk juōn timbrel ilo pein; im aoopen kōra ro rar drioijslok ilokōn lio, eor timbrel ibeir, im rej eep. 21 Im Miriam e ar uak ir, Komin al ñōn Jeova, bwe emol E kanuij utiej; ors eo im dri uwe ion, E ar jolōllok ir na ilo lojit.

22 Im Moses e ar tellok dri Israel imanlok jen Lomalo Ekilmir, im rar drioijslok ñōn ene jemaren in Shur; im rar etal ilo ene jemaren iomin jiluran, im rar lo ejelok dren. 23 Im ke rar tōbar Mera, re ban irak jen dren ko in Mera, bwe re meo: kin men in, rar naetan Mera. 24 Im armij ro rar ³lotan Moses, im ba, Kim naj irak ta? 25 Im e ar kir ñōn Jeova;

im Jeova e ar bakajen ñōn e juōn wijki, im e ar jolok e na ilo dren ko, im rej erom enno. Ijo E ar kōmōn ñōn ir juōn kien im juōn nan in kaiñi, im E ar melejoñ ir ie; 26 im E ar ba, Elañe kom naj kanuij eoroñ ainiken Jeova am Anij, im naj kōmōn men ko remōn iman mejen, im naj roñjake kien ko An, ¹I naj likit iom ejelok ian nañinmij ko I ar likit ion dri Ijpt: bwe Ña Jeova eo ej kaejmour yuk.

27 Im rar tōbar Ilim, ijo joñoul ruo unin dren, im jiljilimjuōnñoul wijki pam: im rar kajur im nuknuk ko air iturin dren ko.

16 Im rar etallok jen Ilim, im aoopen jar an ro nejin Israel rar itok ñōn ene jemaren in Sin, eo ej ikōtan Ilim im Sainai, ilo ran eo ken ka ²joñoul lailim ilo aliñ eo ken ka ruo elikin air drioijslok jen enen Ijpt. 2 Im aoopen jar an ro nejin Israel rar ³lotan Moses im Aron i ene jemaren; 3 im ro nejin Israel rar ba ñōn irro, ⁴E naj kar emōn elañe kim ar mij kin pein Jeova ilo enen Ijpt, ⁵ke kim ar jijōt iturin aiōn pot in kōniek ko, ke kim ar mōña bred im māt; bwe komro ar kadrioijslok kim ñōn ene jemaren in, bwe komin mōn aoopen jar in kin ñita.

4 Inem Jeova e ar ba ñōn Moses, Lo, I naj ⁶kowutlok bred jen lōñ ñōn kom; im armij rōn re naj drioijs im aini mōtōn ekar ñōn jabrewōt ran, ilo ran eo, bwe In melejoñ ir, elañe re naj etal ilo kien eo Aō ke, jab ke. 5 Im ilo ran eo ken ka jiljino, re naj kapojōk mōtōn eo rej bōktok, im e naj ruo alen air aini jen ran ko jet. 6 Im Moses im Aron rar ba ñōn aoopen ro nejin Israel, Ñe ejota, inem kom naj jela bwe Jeova e ar āñintok kom jen enen Ijpt; 7 im ñe ejiboñ, kom naj lo aibujuij an Jeova; bwe Ej roñjake lotan ko ami nae Jeova: im ⁷ta kimro, bwe komij lotan kim? 8 Im Moses e ar ba, E naj eñin, ñe Jeova ej lewoj ñōn kom ilo jota kōniek kijimi, im ilo jiboñ bred bwe komin

māt; bwe Jeova ej roñjake lotan ko ami, komij lotan e kake: im ta kim-ro? lotan ko ami re jab nae kim, a rej nae Jeova. 9 Im Moses e ar ba ñon Aron, Kwon ba ñon aolepen jar an ro nejin Israel, Komin druaktok iman Jeova; bwe E ar roñjake lotan ko ami. 10 Im ke Aron e ar konono ñon aolepen jar an ro nejin Israel, rar reilok ñon ene jemaren, im lo, aibujuij an Jeova e ar weaktok ilo kōro eo. 11 Im Jeova e ar konono ñon Moses im ba, 12 I ar roñjake lotan ko an ro nejin Israel: kwon konono ñon ir, im ba, Ñe ejota kom naj mōña kōniek, im ñe ejiboñ kom naj māt kin bred; im kom naj jela bwe Ña Jeova, amuij Anij.

13 Im ke ejota, bao kwel ko rar itok im kalibubu kamp eo air: im ke ejiboñ eor molawi iturin kamp eo. 14 Im ¹ke molawi eo e kar ber ion ene e monlok, lo, ion mejen ene jemaren, juōn men e rolul im niñ, einwōt frost e mouj ion brij. 15 Im ke ro nejin Israel rar loe, rar ba ñon dron, Ta jein? bwe re jaje ta eo. Im Moses e ar ba ñon ir, Men in, bred eo Jeova e ar lewoj kijimi. 16 Eñin men eo Jeova e ar jiroñ. Komin ae jen e, jabrewōt armij, ekar ñon an mōña; juōn omer ñon juōn armij, ekar ñon oran armij ro ibemi, kom naj bōk, jabrewōt armij en kabwe ro rej ber ilo mweo imōn. 17 Im ein drein an ro nejin Israel kōmōn, im rar aini jet elōñ, im jet eiet. 18 Im ke rar joñwe kin juōn omer, ²eo e ar ae elōñ, ejelok bween, im eo e ar ae eiet, ejelok an aikwij; jabrewōt armije ar ae ekar ñon an mōña. 19 Im Moses e ar ba ñon ir, Ejelok armij en likit mōtōn mae jiboñ. 20 Ijoke rar jab eoroñ Moses; a jet iair rar likit mōtōn ñon jiboñ, im e ar kemour likakrōk ko, im e buol: inem Moses e ar illu ibeir.

21 Im rar aini jiboñon otemjej, jabrewōt armij ekar ñon an mōña: im ke elap dret, e ar unluk. 22 Im ilo ran eo ken ka jiljino rar aini ruo alen bred eo, ruo omer ñon jabrewōt

iair: im iroj otemjej an jar eo rar item kennanek Moses. 23 Im e ar ba ñon ir, Eñin nan eo Jeova e ar ba, ¹Ilju juōn kakijs, Sabat e kwojarjar ñon Jeova: komin umum eo kom kōnan umni, im kōmāt ilo dren eo kom kōnan kōmāt ilo dren; im bwe ko otemjej komin likit e mōke ian ñon kom, bwe en ber ñon ilju ejiboñ. 24 Im rar likit e ñon jiboñ, einwōt Moses e ar jiroñ ir: im e ar jab buol, ak ejelok likakrōk iben. 25 Im Moses e ar ba, Komin mōña men in ranin; bwe ranin Sabat ñon Jeova: ranin kom jamin loe ilo melaj. 26 Iomin jiljino ran kom naj aini; a ilo ran eo ken ka jiljilimjuōn, eo ran in Sabat, ien eo e naj ejelok. 27 Im ilo ran eo ken ka jiljilimjuōn, jet ian armij rōn rar drioij bwe ren ae, im rar lo ejelok. 28 Im Jeova e ar ba ñon Moses, Ietoñ ami abwin bokake nan in jiroñ im kien ko Aō? 29 Komin lale, bwe Jeova e ar lewoj ñon kom ran in Sabat, inem Ej lewoj ñon kom ilo ran eo ken ka jiljino, bred ekar ñon ruo ran; komin berwōt, jabrewōt iami, ilo jikin, ejelok armij en drioij jen jikin ilo ran eo ken ka jiljilimjuōn. 30 Ein drein armij ro rar kakijs ilo ran eo ken ka jiljilimjuōn.

31 Im ro nukin Israel rar naetan men eo Manna: im e ar einwōt ine koriander, e mouj; im nemen einwōt kek ko ioki kin hōnni. 32 Im Moses e ar ba, Eñin men eo Jeova e ar jiroñ, ²Komin kobrōk juōn omer jen e, im kejbārok e ñon ebeben ko ami, bwe ren maroñ in lo bred eo I ar najirik kom kake I ene jemaren, ke I ar āñintok kom jen enen Ijpt. 33 Im Moses e ar ba ñon Aron, Kwon bōk juōn jābi im likit mōtōn manna einwōt joñon juōn omer iloan, m likit e iman Jeova, im kejbārōki e ñon ebeben ko ami. 34 Einwōt Jeova e ar jiroñ Moses, ein drein Aron e ar likit e iman Men in Kennan eo, bwe en kejbārōk e. 35 Im ³ro nejin Israel rar mōña jen manna iomin eñoul yiō, mae ien eo

¹ Bwin. 11. 7-9. ² 2 Kor. 8. 15.

¹ Jap. 30. 8. ² Hlb. 9. 4. ³ Josh. 5. 12.

rar tōbar juōn ene ijo armij rej jok-we ie; rar mōña manna mae ien air tōbar tōreren enen Kenean. **36** Ak juōn omer juōn mōtōn joñoul in juōn epa.

17 Im aolepen jar an ro nejin Israel rar etal jen ene jemaren in Sin, ilo etetal ko air, ekar ñōn kien Jeova, im rar kajur imōn kabēr ko i Repidim, ak ejelok limen armij rōn. **2** Kin men in, armij ro rar ¹akwaile Moses, im ba, Kwon letok dren bwe kimin irak. Im Moses e ar ba ñōn ir, Etke komij akwaile iō? etke komij melejoñ Jeova? **3** Im armij ro rar maro ijo; im armij ro rar lotan Moses, im ba, ²Etke kwar āñintok kim jen Ijīpt, bwe kwon mōn kim im ro nejin, im kiru ko am kin maro? **4** Im Moses e ar lamij ñōn Jeova, im ba, I naj it ñōn armij rein? re ³nañin kare iō kin dreka wōt jirik. **5** Im Jeova e ar ba ñōn Moses, Kwon wōnmanlok jen armij rōn, im āñin ibōm jet ian ridto ro an Israel; im jokwōnōm, eo kwar dreñlokwe river eo, kwon bōke ilo peōm, im kwon ilok. **6** Lo, I naj jutōk imam ijo, ion dreka eo ilo Horeb; im kwo naj dreñlokwe dreka eo, im dren e naj walok jen e, bwe armij ro ren irak. Im ein drein an Moses kōmōn iman mejen ridto ro in Israel. **7** Im e ar naetan jikin eo Massa, im Meriba, kin an ro nejin Israel akwail, im kin air ⁴melejoñ Jeova im ba, Jeova ej ilo bwiljim ke jab ke?

8 Inem dri Amelek rar iten tōrinaek dri Israel i Repidim. **9** Im Moses e ar ba ñōn ⁵Joshua, Kwon kālet armij, im drioiylok im tōrinaek dri Amelek: ilju I naj jutōk i jeban tol eo, im jokwōnōn Anij ilo peiō. **10** Ein drein Joshua e ar kōmōn einwōt Moses e ar ba ñōn e, im tōrinaek ro dri Amelek: im Moses, im Aron, im Hur, rar wōnliñlok ñōn jeban tol eo. **11** Im ke Moses e ar kwotōke pein, e kajurlok Israel; im ke e ar dror pein, e kajurlok Amelek. **12** A e neknek pein Moses; im rar bōk

juōn dreka im likit e iomin, im e ar jijōt ion; im Aron im Hur rar jebōke pein, juōn i anbijmaroñōn, im juōn i anmiñin; im e bin pā ko pein mae ien e tulok al. **13** Im Joshua e ar bōk anjo jen Amelek im armij ro dron, kin mejen jāji. **14** Im Jeova e ar ba ñōn Moses, Kwon jeje men in ilo juōn buk, kin men in kememej, im kwalok e i lojiliñin Joshua: bwe ¹I naj kanuij jeorlok air kememej Amelek jen iomin lōñ ko. **15** Im Moses e ar kalek juōn lokatok, im naetan Jeova-nissai; **16** im e ar ba, Jeova e ar kanōjni: Jeova e naj tōrinaek Amelek jen ebeben ñōn ebeben.

18 Im ²Jetro, pris in Midian, jemen lio belen Moses, e ar roñ kin men ko otemjej Anij e ar kōmōne ñōn Moses, im ñōn Israel armij ro dron, ekijkan Jeova e ar āñintok Israel jen Ijīpt. **2** Im Jetro, jemen lio belen Moses, e ar bōk Zippora lio belen Moses, elikin an jilkinlok e, **3** im ladirik ro ruo nejin; etan juōn iairro Gershom; bwe e ar ba, I ar juōn dri itoitōk ilo ene an drua maijet: **4** im etan eo juōn Iliezar, bwe e ar ba, Anij an jema e kar aō dri jibōñ, im E ar kōtlok iō jen jāji an Pero. **5** Im Jetro, jemen ilo belen Moses, im ro nejin kab lio belen, rar itok ñōn iben Moses i ene jemaren, ijo e ar kajur imōn kabēr ko, ilo tol an Anij: **6** im e ar ba ñōn Moses, Ña Jetro, jemen lio beleōm, I ar itok ñōn ibōm, kab lio beleōm, im ladirik ro ruo nejin iben. **7** Im Moses e ar ilen ion jemen lio, im barikrik jen e, im mejenmaik e; im irro rar kajitōk iben dron kin airro jerammōn; im rar dreloñ ilo im nuknuk eo. **8** Im Moses e ar kennanek jemen lio belen men ko otemjej Jeova e ar kōmōni ñōn Pero im ro dri Ijīpt, kin Israel, im aolepen jorran eo e ar itok ioir ilo air etal, im ekijkan Jeova e ar lomor ir. **9** Im Jetro e ar lōñliñ kin aolepen joij Jeova e ar kōmōne ñōn Israel, ke E ar kōtlok ir jen pein ro dri Ijīpt. **10** Im Jetro e ar ba, E mōnōnō Jeova, Eo e ar kōtlok kom jen pein ro dri

¹ Jap. 14. 11. ² Jap. 16. 3. ³ Bwin. 14. 10. ⁴ Bwin. 14. 22. ⁵ Jap. 24. 13.

¹ Dut. 25. 19. ² Jap. 2. 18: 3. 1.

Ijpt, im jen pein Pero; Eo e ar kötlok armij ro jen iomin pein ro dri Ijpt. 11 Kiō I jela bwe Jeova e utiej jen anij ro otemjej; aet, ilo men eo rar jua kake im kōmōn nae ir. 12 Im Jetro, jemen ilo belen Moses, e ar bōk juōn katok kijeek, im men in katok ko nōn Anij: im Aron e ar itok, im ridto ro otemjej an Israel, bwe ren mōña iben jemen lio belen Moses, iman Anij.

13 Im ke ilju, Moses e ar pijōt bwe en ekajete armij rōn: im armij rōn rar jutōk iturin Moses jen jiboñ nōn jota. 14 Im ke jemen lio belen Moses e ar lo men otemjej e ar kōmōne nōn armij rōn, e ar ba, Ta men in kwoj kōmōne nōn armij ro? etke kwoj pijōt mōke iam im armij otemjej rej jutōk iturōm, jen jiboñ nōn jota? 15 Im Moses e ar ba nōn jemen lio, Kin ke armij rej itok nōn iba bwe ren ¹kajitōk iben Anij: 16 ke jabrewōt men in kajitōk ibeir, rej itok nōn iba; inem ij ekajet ikōtan juōn armij im dri turin, im ij kajelaik ir kien ko an Anij, im men in kaiñi ko An. 17 Im jemen lio belen Moses e ar ba nōn e, Men eo kwoj kōmōne e jab emōn. 18 Emol ²kwo naj belo, kwe im armij rein ibōm: bwe jerbal in e kanuij erro nōn kwe; kwo ban kōmōne mōke iam. 19 Kwon eoroñ ainikiō, I naj katakin yuk, im Anij en ibōm: kwe kwon ikōtan armij ro im Anij, im kwon bōktok men ko air nōn Anij: 20 ein drein kwo naj katakin ir nan in kaiñi im kien ko, im bakajen nōn ir ial eo ren etal ie, im jerbal ko emōn ren kōmōni. 21 Bareinwōt, kwon kålet jen armij otemjej, man ro re maroñ, ro re mijōk Anij, man ro remol, ro rej drike korlok mweiuk ilo jab wānik; im kwon likit ro rej einwōt ioir, iroi ro ion tausan ko, iroi ro ion buki ko, iroi ro ion limñoul ko, im iroi ro ion joñoul ko: 22 im rein ren ekajete armij ro ien otemjej: im ³men ko relap, ren bōktok nōn ibōm, a aolepen men ko redrik, ir ren mōke ekajete: ein drein e naj emōnlok nōn kwe, im re naj inene ibōm. 23 Elañe

kwoj kōmōn men in, im Anij ej jiroñ yuk einwōt, inem kwo naj maroñ in berwōt, im armij rein otemjej re naj bareinwōt ilok nōn jikir ilo ainemōn. 24 Ein drein Moses e ar eoroñ ainiken jemen lio, im e ar kōmōn men otemjej e ar ba. 25 Im Moses e ar kålet man ro re maroñ jen dri Israel otemjej, im e ar kairoi ro ion armij rōn, iroi in tausan ko, iroi in buki ko, iroi in limñoul ko, im iroi in joñoul ko. 26 Im rar ekajete armij ro ien otemjej: im men ko rebin, rar bōktok nōn Moses, a men ko otemjej redrik, ir rej mōke ekajeti. 27 Im Moses e ar kötlok jemen lio; im e ar ilok nōn eneo an.

19 Im ilo aliñ eo ken ka jilu, elikin an ro nejin Israel drioi ro jen Ijpt, ilo ran eo wōt, rar itok nōn ene jemaren in Sainai. 2 Im ke emwij air ilok jen Repidim, im rar itok nōn ene jemaren in Sainai, rar kajur imōn kabero ko air ilo ene jemaren eo; im ijo Israel e ar kamp iman tol eo. 3 Im Moses e ar wōñliñlok nōn iben Anij, im Jeova e ar kir nōn e jen tol eo, im ba, Ein drein am naj ba nōn ro nukin Jakob, im kennanek ro nejin Israel: 4 Kom ar lo ta eo I ar kōmōne nōn ro dri Ijpt, im ekijkan I ar baur kom ion pā ko pein igōl, im bōktok kom nōn Iō mōke. 5 Kin men in, kiō, elañe komij eoroñ ainikiō im kejbārok bujeu eo Aō, inem kom naj Aō mweiuk e aurōk, ¹jen ailiñ ko otemjej: bwe aolepen lōl, Aō: 6 im kom naj nōn Iō juōn ailiñ in pris ro, im ailiñ e kwojarjar. Nan kein nan ko kwo naj konono nōn ro nejin Israel.

7 Im Moses e ar item kirtok ridto ro an armij ro, im e ar kwalok nōn ir nan kein otemjej Jeova e ar jiroñ e kake. 8 Im armij otemjej rar jimor uak, im ba, Men otemjej Jeova e ar konono, kim naj kōmōni. Im Moses e ar kwalok nan ko an armij ro nōn Jeova. 9 Im Jeova e ar ba nōn Moses, Lo, Ij iwi nōn yuk ilo kōro e mijil, bwe armij ren roñjake ñe Ij konono ibōm, bwe ren barein-

¹ Bwin. 9. 8. ² Dut. 1. 12. ³ Dut. 1. 17, 18.

¹ Dut. 7. 6

wōt tōmak yuk nōn in drio. Im Moses e ar kennanek Jeova nan ko an armij rōn. 10 Im Jeova e ar ba nōn Moses, Kwon ilok nōn iben armij ro, im kokwojarjar ir ranin im ilju, bwe ren ¹kwolkwol nuknuk ko air, 11 im ren pojōk mae ran eo ken ka jilu; bwe ilo ran eo ken ka jilu, Jeova e naj wōnlōltok iman mejen armij otemjej ilo tol Sainai. 12 Im kwon likit kakōlen kōtan nōn armij ro, im ba, Lale kom ar wōnlōllok ilo tol eo, ak uñir tōreran: jabrewōt eo ej uñir tol eo, emol en mij: 13 ejelok pā en uñir e, bwe re naj kare kin dreka, ak libon e kin mōri; elañe kiru ak armij e jamin mour: ñe jilil ej kaitoklok ainiken, ren kebaktok tol eo. 14 Im Moses e ar wōnlōllok jen tol eo nōn iben armij rōn, im e ar kokwojarjar armij ro; im rar kwoli nuknuk ko air. 15 Im e ar ba nōn armij ro, Komin pojōk mae ran eo ken ka jilu; komin jab kebake kōra.

16 Im ²ilo ran eo ken ka jilu, ke ejiboñ, eor jorur im jarōm ko, im kōro e mijil ion tol eo, im ainiken jilil e kanuij lap; im armij otemjej ilo kamp eo rar wuririr. 17 Im Moses e ar āñintok armij ro jen kamp eo air bwe ren wōnmae Anij; im rar jutōk iturin unin tol eo. 18 Im aolepen tol Sainai e ar kanuij batat, bwe Jeova e ar wōnlōltok ion ³ilo kijeek; im batin e ar wōnlōllok einwōt bat in ubaj, im aolepen tol eo e ar kanuij bañijñij. 19 Im ke ainiken jilil e laplok wōt, Moses e ar konono, im Anij e ar uak e kin ainiken. 20 Im Jeova e ar wōnlōltok ion tol Sainai, nōn jeban tol eo: im Jeova e ar kirtok Moses nōn jeban tol eo; im Moses e ar wōnlōllok. 21 Im Jeova e ar ba nōn Moses, Kwon wōnlōllok, im jiroñ armij ro, ⁴ñe rab druaktok nōn Jeova bwe ren aluij, inem elōñ iañir re naj joko. 22 Im pris ro, bareinwōt, ro rej kebaktok Jeova, ren mōke kokwojarjar ir, ñe Jeova ab driblok nōn ir. 23 Im Moses e ar ba nōn Jeova, Armij re ban itok nōn tol Sainai: bwe Kwar jiroñ kim, im ba, Komin kōmōn

kakōlen kōtan ko iturin tol eo, im kokwojarjar e. 24 Im Jeova e ar ba nōn e, Kwon ilok, im wōnlōllok; im kominro Aron wōnlōltok: a pris ro im armij ro ren jab druaktok nōn Jeova, ñe E ab driblok nōn ir. 25 Ein drein Moses e ar wōnlōllok nōn iben armij ro, im kennanek ir.

20 Im Anij e ar konono nan kein otemjej, im ba,

2 Ña Jeova am Anij, eo e ar āñintok yuk jen enen Ijpt, jen mwew imōn kamakoko.

3 En ejelok bar anij rōn ibōm ijilokiō.

4 ¹Kwon jab kōmōnmōn im jekjek ekjōp nōn yuk, ak jabrewōt men in e wāwen men ko ilōñ, ak ilōl iomin, ak ilo dren iomin lōl: 5 ²kwon jab barikrik jen ir, ak jerbal nōn ir; bwe Ña Jeova am Anij, ³Anij e kamo, im ⁴Ij jibel nana an ro jemeir ion ro nejir nōn ebeben eo ken ka jilu im ebeben eo ken kemen ian ro rej kiji-rāte lō, 6 im kwalok joij nōn ⁵tausan ro ian ro rej yokwe lō, im bokake kien ko Aō.

7 ⁶Kwon jab ba bata etan Jeova am Anij; bwe Jeova e jamin likit e ejelok ruōn, eo ej ba bata etan.

8 Kwon kememej ⁷ran in Sabat, bwe kwon kokwojarjar e. 9 Iomin jiljino ran kwon jerbal, im ⁸kōmōn jerbal otemjej ko am; 10 a ran eo ken ka jiljilimjuōn, juōn Sabat nōn Jeova am Anij: ran eo kwon jab kōmōn jabrewōt jerbal, jab kwe, jab nejōm man, jab nejōm kōra, jab kori-jerōm man, jab kori-jerōm kōra, jab kiru ko am, jab am druā maijet ej ber iloan kejem ko am: 11 bwe ⁹ilo jiljino ran Jeova e ar kōmōn lōñ im lōl, im lojit, im men ko otemjej ilo air, im E ar kakije ilo ran eo ken ka jiljilimjuōn: kin men in Jeova e ar kowāpen ran in Sabat im kokwojarjar e.

12 ¹⁰Kwon kible ñōn jemōm im jionōm, bwe en ¹¹eto ran ko am ion eneo Jeova am Anij ej lewoj nōn yuk.

13 ¹²Kwon jab uror.

¹ Liv. 26. 1. ² Jap. 22. 24. ³ Jap. 34. 14. ⁴ Jap. 34. 6. ⁵ Dut. 7. 9. ⁶ Liv. 19. 12. ⁷ Jap. 23. 12. ⁸ Jap. 34. 21. ⁹ Jap. 31. 17. ¹⁰ Matu 15. 4. Eph. 6. 2. ¹¹ Dut. 32. 16. ¹² Jap. 31. 12.

14 ¹ Kwon jab lūñ.

15 ² Kwon jab kwot.

16 ³ Kwon jab kennan nan in riōp nae dri turum.

17 ⁴ Kwon jab ankwōnak imōn dri turum, kwon jab ankwōnak lio belen dri turum, jab korijeran man, jab korijeran kōra, jab an kau, jab an ass, jab men eo jabrewōt an dri turum.

18 Im armij otemjej rar lo jorur ko, im jarōm ko, im ainiken jilil, im tol eo e batat: im ke armij ro rar loi, re wuririr, im jutōk etolok. 19 Im rar ba ñōn Moses, Kweo kwon konono ibem, im kim naj roñjake; a Anij en jab konono ibem, ñe kim ab mij. 20 Im Moses e ar ba ñōn armij rōn, Komin jab mijōk: bwe Anij ej iten ⁵ melejoñ kom im bwe mijōk E en imami, bwe komin jab jerawiwi. 21 Im armij ro rar jutōk etolok, ak Moses e ar druaklok ebake marok eo e mijil, ijo Anij e ar ber ie.

22 Im Jeova e ar ba ñōn Moses, Ein drein am naj ba ñōn ro nejin Israhel, Komeo kom ar lo bwe I ar konono ibemi jen lōñ. 23 ⁶ Komin jab kōmōnmōn anij ro ijillockiō; anij silver, ak anij gold, komin jab kōmōnmōn ñōn kom. 24 Kwon kōmōnmōn ñōn Iō, juōn lokatok jen brij, im kwon katok ion kin katok kijeek im jurtak in ainemōn ko am, jip ko am, im kau ko am: ilo jikin otemjej Ij keme-mej eta, I naj iwiñ ñōn kwe, im I naj kamōnōñik yuk. 25 Ak elañe kwoj kōmōn ñōn Iō juōn lokatok dreka, kwo jamin kalek e kin dreka ko emwij jeki; bwe elañe kwo naj likit ion am ken jekjek, emwij am kananaik e. 26 Im kwon jab wōnliñlok kin ken uwe ñōn lokatok eo Aō, bwe am kelwan en jab walok ion.

21 Im ir kein kien ko kwo naj likiti imair.

2 Elañe kwoj wiaik juōn ⁷ korijerōm dri Hibru, e naj korijer iomin jiljilimjuōn yiō: ak ilo yiō eo ken ka jiljilimjuōn, e naj ilok im anemkwojan, ejelok wōnan. 3 Elañe ej dreloñlok

mōke ian, e naj drioiñlok mōke ian: elañe emwij an belele, lio e naj drioiñlok ibenlok. 4 Elañe karo eo an ej lelok ñōn e lio belen, im e naj neje ñōn e nejin man ak kōra; lio im ro nejin re naj an karo eo, im leo e naj drioiñlok mōke ian. 5 A elañe korijer eo ej ba alikar, Ij yokwe karo eo aō, im lio beliō, im ro nejiō; I jamin drioiñlok anemkwojaō: 6 inem karo eo an e naj āñinlok e ñōn Anij, im e naj āñinlok e ñōn aur ak ñōn jurōn aur eo; im karo eo an e naj ili lojiliñin kin juōn ken wie; im e naj korijer ñōn e in drio.

7 Im elañe juōn armij ej wiakake nejin kōra bwe en dri korijer, e jamin drioiñlok einwōt dri korijer man ro. 8 Elañe lio e jab kabuñburuen karo eo an, eo e ar karōk e ñōn iben, inem leo en likit bwe ren bar wiaik e: ejelok an maroñ wiakake lio ñōn ro druamajet, bwe emwij an mone. 9 Im elañe ej karōk e ñōn nejin eman, e naj kōmōn ñōn e einwōt mōntin ro nejin kōra. 10 Elañe leo ej bōk ñōn e bar juōn belen; inen e jamin kariklok kijen, ak nuknuk ko an, ak an kōmao iben. 11 Im elañe e jab kōmōn men kein jilu ñōn e, inem e naj drioiñlok im ejelok wōnan.

12 Eo ej ¹ mōn juōn armij inem e mij, emol en mij. 13 Im elañe armij eo e jab kejare, a Anij ej ketōk e na ilo pein; inem I naj ² bakajen ñōn yuk juōn jikin ijo e naj kone. 14 A elañe juōn armij ej kōmōn nana ñōn dri turin im mōn e ilo mon; kwo naj bōk e jen lokatok eo Aō, bwe en mij.

15 Im eo ej mōn jemen ak jinen, emol en mij.

16 Im eo ej kwote juōn armij im wiakake, ak elañe rej lo e ilo pein, emol en mij.

17 Im eo ej ³ kole jemen ak jinen, emol en mij.

18 Im elañe armij rej akwaile dron, im juōn ej kare eo juōn kin dreka, ak dreñlokwe e kin pein, im e jab mij, a ej berwōt ion jikin babu; 19 elañe e bar jerkak im etetal inabij kin jokwōnōn, inem e naj ejelok ruōr

¹ Liv. 20. 10; Matu 19. 18. ² Liv. 19. 11. ³ Jap. 23. 1. ⁴ Rom 7. 7. ⁵ Jap. 15. 25. ⁶ Dut. 29. 17. ⁷ Liv. 25. 39-43.

¹ Jen. 9. 6. ² Josh. 20. 1-9. ³ Matu 15. 4.

eo e ar dreñlokwe: ak e naj nawōnan eo juōn kin ien e joko, im e naj kōmōn bwe en ejmour wōt.

20 Im elañe juōn armij ej dreñlokwe korijeran man ak kōra, kin juōn alal, im e mij iomin pein; emol re naj kajeik e. 21 Ijoke, elañe ej berwōt iomin juōn ak ruo ran, re jamin kajeik e: bwe ej mōnni eo an.

22 Im elañe armij rej iri, im rej kokkure juōn kōra e bōroro, bwe en jibuñ, im ejelok bar jorran e walok; en kōla wōnan einwōt leo belen kōra eo ej bōke; im en kōla wōnan einwōt ro dri ekajet rej ba. 23 A elañe jabrewōt jorran ej walok, inem kwo naj nawōnan mour kin mour, 24¹ mej kin mej, ñi kin ñi, pā kin pā, ne kin ne, 25 urur kin urur, kinej kin kinej, dribitbit kin dribitbit.

26 Im elañe juōn armij ej dreñlokwe mejen korijeran man ak kōra, inem e joko; en na anemkwojan kin mejen. 27 Im elañe ej dreñlokwe ñiin korijeran man ak kōra; en na anemkwojan kin ñi eo.

28 Im elañe juōn ox ej dribōj armij, man ak kōra, bwe ren mij, ren kare kau eo kin dreka, im ren jab mōña kōniekin; a ejelok ruōn armij eo e kar an ox eo. 29 A elañe ox eo e kar minene in dribōj ilo ien e motlok, im rar kennanek armij eo an ox eo kin men in, im e jab drebij e, a e ar mōn juōn man ak kōra, ren kare ox eo kin dreka, im bareinwōt mōn armij eo e kar an ox eo, bwe en mij. 30 Elañe rej likit binmour ion leo, inem en lelok ken wiaik an mour jabrewōt eo rej likit e ion. 31 Elañe e ar dribōj juōn nejin man, ak elañe e ar dribōj juōn nejin kōra, re naj kōmōn ñōn e ekar ñōn ekajet in. 32 Elañe ox eo ej dribōj dri korijer man ak kōra, e naj lelok ñōn karo eo air² jilñoul shekel in silver, im re naj kare ox eo kin dreka.

33 Im elañe juōn armij ej kabellok juōn roñ, ak elañe juōn armij ej kōbij juōn roñ im jab kalibubu e, inem juōn ox ak ass ej buñ na illoan, 34 eo an roñ eo e naj kajime men in; e naj le-

lok mōnni ñōn armij an kiru eo, im kiru eo e mij e naj an.

35 Im elañe ox an juōn armij ej kokkure ox an bar juōn, inem e mij, re naj wiakake ox eo e mour, im ajej wōnan ñōn dron; im re naj ajej eo e mij bareinwōt. 36 Ak elañe e buñbwe ox eo e ar minene in dribōj ilo ien ko re motlok, im eo an ox eo e ar jab drebij e; emol e naj kōla ox kin ox, im kiru eo e mij e naj an.

22 Elañe juōn armij ej kwote juōn kau ak juōn jip, im mōne ak wiakake: e naj kōla lailim kau kin juōn kau, im¹ emen jip kin juōn jip.

2 Elañe rej lo juōn dri kwot ilo an rupe im dreloñ, im rej mōn e bwe en mij, e naj ejelok ruōn bōtōktōk kin e. 3 Elañe ej tak al ion, e naj or ruōn bōtōktōk kin e; emōn en kōmōn men in kōrra: im elañe ejelok iben, inem ren wiakake kin kwot eo. 4 Elañe rej lo men in kwot ilo pein im e mour wōt, elañe kau, ak ass, ak jip; e naj kōla wōnan ruo alen.

5 Elañe juōn armij ej kōmōn bwe ren mōña bwil in grep ak jikin kallip, im ej kōtlok kiru eo an, im ej mōña ilo jikin kallip an bar juōn armij; mōtōn ko remōntata jen jikin kallip eo an, im mōtōn ko remōntata jen bwil in grep eo an, e naj lelok men in kōrra.

6 Elañe kijeek ej urur im tile kālilik ko, inem tir in korn, ak korn re jañin bukwe, ak jikin kallip eo, e bwil im joko; eo e kar kejo kijeek eo, emol en kōmōn men in kōrra.

7 Elañe juōn armij ej lelok mōnni ak mweiuk ñōn dri turin bwe en kejbārok e, im rej kwote jen iloan imōn armij eo; elañe rej lo dri kwot eo, e naj kōla wōnan ruo alen. 8 Elañe re jab lo dri kwot eo, im iroi in mweo e naj druaktok ñōn Anij, bwe ren jela elañe e ar likit pein ion mweien dri turin ke jab ke. 9 Kin jabrewōt men in elikinjipjip, elañe kau, ak ass, ak jip, ak nuknuk ko, ak jabrewōt men eo e joko, im juōn ej ba kake, Eñin men eo, nan an armij rein ruo e naj

¹ Matu 5. 38. ² Matu 26. 15.

¹ Luk 19. 8.

walok iman Anij; eo Anij ej liakelok e, en kōla wōnan ruo alen nōn dri turin.

10 Elaņe juōn armij ej lelok nōn dri turin juōn ass, ak kau, ak jip, ak jabrewōt kiru, bwe en kejbārok e; inem e mij, ak jorran, ak rej ubakelok ir ke ejelok armij rej loi: 11 kanōjni an Jeova e naj ikōtairro, elaņe e ar likit pein ion mweien dri turin; im eo mweiuk ko an en eoroņ e, im e jamin kōmōn men in kōrra. 12 A elaņe emwij kwote jen armij eo, inem en kōmōn men in kōrra nōn eo an men ko. 13 Elaņe emwij kekele e, en bōktok e bwe en men in kennan; ejamin kōmōn men in kōrra kin men eo emwij kekel e.

14 Im elaņe juōn armij ej karoņ jabrewōt jen dri turin, inem e jorran ak mij, ke eo an e jab ber iben, emol en kōmōn men in kōrra kake. 15 Elaņe eo an ej ber iben, e jamin kōrra: elaņe men eo men in kejerbal, e ar itok kin wōnan jermal eo an.

16 Im elaņe juōn eman ej karel juōn jiroņ, eo e jaņin kalimur nōn juōn, in babu iben, emol e naj kōla kitri bwe en belen. 17 Im elaņe jemen e kanuij abwin lelok lio nōn e, en lelok mōnni ekar nōn kitri an jiroņ ro.

18 Kwo jamin likit juōn dri marmir kōra bwe en mour.

19 Jabrewōt armij ej ¹babu iben juōn kiru, emol en mij.

20 Eo ej ²katok nōn jabrewōt anij, eo e jab Jeova, ren kanuij mōn e bwe en mij. 21 Kwon jab kejjorran juōn drua maijet, im kwon jab kamakokoik e: bwe kom kin drua maijet ilo enen Ijpt. 22 Komin jab kejjorran jabrewōt kōra e joko belen, ak eo atajinemjen. 23 Elaņe kwoj kejjorran ir ilo jabrewōt wāwen, meņe jirik wōt air kir nōn Iō, emol I naj eoroņ air kir; 24 im Aō illu e naj bwil, im I naj mōn kom kin jāji; im limaro belemi re naj limaro e joko beleir, im ro nejimi re naj atajinemjen.

25 Elaņe kwoj lelok mōnni men in kamuri nōn jabrewōt ian ro droō ibōm eo e jeramel, kwo jamin einwōt juōn

dri kamuri nōn e; im kwo jamin bōk jimair jen e. 26 Elaņe kwoj bōk nuknuk ko an dri turum, men in kamol, kwon kejeblak e nōn e mokta jen an tulok al: 27 bwe men eo dreo kojen, ej ballin: e naj kiki ilo ta? im nē ej kir nōn Iō, I naj eoroņ e; bwe Na joi j wōt.

28 Kwon ¹jab kajirere kake Anij, ak ²kole iroi j an armij ro am. 29 Kwon jab rumij in letok jen leen jikin kallip ko am, im mōtōn dren ko jen am ken joniōk. Kwon ³letok manji ian ro nejōm nōn Iō. 30 Ein drein am naj kōmōn kin kau ko am, im kin jip ko am: e naj ber iben jinen iomin jiljilimjuōn ran; ilo ran eo ken ka dualitōk, kwon letok nōn Iō. 31 Im komin armij ro kwojarjar nōn Iō: kin men in, komin jab mōña jabrewōt kōniek kiru ko rawia rar kekele ilo melaj; komin lelok e nōn kiru roror ko.

23 Kwon jab konono nan wan: kwon jab likit peōm iben eo dri nana bwe kwon dri kennane jab wānik. 2 Kwon jab lor elōņ armij nōn kōmōn nana; im kwon jab konono ilo men in ekajet, inem jeōrluk iben elōņ armij in kankeke ekajet: 3 im kwon jab kaljiklok dri jeramel ilo men in ekajet eo an.

4 Elaņe kwoj ion kau ak ass an eo ej kijirāte yuk nē ej jebwābwe, emol kwo naj kejeblak e nōn iben. 5 Elaņe kwoj lo ass an eo ej kitōtōkake yuk, ej babu iomin inek eo an, im kwo jab kōnan jibōņ e, emol kwon jibōņ e.

6 Kwon jab kankeke ekajet eo an am dri jeramel ilo men in ekajet eo an. 7 Kwon katoane men ko rewan; im kwon jab mōn eo ejelok ruōn ak eo dru wānik: bwe I jamin kowānik ro dri nana. 8 Im kwon jab bōk jabrewōt men in wiaik buru: bwe men in wiaik buru ej kabilo ro rej lolokjen, im kankake nan ko an dru wānik. 9 Im juōn drua maijet kwon jab kamakokoik e: bwe kom jela toōn drua maijet, kin ami kar drua maijet ilo enen Ijpt.

10 Im iomin jiljino yiō kwo naj jeor ilo eneo am, im kwo naj aini an orlok: 11 a iomin yiō eo ken ka jiljilimjuōn, kwon likit e bwe en kakije, im jab tōblōle, bwe ro dri jeramel in armij ro am, ren mōña: im jabrewōt men ko rej likite, kiru e awia e naj mōña. Ein drein kwon kōmōn kin am bwil in grep, im kin am jikin wijki oliv. 12 Iomin jiljino ran kwon kōmōn am jerbāl, im ilo ran eo ken ka jiljilimjuōn, kwon kakije: bwe ox im ass eo am ren kakije, im leo nejin korijerōm kōra, im drua maijet eo ren kajurlok. 13 Im ilo men ko otemjej I ar konono kake nōn kom, komin lale mōk: im kwon jab konono kin etan anij ro jet, im ren jab roñjake jen loñōm.

14 Jilu alen ilo yiō kwon lale kwoj-kwoj nōn Iō. 15 Kwon lale kwojkwoj in bred e jab uwe: iomin jiljilimjuōn ran kwon mōña bred e jab uwe, einwōt I ar jiroñ yuk, ilo ien emwij likite, ilo aliñ Ebib, (bwe ilo ien eo kwar drioiptok jen Ijpt); im ejelok en walok imaō ñe ejelok jurtak iben: 16 im kwojkwoj in marmir, jomōkōj an jerbāl ko am, eo kwoj jeor ilo melaj: im kwojkwoj in ainitok, ilo jemlokōn yiō, ñe kwoj ainitok jerbāl ko am jen melaj. 17 Jilu alen ilo juōn yiō man otemjej am ren walok iman Iroi Jeova.

18 Kwon jab letok bōtōktōkin men in katok ko Aō iben bred e jab uwe: im kioeo in kwojkwoj eo Aō en jab ber iomin boñ nōn rantak. 19 Leen mokta ian jomōkōj in eneo am, kwon bōktok nōnimōn Jeova am Anij. Kwon jab kōmāt juōn kon in goat ilo dren in itin jinen.

20 Lo, Ij jilkinlok ¹juōn enjel imam, bwe en kajbārok yuk ilo ial eo, im bwe en āñinlok yuk na ilo jikin eo emwij Aō kapoje. 21 Kwon lale e, im eoroñ ainiken; kwon jab kitōtōkake e; bwe e jamin jeorlok am bwir: bwe eta ilo e. 22 A elañe kwoj eoroñ e wōt, im kōmōn men otemjej Ij konono kake; inem I naj kijirāte ro rej kijirāte yuk, im jumae ro rej jumae

yuk. 23 Bwe Aō enjel e naj ilok imamllok, im āñinlok yuk nōn iben dri Amor, im dri Het, im dri Periz, im dri Kenean, im dri Hiv, im dri Jibus: im I naj jebōke ir. 24 Kwon jab barikrik jen anij ro air, ak jerbāl nōn ir, ak kajeoñwe jerbāl ko air; a kwon jolōllok ir, im ruprupi ekjōp ko air. 25 Im komin jerbāl nōn Jeova am Anij, inem E naj kejerammōn men eo kijōm, im limōm; im I naj bōklok nañinmij jen bwiljimi. 26 Ejelok e naj dri jibuñ ak dri war ilo eneo am: oran ran ko am I naj kajejiti. 27 I naj jilkinlok Aō men in kimjōk imam, im I naj kejjorran armij otemjej kom naj ilok nōn ibeir, im I naj kōmōn bwe ro rej kijirāte yuk ren elkurkur. 28 Im I naj jilkinlok ¹loñ hornet ko imam, ko re naj ubakelok ro dri Hiv, ro dri Kenean, im ro dri Het, jen iman mejōm. 29 I jamin ubakelok ir ilo juōn wōt yiō, ñe ab eneo en erom ene jemaren, im kiru rawia ren orlok nae yuk. 30 Ilo ialairik I naj ubakelok ir jen imam, mae ien am orlok im jolit eneo. 31 Im I naj likit tōrereren eo am jen Lomalo Ekilmir nōn lomalo in dri Pilistia, im jen ene jemaren nōn River eo: bwe I naj lewoj nōn peōm ro rej ber i eneo; im kwo naj ubakelok ir jen imam. 32 Kwon jab kōmōn jabrewōt bujen ibeir, ak iben anij ro air. 33 Ren jab jokwe ilo eneo am, ñe rab kabwir yuk nae Iō; bwe elañe kwo naj korijer nōn anij ro air, emol e naj juōn jen nōn kwe.

24 Im E ar ba nōn Moses, Kwon wōnliñtok nōn iben Jeova, kwe im Aron, Nedab im Ebaihu, im jiljilimjuōnñoul ian ridto ro in Israel; im komin kabuñ etolok: 2 im Moses wōt e naj druaklok nōn iben Jeova; a re jamin druaktok; im armij ro re jamin wōnliñtok iben. 3 Im Moses e ar iten kennanek armij ro nan ko otemjej an Jeova, im kien ko otemjej: im armij otemjej rar uak kin juōn wōt ainikeir, im ba, ²Kim naj kōmōn nan ko otemjej Jeova e ar konono kake. 4 Im Moses e ar ³jeje nan ko

otemjej an Jeova, im ejiboñ wõt an jerkak, im e ar kalek juõn lokatok iturin tol eo, im kajur joñoul ruo dreka, ekar ñõn joñoul ruo bwijin Israel. 5 Im e ar jilkinlok ro likao ian ro nejin Israel, ro rar lelok jurtak ko rej tili, im katok ox ko kin jurtak in ainemõn ñõn Jeova. 6 Im Moses e ar bõk jibilkwon bõtõktõk eo im likite na ilo jãbi ko; im jibilkwon bõtõktõk eo e ar kabõtũktũk lokatok eo kake. 7 Im e ar bõk buk in bujen eo, im konono iloan ke armij ro rar roñjake; im rar ba, Men otemjej Jeova e ar konono kake, kim naj kãmõni, im naj kible. 8 Im Moses e ar bõk bõtõktõk eo, im e ar kabõtũktũk armij ro kake, im ba, Lo bõtõktõk in bujen, eo Jeova e ar kãmõnmõn ibemi kin nan kein otemjej.

9 Inem Moses e ar wõnliñlok, kab Aron, Nedab im Ebaihu, im jiljilim-juõnñoul ian ridto ro in Israel: 10 im rar lo Anij in Israel; im iomin neen, einwõt men in kãmõnmõn eran jen dreka saffair, im einwõt mejatoto wõt kin an alikar. 11 Im E ar jab likit pein ion ro rajimjim ian ro nejin Israel: im rar lo Anij Laplap, im rar mõña im irak.

12 Im Jeova e ar ba ñõn Moses, Kwon wõnliñtok ñõn iba, ion tol eo, im berwõt: im I naj lewoj tebel ko dreka, im kien im nan in kaiñi, ko emwij Aõ jeje, bwe kwon maroñ in katakin ir. 13 Im Moses e ar jutõk, im Joshua, an dri jibõñ: im Moses e ar wõnliñlok ion tol in Anij. 14 Im e ar ba ñõn ridto rõn, Komin kotar kim ijin, mae ien amro jeblaktok ñõn ibemi: im lo, Aron im Hur rej ibemi; jabrewõt eo eor men in ekajet iben, en druaklok ñõn ibeirro. 15 Im Moses e ar wõnliñlok ion tol eo, im kõro eo e ar kalibubu tol eo. 16 Im aibujuij an Jeova e ar ber ion tol Sainai, im kõro eo e ar kalibubu e iomin jiljino ran: im ran eo ken ka jiljilim-juõn E ar kir ñõn Moses jen iolapin kõro eo. 17 Im wāwen aibujuij an Jeova einwõt kijeek ej urur ion jeban tol eo, ilo mejen ro nejin Israel. 18 Im Moses e ar dreloñlok ilujen kõro

eo, im e ar wõnliñlok ion tol eo: im Moses e ar ber ion tol eo iomin eñoul ran im eñoul boñ.

25 Im Jeova e ar konono ñõn Moses, im ba. 2 Kwon konono ñõn ro nejin Israel bwe ren bõktok jurtak ñõn Iõ: jen jabrewõt armij, ñe bu-ruen e kõnan, komin bõktok jurtak eo Aõ. 3 Im eñin jurtak eo komin bõk jen ir: gold, im silver, im jinibõrõrõ, 4 im blu, im eoi, im kolan jip kilmir, im linen kworairik, im kolan goat, 5 im kilin jip koman ko, emwij uno bõrõrõ, im kilin raj ko, im ken wijki akesia ko, 6 oil ñõn maram eo, im spais ñõn oil in kabit, im ñõn kaijur-jur eñõj, 7 dreka ko onix, im dreka ko ñõn loñwe na jikin, ñõn epod eo, im ñõn dribil eo. 8 Im ren kãmõnmõn ñõn Iõ juõn im e kwojarjar, bwe In jokwe ibeir. 9 Ekar ñõn men otemjej Ij kwalok ñõn yuk, joñok in imõn kabere eo, im joñok in men ko otemjej iloan, ein drein komin kãmõmõni.

10 Im ren kãmõn ¹juõn dipdip jen wijki akesia: aitokõn ruo im jibilkwon kubit, im drilpen juõn im jibilkwon kubit, im utiejjen juõn im jibilkwon kubit. 11 Im kwon ²nakilin kin gold erre, iloan im ilikin kwon nakilin, im kwon kãmõnmõn juõn labuñlafi gold i belakin. 12 Im kwon kãmõn emen torebõk gold ñõn e, im likite ilo emen ne ko neen; im ruo torebõk ren ber i rãjet, im ruo torebõk i rãjet eo juõn. 13 Im kwon kãmõn ñine ko jen wijki akesia, im nakilir kin gold. 14 Im kwon likit alal ko iloan torebõk ko i kejan dipdip eo, ijen im ijen, ken inek dipdip eo. 15 Ine ko ren ber ilo torebõk ko in dipdip eo: ren jab bõki jene. 16 Im kwon ²likit iloan dipdip eo, nan in kalimur eo I naj lewoj. 17 Im kwon kãmõnmõn jikin tiriamokake jen gold erre: aitokõn ruo im jibilkwon kubit, im drilpen juõn im jibilkwon kubit. 18 Im kwon kãmõnmõn ruo kerub jen gold; jen gold emwij nowe kwon kãmõnmõni, ilo jabõn ko ruo ilo jikin tiriamo eo. 19 Im kwon

¹ jap. 37. 1-9. ² Hib. 9. 4.

kōmōnmōn juōn kerub i juōn jabōn, im juōn kerub i jabōn eo juōn: mōtōn wōt jikin tiriamo eo, kwon kōmōnmōn kerub ko, ilo jabōn ko ruo. 20 Im kerub ko ren erlokwe peir pein bao ilōñin, im kalibubu jikin tiriamo kin peir, im ren jelmae dron; turin mejen kerub ko ren jujeltok ñōn jikin tiriamo eo. 21 Im kwon likit jikin tiriamo ion mejen dipdip eo; im iloan dipdip eo kwon likit nan in kalimur eo Ij lewoj. 22 Im ijo I ¹naj ion yuk, im I naj kōmao ibōm ilōñin jikin tiriamo, ikōtan kerub ko ruo rej ber ion dipdip in nan in kalimur, kin men ko otemjej I naj lewoj ñōn kwe, nan in kaiñi kin ro nejin Israel.

23 Im kwon kōmōnmōn ²tebel jen wijki akesia: aitokōn ruo kubit, im drilpen juōn kubit, im utiejen juōn im jibilkwon kubit. 24 Im kwon nakilin kin gold erreo, im kwon kōmōnmōn ñōn e labuñlañ gold i belakin. 25 Im kwon kōmōnmōn ñōn e juōn bwā, drilpen einwōt drilpen pā, i belakin, im kwon kōmōnmōn labuñlañ gold ñōn tōrereren. 26 Im kōmōnmōn ñōn e emen torebōk gold, im kwon likit torebōk ko ilo bōul ko emen, rej ion ne ko emen. 27 Torebōk ko ren kanuij ebak tōrereren, jikin ine ko rej inek tebel eo kake. 28 Kwon kōmōnmōn ine ko jen wijki akesia, im kwon nakilir kin gold, bwe ren inek tebel eo kaki. 29 Im kwon kōmōnmōn jābi ko an, im jibun ko an, im kōp ko an, im bōkā ko an, rej lutōktok jeni: jen gold erreo kwon kōmōnmōni. 30 Im kwon likit bred in kalikar ion tebel eo imaō ien otemjej.

31 Im kwon kōmōnmōn ³jikin lamp jen gold erreo: ren kōmōne jen gold emwij nowe, aet loñtōn im jurōn; kōp ko an, bōkā ko an, im ebul ko an ren mōtōn wōt: 32 im en jiljino mweñōn rej ilok jen katin ko; jilu mweñōn jikin lamp jen juōn katin, im jilu mweñōn jikin lamp jen katin eo juōn: 33 en jilu kōp kōmōn ilo wāwen inōkin amond ilo juōn mweñōn, juōn bōkā im juōn inōk; im jilu kōp

kōmōni ilo wāwen inōkin amond ilo mweñōn eo juōn, juōn bōkā im juōn inōk: ein drein ñōn mweñōn ko jiljino rej ilok jen jikin lamp eo: 34 im ilo jikin lamp eo emen kōp emwij kōmōni ilo wāwen inōkin amond, bōkā ko an, im inōk ko an; 35 im ilo jikin juōn bōkā iomin ruo mweñōn, aolepeir mōtōn wōt juōn, im juōn bōkā iomin ruo mweñōn, aolepeir mōtōn wōt juōn, im juōn bōkā iomin ruo mweñōn, aolepeir mōtōn wōt juōn, ñōn mweñōn ko jiljino, rej ilok jen jikin lamp eo. 36 Bōkā ko air, im mweñōn ko air, aolepeir ren mōtōn wōt juōn; aolepeir juōn men in nowe jen gold erreo. 37 Im kwon kōmōnmōn lamp ko an, jiljilimjuōn: im ren tili lamp ko an in kamramlok iturin. 38 Im ken jojen melle ko an, im nien melkwararin ren jen gold erreo. 39 Jen juōn talent in gold erreo kwon kōmōnmōne, kab jābi kein otemjej. 40 Im kwon lale wōt im kōmōnmōni einwōt joñōk ko air, emwij kwaloke ñōn yuk ion tol eo.

26 ¹imōn kabēr eo jen joñoul baken; jen linen kworairik, im blu, im eoij, im kilmir, iben kerub ko, jerbāl an dri mejerik, kwon kōmōnmōni. 2 Aitokōn juōn baken roñoul drualitōk kubit, im drilpen juōn baken emen kubit: en juōn wōt joñon baken ko otemjej. 3 En koba lailim baken na i jirik; im baken ko lailim na i jirik. 4 Im kwon kōmōn top ko jen blu ilo tōrereren baken eo ilik ilo kōtan eo mokta; im ein drein kwon kōmōn ilo tōrereren baken eo iman ilo ketakin ken ka ruo. 5 Kwon kōmōnmōn limñoul top ilo juōn baken, im kwon kōmōn limñoul top i tōrereren baken eo iman i ketakin ken ka ruo; top ko ren kajek dron. 6 Im kwon kōmōnmōn limñoul robōkā gold, im kwon kobaik baken jabrewōt ñōn dron kin robōkā ko: im imōn kabēr eo e naj eyu.

7 Im kwon kōmōnmōn baken ko jen kolan goat, bwe en ken kalibubu ion imōn kabēr eo: kwon kōmōnmōn

joñoul juōn. 8 Aitokōn juōn baken jilñoul kubit, im drilpen juōn baken emen kubit: en joñon wōt juōn baken ko joñoul juōn. 9 Im kwon kobaik lailim baken na i jirik, im jiljino baken na i jirik, im kwon elkwoje baken eo ken ka jiljino iman imōn kabere eo. 10 Im kwon kōmōnmōn limñoul top ilo tōreren baken eo ej eliktata, im limñoul top ilo tōreren baken eo iman ilo ketakin ken ka ruo. 11 Im kwon kōmōnmōn limñoul robōkā jini-bōrōrō, im likit robōkā ko ilo top ko, im kobaik imōn kabere eo bwe en eyu. 12 Im mōtōn baken ko an imōn kabere, eo bwen, kaken eo jibilkwon, en toto ilikin imōn kabere eo. 13 Im kubit eo e aitoklok ijen im ijen, jen baken ko an im nuknuk eo, ren toto iturin imōn kabere eo, bwe ren binej e. 14 Im kwon kōmōnmōn ken kalibubu ñōn im nuknuk eo, jen kilin jip koman ko emwij uno kilmiri, im ken kalibubu jen kilin raj ilōñin.

15 Im kwon kōmōnmōn¹ rā ko an imōn kabere eo jen wijki akesia, im kajutōki. 16 Aitokōn juōn rā, joñoul kubit, im drilpen juōn rā, juōn im jibilkwon kubit. 17 En ruo tiōk ilo juōn rā, ken kobaiki: ein drein kwon kōmōn ñōn rā ko otemjej an imōn kabere eo. 18 Im kwon kōmōnmōn rā ko ñōn imōn kabere eo, roñoul rā ñōn turin irōk. 19 Im kwon kōmōnmōn eñoul batilemen silver iomin rā ko roñoul; ruo batilemen iomin juōn rā ñōn tiōk ko ruo an, im ruo batilemen iomin bar juōn rā ñōn tiōk ko an; 20 im ñōn turin ken ka ruo in imōn kabere eo, eañ, roñoul rā, 21 im batilemen silver ko air eñoul; ruo batilemen iomin juōn rā, im ruo batilemen iomin bar juōn rā. 22 Im ñōn turin imōn kabere eo i kabilūñ, kwon kōmōnmōn jiljino rā. 23 Im kwon kōmōnmōn ruo rā ñōn bōul ko ruo an imōn kabere eo i rilik. 24 Im ren alen ruo ilōl, im ein drein ñōn lōñ ñōn juōn apo: eneinwōt juōn; ir ren bōul ko ruo. 25 Im en drualitōk rā, im batilemen silver ko air, joñoul jiljino, ruo iomin juōn rā, im ruo iomin bar juōn rā.

26 Im kwon kōmōnmōn alal ko jen wijki akesia; lailim ñōn rā ko i rājet in imōn kabere eo, 27 im lailim alal ñōn rā ko i rājet ilo imōn kabere eo, im lailim alal ñōn rā ko an dremōn imōn kabere i kabilūñ. 28 Im alal eo iolap ilukwōn rā ko, en ilok jen jabōn ñōn jabōn. 29 Im kwon nakilin rā ko kin gold, im kōmōnmōn apo ko air, jikin alal ko, jen gold: im kwon nakilin alal ko kin gold. 30 Im kwon kajutōk imōn kabere eo, ekar ñōn wāwen emwij kwalok ñōn yuk ion tol eo.

31 Im kwon kōmōnmōn juōn¹ rōñel nuknuk, jen blu, im eoij, im kilmir, im linen kworairik: ren kaibujuij e kin kerub ko: kōmōnmōn an dri mejerik: 32 im kwon totoik e ilo emen jur akesia, emwij nakilir kin gold; kāj ko air gold, ilo emen batilemen silver. 33 Im kwon totoik rōñel nuknuk eo kin kāj ko, im kwon bōktok na ie, iloan rōñel nuknuk eo, dipdip in kalimur eo: im rōñel nuknuk eo en kijbil ñōn kom jikin e kwojarjar jen jikin e kwojarjar otem kwojarjar. 34 Im kwon likit jikin tiriamokake ion dipdip eo, iloan jikin kwojarjar otem kwojarjar. 35 Im kwon likit tebel eo iman rōñel nuknuk eo, im jikin lamp ikijen tebel eo iloan imōn kabere irōk: im kwon likit tebel tui-ūñ.

36 Im kwon kōmōnmōn juōn jeli-tōk nuknuk, aur in imōn kabere eo, jen blu, im eoij, im kilmir, im linen kworairik, men in kōmōn e tiltil. 37 Im kwon kōmōnmōn ñōn jeli-tōk eo, lailim jur jen wijki akesia, im nakilir kin gold; kāj ko air gold, im kwon kōmōnmōn lailim batilemen jinibōrōrō ñōni.

27 Im kwon kōmōnmōn² lokatok eo jen wijki akesia, aitokōn lailim kubit, im drilpen lailim kubit; en aitokōn im drilpen lokatok eo wōt juōn: im utiejen jilu kubit. 2 Im kwon kōmōn drun ko an na ion bōul ko emen: drun ko an ren mōtōn wōt lokatok eo: im kwon nakilin kin jini-bōrōrō. 3 Im kwon kōmōnmōn pot

¹ jap. 36. 20-34.² jap. 36. 35-38; Matu 27. 51. ² jap. 38. 1-7.

ko an, ken bōklok brij in ubaj, im shovel ko an, im jābi ko an, im kāj ko jabōnpi, ken katue kōniek, im jābi in melle ko an: kwon kōmōnmōn jābi otemjej an jen jinibōrōrō. 4 Im kwon kōmōnmōn nōn e juōn taul einwōt ok, jen jinibōrōrō; im ilo ok eo kwon kōmōnmōn emen torebōk jen jinibōrōrō, i bōul ko emen. 5 Im kwon likit e iomin bwā eo iloan lokatok eo, ilōl, bwe ok eo en tōbar lukwōn lokatok eo. 6 Im kwon kōmōnmōn alal ko nōn lokatok eo, jen wijki akesia, im nakilir kin jinibōrōrō. 7 Im ren likit alal ko an, ilo torebōk ko, im alal ko ren ber i kejan ijen im ijen, nē rej ineke. 8 Kwon kōmōne kin rā ko, im en or loan: einwōt emwij kwalok nōn yuk ilo tol eo, ein drein kwon kōmōne.

9 Im kwon kōmōn ¹loan worwor in imōn kabere eo: nōn turin irōk en or jelitōk nuknuk nōn worwor, jen linen kworairik, aitokōn jibuki kubit nōn juōn turin: 10 im jur ko an roñoul, im batilemen ko air roñoul, jen jinibōrōrō: kāj ko ilo jur ko, im kworōk ko, jen silver. 11 Im ein drein nōn turin eañ, en or jelitōk nuknuk, aitokōn jibuki kubit, jur ko an roñoul, im batilemen ko air roñoul, jen jinibōrōrō; kāj ko an jur ko, im kworōk ko air, jen silver. 12 Im nōn drilpen worwor eo i kabilūñ, en or jelitōk nuknuk, limñoul kubit; im jur ko an joñoul, im batilemen ko air joñoul. 13 Im drilpen loan worwor i rear en limñoul kubit. 14 Jelitōk nuknuk jen kejem nōn bōul eo eañ, joñoul lailim kubit; jur ko an jilu, im batilemen ko air jilu. 15 Im jen kejem nōn bōul eo irōk, jelitōk nuknuk en joñoul lailim kubit; jur ko an jilu, im batilemen ko air jilu. 16 Im nōn kejem in loan worwor en juōn jelitōk nuknuk, aitokōn roñoul kubit, jen blu, im eoij, im kilmir, im linen kworairik, kōmōn an dri tiltil; jur ko an emen, im batilemen ko air emen. 17 Jur ko otemjej in worwor eo, naj kworōk kin silver, im kāj ko air silver, im batilemen ko air jen jinibō-

rōrō. 18 Aitokōn worwor eo en jibuki kubit, im drilpen limñoul, ijoko otemjej, im utiejen lailim kubit, jen linen kworairik, im batilemen ko air jinibōrōrō. 19 Ken jerbal ko otemjej ilo imōn kabere eo, ilo jerbal otemjej an, im drumij otemjej an, im drumij ko otemjej an worwor eo, ren jen jinibōrōrō.

20 Im kwo naj jiroñ ro nejin Israel, bwe ren bōkwōj, oil oliv erre, emwij nowe, nōn maram eo, ken kourur juōn lamp ien otemjej. 21 Iloan imōn kwelok eo, elikin rōñel eo iman men in kalimur, Aron im lōmaro nejin ren kejbāroke jen jota nōn jiboñ iman Jeova: en juōn kien nōn in drio ilo ebeben ko air, nōn ro nejin Israel.

28 Im kwe, kwon ¹kadruakwōj nōn ibōm, Aron, jeōm, im lōmaro nejin iben, jen bwiljin ro nejin Israel, bwe en korijer nōn Iō ilo jerbal an pris, aet, Aron, Nedab im Ebaihu, Iliezar, im Itamar, ro nejin Aron. 2 Im kwon kōmōnmōn nuknuk ko re kwojarjar, nōn Aron, jeōm, nōn aibujuij im wōleo. 3 Im kwon konono iben ro otemjej e meletlet burueir, ro I ar kobrōk ir kin jitōb in meletlet, bwe ren kōmōnmōn nuknuk ko an Aron, men in kokwojarjar e, bwe en korijer nōn Iō ilo jerbal an pris. 4 Im nuknuk kein ren kōmōnmōni: juōn dribil, im epod, im libror, im kobe kōmōne kin tiltil, im liboñ bōran, im kōñōr: im ren kōmōnmōn nuknuk ko re kwojarjar nōn Aron, jeōm, im nōn ro nejin, bwe en korijer nōn Iō, ilo jerbal an pris. 5 Im ren bōk gold eo, im blu, im eoij, im kilmir, im linen kworairik.

6 Im ren kōmōnmōn ²epod eo jen gold, im blu, im eoij, im kilmir, im linen kworairik, jerbal an dri mejerik. 7 En iben ruo kōmōlmōl emwij keitake nōn jabōn ko ruo an, bwe en maroñ kabine. 8 Im kōñōr eo emōn ejin, ken kabine, en kōmōnin wōt juōn, im en mōtōn wōt; im en jen gold, im blu, im eoij, im kilmir, im linen kworairik. 9 Im kwon bōk ruo dreka onix, im bukwe ilo ir etan ro

nejin Israel : 10 jiljino ian etair ilo juōn dreka, im etan ro jiljino ilo dreka eo juōn, ekar ñōn air lotak. 11 Kin jerbal an dri bukwe dreka, einwōt men in nawāwen ilo ken sil, kwon bukwe dreka ko ruo, ekar ñōn etan ro nejin Israel : kwon likiti ilo ken drebij ko gold. 12 Im kwon likit dreka ko ruo ilo kōmōlmōl in epod eo, bwe ren dreka in kakememej ñōn ro nejin Israel : im Aron en bōklok etair iman Jeova ion aieran ñōn men in kakememej. 13 Im kwon kōmōnmōn ken drebij ko gold, 14 im ruo to ninir jen gold erreo; einwōt kwol kwon kōmōnmōni, kin men in tiltil: im kwon kiji to ninir ko ilo ken drebij ko.

15 Im kwon kōmōnmōn dribil in ekajet, jerbal an dri mejerik; einwōt men in kōmōn ilo epod eo kwon kōmōnmōne, jen gold, im blu, im eoij, im kilmir, im linen kworairik, kwon kōmōne. 16 Aitokōn in drilpen wōt juōn naj kōmōne, im ruo alen; aitokōn in drilpen en juōn jetōñ. 17 Im kwon likit dreka ko ilo jikir na ilo dribil eo, emen lajrōk: lajrōk eo mokta sardiōs, topaz, im karbunkle, en lajrōk ken ka juōn; 18 im lajrōk eo ken ka ruo, emerald, im saffair, im daimond; 19 im lajrōk eo ken ka jilu, jesint, im aget, im ametist; 20 im lajrōk eo ken kemen, beril, im onix, im jasper: naj likite ilo gold ilo batilemen ko. 21 Im dreko ko ren ekar ñōn etan ro nejin Israel, joñoul ruo, ekar ñōn etair; einwōt air bukwe ilo dreka in sil, jabrewōt iair im etan, ren ekar ñōn bwij ko joñoul ruo. 22 Im kwon kōmōnmōn ilo dribil eo to ninir ko, einwōt kwol, im re tiltil, jen gold erreo. 23 Im kwon kōmōnmōn ilo dribil eo ruo lukogold, ken totoike, im naj likit lukogold ko ruo ilo jabōn ko an dribil eo. 24 Im kwon likit to ninir ko gold re tiltil, ilo lukogold ko i jabōn ko an dribil eo. 25 Im jabōn ko ruo ilo to ninir gold ko re tiltil, kwon likite ilo ken drebij ko ruo, im likiti ilo kōmōlmōl in epod eo, iman. 26 Im kwon kōmōnmōn ruo lukogold, im likiti ilo jabōn ko

ruo jabōn dribil eo, ilo tōreran, eo ñōn turin epod tu illoan. 27 Im kwon kōmōnmōn bar ruo lukogold, im kwon likiti ilo kōmōlmōl ko ruo an epod iomin, ilo mōtōn iman, ebak ketakin ilōñin kōñōr e tiltil an epod eo. 28 Im kwon lukwoj dribil eo kin lukogold ko an, iben lukogold ko in epod eo, kin to blu, bwe en ber ion kōñōr e tiltil an epod; im bwe dribil eo en jab mejōl jen epod eo. 29 Im Aron en bōklok etan ro nejin Israel ilo dribil in ekajet eo, ion ubōn, ñe ej dreloñ ilo jikin e kwojarjar, bwe en men in kakememej iman Jeova ien otemjej. 30 Im kwon likit Urim im Tummim ilo dribil in ekajet eo, im ren ber ion ubōn Aron, ñe ej dreloñ iman Jeova: im Aron en bōklok ekajet an ro nejin Israel ion ubōn iman Jeova ien otemjej.

31 Im kwon kōmōnmōn ¹liboror in epod eo, blu wōt. 32 Im en juōn roñin bōran iolapin: im ren mejuk tōreran roñ eo kin men in ej, einwōt roñ ilo kobe in tōrinae, bwe en jab beotōk. 33 Im kwon kōmōnmōn ilōl ilo tōreran, pomgranet ko blu, im eoij, im kilmir, in kabol tōreran; im bel ko gold ikōtair i belakin: 34 juōn bel gold im juōn pomgranet, juōn bel gold im juōn pomgranet ilo tōreran liboror eo i belakin. 35 Im e naj ber ion Aron bwe en korijer: re naj roñjake ñe ej dreloñ ilo jikin kwojarjar, iman Jeova, im ñe ej drioiytok, bwe en jab mij.

36 Im kwon kōmōnmōn ²juōn plet jen gold erreo, im bukwe ion, einwōt men in jeje ilo ken sil, E KWOJARJAR ÑŌN JEOVA. 37 Im kwon likite ilo juōn to blu, im e naj ber ion libo eo; en ber iman libo eo. 38 Im en ber i dremōn Aron, bwe Aron en inek bwir an men ko re kwojarjar, ko ro nejin Israel rej kokwojarjari, ilo jurtak ko air re kwojarjar; im en ber ion dremōn ien otemjej, bwe ren men in mōnōnō iman Jeova. 39 Im kwon kōmōnmōn kobe eo jen linen kworairik, im kalitlit e, im kwon kōmōnmōn libo eo kin linen kworairik,

im kwon kōmōnmōn juōn kōñōr, men in kōmōn an juōn dri tilit.

40 Im ñōn lōmaro nejin Aron kwon kōmōnmōn kobe ko, im kwon kōmōnmōn ñōn ir kōñōr ko, im rojenbōr ko kwon kōmōnmōn ñōn ir, ñōn aibujuij im wōleo. 41 Im kwon likiti ion Aron, jeōm, im ion ro nejin iben, im kwon kabit ir, im kejenolok ir, im kokwojarjar ir, bwe ren korijer ñōn Ña ilo jermal an pris. 42 Im kwon kōmōnmōn ñōn ir traujej ko linen, ken kalibubu ir; aitokir jen ibir ñōn unin neir: 43 im ren ber ion Aron im ion ro nejin, ñe rej dreloñ iloan imōn kwelok eo, ak ñe rej kebake lokatok eo bwe ren korijer ilo jikin e kwojarjar; bwe ren jab inek bwir, im mij: en juōn kien ñōn e im ñōn inen elikin, ñōn in drio.

29 Im kwon kōmōn men in ñōn ir in kokwojarjar ir, bwe ren korijer ñōn Iō ilo jermal an pris: kwon bōk juōn kau koman emōn ridtōn, im ruo jip koman re wāppen, 2 im bred e jab uwe, im kek ko re jab uwe, im emwij iōki kin oil, im kek ko re meni kabiti kin oil: jen flau in wit e kanuij kwerik kwon kōmōnmōni. 3 Im kwon likiti ilo juōn iep, im bōktoki iloan iep eo, iben kau koman eo, im jip koman ko ruo. 4 Im kwon āñintok Aron im lōmaro nejin ñōn kejem in imōn kwelok eo, im kwon katutu ir kin dren. 5 Im kwon bōk nuknuk ko, im naballin Aron kin kobe eo, im liboror in epod, kab epod eo, im dribil eo, im kwon kañōrñōr e kin kōñōr in epod e tilit; 6 im kwon likit libo eo ion bōran, im likit bokrōnat e kwojarjar ion libo eo. 7 Inem kwon bōk oil in kabit eo, im lutōke ion bōran. 8 Im kwon āñiñintok lōmaro nejin, im naballir kin kobe ko. 9 Im kwon kañōrñōr ir kin kōñōr ko, aet Aron im ro nejin, im kwon kajok libo ko ioir: im jermal in pris e naj air kin kien ñōn in drio: im kwo naj kokwojarjar Aron im ro nejin.

10 Im kwon āñintok kau koman eo ñōn iman imōn kwelok eo: inem Aron im lōmaro nejin ren likit peir ion bōran kau koman eo. 11 Im kwon mōn

kau koman eo iman Jeova, iturin kejem in imōn kwelok eo. 12 Im kwon bōk jen bōtōktōkin kau koman eo, im likite ion drun ko in lokatok kin arrin peōm; im kwon lutōklok aolepen bōtōktōk iturin lokatok eo. 13 Im kwon bōk aolepen kioeo ej kalibubu mōjñōl ko, im jā eo ion aj, im dreka in jibke ko ruo, im kioeo ej ber ioir, im tili ion lokatok eo. 14 A kōniekin kau koman eo, im kilin, im toeōkin, kwon tili kin kijeek ilikin kamp eo: ej men in lelok kin jerawiwi.

15 Bareinwōt, kwon bōk juōn ian jip koman ko; im Aron im lōmaro nejin ren likit peir ion bōran jip koman eo. 16 Im kwon mōn jip koman eo, im kwon bōk bōtōktōkin im kabōtūktūk ion lokatok eo im iturin. 17 Im kwon kajibloklok jip koman eo, im kwoli mōjñōl ko, im ne ko, im likiti iben mōtōn ko im iben bōran. 18 Im kwon tile aolepen jip koman eo ion lokatok eo: ej men in katok kin kijeek ñōn Jeova: ej bwin enno, men in lelok ñōn Jeova kin kijeek.

19 Im kwon bōk jip koman eo juōn; im Aron im lōmaro nejin ren likit peir ion bōran jip koman eo. 20 Inem kwon mōn jip koman eo, im bōk jen bōtōktōkin, im likite ion jabōn lojiliñin anbijmaroñōn Aron, im ion jabōn lojiliñin anbijmaroñōn lōmaro nejin, im ion arrilipen anbijmaroñōn peir, im ion arrilipen anbijmaroñōn neir, im kabōtūktūk kin bōtōktōkin ion lokatok eo im iturin. 21 Im kwon bōk jen bōtōktōk eo ion lokatok eo, im jen oil in kabit eo, im kabōtūktūk Aron, im nuknuk ko an, im ro nejin, im nuknuk ko an ro nejin iben: im e naj kwojarjar, kab nuknuk ko an, im ro nejin, kab nuknuk ko an ro nejin iben. 22 Im kwon bōk jen jip koman eo kioeo eo, im lokōn e mātōk, im kioeo ej kalibubu mōjñōl ko, im jā eo ion aj, im dreka in jibke ko ruo, kab kioeo eo ej ber ioir, im unjen ne anbijmaroñōn, (bwe ej jip koman kin lelok), 23 im juōn ion bred, im juōn kek in bred iōk kin oil, im juōn kek e meni, jer iep in bred e jab uwe,

eo ej ber iman Jeova: 24 im kwon likit aolepeir ion pein Aron, im ion pein ro nejin, im ren kabelbel ir kin juōn jurtak in belbel iman Jeova. 25 Im kwon bōki jen peir, im tili ion lokatok eo, ion men in jurtak rej tili, bwe en bwin enno iman Jeova: ej men in jurtak kōmōn kin kijeek nōn Jeova.

26 Im kwon bōk ¹ubōn jip koman eo an Aron, im kwon kabelbele nōn jurtak in belbel, iman Jeova: im e naj am kij. 27 Im kwon kokwojarjar ubōn jurtak in belbel, im unjen ne an men in lelok rej jebōke, eo rej kabelbele im jebōke jen jip koman kin lelok, aet, jen men eo nōn Aron, im jen men eo nōn ro nejin: 28 im en an Aron im ro nejin, kin juōn kien nōn in drio, jen ro nejin Israel; bwe ej men in lelok rej jebōke: im e naj men in lelok re jebōke jen ro nejin Israel ian men in katok ko, jen air jurtak in ainemōn, aet, men in lelok ko air rej jebōke nōn Jeova.

29 Im nuknuk ko re kwojarjar an Aron, re naj nōn lōmaro nejin elikin, bwe ren kabit ir na ilo ir, im kokwojarjar ir ilo ir. 30 Nejin, eo ej pris im binej jenkwōn, en kōnōke iomin jiljilimjuōn ran, ñe ej dreloñ ilon imōn kwelok eo, bwe en korijer ilo jikin e kwojarjar.

31 Im kwon bōk jip koman eo kin lelok, im kōmāt kōniekin ilo dren ilo juōn jikin e kwojarjar. 32 Im Aron kab ro nejin ren mōña kōniekin jip koman eo, im bred eo ej ber ilo iep eo, iturin kejem in imōn kwelok eo. 33 Im ren mōña men kein rar kilajrōk kake, bwe ren aji im kokwojarjari: a juōn obwilbata en jab mōña jen men ko, bwe re kwojarjar. 34 Im elañe jabrewōt mōtōn kōniekin men eo kin lelok, ak bred, ej berwōt nōn jiboñ, inem kwon tili bwen air mōña, kin kijeek: ren jab mōña men eo, bwe e kwojarjar.

35 Im ein drein kwon kōmōn nōn Aron im lōmaro nejin ekar nōn men otemjej I ar jiroñ yuk: jiljilimjuōn ran kwo naj ajilok ir. 36 Im ran otem-

jej, kwon katok kin kau koman eo, men in katok kin jerawiwi nōn kilajrōk: im kwon karreoik lokatok eo, ñe kwoj kōmōn kilajrōk nōn e; im kwon kabite im kokwojarjare. 37 Jiljilimjuōn ran kwon kōmōn kilajrōk nōn lokatok eo, im kokwojarjare: im lokatok eo e naj kwojarjar wōt; jabrewōt eo ej uñir lokatok eo, e naj kwojarjar.

38 Ak eñin men eo kwon katok ion lokatok eo: ruo lam ridtōn juōn yiō, ran im ran, ien otemjej. 39 Kwon katok kin juōn lam ñe ejiboñ, im lam eo juōn kwon katok ñe ejota: 40 im iben juōn lam, juōn mōtōn joñoul in epa in flauo kwerik, emwij käreike kin juōn mōtōn emen hin in wain, nōn men in jurtak irak. 41 Im lam eo juōn kwon katok kake ñe ejota, im naj kōmōnmōn nōn e ekar nōn men in jurtak flauo ke ejiboñ, im ekar nōn am kōmōn men in jurtak irak, nōn bwin enno, men in katok kōmōne kin kijeek nōn Jeova. 42 Eñin en juōn katok kijeek ilo ebeben ko ami, iturin kejem in imōn kwelok eo, iman Jeova, ijo I naj wōnmae yuk im konono ibōm. 43 Im ijo I naj ion ro nejin Israel; im imōn kwelok eo e naj kwojarjar kin Aō aibujuij. 44 Im I naj kokwojarjar imōn kwelok eo, im lokatok eo: im bareinwōt I naj kokwojarjar Aron im lōmaro nejin, bwe ren korijer nōn Iō ilo jermal an pris. 45 Im I naj ¹jokwe i bwiljin ro nejin Israel, im I naj air Anij. 46 Im re naj jela bwe Ña Jeova, air Anij, eo E ar kadrioiytok ir jen enen Ijipt, bwe In jokwe i bwiljir: Ña Jeova air Anij.

30 Im kwon kōmōnmōn ²juōn lokatok nōn tile kajjurjur ion: kwon kōmōne jen wijki akesia. 2 Aitokōn en juōn kubit, im drilpen juōn kubit; en aitokōn im drilpen wōt juōn; im utiejen en ruo kubit: drun ko an ren mōtōn wōt. 3 Im kwon nakilin kin gold erreo, ion, im turin ko an, im drun ko an; im kwon kōmōn nōn e labuñlañ gold. 4 Im kwon kōmōn ruo torebōk gold nōn e, iomin

labuñlañ eo an; i kejan ijen im ijen, kwon kōmōne; im re naj jikin alal ko rej inek e kake. 5 Im kwon kōmōn alal ko jen wijki akesia, im nakilir kin gold. 6 Im kwon likit e iman rōñel nuknuk eo, ej iturin dipdip in kalimur, iman jikin tiriamo, eo ej ion dipdip in kalimur, ijo I naj ion yuk. 7 Im Aron en tile kaijurjur an spais ko reñōj ion: en tile jiboñōn otemjej, ñe ej kapoji lamp ko. 8 Im ñe Aron ej tili lamp ko ñe ejota, en tile kaijurjur eo, ien otemjej, iman Jeova, ilo ebeben ko ami. 9 Komin jab katok kin kaijurjur e jabre ion, jab kin men in katok kijeek, jab kin men in katok flauo; im komin jab lutōklok ion jabrewōt jurtak irak. 10 Im Aron en kōmōn kilajrōk ion drun ko an, juōn alen ilo juōn yiō; kin bōtōk-tōkin men in katok kin jerawiwi ko an kilajrōk, juōn alen ilo juōn yiō en kōmōn kilajrōk ion, ilo ebeben ko ami: e kwojarjar otem kwojarjar ñōn Jeova.

11 Im Jeova e ar konono ñōn Moses, im ba, 12 Ñe kwoj bukot oran ro nejn Israel, ekar ñōn orair, ien eo, jabrewōt eman e naj lelok men in wiaik an ñōn Jeova, ñe kwoj bwini ir; bwe en ejelok nañinmij elap ibeir, ñe kwoj bwini ir. 13 Men in ren lelok, jabrewōt eo ej elā ñōn iben ro emwij bwini ir: jibilkwon shekel, ekar ñōn shekel in jikin kwojarjar, (juōn shekel einwōt roñoul gira), jibilkwon shekel men in lelok ñōn Jeova. 14 Jabrewōt eo ej elālok ñōn iben ro emwij bwini ir, jen ridtōn roñoul yiō im jima, en lelok jurtak eo ñōn Jeova. 15 Dri mweie en jab kalaplok, im dri jeramel en jab kariklok jen jibilkwon shekel, ñe rej lelok jurtak eo ñōn Jeova, bwe ren kōmōn kilajrōk kin ami. 16 Im kwon bōk mōnni in kilajrōk eo jen ro nejn Israel, im kwo naj likite ñōn jermal in imōn kwelok eo; bwe en men in kakememej ñōn ro nejn Israel, iman Jeova, bwe en kōmōn kilajrōk kin ami.

17 Im Jeova e ar konono ñōn Moses, im ba, 18 Kwon kōmōnmōn jābi

jinibōrōrō elap, 19 jābi in amin, im neen bareinwōt jen jinibōrōrō, ken amin. Im kwon likit e ikōtan imōn kwelok im lokatok eo, im kwon likit dren iloan. 19 Im Aron, kab lōmaro nejn, ren amin peir im kwol neir ijo: 20 ñe rej dreloñ ñōn ioan imōn kwelok eo, ren kwol ir kin dren, bwe ren jab mij; ak ñe rej druaklok ñōn lokatok eo bwe ren korijer, im tile katok kijeek ñōn Jeova. 21 Ein drein ren amin peir im kwol neir, bwe ren jab mij: im e naj juōn kien in drio ñōn ir, aet ñōn e im inen ilo ebeben ko air.

22 Bareinwōt Jeova e ar konono ñōn Moses, im ba, 23 Kwon bareinwōt bōk ñōn ibōm, spais ko remōntata: jen mōr erreō, limabuki shekel, imjen sinnemōn jibilkwon, aet rubuki limñoul, im jen kalemōs e melu rubuki limñoul shekel, 24 im jen kassia limabuki, ekar ñōn shekel an imōn kwojarjar, im jen oil oliv juōn hin; 25 im kwon kōmōnmōn juōn oil in kabit e kwojarjar, men in ñōj emwij käreki ekar ñōn jermal an dri kōmōn men ko re ñōj: e naj oil in kabit e kwojarjar. 26 Im kwon kabit kake imōn kwelok eo, im dipdip in kalimur, 27 im tebel eo, kab jābi ko an otemjej, im jikin lamp, kab jābi ko an, im lokatok in kaijurjur, 28 im lokatok in katok kijeek, kab jābi ko an otemjej, im jābi jinibōrōrō im elap, kab neen. 29 Im kwon kokwojarjari, bwe ren kwojarjar otem kwojarjar: jabrewōt eo ej uñiri, e naj kwojarjar. 30 Im kwon kabit Aron im lōmaro nejn, im kokwojarjar ir, bwe ren jermal ñōn Iō ilo jermal in pris. 31 Im kwon konono ñōn ro nejn Israel, im ba, Eñin en oil in kabit e kwojarjar, ñōn Iō ilo ebeben ko ami. 32 Ren jab lutōke ion kōniekin armij, im komin jab kōmōn jet bwe ren einwōt, ekar ñōn men ko kären: e kwojarjar, im en kwojarjar ñōn kom. 33 Jabrewōt eo ej käreik juōn einwōt, ak jabrewōt eo ej likit jirik ion juōn obwilbata, naj bukwelok armij eo jen dri ailiñ ro an.

34 Im Jeova e ar ba ñōn Moses,

Kwon bōk nōn yuk spais ko reñōj, stakte, im onika, im galbanum; spais ko reñōj iben frankinsens erreo: ren erroñ wōt juōn; 35 im kwon kaijurjur kake, juōn men eñōj, ekar nōn jerbal an dri kōmōn men ko reñōj, emwij kejatōk e kin salt, erreo im kwojarjar: 36 im kwon kanuij nowe jimōtōn, im likite iman dipdip im kalimur, iloan imōn kwelok eo, ijo I naj ion yuk: en kwojarjar otem kwojarjar nōn kom. 37 Im kaijurjur eo kwoj kōmōne, komin jab kōmōn nōn kom einwōt men ko: en kwojarjar ibōm nōn Jeova. 38 Jabrewōt eo ej kōmōn einwōt, bwe en ātbwin, naj bukwelok e jen dri ailiñ ro an.

31 Im Jeova e ar ¹ konono nōn Moses, im ba, 2 Kwon lale, I ar kir kin etan, Bizalel nejin Urai, nejin Hur, jen bwijin Juda: 3 im I ar kobrōk e kin Jitōb ōn Anij, ilo meletlet, im ilo jelalokjen, im ilo jerbal otemjej, 4 bwe en kine jerbal ko an dri kabel, im kōmōn jen gold, im jen silver, im jen jinibōrōrō, 5 im ilo bukke dreka ko nōn loñwe na jikin, im ilo jekjek wijki, bwe en jerbal ilo jabrewōt jerbal. 6 Im Ña, lo, I ar kejenolok Oholiab, nejin Ahisama, na iben, jen bwijin Dan; im ilo buruen ro otemjej e meletlet burueir, I ar likit meletlet, bwe ren kōmōni men otemjej I ar jiroñ yuk kake: 7 imōn kwelok eo, im dipdip in kalimur, im jikin tiriamokake ej ber ion, im jābi ko otemjej an imōn kwelok eo, 8 im tebel kab jābi ko an, im jikin lamp erreo im jābi otemjej an, im lokatok in kaijurjur, 9 im lotak in katok ki-jeek kab jābi ko an otemjej, im jābi in amin kab neen, 10 im nuknuk ko emōn ejir, im nuknuk ko re kwojarjar nōn Aron, pris, im nuknuk ko an lōmaro nejin, bwe ren korijer ilo jerbal in pris, 11 im oil in kabit, im kaijurjur jen spais ko reñōj, nōn jikin kwojarjar: ekar nōn men otemjej I ar jiroñ yuk, ein drein ren kōmōni.

12 Im Jeova e ar konono nōn Moses, im ba, 13 Kwon bareinwōt konono nōn ro nejin Israel, im ba, Emol

komin lali Sabat ko Aō: bwe eñin kakōle ikōtar, ilo ebeben ko ami; bwe komin jela bwe Ña Jeova, Eo ej kokwojarjar kom. 14 Inem komin lale Sabat; bwe e kwojarjar nōn kom: jabrewōt eo ej kokkure, emol en mij; bwe jabrewōt eo ej kōmōn jabrewōt jerbal iomin ran eo, ren bukwelok armij eo jen dri ailiñ ro an. 15 Iomin jiljino ran ren jerbal; a ilo ran eo ken ka jiljilimjuōn Sabat in kakiye, e kwojarjar nōn Jeova; jabrewōt eo ej kōmōn jabrewōt jerbal ilo ran in Sabat, emol en mij. 16 Kin men in ro nejin Israel ren lale Sabat, im kejbārok Sabat eo ilo ebeben ko air, kin bujen nōn in drio. 17 Eñin kakōle ikōtaō im ro nejin Israel, nōn in drio: bwe iomin jiljino ran Jeova e ar kōmōn lōñ ko im lōl, im ilo ran eo ken ka jiljilimjuōn E ar kakiye, im kajurlok.

18 Im ke emwij An konono iben Moses ilo tol Sainai, E ar lelok nōn e ¹ruo tebel in kalimur, tebel dreka, emwij jeje kin arrin pein Anij.

32 Im ke armij rar lo bwe e ²rumij an Moses wōnlōltok jen tol eo, armij ro rar kweloklok nōn iben Aron, im ba nōn e, Kwon jutōk im ³kōmōnmōn anij rōn nōn kij, ro re najilok imar; bwe kin Moses in, armij eo e ar āñintok kij jen Ijipt, je jaje eojakōt. 2 Im Aron e ar ba nōn ir, Komin wutik drere gold, ko rej i lojiliñin limaro belemi, ro nejemi man, im ro nejemi kōra, im bōktok nōn iba. 3 Im armij otemjej rar wutik drere gold ko rar ber i lojiliñir, im bōktok nōn iben Aron. 4 Im e ar bōki jen peir, im kōmōnmōni kin ken kōmōn, im e ar kōmōn ⁴kon in kau e unlok: im rar ba, Rein anij ro am, O Israel, ro rar āñintok yuk jen enen Ijipt. 5 Im ke Aron e ar lo men in, e ar kōmōn lokatok iman; im Aron e ar kwalok, im ba, Ilju e naj kwoj-kwoj nōn Jeova. 6 Im ejiboñ wōt air jerkak ilju, im katok men in katok kijeek, im bōktok jurtak in ainemōn ko; im armij ro rar ⁵jijōt im mōña im irak, im jutōk in kuri.

7 Im Jeova e ar ba ñōn Moses, Kwon wōnlōllok; bwe ro dri ailiñ am, ro kwar āñintok ir jen enen Ijpt, rar katton ir: 8 rar jeōrlōk mōkōj jen ial eo I ar jiroñ ir kake: rar kōmōnmōn kon in kau gold, im rar kabuñ ñōn e, im rar katok ñōn e, im rar ba, Rein anij ro am, O Israel, ro rar āñintok yuk jen enen Ijpt. 9 Im Jeova e ar ba ñōn Moses, I ar lo ro dri ailiñ in, im lo, rej armij e kijñiñi kenwair: 10 inem, kiō, kwon jab iltok, bwe Aō illu en bwil nae ir, im bwe In kokkure ir: im I naj kōmōn jen kwe juñ bwij elap. 11 Im ¹Moses e ar akwelap ñōn Jeova, an Anij, im ba, O Jeova, etke Am illu ej bwil nae ro dri ailiñ Am, ro Kwar āñintok ir jen enen Ijpt, kin maroñ elap, im kin peōm ekajur? 12 Etke ro dri Ijpt ren konono, im ba, E ar kadrioiłok ir kin nana, bwe En mōn ir ilo tol ko, im bwe En kokkure ir jen mejen lōl? Kwon oktōk jen Am illu e bwil, im ukwelok kin nana in nae dri ailiñ ro Am. 13 Kwon kememej Ebrean, Aisak, im Israel, ro dri korijerōm, im Kwar kanōjniñ ñōn ir kin Kwe mōke, im ba ñōn ir, I naj korlok ineōmi einwōt iju ko ilōñ, im aolepen eneo I ar konono kake, I naj lelok ñōn ineōmi, im re naj bōk e air jolit ñōn in drio. 14 Im Jeova e ar ukwelok kin nana eo E ar ba E naj kōmōne ñōn ro An dri ailiñ.

15 Im Moses e ar ²oktōk im wōnlōllok jen tol eo, imebel in kennan ko ilo pein; emwij jeje i keja ijen im ijen. 16 Imebel ko jerbal in Anij, im jeje eo iltan Anij, bukwe ilo tebel ko. 17 Im ke Joshua e ar roñjake ainiken armij ro ke rej lamij, e ar ba ñōn Moses, Eor ainiken tōrinae ilo kamp eo. 18 Im e ar ba, E jab ainiken ro rej lamij kin anjo, im e jab ainiken ro rej lamij kin air bōk anjo jen ir; a ij roñ ainiken ro rej al. 19 Inem, ke e ar kebake kamp eo, e ar lo kon in kau eo, im lo air eep: im e bwil illu an Moses, im e ar jolok tebel ko jen pein, im e ar rupi ion tol eo. 20 Im e ar bōk kon in kau eo rar kō-

mōnmōne, im e ar tile kin kijeek, im kōprakilkile, im jeor e ion dren eo, im e ar kamakokoik ro rejin Israel bwe ren irak jen e.

21 Im Moses e ar ba ñōn Aron, Ta eo armij rein rar kōmōn ñōn yuk, bwe kwon bōktok ioir jerawiwi elap? 22 Im Aron e ar ba, En jab bwil illu an aō iroi: kwo jela armij rein bwe re tūñtūñ in nana. 23 Kin ke rar ba ñōn iō, Kwon kōmōnmōn ñōn kij anij rōn, ro re naj ilok imarlok; bwe kin Moşes in, armij eo e ar āñintok kij jen enen Ijpt, je jaje eo jakōt. 24 Im I ar ba ñōn ir, jabrewōt iami eor gold iben, en wutik e: ein drein rar letok; im I ar joloke na ilo kijeek, im e ar walok kon in kau in.

25 Im ke Moses e ar lo bwe armij ro re jelomene, (bwe Aron e ar kōtlok ir ñōn kajirere an ro dri kijirāt ir), 26 inem Moses e ar jutōk ilo kejem in kamp eo, im ba, Eo ej rie Jeova, en itok ñōn iba. Inem ro nejin Liviā otemfej rar kweloklok ñōn iben. 27 Im e ar ba ñōn ir, Ein drein an Jeova Anij in Israel ba, Jabrewōt armij en likit an jāji i ibin, im itoitōk jen kejem ñōn kejem ilo kamp eo, im jabrewōt en mōn jein im jātīn, im jeran, im dri turin. 28 Im ro nejin Liviā rar kōmōn ekar ñōn nan in Moses: im rar mij ilo ran eo, e nañin jilu tausan armij. 29 Im Moses e ar ba, Komin kobrōk peimi ñōn Jeova ranin, aet, jabrewōt armij nae nejin im nae jein im jātīn; bwe En lewoj jerammōn ranin.

30 Inem ke ilju, Moses e ar ba ñōn armij rōn, Kom ar kanuij jerawiwi: im kiō I naj wōnliñlok ñōn iben Jeova; bwelen I naj kōmōn kilajrōk kin ami jerawiwi. 31 Im Moses e ar jeblak ñōn iben Jeova, im e ar ba, O, armij rein rar kanuij jerawiwi, im rar kōmōnmōn ñōn ir ¹anij rōn gold. 32 A kiō, elañe Kwoj jolok air bwir; a elañe jab, Kwon jeōrlōk iō, ij akwelap ñōn Yuk, jen buk eo Am Kwar jeje. 33 Im Jeova e ar ba ñōn Moses, Jabrewōt eo e ar jerawiwi nae iō, I naj jeōrlōke jen buk eo Aō. 34 Im kiō,

¹ Dut. 9. 18. ² Dut. 9. 15.

¹ Jap. 20. 33.

kwon ilok, im tellok armij ro ñōn ijo I ar konono ibōm kake: lo, ¹Aō enjel e naj ilok imamlok; ijoke, ilo ran eo ñe Ij lolok, I naj kabuñ ioir jerawiwi eo air. 35 Im Jeova e ar ²mōn armij rōn kin air kōmōnmōn kon in kau, eo Aron e ar kōmōne.

33 Im Jeova e ar ba ñōn Moses, Komin ilok, im wōnliñlok jen ijin, kwe im armij ro kwar āñintok jen enen Ijpt, ñōn eneo I ar kanōjniñ kake ñōn Ebrean, im ñōn Aisak, im ñōn Jakob, im ba, I naj lelok ñōn ineōm: 2 im I naj jilkinlok juōn enjel imam; im I naj lujeljeli ro dri Kenean, dri Amor, im dri Het, im dri Periz, dri Hiv, im dri Jibus jen e: 3 ñōn eneo e bwijlip kin milk im kin hōn-ni: bwe I jamin wōnliñlok i bwiljimi; bwe kom armij e kijñiñi kenwami; ñe I ab kokkure kom ilo ial. 4 Im ke armij ro rar roñjake men kein re nana, rar jōñ: im ejelok armij e ar likit inōkin ion. 5 Im Jeova e ar ba ñōn Moses, Kwon ba ñōn ro nejin Israel, Kom armij e kijñiñi kenwami; elañe Ij wōnliñwoj ilo bwiljimi, jirik wōt ien, I naj kokkure kom: inem kiō komin wutik inōk ko jen kom, bwe In jela ta eo In kōmōn ñōn kom. 6 Im ro nejin Israel rar wutik inōk ko air, jen tol Horeb im itok.

7 Im Moses e kin bōk im nuknuk eo im kajure ilikin kamp eo, etolok jen kamp eo; im e ar naetan, Imōn kwelok. Im jabrewōt eo ej kabukot Jeova e ar drioiñlok ñōn imōn kwelok, eo ej ber ilikin kamp eo. 8 Im ke Moses e ar drioiñlok ñōn imōn kwelok eo, armij otemjej rar jerkak, im jutōk, jabrewōt iair ilo kejem in mwēo imōn, im jujellok ñōn Moses, mae ien an dreloñ iloan Mwēo. 9 Im ke Moses e ar dreloñ iloan Mwēo, jur kōro eo e kin wōnliñtok im berwōt I kejem in Mwēo: im E kin konono iben Moses. 10 Im armij otemjej rar lo an jur kōro eo jutōk i kejem in Mwēo: im armij otemjej rar jerkak im kabuñ, jabrewōt iair, ilo kejem in mwēo imōn. 11 Im Jeova e ar konono ñōn Moses ielmae dron, einwōt armij ej

konono iben jeran. Im e ar bar jeb-lak ñōn kamp eo: a korijeran, Joshua, nejin Nun, juōn likao, e ar jab ilok jen iloan Mwēo.

12 Im Moses e ar ba ñōn Jeova, Lo, Kwoj ba ñōn iō, Kwon āñinliñtok armij rein: im Kwar jab kajelaik iō ¹wōn eo Kwo naj jilkinlok ibalok. A Kwar ba, Ña I jela yuk kin etōm, im kwar lo joij iman meja. 13 Inem, ij kajitōk ibōm, elañe I ar lo joij iman mejōm, Kwon kwalok ñōn iō ial ko Am, bwe in jela kake Kwe, bwe in lo joij iman mejōm: im Kwon kememej bwe ro dri aliñ in rej drom. 14 Inem E ar ba, Ña I naj ilok ibōmlok, im I naj lewoj kakije. 15 Im e ar ba ñōn E, Elañe Kwe kwo jab ilok ibalok, Kwon jab bōkliñlok kim jen ijin. 16 Im kin ta ren maroñ in jela kiō, bwe I ar lo joij iman mejōm, ña im armij ro drom? e jab kin Am ilok ibemlok, bwe kimin jenolok, ña im armij ro drom, jen dri aliñ ko otem-jej rej ber ion mejen lōl ke?

17 Im Jeova e ar ba ñōn Moses, I naj bareinwōt kōmōn men in kwar konono kake; bwe kwar lo joij iman meja, im I jela kajōm kin etōm. 18 Im e ar ba, Ij akwelap ñōn Kwe, Kwon kwalok ñōn iō Am aibujuij. 19 Im E ar ba, I naj kōmōn bwe aolepen Aō wānik en elā iman mejōm, im I naj kwalok etan Jeova imam; im I naj joij ñōn eo I kōñan joij ñōn e, im I naj tiriamokake eo I kōnan tiriamokake. 20 Im E ar ba, Kwo ban lo meja, bwe ²armij re ban lo Iō im mour. 21 Im Jeova e ar ba, Lo, juōn jikin ituriō, im kwo naj jutōk ion dreka eo: 22 im e naj ein drein, ñe Ao aibujuij ej elā, I naj likit yuk ilo juōn roñ ilo dreka eo, im I naj kalibubu yuk kin peiō mae ien emwij Aō elā: 23 im I naj kwotōk peiō, im kwo naj lo elikiō: a kwo jamin lo meja.

34 Im Jeova e ar ba ñōn Moses, Kwon jekjek ñōn yuk ³ruo tebel dreka einwōt ko mokta: im I naj jeje ilo tebel ko, nan ko rar ber ion tebel ko mokta, ko kwar rupi. 2 Im kwon pojōk mae jiboñ, im wōnliñtok

ñe ejiboñ ion tol Sainai, im kwon kwalok yuk ññ Iō ijo, ilo jeban tol eo. 3 Im ejelok armij en woñliñtok ibōm; im ren jab lo jabrewōt armij ilo aolepen tol eo; im bwijin kau ko im bwijin jip ko ren jab mōña iman tol eo. 4 Im e ar jekjek ruo tebel dreka einwōt ko mokta; im Moses e ar jerkak ke ejiboñ wōt, im wōnliñlok ion tol Sainai, einwōt Jeova e ar jiroñ e, im e ar bōk ilo pein, tebel dreka ko ruo. 5 Im Jeova e ar wōnlōtok ilo kōro, im E ar jutōk iben ijo, im E ar kwalok etan Jeova. 6 Im Jeova e ar elā iman mejen, im E ar kwalok men in, Jeova, Jeova, juōn Anij ej tiriamokake, im E joij, e rumij an illu, im elap an tiriamokake im mol; 7 Ej¹kejbārok an tiriamo ññ tausan ko, Ej jeorlok bwir im²jerawiwī jen ro eor rueir: im E²jamin kowānik ro dri nana, a Ej jibel nana an ro jemeir ion ro nejir, im ion ro nejin nejir, ññ ebeben eo ken ka jilu im ken kemen. 8 Im Moses e ar kaiur e, im barikrik ññ lōl, im kabuñ. 9 Im e ar ba, Elañe I ar lo joij iman mejōm, O Iroi, ij kajitōk ibōm, Iroi en ilok ilo bwiljem; bwe kim armij e kijñiñi kenwam; im Kwon jeōrlok amuij bwir im amuij jerawiwī, im Kwon bōk kim Am jolit.

10 Im E ar ba, Lo, Ij kōmōn juōn bujen: iman ro dri ailñ am, I naj kōmōn men in bwilōñ ko, jañin kōmōn einwōt ilo aolepen lōl, ak ilo jabrewōt ailñ; im ro dri ailñ otemjej, kwoj ber iolapir, re naj lo jerbal an Jeova; bwe men in lelñōñ, men eo Ij kōmōne ibemi. 11 Kwon lale men eo Ij jiroñ yuk ranin: Lo, Ij lujeljelilok imami, ro dri Amor, im dri Het, im dri Periz, im dri Hiv, im dri Jibus. 12 Kwon lale mōk, im jab kōmōn bujen iben dri eneo kwoj ilok ññ e, ñe ab juōn jen ilo bwiljōm: 13 a komin jolōlok lokatok ko air, im rupi jur dreka ko air, im juokwi air Ashira, 14 (bwe³kwon jab kabuñ ññ jabrewōt bar anij: bwe Jeova, etan Ekamo, ej Anij e kamo); 15 ñe ab kwoj kōmōn bujen iben ro dri eneo, im rej kōmōn

lūñ im lore anij ro air, im katok ññ anij ro air, im juōn ej kir yuk, im kwoj mōña jen men in katok eo an; 16 im kwoj bōk ro nejir kōra ññ ro nejōm man, im ro nejir kōra rej mijkaiye ññ anij ro air, im rej tel ro nejōm man ilo mijkaiye ññ anij ro air. 17 Kwon jab kōmōnmōn ññ kwe anij ro kin men unlok.

18 Kwon lale kwojkwoj in bred e jab uwe. Iomin jiljilimjuōn ran kwon mōña bred e jab uwe, einwōt I ar jiroñ yuk, ilo¹ien emwij bakajen ilo aliñ Ebib; bwe ilo aliñ Ebib kwar drioiñtok jen Ijip. 19 Ro otemjej rej kabellok loji mokta, rej Aō; im bareinwōt kau ko otemjej am, elañe koman, manjen kau ak jip. 20 Im manjen kiru ass kwon binej jenkwōn kin juōn lam, im elañe kwo jab kōnan binej jenkwōn, kwon ruje kenwan. Kwon binej jenkwōn manji otemjej ro nejōm. Im ejelok en walok imañ im ejelok kwanan.

21 Iomin²jiljino ran kwon jerbal, a ilo ran eo ken ka jiljilimjuōn, kwon kakiye: ilo ien tōblōl, kab ilo ien marmir, kwon kakiye. 22 Im kwon lale kwojkwoj in wik ko, eokwe, eo an jomōkōj in marmir wit, im kwojkwoj in ainitok ilo jemlokōn yiō. 23³Jilu alen ilo juōn yiō, man ro otemjej am ren walok iman Iroi, Jeova, Anij in Israel. 24 Bwe I naj kadrioiñlok ro dri ailñ ko imam, im I naj kalaplok tōreren ko am: im ejelok armij e naj ankwōnak eneo am, ñe kwoj wōnliñlok, in walok iman Jeova am Anij, jilu alen ilo yiō.

25 Kwon jab katok kin bōtōktōkin Aō men in katok iben bred e uwe; im men in katok an kwojkwoj in kijone en jab berwōt ññ jiboñ. 26 Leen mokta an jomōkōj jen eneo am, kwon bōktok ññ imōn Jeova am Anij. Kwon jab kōmāt juōn kon in goat ilo dren in etin in jinen.

27 Im Jeova e ar ba ññ Moses, Kwon jeje nan kein: bwe ekar ññ nan kein, emwij Aō kōmōn bujen ibōm, im iben Israel. 28 Im e ar ber iben Jeova ijo iomin eñoul ran

¹ jap. 20. 5. 6. ² jap. 23. 7. ³ jap. 20. 3. 5.

¹ jap. 12. 2. ² jap. 31. 15. ³ jap. 23. 14-17.

im eñoul boñ; e ar jab mōña bred, ak irak dren. Im e ar jeje ilo tebel ko, nan ko nan in bujen eo, ¹kien ko joñoul.

29 Im ke Moses e ar wōnlōltok jen tol Sainai, im tebel in kennan ko ruo ilo pein Moses, ke e ar wōnlōltok jen tol eo, Moses e ar jaje bwe e jatōltil kilin turin mejen, kin An konono iben. 30 Im ke Aron im ro nejin Israel otemjej rar kalimjek Moses, lo, kilin turin mejen e jatōltil; im ²re leññoñ in kebak ñōn e. 31 Im Moses e ar kir ñōn ir; im Aron im iroi ro otemjej in jar an armij rōn rar jeblak ñōn iben: im Moses e ar konono ibeir. 32 Im tokelik aolepen ro nejin Israel rar druaktok: im e ar lelok ñōn ir kin kaiñi, nan otemjej Jeova e ar konono iben ion tol Sainai. 33 Im ke Moses e ar kamwijlok an konono ibeir, e ar likit veil ion turin mejen. 34 A ke Moses e ar dreloñlok ilo imōn Jeova, bwe en konono iben, e ar wutik veil eo, mae ien e ar drioijtok; im e ar drioijtok im konono ñōn ro nejin Israel men ko emwij jiroñ e. 35 Im ro nejin Israel rar lo turin mejen Moses, bwe e jatōltil kilin turin mejen; im Moses e ar bar likit veil ion turin mejen, mae ien an dreloñ in konono iben.

35 Im Moses e ar kokweloktok aolepen jar an ro nejin Israel, im e ar ba ñōn ir, Nan kein nan ko Jeova e ar kaiñi, bwe komin kōmōni. 2 Iomin jiljino ran komin jerbal; a ilo ran eo ken ka jiljilimjuōn, e naj ñōn kom ran e kwojarjar, juōn Sabat in kakije ñōn Jeova: jabrewōt eo ej kōmōn jabrewōt jerbal ilo ran eo, en mij. 3 Komin jab kejo kijeek ilo moko imwemi ilo ran in Sabat.

4 Im Moses e ar ³konono ñōn aolepen jar an ro nejin Israel, im ba, Eñin men eo Jeova e ar kaiñi, im ba, 5 Komin bōk jen ibemi jurtak ñōn Jeova; jabrewōt eo e mōnōnō buruen, en bōktok men in letok ñōn Jeova: gold, im silver, im jinibōrōrō, 6 im blu, im eoij, im kilmir, im linen kworairik, im kolan goat, 7 im kilin jip koman em-

kij kakilmiri, im kilin raj, im ken wijki akesia, 8 im oil ñōn maram eo, im spais ko ñōn oil in kabit, im ñōn kaijurjur eñōj, 9 im dreka onix, im dreka ñōn loñwe na jikin, ñōn epod eo, im ñōn dribil eo.

10 Im jabrewōt armij ibemi e metletlet buruen, en itok im kōmōnmōn men otemjej Jeova e ar kaiñi: 11 imōn kabere eo, im nuknuk eo an, kab men in kalibubu e, robōkā ko an, rā ko an, alal ko an, jur ko an, im batilemeir; 12 dipdip eo, im ine ko an, im jikin tiriamo eo, im rōñel nuknuk eo; 13 tebel eo, im ine ko an, im jābi ko otemjej an, im bred in kalikar; 14 jikin lamp eo bareinwōt ñōn maram eo, im jābi ko an, im lamp ko an, im oil ñōn maram eo; 15 im lokatok in kaijurjur, im ine ko an, im oil in kabit, im kaijurjur eñōj, im jelitōk nuknuk ñōn aur ilo kejem in imōn kabere; 16 lokatok in katok kijeek, im iben taul jinibōrōrō eo an, ine ko an, im jābi otemjej an, jābi in amin, im neen; 17 jelitōk ko ñōn worwor, jur ko an, im batilemeir, im jelitōk nuknuk ñōn kejem in worwor; 18 drumij ko an imōn kabere, im drumij ko an worwor, im to ko air; 19 nuknuk ko emōn ejir ñōn korijer iloan jikin e kwojarjar, nuknuk ko re kwojarjar ñōn Aron pris, im nuknuk ko an lōmaro nejin, bwe ren korijer kake ilo jerbal an pris.

20 Im aolepen jar an ro nejin Israel rar drioijlok jen iman Moses. 21 Im rar itok, jabrewōt iair ejelok kōtellok i buruen, im jabrewōt jitōb eo an e ar kamōkite, im rar bōktok air men in lelok ñōn Jeova, ñōn kōmōnmōn imōn kwelok eo, im ñōn jerbal otemjej an, im ñōn nuknuk ko re kwojarjar. 22 Im rar itok, man im kōra, ro otemjej e mōnōnō burueir, im bōktok pin ko, im drere ko, luko ñōn sil, im luko in kōbkōb in pā, aolepeir inōk gold; aet, jabrewōt armij e ar lelok jurtak ko ñōn Jeova. 23 Im armij otemjej, eor an blu, im eoij, im kilmir, im linen kworairik, im kolan goat, im kilin jip koman emwij kakilmire, im kilin raj ko. rar bōktok.

24 Ir otemjej rar lelok men in lelok silver im jinibōrōrō, rar bōktok jur-tak an Jeova; im armij otemjej eor an ken wijki akesia nōn jabrewōt jerbal in korijer, rar bōktok. 25 Im kōra otemjej e meletlet burueir, rar irap kin peir, im bōktok men ko em-wij irapi, blu, im eoij, im kilmir, im linen kworairik. 26 Im kōra otem-jej burueir rar kamōkit ir ilo melet-let, rar irap kolan goat. 27 Im iroi-j ro rar bōktok dreka onix, im dreka nōn loñwe na jikin, nōn epod eo, im nōn dribil eo; 28 im spais, im oil; nōn maram, im nōn oil in kabit, im nōn kaijurjur eñōj. 29 Ro nejin Israel rar bōktok jurtak in mōnōnō nōn Jeova; jabrewōt, man im kōra, ejelok kōtellok ibeir, bwe ren bōktok nōn jerbal otemjej Jeova e ar jiroñ bwe ren kōmōn kin Moses.

30 Im Moses e ar ¹ba nōn ro nejin Israel, Komin lale, Jeova e ar kir kin etan, Bizalel, nejin Urai, nejin Hur, jen bwijin Juda; 31 im E ar kobrōk e kin Jitōb ōn Anij, ilo meletlet, im ilo jelalokjen, im ilo lolātāt, im ilo wāwen kōmōnmōn otemjej; 32 im bwe en kine men in mejerik, im bwe en jerbal ilo gold, im ilo silver, im ilo jinibōrōrō, 33 im ilo bukwe dreka ko nōn loñwe na jikin, im ilo jekjek wij-ki, im jerbal ilo jabrewōt wāwen kō-mōn e mejerik. 34 Im E ar likit ilo buruen bwe en katakin armij, e im Oholiab, nejin Ahisamak, jen bwijin Dan. 35 E ar kobrōk irro kin melet-let in buru, bwe ren kōmōn jabrewōt wāwen men in kōmōnmōn, an dri jeje ilo dreka, im an dri kōmōnmōn e me-jerik, im an dri tiltil, ilo blu, im eoij, im kilmir, im ilo linen kworairik, aet, an ro rej kōmōn jabrewōt men in kō-mōnmōn, im an ro rej kine men in

36 kōmōn ko re mejerik. 1 Im Bizalel im Oholiab ren jerbal, im armij otemjej re meletlet, ro Jeova e ar likit ibeir meletlet im jelalokjen, bwe ren jela ekijkan kōmōn men in kō-mōn otemjej, nōn jerbal an jikin kwo-jarjar, ekar nōn men otemjej Jeova e ar kaiñi.

2 Im Moses e ar kirtok Bizalel im Oholiab, im armij otemjej re meletlet ibeir, ro Jeova e ar likit meletlet ilo burueir, aet, jabrewōt eo ejelok kōtellok i buruen, bwe en itok nōn jerbal eo im kōmōne: 3 im rar bōk-jen Moses aolepen men in lelok eo ro nejin Israel rar bōktok nōn kōmōn-mōn jerbal an jikin e kwojarjar, bwe ren kōmōne. Im rar bōktok wōt nōn iben, jurtak ko in mōnōnō jiboñōn otemjej. 4 Im armij otemjej re meletlet, ro rar kōmōnmōn jerbal otem-jej an mweo e kwojarjar, jabrewōt iair e ar itok jen jerbal eo e ar kō-mōne; 5 im rar konono nōn Moses im ba, ¹Elap an armij bōktok, im elōñ bwen kōmōn jerbal, eo Jeova e ar ji-roñ bwe jen kōmōne. 6 Im Moses e ar kaiñi, im rar kwalok nan eo ilujen kamp eo, im ba, Ejelok man ak kōra en kōmōn jabrewōt bar jet jerbal an men in lelok nōn imōn kwojarjar eo. Ein drein rar bōprae armij ro jen air bōktok. 7 Bwe men ko ibeir re bwe nōn jerbal otemjej in kōmōne, im elaplok.

8 Im ²jabrewōt armij e meletlet ian ro rar kōmōn jerbal eo, e ar kō-mōnmōn imōn kabere eo kin joñoul baken nuknuk; jen linen kworairik, im blu, im eoij, im kilmir, im kin ke-rub ko, jerbal an dri mejerik, Bizalel e ar kōmōni. 9 Aitokōn jabrewōt baken, roñoul drualitōk kubit, im dril-pen jabrewōt baken, emen kubit: juōn wōt joñon baken otemjej. 10 Im e ar kobaik lailim baken na i jirik: im baken ko lailim na i jirik. 11 Im e ar kōmōn top ko blu ilo tōrenen baken eo i jemlokōn ketak eo: ein drein e ar kōmōnmōn ilo tōrenen ba-ken eo iman, ilo ketak eo ken ka ruo. 12 E ar kōmōn limñoul top ilo juōn baken, im limñoul top e ar kōmōni ilo tōrenen baken eo i ketak eo ken ka ruo: top ko rar kajek dron. 13 Im e ar kōmōnmōn limñoul robōkā gold, im kobaik baken ko nōn dron kin robōkā ko: ein drein imōn kabere eo eyu.

14 Im e ar kōmōn baken nuknuk

ko jen kolan goat, ñõn im nuknuk ion imõn kabere eo: e ar kômõn joñoul juõn baken. 15 Aitokõn jabrewõt baken nuknuk, jilñoul kubit, im drilpen jabrewõt baken, emen kubit: joñair wõt juõn baken ko joñoul juõn. 16 Im e ar kobaik lailim baken na i jirik, im jiljino baken na i jirik. 17 Im e ar kômõn limñoul top ilo tõren baken eo ilik ilo ketak, im e ar kômõn limñoul top ilo tõren baken eo iman ilo ketakin ken ka ruo. 18 Im e ar kômõn limñoul robõkã jini-bõrõrõ, ken kobaik im nuknuk eo bwe en juõn wõt. 19 Im e ar kômõn ken kalibubu ñõn im nuknuk eo, jen kilin jip koman emwij kakilmiri, im ken kalibubu ilõñ jen kilin raj.

20 Im e ar kômõn ¹rã ko ñõn imõn kabere eo jen wijki akesia, im kajuri. 21 Aitokõn juõn rã, joñoul kubit, im juõn im jibilkwon kubit drilpen jabrewõt rã. 22 Ilo jabrewõt rã ruo tiõk, ken kobaik juõn ñõn bar juõn: ein drein an kômõnmõn rã ko otemjej an imõn kabere eo. 23 Im e ar kômõn rã ko ñõn imõn kabere eo: roñoul rã ñõn turin irõk; 24 im e ar kômõn eñoul batilemen silver, iomin rã ko roñoul; ruo batilemen iomin juõn rã ñõn tiõk ko ruo an, im ruo batilemen iomin bar juõn rã, ñõn tiõk ko ruo an. 25 Im ñõn turin imõn kabere eañ, e ar kômõn roñoul rã, 26 im batilemen ko air eñoul, silver; ruo batilemen iomin juõn rã, im ruo batilemen iomin bar juõn rã. 27 Im ñõn môtõn imõn kabere eo ilik i kabilũñ, e ar kômõn jiljilno rã. 28 Im e ar kômõn ruo rã ñõn bõul ko an imõn kabere eo ilikin. 29 Im e ar ruo alen ilõl, im ein drein ñõn lõñ, ñõn juõn apo; ein drein e ar kômõn ñõn bõul ko ruo. 30 Im e ar dualitõk rã, im batilemen ko air silver, joñoul jiljino batilemen: iomin jabrewõt rã, ruo batilemen.

31 Im e ar kômõn alal ko jen wijki akesia; lailim ñõn rã ko an kejan imõn kabere eo ijen, 32 im lailim alal ñõn rã ko an kejan imõn kabere eo ijen, im lailim alal ñõn rã ko ilo mō-

tõn imõn kabere eo i kabilũñ. 33 Im e ar kômõn alal eo iolapir bwe en ber ilukwon rã ko, jen juõn jabõn ñõn jabõn eo juõn. 34 Im e ar nakilin rã ko kin gold, im e ar kômõn apo ko air, jikin alal ko, jen gold, im e ar nakilin alal ko kin gold.

35 Im e ar kômõn ¹rõñel nuknuk eo jen blu, im eoij, im kilmir, im linen kworairik: e ar kaibujuij e kin kerub ko, jerbal an dri mejerik. 36 Im e ar kômõn ñõn e, emen jur akesia, im nakilir kin gold; im kãj ko air gold; im e ar kaunlok ñõn ir emen batilemen silver. 37 Im e ar kômõn jelitõk nuknuk ñõn kejem in im nuknuk eo, jen blu, im eoij, im kilmir, im linen kworairik, jerbal an dri tiltil; 38 im jur ko an lailim im kãj ko air: im e ar nakilin jur ko kin gold; im batilemen ko air lailim, jini-bõrõrõ.

37 Im Bizalel e ar kômõn ²dipdip eo jen wijki akesia: aitokõn ruo kubit im jibilkwon, im drilpen juõn im jibilkwon kubit, im utiejen juõn im jibilkwon kubit. 2 Im e ar nakilin kin gold erre, iloan im ilikin, im kômõn ñõn e labuñlañ gold. 3 Im e ar kaunlok ñõn e emen torebõk gold, ilo ne ko emen; ruo torebõk i kejan ijen im ijen. 4 Im e ar kômõn ine jen wijki akesia, im nakilir kin gold. 5 Im e ar tõli ine ko ilo torebõk ko, ilo kejan dipdip eo ijen im ijen, bwe ren inek e kake. 6 Im e ar kômõn jikin tiriamo jen gold erre; aitokõn ruo im jibilkwon kubit, im drilpen juõn im jibilkwon kubit. 7 Im e ar kômõn ruo kerub jen gold; jen gold emwij nowe, e ar kômõni, ilo jabõn ko ruo jabõn jikin tiriamo; 8 juõn kerub ilo juõn jabõn, im juõn kerub i jabõn e juõn: e ar kômõn kerub ko ruo i jabõn ko ruo jabõn jikin tiriamo im rej môtõn wõt jikin tiriamo. 9 Im kerub ko rar erlokwe peir ilõñ, im kalur jikin tiriamo kin peir, im turin mejeir rar jelmae dron; turin mejeir rej jujeltok ñõn jikin tiriamo.

10 Im e ar kômõn ³tebel eo jen wijki akesia: aitokõn ruo kubit, im

¹ jap. 26. 15-29.

¹ jap. 26. 31-37. ² jap. 25. 10-20. ³ jap. 25. 23-29.

drilpen juōn kubit, im utiejen juōn im jibilkwon kubit. 11 Im e ar nakilin kin gold erreo, im e ar kōmōn ñōn e juōn labuñlañ gold i belakin. 12 Im e ar kōmōn ñōn e bwā drilpen pā, i belakin, im e ar kōmōn labuñlañ gold ñōn tōreren, eo ej kabol e. 13 Im e ar kaunlok ñōn e emen torebōk gold, im e ar likit torebōk ko ilo bōul ko emen rar ber ion ne ko emen. 14 Torebōk ko rebake tōreren, jikin alal ko rej inek tebel eo kake. 15 Im e ar kōmōn ine ko jen wijki akesia, im nakilir kin gold, bwe ren inek tebel eo kake. 16 Im e ar kōmōn jābi ko rej ber ion tebel eo, plet ko an, jibun ko an, im kōp ko an, im bōkā ko an relap rej lutōk jeni, jen gold erreo.

17 Im e ar kōmōn ¹jikin lamp jen gold erreo: jen gold nowe e ar kōmōn jikin lamp eo, loñtōn im jurōn; kōp ko an, bōkā ko an, im inōk ko an, rej mōtōn wōt juōn. 18 Im jiljino mweñōn rar ilok jen katin ko; jilu mweñōn jikin lamp eo ilo juōn katin, im jilu mweñōn jikin lamp eo jen katin eo juōn: 19 jilu kōp kōmōn einwōt inōkin amond ilo juōn mweñōn, juōn bōkā im juōn inōk: im jilu kōp kōmōni einwōt inōkin amond ilo mweñōn eo juōn, juōn bōkā im juōn inōk: ein drein ñōn mweñōn jiljino rej ilok jen jikin lamp eo. 20 Im ilo jikin lamp eo, emen kōp kōmōni einwōt inōkin amond, bōkā ko an im inōk ko an; 21 im juōn bōkā iomin ruo mweñōn, im mōtōn wōt juōn, im juōn bōkā iomin ruo mweñōn im mōtōn wōt juōn, im juōn bōkā iomin ruo mweñōn im mōtōn wōt juōn, ñōn mweñōn ko jiljino rej ilok jen e. 22 Bōkā ko air im mweñōn ko air rej mōtōn wōt juōn: aolepen juōn wōt men in kōmōn jen gold erreo emwij nowe. 23 Im e ar kōmōn lamp ko an, jiljilimjuōn, im ken jojen melle ko an, im nien melkwararin, jen gold erreo. 24 Jen juōn talent gold erreo, e ar kōmōne, im jābi ko otemjej an.

25 Im e ar kōmōn ²lokato in kaijurjur jen wijki akesia: aitokōn juōn kubit, im drilpen juōn kubit, aitokōn

im drilpen wōt juōn; im utiejen ruo kubit; drun ko an rej mōtōn wōt. 26 Im e ar nakilin kin gold erreo, ion, im turin ko an i belakin, im drun ko an: im e ar kōmōn ñōn e lubuñlañ jen gold erreo, i belakin. 27 Im e ar kōmōn ñōn e ruo torebōk gold iomin labuñlañ eo, i kejan ijen im ijen, jikin alal ko rej inek e kake. 28 Im e ar kōmōn ine ko jen wijki akesia, im nakilir kin gold. 29 Im e ar kōmōn oil in kabit e kwojarjar, im kaijurjur eo jen spais re tōñōl, ekar ñōn melelet an dri kabel kin men ko reñōj.

38 Im e ar kōmōn ¹lokato in kaitok kijeek jen wijki akesia: aitokōn lailim kubit, im drilpen lailim kubit, aitokōn im drilpen wōt juōn; im utiejen jilu kubit. 2 Im e ar kōmōn drun ko an ilo bōul ko emen; drun ko mōtōn wōt juōn iben: im e ar nakilin kin jinibōrōrō. 3 Im e ar kōmōnmōn jābi ko otemjej an lokatok eo, pot ko, im shovel ko, kōp ko, kāj ko jabōn pi ken katue kōniek, im jābi ko nien kōniek: jābi ko otemjej e ar kōmōni jen jinibōrōrō. 4 Im e ar kōmōn ñōn lokatok eo taul, kōmōne einwōt ok, jen jinibōrōrō, iomin labuñlañ eo ej kabole, ilōl, im ej tōbar lukwōn. 5 Im e ar kaunlok emen torebōk ñōn bōul ko emen, jikin ine ko. 6 Im e ar kōmōn ine ko jen wijki akesia, im nakilir kin jinibōrōrō. 7 Im e ar tōli alal ko ilo torebōk ko i kejan lokatok eo ijen im ijen, bwe ren inek e kake; e ar kōmōne kin rā ko im eor loan.

8 Im e ar kōmōn ²jābi in amin jen jinibōrōrō, kabneen, jen kapjur ko an kōra ro dri korijer, rej jerbal i kejem in imōn kwelok eo.

9 Im e ar kōmōn ³worwor eo: jelitōk nuknuk an worwor irōk, jen linen kworairik, jibuki kubit; 10 jur ko an roñoul, im batilemen ko air roñoul, jen jinibōrōrō; kāj in jur im kworōk ko air, jen silver. 11 Im ñōn eañ jibuki kubit, jur ko an roñoul, im batilemen ko air roñoul, jen jinibōrōrō; kāj in jur ko, im kworōk ko air jen

silver. 12 Im ñôn kabilũñ jelitõk nuknuk ko, limñoul kubit, jur ko an joñoul, im batilemen ko air joñoul; kãj in jur ko, im kworõk ko air jen silver. 13 Im i rear limñoul kubit. 14 Jelitõk nuknuk iuñin kejem, joñoul lailim kubit; jur ko an jilu, batilemen ko air jilu; 15 im ein drein irõkin kejem eo: i anbijmaroñõn im i anmiñin kejem in worwor, jelitõk nuknuk joñoul lailim kubit; jur ko air jilu, im batilemen ko air jilu. 16 Jelitõk nuknuk otemjej an worwor eo, linen kworairik. 17 Im batilemen ko an jur ko jinibõrõrõ; kãj ko air im kworõk ko air, silver; im e ar nakilin eoñolok ko air ilõñ kin silver; im e ar kõmõn ñõn jur ko otemjej an worwor eo, kworõk silver. 18 Im jelitõk nuknuk an kejem in worwor, jerbal an dri tiltil, blu, im eoij, im kilmir, im linen kworairik: im aitokõn roñoul kubit, im utiejen ilo baken lailim kubit, ekar ñõn jelitõk nuknuk an worwor eo. 19 Im jur ko air emen, im batilemen ko air emen, jen jinibõrõrõ; kãj ko air silver, im men in nakilin eoñolok ko air ilõñ, im kworõk ko air, silver. 20 Im drumij ko otemjej an imõn kabèr im an worwor eo, jinibõrõrõ.

21 Eñin oran men ko ñõn imõn kabèr eo, aet imõn kabèr in kennan, einwõt rar bwini, ekar ñõn kien Moses, ñõn jerbal an ro dri Livai, kin pein Itamar, nejin Aron, pris eo. 22 Im Bizalel, nejin Urai, nejin Hur, jen bwijin Juda, e ar kõmõn men otemjej Anij e ar jiroñ Moses kaki. 23 Im iben, Oholiab, nejin Ahisamak, jen bwijin Dan, dri jekjek, im dri jerbal e mejerik, im dri tiltil ilo blu, im ilo eoij, im ilo kilmir, im ilo linen kworairik.

24 Aolepen gold eo rar kõmõn kake ilo jerbal eo, jerbal otemjej in imõn kwojarjar, aet, gold in lelok, roñoul druatiimuñõn talent, kab jiljilimuñõn buki jilñoul shekel, ekar ñõn shekel in imõn kwojarjar. 25 Im silver jen ro emwij bwini ir jen jar an armij rõn, jibuki talent, im juõn tausan jiljilimuñõn buki jiljilimuñõnñoul lai-

lim shekel, ekar ñõn shekel in imõn kwojarjar: 26 juõn beka, ñõn juõn bõr, eñin jibilkwon shekel, ekar ñõn shekel in imõn kwojarjar, jen jabrewõt e ar elã ñõn iben ro emwij bwini ir, ridtõn roñoul yiõ im jima, jen jiljino buki jilu tausan limabuki limñoul man. 27 Im jibuki talent silver re kar ñõn kaunlok batilemen ko in imõn kwojarjar eo, im batilemen ko an rõñel nuknuk eo; jibuki batilemen jen jibuki talent, juõn talent ñõn juõn batilemen. 28 Im jen juõn tausan jiljilimuñõn buki jiljilimuñõnñoul lailim shekel, e ar kõmõn kãj ñõn jur ko, im e ar nakilin eoñolok ko ilõñ, im kõmõn kworõk ko ñõni. 29 Im jinibõrõrõ in jurtak eo, jiljilimuñõnñoul talent, im ruo tausan ãbuki shekel. 30 Im e ar kõmõn jene, batilemen ko ñõn aur in imõn kwelok eo, im lokatok jinibõrõrõ eo, im taul ñõn e, im jãbi otemjej an lokatok eo, 31 im batilemen ko an worwor iturin, im batilemen ko an aur im worwor eo, in drumij ko otemjej an imõn kabèr eo, in drumij otemjej an worwor i belakin.

39 Im jen blu eo, im eoij eo, im kilmir eo, rar kõmõn nuknuk ko emõn ejir ñõn jerbal ilo jikin e kwojarjar, im rar kõmõn nuknuk ko re kwojarjar ñõn Aron; einwõt Jeova e ar jiroñ Moses.

2 Im e ar kõmõn ¹epod eo jen gold, im blu, im eoij, im kilmir, im linen kworairik. 3 Im rar nowe gold ñõn plet ko re meni, im bukwe na iren, im kãre ilo blu, im eoij, im kilmir, im linen kworairik, jerbal an dri ej e mejerik. 4 Rar kõmõn kõmõlmõl ñõn e, emwij kobaik e; ilo jabõn ko ruo rar kobaiki. 5 Im kõñõr eo, dri mejerik e ar eje, e ar ber ion, ken drebije, ej mõtõn wõt, im wãwen wõt air kõmõne jen gold, im blu, im eoij, im kilmir, im linen kworairik; einwõt Jeova e ar jiroñ Moses.

6 Im rar nawãwen dreka onix ko, im karõki ilo batilemen gold, emwij bukwi im jeje einwõt dreka in sil, ekar ñõn etan ro nejin Israel. 7 Im e ar

likiti ilo kōmōlmōl ko an epod eo, bwe ren dreka in kakememej nōn ro nejin Israel; einwōt Jeova e ar jiroñ Moses.

8 Im e ar kōmōn ¹dribil eo, jermal an dri kōmōn e mejerik, einwōt kōmōn an epod eo; jen gold, im blu, im eoij, im kilmir, im linen kworairik. 9 E kar aitokōn im drilpen wōt juōn; rar kalen ruo dribil eo: juōn jetōñ aitokōn, im juōn jetōñ drilpen, ruo alen. 10 Im rar loñwe na jikir emen lajrōk in dreka. Juōn lajrōk in sardiōs, topaz, im karbunkel, lajrōk eo mokta; 11 im lajrōk eo ken ka ruo, emerald, saffair, im diamond; 12 lajrōk eo ken ka jilu, jesint, aget, im ametist; 13 im lajrōk eo ken kemen, beril, onix, im jasper: rar loñwe na jikir ilo gold. 14 Im dreka ko rekar nōn etan ro nejin Israel, joñoul ruo, ekar nōn etair; einwōt jeje in men in sil, jabrewōt iair ekar nōn etan, nōn bwij ko joñoul ruo. 15 Im rar kōmōn ilo dribil eo, to ninir einwōt ekwol, jermal in iñiñ gold erre. 16 Im rar kōmōn ruo nien gold, im ruo lukogold, im rar likit lukogold ko ilo jabōn ko ruo ilo dribil eo. 17 Im rar likit to ninir ko ruo gold, ilo lukogold ko ruo ilo jabōn dribil eo. 18 Im jabōn ko jet ruo, jabōn to ko ruo, rar likiti ilo nien ko ruo, im likiti ilo kōmōlmōl ko an epod eo, iman. 19 Im rar kōmōn ruo lukogold, im likiti ilo ruo jabōn dribil eo, ilo tōreren mōtōn eo iloa iturin epod eo. 20 Im rar kōmōn ruo lukogold, im likiti ilo kōmōlmōl ko ruo an epod, iomin im iman, ebak ketak in kōñōr eo emōn ejin, an epod eo. 21 Im rar lukwoj dribil eo kin lukogold ko an, nōn lukogold ko an epod eo, kin to blu, bwe en ber iomin kōñōr eo emōn ejin an epod eo, im bwe ren jab jelate dribil eo jen epod eo; einwōt Jeova e ar jiroñ Moses.

22 Im e ar kōmōn ²liboror in epod eo kin jermal in ej, blu wōt; 23 im roñ ilo kobe eo iolapin, einwōt roñ ilo ken tōrak ubōn, im juōn meju, ken kabin tōreren roñ eo bwe en jab beotōk. 24 Im rar kōmōn ilo lukogold ko

kobe eo, pomgranet ko blu, im eoij, im kilmir, im linen kworairik. 25 Im rar kōmōn bel ko jen gold erre, im likit bel ko ikōtan pomgranet ko, ilo lukogold ko kobe eo, ikōtan pomgranet ko; 26 juōn bel im juōn pomgranet, juōn bel im juōn pomgranet, ilo lukogold ko kobe eo, nuknuk in korijer; kōmōne einwōt Jeova e ar jiroñ Moses.

27 Im rar kōmōn ¹kobe ko jen linen kworairik nōn Aron im lōmaro nejin, 28 im libo eo jen linen kworairik, im rojenbōr ko re wōlio jen linen kworairik, im traujej ko jen linen kworairik, 29 im kōñōr eo jen linen kworairik, im blu, im eoij, im kilmir, jermal an dri tilti; einwōt Jeova e ar jiroñ Moses.

30 Im rar kōmōn ²plet an bokrōnat eo e kwojarjar, jen gold erre, im bukwe ion einwōt men in jeje ilo ken sil, E KWOJARJAR NŌN JEOVA. 31 Im rar lukwoj iben, to blu, bwe en kabin kake ion libo eo iloñ; einwōt Jeova e ar jiroñ Moses.

32 Ein drein emwij kōmōn aolepen jermal an imōn kwelok eo: im ro nejin Israel rar kōmōn ekar nōn men otemjej Jeova e ar jiroñ Moses, ein drein air kōmōn. 33 Im rar bōktok nōn iben Moses, Mwēo, imōn kabero eo, im aolepen kabwebwen mwēo, kāj ko an, rā ko an, jur ko an, im batilemen ko an; 34 im ken kalibubu ko kilin jip koman emwij kakilmiri, im ken kalibubu kil ko kilin raj, im rōñel eo ken binej; 35 im dipdip in kennan, im ine ko an, im jikin tiriamo eo; 36 tebel eo, jābi ko an otemjej, im bred in kalikar; 37 jikin lamp eo erre, lamp ko an, aet, lamp ko in kilajrōk, im jābi ko an otemjej, im oil nōn maram; 38 im lokatok gold eo, im oil in kabit, im kaijurjur eñōj, im jelitōk nuknuk in aur in Mwēo; 39 im lokatok jinibōrōrō, im taul eo an jinibōrōrō, alal ko an, im jābi ko an otemjej, jābi in amin elap im neen; 40 jelitōk nuknuk in worwor eo, jur ko an, batilemen ko an, im jelitōk nuknuk nōn kejem in worwor, to ko an, im drumij ko an, im ken jermal

otemjej in korijer kake ilo imōn kab-
ber, nōn imōn kwelok eo; **41** nuknuk
ko emōn ejir nōn korijer ilo jikin e
kwojarjar, im nuknuk ko re kwojar-
jar nōn Aron, pris eo, im nuknuk ko
an lōmaro, nejin nōn jerbal an pris.
42 Ekar nōn aolepen men ko Jeova e
ar jiroñ Moses, ein drein ro nejin Is-
rael rar kōmōn aolepen jerbal eo. **43**
Im Moses e ar lale aolepen jerbal eo,
im lo, rar kōmōn ein drein; einwōt
Jeova e ar kaiñi, ein drein air kō-
mōne: im Moses e ar jare ir.

40 Im Jeova e ar konono nōn Mo-
ses, im ba, **2** Ilo ran eo mokta
ilo aliñ eo mokta, kwon kajutōk imōn
kaber eo in imōn kwelok. **3** Im
kwon likit iloan, dipdip in kennan eo,
im kwon binej dipdip eo kin rōñel
nuknuk eo. **4** Im kwon bōktok iloan,
tebel eo, im kilajrōk men ko ion; im
kwon bōktok iloan, jikin lamp, im tili
lamp ko an. **5** Im kwon likit lokatok
gold eo iman dipdip in kennan, im likit
jelitōk nuknuk ilo kejem in imōn
kaber eo. **6** Im kwon likit lokatok
in katok kijeek iman aur in imōn ka-
ber in imōn kwelok eo. **7** Im kwon
likit jābi in amin ikōtan imōn kwelok
im lokatok eo, im likit dren iloan. **8**
Im kwon kajutōk worwor eo iturin,
im totoik jelitōk nuknuk an kejem im
worwor. **9** Im kwon bōk oil in kabit,
im kabit kake imōn kabber, im men
ko otemjej iloan, im kokwojarjari,
im jābi ko otemjej an: inem e naj
kwojarjar. **10** Im kwon kabit loka-
tok in katok kijeek, im aolepen jābi
ko an, im kokwojarjar lokatok eo,
im lokatok eo e naj kwojarjar otem
kwojarjar. **11** Im kwon kabit jābi
in amin kab neen, im kokwojarjare.
12 Im kwon āñintok Aron im lōmaro
nejin nōn kejem in imōn kwelok eo;
im katutu ir kin dren. **13** Im kwon
likit ion Aron nuknuk ko re kwojar-
jar; im kwon kabit e, im kokwojarjar
e, bwe en korijer nōn Iō ilo jerbal an
pris. **14** Im kwon āñintok lōmaro
nejin, im kwon nabalir kin kobe ko;
15 im kwon kabit ir, einwōt am kar
kabit jemeir, bwe ren korijer nōn Iō
ilo jerbal an pris: im kabit eo air e

naj nōn ir jerbal in pris ilo aole-
pen ebeben ko air. **16** Ein drein
an Moses kōmōn: ekar nōn men
otemjej Jeova e ar kaiñi, ein drein
an kōmōne.

17 Im ilo aliñ eo mokta, ilo yiō eo
ken ka ruo, ran eo mokta ilo aliñ eo,
rar kajutōk imōn kabber eo. **18** Im
Moses e ar kajutōk imōn kabber eo,
im likit batilemen ko an, im kajutōk
rā ko an, im tōli alal ko an, im kaju-
tōk jur ko an. **19** Im e ar erlokwe
im nuknuk eo ilōñin imōn kabber eo,
im likit ken kalibubu im nuknuk eo
ion: einwōt Jeova e ar jiroñ Moses.
20 Im e ar bōk men in kennan eo im
likit e ilo dipdip eo, im tōli ine ko ilo
dipdip eo, im likit jikin tiriamo ion
dipdip eo: **21** im e ar bōktok dipdip
eo iloan imōn kabber eo, im e ar totoik
rōñel nuknuk eo, im binej dipdip in
kennan; einwōt Jeova e ar jiroñ
Moses. **22** Im e ar likit tebel eo
iloan imōn kwelok eo, tuiñ ilo imōn
kaber, iman rōñel nuknuk eo. **23** Im
e ar kilajrōk bred eo ion, iman Jeova,
einwōt Jeova e ar jiroñ Moses. **24**
Im e ar likit jikin lamp eo iloan imōn
kwelok eo, ikijen tebel eo, tuiñ ilo
imōn kabber eo. **25** Im e ar tili lamp
ko iman Jeova; einwōt Jeova e ar
jiroñ Moses. **26** Im e ar likit loka-
tok gold iloan imōn kwelok eo, iman
rōñel nuknuk eo: **27** im e ar tili ion,
kaijurjur in spais ko reñōj; einwōt
Jeova e ar jiroñ Moses. **28** Im e ar
totoik jelitōk eo ilo kejem in imōn
kaber eo. **29** Im e ar likit lokatok
in katok kijeek iturin kejem in imōn
kaber an imōn kwelok eo, im e ar
katok ion kin men in katok kijeek,
im men in jurtak flauo; einwōt Jeova
e ar jiroñ Moses. **30** Im e ar likit
jābi in amin ikōtan imōn kabber eo im
lokatok eo, im likit dren iloan, bwe
ren amin kake. **31** Im Moses im
Aron, im lōmaro nejin, re kin amin
peir im neir ie; **32** ke rar dreloñ
iloan imōn kwelok eo, im ke rar ke-
baktok lokatok eo, rar mōke amin ir;
einwōt Jeova e ar jiroñ Moses. **33**
Im e ar kajutōk worwor eo iturin
imōn kabber im lokatok eo, im totoik

jelitōk eo ilo kejem in worwor eo. Ein drein Moses e ar kamwijlok jermal eo.

34 Inem ¹kōro eo e ar kalibubu imōn kwelok eo, im aibujuij an Jeova e ar kobrōk imōn kabere. 35 Im Moses e ban dreloñ iloan imōn kwelok eo, kin ke kōro eo e ar ber ion, im aibujuij an Jeova e ar kobrōk

imōn kabere eo. 36 Im ke e belliñlok kōro eo jen imōn kabere eo, ro nejin Israel rar wōnmanlok ilo ial ko air otemjej: 37 a elañe e jañin belliñlok kōro eo, inem rar jab etal mae ran eo e belliñlok. 38 Bwe kōro eo an Jeova e ar ber ion imōn kabere ilo ran, im eor kijeek ie ilo boñ, ilo mejen aolepen imōn Israel, ilo etetal ko air otemjej.

¹ Bwin. 9. 15-23.